



Handm. I 41

Est Conventus Viennensis F. F. Eremiti S. S. Augustini.

BEDIK

954



1. In the first place, the
the first of the year, the
the first of the year, the
the first of the year, the

page,
our



In terris Me fVLcra DVo VIRiVte tenebVnt:
 Væ VIRiVte DeVs fVLciat oMniPotens.

Dom: Rosseti fec: Venet:



1711

1711

چهارستون

CEHIL SVTVN,

S E U

Explicatio utriusque celeberrimi, ac pretiosissimi
THEATRI QUADRAGINTA COLUMNARUM
IN PERSIDE ORIENTIS,

Cum adjecta fusiori narratione de Religione, moribusq; Persarum, & eorundem vivendi modo, populis vicinis, alijsq; de hac Orientali Natione famosissima scitũ dignis.

AUGUSTISSIMO, AC INVICTISSIMO
LEOPOLDO PRIMO,
ROMANORUM IMPERATORI, GERMANIÆ, HUNGARIÆ, BOHEM. REGI, &c. &c.
DOMINO DOMINO CLEMENTISSIMO.

A B A U T H O R E

Ejusdem Sacratissimæ Majestatis humillimo atq; perpetuo servo & cliente, pro tunc ad limina Aulæ Augustiss: degente, PETRO BEDIK, Nobili Pers-Armeno, olim Venerabilis Collegij Urbani VIII. de propaganda fide in literaturis Artium, & SS. Theol. Alumno, exinde verò per plures annos gravissimorum pro Christianitate Orientis negotiorum fideli Zelatore

Dicata, & consecrata

DVM felIX AVSTR IÆ prIncEps natVs.

VIENNÆ AUSTRIÆ, typis Leopoldi Voigt, Universitatis Typogr.

Est Inventus Vien: JF. Erem: Disc: S. Augustini

AUGUSTISSIMO, INVICTISSIMO,
AC GLORIOSISSIMO

LEOPOLDO PRIMO,
ROMAN. IMPERATORI,
Germaniæ, Hungariæ, Bohemiæque Regi, &c. &c.
Victori, & Triumphatori felicissimo,
DOMINO DOMINO CLEMENTISSIMO.



*Nno evoluto Sacratissime Sapientissimeque
Cæsar, suos terra fructus progignit matu-
ros, & germina humano usui deservitu-
ra. Hunc ego ab Authore supremo natura cursum
inditum, arte imitari contenderam, quæ Duce DEO*

Ter Optimo Maximo sub auspicijs Sacrae Majestatis
Vestrae Clementissimis felicioris partus esse felcissi-
ma Genitrix omninò exoptarat. Evolvitur jam
annus, quo Majestatis Vestrae servitijs me supplicem
obtuli, atq; hunc usque presentem diem supplex vixi,
vivog; ; nunc tandem in perpetua servitutis
specimen, & notificandam omni mundo ingenua
devotionis meae tesseram, pensandamq; aliqualem
pro Clementissimis Casarea munificentia beneficijs
gratiarum debitissimam retributionem, tenue hoc
meum opusculum deferro; cujus quidem articuli om-
nes, folia, & periodi utiq; non adaequare possunt be-
neficiorum pondus, neque contentis plus mille lon-
giores, & numerosiores linea literaq; me valebunt
cepta obligatione exonerare, nisi aliunde imbecilli
possibilitati vires addiderit ineffabilis Clementia,
benignitas inexplicabilis, & bonitas omnem exsu-
perans comparisonem; quibus virtutibus, & ve-
luti attributis Sacratissimae Majestati Vestrae singu-
larissimis, ad instar Numinis agit, Sua cuiq; confe-
rens beneficia gratis. Nullus proinde dubito, quin
gratum partus hic exiguus ingenij mei, atque bene-
volum sortiturus sit sinum; cum fructus sit, aliun-
de jam per unius anni decursum benevolentissimis
gratijs, & veluti caelestibus influentijs Majestatis Ve-
straе Clementissimae copiosissimè irrigatus. Arbo-
rem anè me fructus peroptimi feracem dixerim, eo

etiam

etiam motivo, quod in terra optima fructificârim, dum nempe non perperam elegissem sub tempus mansionis meæ morari, degereq; in Cœnobio Patrum Prædicatorum, & vitam fermè ducens Monasticam ac Religiosam, pepercissem commoditatibus illis, quibus liber cateroquin animus gaudere solet: id ratus; sic seriæ considerationis maturitate perficiendum fructum Orientalis simplicitatis meæ, & diu occultatum partum ingenij obscuri felicius optatam proditurū in lucem. Tum, quod annuo hoc tempore, superatis non paucis itinerum antea difficultatibus, quietius intensusq; meo pro servitijs Sacratissimæ Majestatis Vestræ indulgere potuerim affectui, atque sub clementissimis auspicijs ejusdem, quæ meæ in sanctam Orthodoxam DEI Ecclesiam, & Augustissima Vestra limina obligationis sunt, exactius ponderare, & exequi valuerim. Tum, quod redeunte tandem post nubila phæbo, atque hoc in desolata Christianitatis, Romaniq; Imperij disturbine, utiq; ad intercessionem Divorum Orientis pariter & Occidentis, felicitas illa evenerit, post quam nedum mea, sed & omnis populi spes avida erat. Unde optatum mihi tempus evenisse reor, divinâ imò gratiâ mihi concessum puto, ut partum hunc meū prius non dederim luci felicius, quàm lux felicissima oriretur ex Austria: quatenus ita, si cacutiens fors ingenium cacum omninò parturisset fructum, aut

à debita perfectione degenerem, felicissimâ illâ gaudiorum luce, illuminaretur, tantoq; evaderet felicior, quanto natiuitatis ejus felicissima esset constellatio clarior, atq; serenior. Ut sanè non me pigeat exantlati itineris tam longinqui, cum etiamnum videns stellam ortam in Occidente, rectè me cum illis Regibus ex Oriente venisse gratuler, ut cum muneribus milleni affectûs, quâ unico hoc sinceritate aureo opusculo reclusi, venerim adorare eum, qui Orbi Christiano natus est in salutem & venerationem.

Hæc igitur Lux Augustissima serenissimo gaudiorum fulgore dissipet utinam, non tantum obscuras hujus operis mei caligines, sed & sole omnipotentior dispergat densissimas diversarum inanum cogitationum nebulas, & tetra vacillantium animorum nubila, vel meticolosè, vel non sincerè de Phœniciana, & felicissima Austriadum perpetuitate sentientium. Nullo verò non afficiat mentis gaudio eos, qui serenâ facie contuiti sunt exsurgentem novissimis in diebus Austriæ lucem, indeque ominati felicissimum, amenissimumq; orbi universo diem. Prout utique de nonnulla mortalium cohorte hoc in eventu Neonati Majestati Vestræ Serenissimi Filij Principis, illud prædictum intellexerim: Multi in natiuitate ejus gaudebunt. (a)

Gau-

Gaudebit & Sacratissima Majestas Vestra, mensque DEI amantissima de hoc Cœli magis, quàm terræ fructu non omiserit exultare. Gaudebit Serenissima & Augustissima Puerpera, de consolatrice DEI manu potentissima, quæ largissimis benedictionibus irrigavit, tandemquè novissimis hisce diebus optatissimo fructu beavit Augustissimam Domum Austriacam. Illa ergò cum tota Augustissima domo Vestra, universaq; Cognatione Serenissima Sua, illud canere ausit cum Angelorū Imperatrice, Calorumq; Regina: Quia respexit humilitatem ancillæ suæ. Ecce enim ex hoc beatam me dicent omnes generationes. Quia fecit mihi magna, qui potens est, & sanctum Nomen ejus. Et misericordia ejus à progenie in progenies timentibus eum. (a)

Gaudium sit denique Omni Christiano Orbi, atque Catholica Urbi, terræq; demum universæ. Tripudium sit his cum cœlo Deoq; commune. Cujus quidem tripudij sui, dum virtutem potentiamquè Austriacam novo fructuum semine persentiscit, terra jam signum dedit, Cælum imò plausum prodidit. Istud equidem, dum Neonato Principe abundantibus veluti gaudiorum superfusum excessibus in largas pluviarum lachrymas subito diffunderetur. Illa verò, dum ipsummet Nativitatis feli-

*feliciſſimæ annum omni divitiarum ſuarum, ut ita
 dicā, prodigalitate celebrat, nullisq; non campis a-
 maniſſimè ridens, omnem gaudiorum materi-
 em ſuperabundanter adminiſtrare conatur: unde
 omnis in eā populus Deum bonorum omnium Lar-
 gitorem collaudet, eidemq; ſingulariter, & com-
 primis de optatiſſimo Neofructu, ut Principali,
 quem cetera, ut accessoria conſequentur, gratias re-
 ferat immortales. Nequè in hoc Cæſar Auguſtiſſi-
 me Austria tantum Veſtra, & Imperium Veſtrum,
 ſed & Occidens omnis, Oriensq; Septentrio pariter
 & Meridies, diſſita Affrica, Americæq; & ſi qui
 etiam ſint latentiffimi Orbis Chriſtiani anguli, cum
 ſancta DEI Eccleſia Univerſali, & Orthodoxa in-
 clament, ac veluti de novo Numine glorientur,
 per illud: Parvulus natus eſt nobis, & filius datus
 eſt nobis. (a) Ego verò meo pro voto ſubjunxerim:
 Ut fiat Principatus ſuper humerum ejus, voceturq;
 nomen ejus, Admirabilis, Conſiliarius, Fortis, Pa-
 ter futuri ſæculi, Princeps pacis.*

*Et quam ego me non felicem æſtimârim, qui ſub
 id temporis, Deo utiq; & fortunâ felix, Sacratiffimæ
 Majeſtatis Veſtræ me dedicâram ſervitijs; ut parti-
 ceps fierem, & delitioſè quaſi unâ libarem de poculo
 communis gaudijs, omni nectare dulcioris. Hoc enim
 erat vinum lætitiæ expreſſum de feraciſſimo geni-
 mine*

(a) Iſa. 9. v. 6.

mine domûs Austriacæ latificans cor hominis Orientalis : ut proinde affectu omni sinceriori, animo devotissimo, submississimaq; mente, quâ utcunque Orientales solent se suaq; omnia suis ingenuè atque humiliter offerre Dominis, Sacratiss. Maj. Vestræ pedibus provolutus deponā suppliciter id, quod aspirantibus ejusdem gratys, & irrigante munificentia feliciter mundo protuli, fructum nempe in Occidente partum, gustus tamen, atque saporis Orientalis.

Atque utinam sapiat fructus hic, & Orientali suavitate recreet animum Sacratissimæ Majestatis Vestræ, ipso quidem hoc tempore, quo fructus eidem novissimis hisce diebus oriens, cor omne animumq; inexplicabili dulcedine perfudit. Ita imò perfudisse existimo, ut dubio procul sim, quin hic ingenij mei partus clementissimâ suavitate Augustissimum sinum recreare valuerit : assumens pretiosum, quod deest ei, ex pretio munificentissimæ Majestatis Vestræ ; mutuans optimum, quo forsā caret, ex clementissima bonitate Vestra ; fiatq; tandem, si non ex merito suo, de Augustissimæ Majestatis Vestræ gratia gratosus hic fructus partusq; meus, futurus & sic omnium manibus deliciosus.

Cæterum hoc opusculum meum à چیل سوتن Cehil Sutun, seu quadraginta Columnarum Palatio à Cyro antiquissimo Rege Persarum erecto, inscribo, atq; exordior : eâ scilicet potissima ratione, quod

hoc in Amplissimo Amphitheatro dignissimis antiquitus elogijs pariter celebrata sit Augustiss. Orientis Imperatorum memoria, eorum comprimis, qui Marte & fide Inclyti tantis se ultro citroq; dignos laudibus effecere, Justinii utriusque, & Justiniani, quibus non sine maximo gaudio Majestatem Vestrā Aniciano ex stemate Romano gloriosissimo antiquissimoq; per Ordinem Genealogicū junctam inveni, eorundemq; amulatores exactissimos, imò & superexcedentes, quā virtute, quā potentiā, quā Zelo Religionis, quā demū omni titulo laudatissimos ab antiquissimis temporibus reperi Austriadas, singularissimamq; horum omnium Idæam demiror in Augustissima Clementissimaque Majestate Vestra, cujus Inclytæ victoriæ memoria nuper à Modernorum Persarum Generosissimo Rege Habas secundo, solennissimis tripudijs est celebrata, in palatio Cehil Sutun ab eodem erecto, uti ipso in opere meo fusius pertractabo. Dum ergo ex Persarum aula veneram, de illa hac in Aula notitiam facere curavi; quique Augustiss. Maj. Vestræ Nomen gloriosissimū Orienti etiam nostro magis notum esse cupio, de eo loco exordior, ubi penè notissimum est, atq; amplissimis honoribus celebratum. Omiserim exhinc ulteriora amplissima laudis argumenta, quæ vernaculā Persicā exarare me oporteret, breviuscula tantum sequentia in gloriam Augustissimæ Majestatis edicens.

PERORATIO PERSICA,

Arabicis intermixta.

قطع نظر از این معنی که چون من ضعیفی مولف این
نسخه است توان گفت که مولفی در باب خود
ظنیر و مانند وی نباشد چه اتفاق تالیف چنین کتابی
نبوده مگر از اقتضای عهد میمون و احقر هایون علیحضرت
قیسر جمجاه سپهر بارگاه انجیم سپاه لشکر پر ای رعیت پرور
فر ما فر وای هفت کشور غره جهان داری ناصره سلطنت و
کامکاری نور دیده عیسویه خلاصه دودمان اوجد رومیه
صاف شراب صفوت قطولیکه نتیجه جوهر فتوت صبیح فزرائکی
مظهر مردانکی بر کنده قوانین عدل و انصاف آب روی
دولت بهار کلزار ملت و ولایت ملکه شجاعت مرکز سخاوت
پادشاهی و قیسری که جهان ناپایدار از اسواری عهدش
پایدار شود عالم بی اعتبار از محکم بنیان دولتش
اعتبار پیدا کرد و از شوکتش شوکت سعود پزیرود و دولت
از مصاحبت موکیش بر آفتاب سایه کستر مظفری که ظفر
از لمر بستکان خدمت او است منصوری که نصرت را
ملان زمان حضرت او با آفتاب در تلاش است و از عهده
شکر

شکر معدلتش مکر انصاف کرک و تظلم ظالم مظلوم
 بدرتواند آمد و وصف مکرمتش را مکر عجز زبان فاطفه
 وضعف قوت اندیشه بعهده تواند گرفت پی شایه تکلف
 توان گفت که برهولای سلطنت چنین صورتی فایض نکشته
 و عناصر پادشاهی مزاجی باین اعتدال تعلّف فکرفته
 و ارکان جهان داری را باین تمامت روفداده و مآده
 قابلیت عالمگیری هرگز مستبعد چنین فعلیتی نبوده و
 هواملک العادل و السلطان الصالح و الخاقان
 مخدوم اعظم السطاطین العسویه السلطان بن
 سلطان و الخاقان بن خاقان ابو النصر ابو الغت

LEOPOLDUS لپولدوس

قیصر روم شهنشاه جوان سال جوانخت ز نیت تخت زرش
 آسمان ولایت نمیش احفظه الله تعالی عهد ملک
 سلطانه و ادام علی العالمین فیض برّه و احسانه من دعا
 کردم لیکران آمین آمین بگویند این دعاسیت که فرض است
 مهر پر و جوان و ارکان دولت و این نسخه کرامی موصح
 ینام نامی والغاب سامی این قیصر که اگر انرا اعتبار
 مولف عاری است بسبب مولف له اعتباری کبرن که بر
 مولفات اولین و آحیرین تفوق یابت ایام سلطنت و
 جلالت و فضیلت و اقبال مالند و هزاران جان میسر
 جان من بر پای سهندش قیداً بـــــــان

INTERPRETATIO

Perorationis Persicæ, Arabicæq; intermixtæ.

PRæsciindendo ab hoc, quod Author unus alterum sibi in scribendo scribendiq; motivo parem omnino, & per omnia similem non habeat: illud saltem securus de hoc meo opusculo edixerim Author quantumvis tenuis, quod id unâ mecum suam obtinuerit felicitatem, sub felicitate temporis felicitis, & splendore Sideris Principum, sublimis Dominationis, *Cæsaris locupletissimi*. Cujus portæ limen cœlum est, & milites Sidera, & qui est exercitus decus, subditorum conservator, commendans septem climatibus mundi, pupilla mundi possessionis, inclytus Dominio, & desiderijs; lumen oculi Christianitatis, specialis hæres familiæ Romanæ, purus liquor Puritatis Orthodoxæ Religionis; consequentia, sive compendium pretiosum urbanitatis, atq; benignitatis, Congregatio, sive Corolarium Sapientiæ; Nota Virilitatis; electa Elegantia, sive phrasis canonum Justitiæ, & discretionis; Venustas, atque Morigeratio prosperitatis, Ver floridum populorum, & nationum; generositate, atque fortitudine pollens Angelicâ; centrum liberalitatis. *Rex*, atq; talis *Cæsar*, ut inconstans mundus ex constantia temporis sui, stabilis factus sit. Et mundus fallax ex firmitate basis suæ prosperitatis, sibi fidem lucratus est; & magnitudo, sive dominium gentium, & populorum ex ejus dominio ascensionem accipit; & prosperitas ex amicitia cum sphaerâ magnitudinis ejus soli umbram facit: utpote splendor veræ suæ prosperitatis est ita excedens, ut & splendori solis umbram faciat. Victor talis, ut victoria ex lumbis præcinctis servise ejus sit, scilicet, victoria semper prompta est ad illi inserviendum; *Augustus*, atque victorijs inclytus, ut esse *Augustum* servi Dominationis Suæ unâ cum sole procurent; nempe non tantum sui dominij servi, sed & sol ita vertitur, ut sit ille semper Augustus, & inclytus victorijs. Et ex obligatione gratiarum actionis, atq; laudis Justitiæ ejus, quis poterit se expedire? nisi discretio lupi, & Injustitiæ injusti ex innocente poterit: scilicet nemo poterit ritè satisfacere laudi Justitiæ & gubernij ejus in subditos, nisi dicat; en video lupos mansuetos cum ovibus, domatosq; ambulare cum illis, & injustum humiliatum, atq; castigatū propter injustitiam suam. Et quantitatem gratiarū ejus, quis? nisi humilitas linguæ rationalis, & debilitas potentiæ discursivæ sibi adscribere poterit; ita ut sine dubio exhortationis, sive exaggerationis possit dici, quod in

materia principatus talis forma non fuerit introducta . & in ele-
mentis regnandi mixtio cum hac temperie conjunctionem non accepit ,
& in principijs universi possessionis , talis perfectio non aparuit . Et in
materia capacitatis tenendi mundum , nunquam disposita fuit talis
actio . Et qui est (Arabice) *Rex justus , Caesar sanctus , & Dominus servus po-
tens , inclytus , optimus , & maximus Principum Christianorum . Caesar Filius Cæsa-
ris , Dominus Filius Domini , Pater victoriæ , Pater opitulationis , Pater Trium-
phi .* LEOPOLDUS *Caesar Romanorum , Rex Regum ,* juventutis annis
fruens , juveniq; fortunâ pollens . Ornamentum throni *Majestatis ,* cœ-
lum Germaniæ . Conserve*t DEUS altissimus* tempus Domini*j . & Reg-
ni* ejus , & continu*et* omnibus in mundo degentibus utilitatem , atq; in-
fluentiam gratiæ & favoris ejus . Ego hanc feci Orationem , cæteri au-
tem Amen Amen dicant . Hæc est Oratio , quâ decet eloqui quemlibet
senem , & juvenem . atque Magnatem . Hic igitur charus libellus illu-
stratus nomine celebri , & cognomine sublimi hujus *Cæsaris ;* ut si ex au-
thoritate Authoris sit defectuosus , ratione illius , cui est dicatus , aucto-
ritatem , atque fidem sibi assumat ; & ut inter compositiones antiquas ,
& modernas gratiam inveniat . Dies Domini*j* igitur *sue altitudinis , per-
fectionis ,* atq; *prosperitatis* jugiter maneant ; & mille millia animarum ,
uti est anima mea , sint ad pedes equi sui in oblationem .

*Ita pro phrasis Persicæ , Arabicæq; modulo per-
oravi . Inexplicabili porrò devotioni meæ satis-
facturus , edicturusq; universa , quæ de Vestra
DEI amanti*ssima* Majestate Cæsarea nullo calamo ,
ore , aut linguâ silenda sunt , quid competenter fa-
xim , ignoro . Omnia desideria mea , & sat agentem
etiam ad impossibile affectum , Orbi universo expo-
nere volo , atq; expositum esse cupio , Turcicis qui-
busdam celeberrimi Poëtæ Perso-Turcæ versiculis ,
meum in finem apti*ssimis* .*

فکر ایدرم کہ یازیم ہمہ عشق سرینسی
بحر مدان اغاج قلم طاس فلک دوات اولور

Id est:

Cogito, atque cupio describere fragrantiam, partemque mysterij affectûs, & desiderij. Mare mihi atramentum, arbores calamus, sphœra Cœlorum atramentarium esse debebunt.

Quod igitur Poëta hic barbarus de sua sortis sublimibus inexplicabili laude dignis, tali tantaq; exaggeratione adoptavit, ingenue ego dicere possum, de Sacratissima Majestate Vestra, cujus immortalia non attinget encomia calamus, sed altiori culmine atq; fastigio solus DEI digitus atq; omnipotentissimum ejusdem brachium levat, sustentat, conservat, atq; utinam ad omnis mundi solamen ultro levet, sustentet, & conservet. Quibus ego votis verba mea, non item affectus finio, meq; pronissimum ad obsequia sempiterna prosterno

Sacratissimæ Majestati Vestræ

عبد الاقل

Clientum servorumq; humillimus


بدروس بدیکی

PETRUS BEDIK,
Pers-Armenus.

AD LECTOREM


Authoris Præfatio

EN tibi Amice, tenue hoc opusculum meum. De quo utiq; inquiseris nominis, tituliq; insolitam rationem. Notum porro Tibi sit, hoc nomen **چیل سوتن** Cehil Sutun quadruplici de causâ opusculo huic meo impostum. Primo, quod Græcos Latinosq; sacros equidem ac profanos de rebus Persicis scriptores legerim, vel parum, vel nihil omnino de hoc quadraginta Columnarum palatio recensentes; quod equidem Cyrus ille antiquissimus, superbissimusq; Persarum Rex velut artis omnis, fastusq; miraculum exstruxerat. Unde sacratissimæ Romanorum Majestati Casaræ de Majestoso hoc omnis raritatis specimine obsequia mea exordiri, tibiq; curioso Lectori, & ignotorum notissimo amatore narrationem prosequi intendi. Neque de mero rationis Ente titulum putaris, tametsi enim vetustum illud palatium hodie non existat, aliud sanè existit fastus equidem portentosi, à sapientissimo potentissimoq; Rege Habas Primo erectum, ubi, prout illo in antiquiori, omnis Persarum Aula, Regnum, Religio, politica, moresq; velut in compendio exarata refulcent. Ut vel inde ausum sumpserim, universum opus hoc solo **چیل سوتن** Cehil Sutun titulo compellandi, tametsi hoc de supradictis diversis omnibus complurima pertractet. Secundo, ut tecum jucundius confabularer de quartâ mundi parte Oriente nostro, dum hoc in palatium delicosum introduxissem, in quo olim Persæ per quatuor Personarum genera juxta seriem sapientemq; Dominij sui potentissimi stylum omnem veluti mundum quatuorq; Orbis partes representabant. Tertiò, ut magis arrideant, si quæ politica huic operi meo inservero, utpote cum in hoc Palatio exactior politiæ pertractandæ methodus à Persis observetur. Quartò deniq; quia pariter & in illo pertractabant, atq; pertractant de moribus, ac rebus Religionis suæ, cujus tibi diversitatem, ejusdemq; alijs cum Religionibus commixtionem hoc in opusculo nonnihil enarrabo; fusius expositurus superstitiones, aliosq; peregrinos tibi Orientis nostri mores, & sectas, atq; dogmata diversa Machometanorum, Gentilium, Judæorum, Christianorum, & discrepantes nonnullas horum opiniones; quas hoc in antenissimo palatio delicosè obambulantes jucundius unâ poterimus pertractare. Hæc porro sunt motiva tituli operis mei: Unde si quid sublimi, delicatoq; ingenio tuo Europæo accommodum, amice, advertaris, boni consule: si quid stylo tuo inusitatum, aut eloquentiæ disertissimæ dispar, sincero Orientalis cujusdam calamo adscribe, & id ipsum rarum existima, quod eloquentiam latinam & disciplinam Europæam trivialibus saltem in rudimentis colant barbari Orientis. Suscipe ergo opus triginta articularum, quibus vel annos vitæ meæ totidem complectentis indicatos habes; quam quidem vitam, uti hactenus, ita & ultro perenniter Clementissimo Romanorum Imperatori mille votis dedicatam, atq; devotissimam; tibi verò amice, in debite humanitatis obsequia officiosum agnoscas, & valem, velim.




Imprimatur.

BALTHASARUS à NOLARN,
p. t. Universitatis Viennensis Rector.







ARTICULUS PRIMUS.

چیل سوتون *

CEHIL SVTVN,

SEU

Explicatio magni Palacij à Cyro olim Persarum Rege ex quadraginta columnis erecti.



Ui de Regno, Politica, Religione, statu, moribusque magnæ illius, superbissimæq; Persarum nationis complurima, quin & plurimis omninò ignota proferre, atque enarrare statui; de eo exordior, in quo Regnum ipsum, politica, Religio, status, moresque Persarum veluti in compendio pri-

um exarata videri possunt: ipso nimirum چیل سوتون Cehil Sutun, seu eminentissimo illo totius Persidis olim habito, ut ita dicam, Capitolio; celeberrimâ, inquam, illa ædificij structurâ, à Cyro olim Persarum Rege, Regali planè munificentia erectâ, quâ & ipsa Regalis ejusdem ambitio se se, ut solem in speculo depictam esse voluit, omniq; posteritati, amplissimam laudum atq; admirationis materiem, præter Pyramidales Egyptiorum tumulos, Babyloniasque Semiramidis structuras, aut Ephesianum Ctesiphontis opus, Phidianum Jovis simulacrum, & quodvis amplissimi hujus orbis miraculum, ab Ausonio in Mosella relatorum, præbere. Hæc namque est structura

A

illa

illa Regia, quam etiam inter septem Orbis miracula, loco turris Phariæ recensent quidam: quibus licet omnibus Martialis anteponat illud Romæ à Vespasiano Imperatore inchoatum, & perfectum à Tito filio Amphitheatrum: ita canens.

*Omnis Cesareo cedat labor Amphitheatro,
Unum pro cunctis fama loquatur opus.*

Illud nihilominus historicorum fide colligitur, fuisse hanc Cyri structuram tantæ mortalibus argumentum laudis, atque admirationis thema, quantum structurarum munificentissimarum unquam aliqua; ut vel ideo de hac Cyri Majoris Persarum Regis domo, hoc meo in opere primò mihi dicere fas sit: sicut nefas non esset, volentem, Romanorum gloriam, divitias, aliæque ad statum eorum pertinentia enarrare; de laudatissimo illo Capitolio, aut Amphitheatro suum inchoare sermonem. Splendor igitur erit, qui rapiat in admirationem, & Majestas suam sibi vendicabit laudem, postquam & de fulgentissimo hoc Cyri Palacio, & de alio quodam juxta ejusdem Idæam à recentiori Persarum Rege exstructo, lectorum oculis anteposui ea, quæ opes sanè Regales, dignamque tam præpotentis populorum domitoris elocutura sunt Majestatem.

Ferunt ergo non neminum Persarum historicorum testimonia, Cyrum Majorem Regem, quò, si suam in publico esplendere voluisset Majestatem, nullâ videretur ad Regalem gloriam carere dignitate; superbissimū quoddam exstruxisse theatrum: idque in Civitate Cyropoli, sic ab ipsiusmet Regis nomine cognominatâ. Quamvis à modernis Persis Civitas isthæc non ultra Cyropolis, sed Schyras vocitetur; de qua in alio loco plura competententer dicturi sumus.

Nihil porrò sine mysterio sapiens Cyri animus hoc suo in palacio conditum esse voluit: sed vel mutam ipsammet fabricam

eam complurima Christianis etiam Regibus notatu dignissima fecit eloqui documenta. Nobilissimum namque Regalis Sux Majestatis hocce theatrum, quadraginta pretiosissimis ex marmore instruxerat columnis, indicantibus personas quadraginta altioris conditionis atque valoris, quibus in justam, ritamque directionem Perfici sui Regni Amplissimi, ut superioribus, pro officiorum statuumque diversitate diversis, Regem tantum uti ministris necesse duxerat.

Formidaverat olim infelix (a) illa Ninive numerum quadraginta, dum totam fastus iniqui atque superbiæ suæ ædificationem, quadraginta diebus, non veluti quadraginta marmoreis, sed luteis, vitreisve, & vel ideo certò certius divinæ irruente vindictæ pondere, miserabiliter concutiendis columnis inniti, ex vaticinio Jonæ comperta est. Quid verò inanis Persarum ambitio marmoreis uteris columnis? (b) Nunquid marmoreæ fuerint columnæ illæ, quas sua illusio in cæcitate Samson uno conquassavit amplexu? Illudit mortalis ambitio DEO vero, quasi par Samsoni, erutis sibi humanâ proterviâ omniscientissimis justissimæ providentiæ oculis, nihil videret; qui tamen nedum angulos mundi & cavernas terræ, sed ipsamet rimatur abscondita cordium, capitumque capillos dinumerat. (c) Cùm ergò ille, qui attingit à fine usque ad finē fortiter, & in arctico antarcticoque polis firmissimis rotatam hanc orbis fabricam conservat & gubernat, venerit in brachio extento; conquassabit quadraginta columnas, & confringet habitationem populi colentis Deos alienos.

Erat porrò cujuslibet illarum columnarum marmorearum illo in Cyri teatro, altitudo seu longitudo quadraginta cubitorum, earundemque latitudo cylindrica cubitorum quatuor.

A 2

Thea-

(a) *Jon. 3. c. v. 4.* (b) *Judic. 16. c. v. 29.* (c) *Sap. 3. v. 1.*

Theatri autem fornix per arcus artificiossimè elevabatur, & in media arcûs summitate Persarum cernebatur insigne, sol nimirum sive arte, sive pretio splendidissimus; ita porro elaboratus. Erat sphærica artificiossissimi solis hujus circumferentia in magnitudinem & amplitudinem magni cujusdam clypei extensa, diffundebatque radios, ex pretiosissimis, quibus oriens abundat, Topacijs. In medio solis hujus, grandis, maximique valoris refulgebat Topacius magnitudine unius Imperialis, circumcirca verò protendebantur radij formati per majores, minores atque minimos lapillos topacios, procedendo pyramidaliter juxta radiorum conformitatem.

Licet hic exclamare non absque mentis amaritudine. O oriens! quomodo non occidis? O Reges! quomodo non fistilibus servientes? O Persæ! quomodo non agnoscitis eum, qui est per se? O Sapientes! quomodo creaturarum fatui cultores? (a) Persæ olim Reges, Magi, & Sapientes, habitantes in Oriente, suum agnovere in animo occidentem, & orientem in occidente Solem Justitiæ, non terreis effectum topacijs, sed divinis ex Divinitatis thesauro attributis præfulgidum, non in Regio palacio, sed in Bethlehemitico stabulo, non arcui quadraginta columnis innitenti appensum, sed gloriæ in excelsis DEO, paci que hominum bonæ voluntatis, Angelorum testimonio firmatæ innixum, quasiêre, invenêre, agnovêre. Utinam & tu Cyre, atque universi vos demum Persarum Reges verum hunc Solem Justitiæ agnovissetis, non utique solem fictum vestris relucere in palacijs atq; insignibus pateremini. Sed; ego vestram describo superbiam, atque divitias: verum autem vos agnoscere DEUM, DEUS fecisset, & adhuc faceret, nisi duritia cordis vestri, vestris etiam orientalibus durior adamantibus obstaculo foret; quod licet & solus ipse tollere possit, altiori ille consilio non vult, docens me confugere ad illud: (a) *Jacob dilexi,*

(a) *Matth. 2. v. 1.*

dilexi,

dilexi, Esau autem odio habui: quippe quod fide Christianâ & Theologicâ edoctus sum, in vocationis & prædestinationis negotio, non esse volentis, aut currentis, sed solius DEI miserationis, quantum admirandam, tantum implorandam benignitatem. Vobis ego vestram animis conversionem dum opto, structuras, pompam, divitias, atq; ædificia vestra dignâ sibi laude ultra describere non desisto.

Sub arcu theatri interiori comprehendente ambas ejusdem partes pretiosissimus Regis, quâ gemmis & auro, quâ multiplici artium fabricâ demirandus extiterat thronus; eratque mirus ejusdem publicâ in pompâ comparandi modus: sicut tamen ambitionem redolens, ita non fastidiens sapientiam.

Sedebat namque memorato in throno Rex, astantibus eisdem ex utroque latere duobus Eunuchis Æthiopibus, quorum quidem ad dexteram unus codicem constitutionū Persarum, ad sinistram verò alter sceptrum manu gestabat, indicando, quod si statuta morum Religionis & Regni ratione non observarentur, forti Regis potentia atque puniendi arbitrio subjacere transgressores.

Ad quadraginta ergo palacij columnas quadraginta statuit Cyrus personas, quæ erant Sapientiores, Seniores, Potentiores, atque Nobiliores Regni sui. Sedebant autem Sapientes, habentes ante se calamum & chartam, librosque sapientia & disciplina Persarum. Ubi non indignum notatu occurrit; tamen veri DEI, in quo solo vera est sapientia & disciplina, agnitione careret Cyrus, omnisque Persidis populus, illud tamen sanâ mente sibi rectum persuasisse, antecedere sapientiam universa, omni in gubernio primas ei deberi. Quod si gens inimica DEO, sanctamque exosa sapientiam, suam illam qualemcunque, eruditionem & disciplinam primò effert ordine atque loco, jam nequit non esse mirum, multos agnoscere DEUM, & contemnere sa-

pientem, qui quæ DEI, quæque hominum, ante Seniores, Potentes, atque Nobiles, solus ipse edocere habet. Sua igitur non indignus est laude Cyrus Rex, Regum omnium sapientissimum imitatus, qui sapientiam (a) *præposuit regnis & sedibus, & divitias nihil esse duxit in comparatione illius.*

Quoniam verò & morum antiquitas, & legum vigor in grandæva seniorum canitie, veluti eburneo descripta in palimpsesto leguntur; Seniores Cyrus esse voluit post Sapientes; & quemadmodum sola Theoria in Sapientibus ad Regni decorem non sufficit, longiori nisi praxi, & observatione continuâ stabiatur atque cohonestetur: ita suo non provisum Regno Cyrus arbitrabatur solâ legum sapientiâ, nisi adjunctis senioribus, qui de earundem tenore, vigore, atque observantiâ per longiora tempora continuâ successione testentur, & jugi morum integritate, statutorumque cautelâ clarescant; ut ita posteris veluti vivis contueantur in speculis, quod ab annorû antiquitate relucet in senioribus, & in futura secula relucere debet in nascituris.

Habebantque seniores hi in theatro juxta columnas suas residentes, virgam ante se auream, indicando laudabilem juventutis correctionem, severioremque in delinquentes animadversionem, aut dignam pro legum observatione gratiam, meritorumque & bene pro patria gestorum remunerationem. Sic namque Cassiodoro teste: *Indiscreti mores confusim necesse sequantur, si aut culpa formidinem, aut virtus premium non habeat.* Effroenis juvenis, vel verecundiâ, vel formidine tentare nō præsumit, quod seniorum seria atque grandæva canities solo vel redarguit intuitu. Sic & ipsamet paginæ sacre seniorum consilia, summisque præsentiam in consultationibus suadent, laudant, præcipiunt. Sed quid si seniores multorum in aula consurgerent? si non ab annorum antiquitate oculi eorum hebetati caligarent, certò vel quotidianas novitates, unoque in regno di-

versissimarum commixtionem nationum, indumentorum varietatem, difformitatem morum, & aliena linguarum genera, confusam demum & minimè consonantem aulae harmoniam nemo non deploraret. Cæterum nec ipsimet Persæ recentiores statuta, mores, atque vivendi modum per omnia ab antiquis observant Persis; sed tametsi plura observaverint seniores, pro libitu tamen, aut Regum, aut Reipublicæ arbitrio à quibusdam seu Regni juribus, seu Religionis legibus deflexerunt, ut alibi commemorandum duxi.

His porrò senioribus succedere videbantur potētes, qui, dum suo ordine residebant ad columnas, ante se se frameā habebant, indicantes promptum expeditumque pro incolumitate Patriæ pugnandi animum, omnemque pro Regis nutu generositatem. Ita namque Princeps solo sapientum aut seniorum consilio docetur super populorum regimine; ast sive exterorum invidiæ, sive intestinæ populorum malitiæ tam sanctum justumque nihil, quod violare non præsumant: unde rerum confusio publicarum, divisio populorum, hostium irruptiones, cædes intestinæ, fraudes, proditioes, aliaque id generis scaturiunt pessima; quibus nisi Rex manu potenti, ferroque sciverit, atque voluerit obviare, solâ sibi populoque suo conniventiâ & benignitate immittis est. Parum juverit seminare bona, & zizania non eradicare. Delicatissimus piscis, ubi modico non caret felle suo, amarissimus est; & amplissimum regnum, ubi Regis culpâ, aut potentum defectu aliorum patitur insidias, regnum non tam est, quam regni, Regis, & populorum confusio felle amarior. Vel ipsiusmet Regis Regum, & Domini Dominantium DEI bonitas est, clementia est, misericordia est; his tamen ille non omnia regit, (a) *accinctus mox gladio suo super femur suum potentissimus, mox gladio percutiens cum Gedeone, mox emisit gladios de ore suo,*
mox

(a) Psal. 44. Judic. 7. Apoc. 1. 2. 19. Deuter. 32.

mox *inebriavit sanguine sagittas suas*. Rex in mundo, DEUS, ut ita dicam, est; quippe quem eminentiâ imitatur: neque decet hunc ignis, fulminum, ferri, aut exercitûs oblivisci, ubi contra leges & mores non desistunt vitia grassari.

Tandem sedebant nobiles habentes ante se diversi generis florum fasciculum aureum, diversis pretiosisque gemmis confectû, quibus quid aliud indicari volebant, nisi veram in diversitate collectioneque virtutum consistere nobilitatem, utilem Patriæ, & habenti illam? Quo quid rectius de nobilitate sentire potuerint Persæ, ignoro, qui Christianâ doctus Theosophiâ virtutis pendo definitionem. Est namque illa: (a) *Bona qualitas mentis*. Illa *bonum facit habentem, & opus ejus bonum reddit*. Neque verò abnuo, nobilitatem ipso etiam ex sanguine trahi; sed & oportet, ut sanguis ille suum à virtutibus fortiatur condimentû: crudus cæteroquin est, & sola bulliens libertate, in scelera diffunditur, vitiorum tandem putredine ipsum infecturus nobilem, dum corrupturus nobilitatem. Sanguis in nobili, oportet, ut sit bulliens, sed generositate pro Rege & patria: ut sit rubeus, sed innatâ sibi contra vitia erubescentiâ: ut sit calidus, sed pio in DEUM ac patriam fervore: ut sit solidus, sed Religionis & legum observantiâ; ut sit substantialis, sed fidelitatis integritate: ut sit spiritosus, sed ad bonum promptitudine; ut careat putredine, dolo inquam & fraude in Regem & patriam sit immunis.

Porrò hoc in ornatissimo Cyri theatro, supra quamlibet ex illis quadraginta columnis erat in ipsa fornicis arcu ad latus in sublimi collocatum cujuslibet personæ nomen secundum quod diversi pro qualitate officiorum, ad diversas collocati erant columnas Regis Ministri. Erat autem cujuslibet nomen mirâ arte ex fragmentis diversorum pretiosorum lapidum; & quidem lapides congrui assumpti, ij, qui juxta naturalem proprietatem, qualitates, virtutes, & munera illius exprimere poterant, cujus

nomen designabant : scribebaturque hæc explicatio proprietatis lapidis aureis characteribus infra ipsum Ministri nomen. Nomen exempli causâ sapientis, quem vocabant, Dana, scribebant ex fragmentis carbunculi ; aureis verò characteribus infra illud nomen, explicabant carbunculi proprietatem, qualitatibus & officio sapientis competentem : quippe, quòd, sicut carbunculus gratiori cæteras inter gemmas colore fulgescit, majorique omnes splendore antecellit ; ita præ cæteris sapiens in regno gratiosior, bonisque mentis qualitatibus splendidior sit, oporteat.

Nomen autem senioris, scribebant fragmentis adamantinis, indicando candorem canitie dierum, soliditatemque virtutum & consiliorum eorundem. Armigerorum verò sive potentium, quos satrapas vocitabant, nomina, rubinorum incidebant fragmentis, denotando generosum fidelis militis animum, etiam usque ad sanguinem pro Regis & patriæ defensione fundendum. Demum verò & nobilium nomina smaragdinis denotabant fragmentis, indicando, mentem verâ nobilitate præditam, non posse non florere meritis atque virtutibus ; ipsam imò veræ nobilitatis à virtutibus haustam viriditatem, recreare mentis oculos, & visum rationis exhilarare.

Quid ad hæc multi jam nobiles ? quid ad hæc armigeri potentes ? Quid seniores in statutis ? Quid vestris in consilijs sapientes ? Discite vel à gentibus nobilitatem sine virtute, esse smaragdum absque viriditate. Potentiam sine fidelitate, esse rubinum sine rubore. Senium sine sinceritate, esse adamantem sine candore. Sapientiam sine moribus cæterisque mentis qualitatibus, esse sine fulgore carbunculum, lutò, non aurò, convicijs, non officijs, abiectione, & non honore dignissimum. Sed plura de Persarum genio nostro capiamus ingenio.

Arbitrabatur igitur, & non inaniter gens ista Persica, quatuor hisce Personarum statibus seu conditionibus, dignam regni

sui statui constitutionem; ut & hæc quatuor personarum genera vocitare non dubitârit, *quatuor elementa*, imperium ipsum constituenta: *quatuorve humores*, quibus veluti bene cōstitutus homo, consurgeret, valeret, viveret, triumpharet harmonia statûs eorum; suo sic ordine sapientiâ, antiquitate, potentiâ & nobilitate debite organizati. Dicebant & non rarò, hæc quatuor hominum genera *quatuor esse causas*, quibus exercebatur politica ipsorum: Tandemque *quatuor Persici orbis partes*.

Et verò probaverim ego istam Persarum mentem. Si enim Regnum in se indivisum orbis est, in nullas dissectus partes; sapientiâ certè, senioratu, potentiâ & virtute, veluti cardinalibus quatuor constituitur, foveturq; plagis, causis, humoribus, & elementis. Ignis namque elementum quid ni sapientia, quæ in sana devorando consilia, sublimi spiritu altiora rimatur illustrationis & dogmatum argumenta? Senium aërem agit, in quo relucet sol dierum antiquus, & legum statutorumq; observatione clarescens. Aqua est tumens quâ potentium, quâ subjectorum sibi populorum potentiâ, quibus uno Majestatis Tridente bella dicit, & interdicit Neptunus Rex. Terra demùm nobilitas est, quæ naturâ, virtute, opulentiâque germinans, ditat horrea Regis & populi, ornat statum aulæ ac civium, auget copiam Regni & Reipublicæ. Quod si causarum disputemus genera, nobilitas, materialis est causa regni, quippe hæc est, cui formæ altiorum munerum atque officiorum introducuntur. Formalis, est sapientia, quæ omnia regit & actuat. Efficiens, potentia est, omnium executrix. Seniumque, causa finalis, ad quam cæteræ etiam ordinantur, quatenus regni perpetuitatem & longævam Regum successionem designat.

Linquamus plura, quæ quaterno sub numero sapienti non minùs atque felici omine intelligere quisque potest; hoc tamen ipso ô infelices & insipientes Persas, dum Christi regimen & policiam,

liciam, quatuor indictam Evangelistis, quatuor fundatam virtutibus Cardinalibus non agnoscunt! (a) *O utinam saperent & intelligerent, atq; novissima providerent*, quando tempus venturum est, ut compareant (b) *quatuor Angeli, quibus datum est nocere terra & mari: parcentque solis veri DEI servis, in frontibus suis signatis, cruce salvificâ Christi, ascensuri olim in nube ab ortu solis, judicaturiq; vivos & mortuos.*

Quid verò laboris ipso in fornice artificiosissimo dicti theatri, quidve splendoris visu fuerit, ex eo Lectori dijudicandum obijcio: erant namq; arcus omnes lapide Lazaro alijsque gemmis mirò fulgore aurò insertis, artificiosissimè elaborati, ut cœlum stellis credideris adornatum.

In medio porrò palacio præfulgens quâ arte, quâ pretio pendebat candelabrum, fune appensum serico, nec nisi quatuor aptum candelis, quarum tamen una major alterâ; minima autem ad spatium unius horæ poterat perdurare, secunda ad duas, ad tres horas tertia, quarta verò quatuor ardere poterat horis, usque dum consumeretur: eademque consumptâ, finis imponebatur consilio. Unde consilium nullum ultra quatuor nostri temporis horas valebat extendi. Ast quid dicam? *Magnus ille consilij Angelus*, adusque extremas mundi horas semper cum homine consulturus de salute illius, majus in orbe statuit candelabrum septem candelis succensum, legem inquam Evangelicam, testamentumque novum septem Sacramentis illustratum, quod (c) *usq; in sæculum non delebitur*. Majus ille theatrum habet; quippe (d) *cœlum illi sedes est, terra scabellum pedum ejus*. Capitoliū suum nullo clauditur aut operitur fornice, sapientes ejus errare nesciunt, seniores deficere non possunt, non possunt debellari potentes ejus: & Persicam ridet ille nobilitatem, qui non ab anorum atavorumque sanguine; sed solus à patre solo tantam

nativitate traxit nobilitatem, ut Historicus obmutescat divinus ipse, illud cum stupore exclamans. (a) *Generationem ejus quis enarrabit.*

Cæterum ex illis quatuor personarum generibus illo in Cyri palacio, quælibet pro graduum, & qualitatis officiorum diversitate collocabatur, in superiori & inferiori theatri parte, secundum majorem vel minorem ad Regis Majestatem accessum. Sed neque hoc passim frequentabatur theatrum, nisi ubi singularia maximæ considerationis negotia decidenda illud exposcerent; aut rarius quoddam Regis beneplacitum id juberet, ad ostendendum splendorem & gloriam Majestatis & divitiarum suarum, celebrandasque forsan extraordinarias ibidem jubilorum & epularum festivitates. Aperiebatur & quandoque solennioribus Legatis nationum exterarum. Si verò consilij causâ cum suis Rex eo convenerat, omne inibi sancitum, ut divino proveniens oraculo, decretumque irrefragabile observabatur. De quo quidquid sit; vel gens DEI legis bonæ atque honestæ ignara, Magistrum agere poterit nonnullius aulæ circa Regis venerationem, ejusdemque decretorum observantiam.

Hæc de Cehil Sutun, seu palacio quadraginta columnarum Regis Cyri, quod suâ magis utique dignum foret laude, si veluti Salomonis templum DEO vero fuisset erectum, & à gente electâ inhabitatum. Cæterum sublimiora is & pretiosiora longè crexit ornamenta, amplissimamque electis suis statuit habitationem, civitatem sanctam in coelis, quam Christianus mihi Poëta descripsit.

Urbs Jerusalem beata,
Dicta pacis visio,
Quæ cõstruitur in coelis
Vivis ex lapidibus.
Et Angelis coronata,
Ut sponsata comite.

Nova veniens è cœlo
Nuptiali thalamo,
Præparata, ut sponsata
Copuletur Domino:
Plateæ & muri ejus,
Ex auro purissimo.

Portæ nitent Margaritis
Adytis patentibus;
Et virtute meritorum,
Illuc introducitur
Omnis, qui ob Christi nomen
Hic in mundo premitur.



ARTICULUS SECUNDUS.

چید و تو ————— م *

CEHIL SVTVN,

S E U

*Explicatio magni palacij, atq; theatri ad prioris I-
deam erecti à quodam modernorum Persarum Rege Sciah
Habas Primo.*

Contigit, ut temporum injuriâ structura illa Cyri permagna
nifica esse suum, splendoremque perdiderit, ita ut non
nisi infima & objecta quædam rudera ejusdem famosa il-
la Cyropolis valeat exhibere. Ast modernorum regimini Per-
sarum præfectus Rex Sciah Habas magnis nobilitatus naturæ
dotibus, & fortunæ trophæis exaltatus, ut gentili sanguine suxit
ab avis & atavis Persarum superbiam, ita eadem ad ostendendam
Regalem gloriam non modicum efferebatur. Legerat porrò in
historijs forsitan de supramemorato Cyri amphitheatro, protin-
usque scintilla tumoris fervidi succenderat mentem suam, ad
erigendam structuram, deperditæ si non omninò consimilem,
suâ tamen Majestate Regaliq; fastu minimè indignam. Et quo-
niam Rex iste magno ferebatur subditorum intuitu, deque re-
bus à se benè gestis tantam obtinuerat venerationem, ut om-
nium ore ob eximiam suam in agendo sagacitatem atque dex-
teritatem, resque pro omni statu optimè gestas compellatus sit,
Victor, & regnorum paccator, decus & firmamentum patriæ: faci-
lis erat negotij, persuadere populum ad erigendum Regali Maje-
state dignissimum hujuscemodi palacium, multis quantumvis
sumptibus expediendum. Dato igitur mandato prona erat &

facilis Ministrorum executio, promptaque & exacta peritissimorum Architectorum conventio. Missi porrò sunt ad omnes mundi partes, qui de necessarijs ad ædificandum afferrent, omnibusque congregatis tum ex regno suo, tum aliunde processum ad structuræ initium, prosecuti que continuationem ejusdem ducenti indies operarij, exactissimâ diligentia post octo annos perfecere opus; non inquam æquè elegans, parivè cum illo Cyri splendoris, rarissimum tamen, & laboris, opumque splendidâ elegantia toti adhuc spectabile orienti. Imperialium porrò milliones tres Persarum traditione in eo transumpti sunt, multorumque splendorum Regaliumque; ædificiorum in Regis Persici Regia Isphahan elegantius eo superbiusque viderit nemo. Rarò autem, quin imò rarissimè portis adaperitur, nisi cum circa statum, sive Politicum, sive Religiosum Persidis urgent intima altioris indaginis consilia, aut forsan extraordinarij Majorum exteri orbis Principum altioribus in negotijs coram Rege compareant Legati, prout & supra insinuatum.

Porrò & hoc in palacio dicta quatuor personarum genera juxta diversitatem graduum & officiorum sistere se se debent. Nomina autem, quibus moderni Persæ omnes ex officio coram Rege comparentes appellare solent, paulò infra recensenda suscepì.

Primus igitur omnium augustissimo splendidissimoque; in throno Rex ipse fidelissimis duobus stipatus Eunuchis sibi ex utroque latere astantibus residet, si quando altioris consilij causâ compareret. Cum verò dat audientiam extraordinariam, quæ rarissima est hoc in palacio, exteris Legatis; inter maximam, splendidissimam, nobilissimamque; Eunuchorum atque Ephæborum copiam sibi ad latera stantem comparet. Ordinatum verò ex utraque parte penes columnas quadraginta resident, quadraginta sæpè memoratæ personæ, quarum potissimas nominatim adjicere consultum duxi.

Primò

Primò proinde loco proximam penes columnam ad latus throni Regij dextrū residet persona prima, nomine Sadir Chafe; quod latinè interpretari solet: Primas Ecclesiasticus, seu supremus Pontifex Persarum. Alteram verò penes columnam ad sinistrum throni latus residet persona secunda Sadir Mamalich; quod interpretatur: secundo Primas, seu Sub-Pontifex illorum. Dicitur autem Prior ille Chafe, quod magis propriâ interpretatione idem sonat, ac specialis Pontifex, ex eo, quod ille habeat, in spiritualibus, ut ita dixerim, seu potiùs in Machumetanis fidei dogmatibus, solùm regere Regem ejusque curiam, totamque Regiam Civitatem, quam Persæ arbitrantur, & supponunt prævalere toti regno, ex præsentia Regis. Secundus verò ille dicitur Mamalich, utpote, cui ex officio incumbit toti regno omnibusque provincijs (subalternatâ tamen jurisdictione jurisdictioni primi) præesse fidei, legumque interpretatione. Suntque adeo duo hi primi propagatores, totiusque Machumeticæ perfidiæ executores; quam & ipsi cum suis, quantum turpi, tantum effræni carnis libertate mordaciter sequuntur, in polygamia videlicet, pluralitateque uxorum, nec non electo sibi pro arbitrio numero concubinarum. Sunt porrò hæ, sive concubinæ, sive uxores, ut plurimum nobilissimæ primariorum Persarum filiæ, qui Pontificibus hujuscemodi in uxoratum aut concubinatum concedunt eas, ex stulto devotionis motivo, rati, hos esse sacerdotes sanctos, & Machometi, quâ munere, quâ vitâ propheticâ vicem gerentes. Unde & primus ille supra nominatus Sadir Chafe, supremus Persarum Pontifex in uxorem habet moderni sororem Regis. Excedunt porrò hi, quâ opibus, quâ dignitatibus omnes Persarum proceres, exercentque authoritatem suam super eos, in his quæ fidei sunt; solomet dempto Rege, qui nulli se subijcit legi, ut alibi dicam. Ordinant item, seu potiùs instituunt, aut designant suos (quos more suo venerantur, tametsi non sint) Ecclesiasticos,

fiasticos, seu ad suæ Religionis (cùm potiùs perfidia sit) cultum inservientes. Quæ sanè omnia tamen ad veri DEI agnitionem non conducant, ipsiusmet imo opprobrium & contumeliam inducant; in confusionem tamen quid ni stant perversis nostri temporis hæreticis, qui se Christianos nominant, factis verò Christo debitam reverentiam, atque auctoritatem per ejus legitimè constitutos in terris Vicarios atque Pontifices sanctos in Ecclesia militante repræsentatam, continuò negant, improbant, conviciant. Eant utinam illi, & Persicam malæ perfidiæ gentem inquirant, num & ipsi supremum emortuo jam Machumeto Pontificem negent, eundemq; talem qualem, paribus, ut illi, convicijs impugnent. Væ porrò vobis genimina viperarum! Gorgoneum sanè hæreseos vestræ virus non vos docebit fugere à ventura ira. Veniet, qui eradicabit zizania, & segrebabit messis tempore in æternum conflagrationis ignem, severoque ulciscetur gladio universa per vos immissa scandala orbi Christiano.

Tum verò ad secundam columnam lateris dextri, post eum, quem supra Sadir cognominavimus, sedet magnus Vezier, quem Hedima Dolue vocant, quod est interpretatum: Securitas prosperitatis Regis: hujus etenim fidelitati Rex omnia peragenda committit. Rursusq; ad secundam columnam lateris sinistri post Sadir Mamalich sedet magnus civitatis Regiæ judex, quem vocant Scech Ali Islam; quod idem sonat, ac senior, sive Venerabilis progeniei Machometanæ: atque hujus est illam Plutonis progeniem instruere, atque dirigere juxta dogmata Machometi.

Has suas ordinatim penes columnas sex sequuntur satrapæ, in dextro scilicet latere tres, & tres in sinistro. Primus vocatur Corcibasci, id est Regni Regisque custodum caput: atque iste residet post magnum Vezir. Secundus Gular Agati, seu Dominus, aut Præses militum, qui captivi Regis dicuntur, de quibus plura in suo loco; residetq; iste post magnum judicem. Tertius

tius est Mirscicherbaschi, id est, supremus venatorum Regis Præfectus, cui maxima eorum, quæ circa Regis venationem occurrunt, providentia incumbit: sedetque penes columnam lateris dextri post primum Satrapam Corcibaschi. Quartus est Tofenkci Agasi, id est Dominus aut Generalis Sclopetariorum Regis & Regni, sedet autem hic post Gular Agasi ad columnam lateris sinistri. Quintus est Divanbeghi, scilicet Princeps consilij, aut administrator justitiæ, spectantis ad Regem, cujus ille quoad hoc vicem gerit; sedetque post Mirscicherbaschi ad columnam suam in latere dextro. Ultimus denique Satraparum est Mirachcor, Princeps & Præfectus stabuli equorum Regis: sedet porro post Tofenkci Agasi ad columnam suam in latere sinistro. Cæterum de officijs, modoque exercendi illa alibi plura.

Tum verò sequuntur principales Ministri immediate servitijs Regis dediti, suntque quatuor. Primus vocatur Nazir, id est, circumspeditionem habens de bonis familiaribus Regis. Secundus Chaznadar, seu Regis thesaurarius. Tertius Vachiha nivis, id est, Historiographus seu Chronista Regis, conscribens Regiæ cursum curiæ, & eorum, quæ successu temporis quomodolibet notatu digna obtingunt. Quartus vocatur Mohur Dar, id est, portans, & custodiens sigillum Regis. Servantque eundem inter se ordinem post satrapas hi ministri, ita quod primus & tertius in latere dextro, secundus & quartus in latere sedeant sinistro, juxta suam quilibet columnam.

Sequuntur tum quatuor scientifici, sive sapientes Regis, primus eorum vocatur Monegin Baschi, id est, caput, sive Princeps Astrologorum. Estque hic totius Regni peritissimus in omnibus Mathematicæ disciplinæ partibus; dicitur porro Astrologus tantum per nominis & officij excellentiam; magisque insudat Astrologiæ judiciariæ, quàm naturali; aut cuicunque alteri scientiæ, sive experientiæ; unde & ipsummet Regem in

judiciariâ instruit Astrologiâ, omnemque ejus curiam superstitiosis opinionibus dirigit, (an magis dicendum) invertit. Ipse porrò Ephemeridem seu Almanacum pro Rege totoque Regno, quolibet præscribit anno. Secundus dicitur Achund, quod est, Magister sive Doctor utriusque juris eorum. Tertius vocatur Melich Scuhara, seu Princeps Poëtarum. Quartus denique Hachim Basci nominatur, quod idem sonat, ac Caput seu Primas Medicorum. Hi porrò omnes suis artibus, & scientijs compressis periti sunt; estque gens ipsa Persica, tametsi veræ, cælestisque sapientiæ nihil avida, bonæ tamen in cæteris suis artibus & experientijs notitiæ non parùm curiosa.

Tandem ordine suo collocantur Vice-Reges, Duces, Principes, Dynastæ, atque inclyti Persarum, Medorum, atque Parthorum, Armenorum, Hybernorum Orientaliū (quos vulgus Giorgianos appellare consuevit) & Albanorum Orientalium, Hircanorum, Scytharum, Caramanorum, & Chaldæorum, qui omnes sunt sub jugo & fide Persarum, neque aliter quocunque dominio, eminentiâ, vel dignitate frui possunt. Cæterum hi non semper, sed solùm vocati Regis curiæ adsunt, tuncque quilibet, juxta suam conditionem vel excellentiam suam se se collocat ad columnam, aliumque antecedit, aut insequitur.

Rursus duo sunt Cancellarij, quorum primus Mustofi ilchasa, id est, Cancellarius specialis dicitur incumbens solis curiæ civitatisque Regiæ continuis negotijs; secundus verò Mustofi Mamalich, id est, Cancellarius totius Regni: debentque duo hi Regali curiæ semper & individuò adesse.

Sequuntur hos alij duo Superintendentes Regnorum atq; Provinciarum, quos simpliciter Vezir nominare solent. Primus porrò est Vezir Adirbagian, id est, Superintendens Regnorum, atq; Provinciarū, quæ sunt à Civitate Regia Isfahan, usq; ad confines Turcarum, Moscovitarum, & Maris Caspij. Secundus
verò

verò superintendit Regnis atque Provincijs, quæ sunt post Civitatem Regiam versùs Orientem ad Indiam, Scythiamque majorem, quæ tendit ad Chinam, & ad sinum Persicum versùs Arabiam, & Chaldæam. Hi autem in Regis curia rari sunt, nec nisi singulariter vocati comparent. Prioris namque residentia est Metropolis Medorum, quæ vocatur Thauris, civitas antiquitate, magnitudine, opibus, populisque celeberrima, & nonnullorum opinione illa est Ecbatana. Secundi autem residentia Cyropolis est, nunc Sciras dicta, par dignitate & opulentiâ, incolarumque multitudine illi, quæ Thauris dicitur.

Tum denique succedunt proceres alij, summâ prudentiâ, probitate, nobilitateque præditi, donec quadragenarius compleatur numerus, ex memoratis quatuor personarum generibus: ubi illud solum notatu occurrit, quod (sicuti ex utriusque articuli collatione constabit) moderni Persæ non ad unguem observent personarum statuumque ordinem, prout & antiqui observaverant; hoc tamen iisdem, eorundemque Regi in gloriam nonnihil confert, quod plurimis mutatis, supremo tamen reside-re loco relinquunt Pontifices, seu Primates Religionis suæ dictatores. Ita namque prima de DEO cura sit Principi, & prima Primatum ejusdem ministrorum agnitio.

Cæterum peculiaris est omnium in curia Ministrorum sedendi modus, apparente Rege. Solus namque ipse pulvinari insidet, complicatis pedibus, ut orientalibus alias in usu esse solet: ipsi porrò Ministri universi genibus flectunt, superiori corporis parte retrorsum ad pedum plantas reclinati, super quas quasi sedere cernuntur: complicatisque ante se manibus, coronis suis, quas Tatsch vocant, de quibus in suo loco, pro diversitate singulariter adornati, totoque vestimentorum apparatu splendidi comparent. Summo verò in silentio Regem venerantes, eorundem nemo loqui præsumere ausit, nisi à Rege interrogatus.

In fine verò aulae hujus Regijque palacij duo rursus stare solent juvenes Eunuchi, attenti in faciem & nutum Regis. Et in medio palacij fons scaturit subterraneus, quadrangulari marmorum circumferentiâ inclusus, circa quem & diversa vasa aurea multiplici florum genere repleta collocare consueverunt. Reliquum porro pavementum pictis pretiosissimis stratum est tapetibus: ut sanè omnia, quâ supra, quâ infra, non nisi Regiam atque amplissimam redoleant superbiam & Majestatem.

Sed ah miseros vos, vestrâ etiam in Majestate Persas! pauperimos vos, vestrâ in opulentia! aridos vos, & sitibundos, scaturientem tametsi fontem circumsidentes! verus etenim vobis deest fons ille, cujus aqua, quia gratiâ vivæ sunt, saliant in vitam æternam. Fons inquam vobis deest ille, unde scaturit omnis Majestas, unde profilit omnis potestas; unde dimanat omnis salus populi mortalis, in majestatem & beatitudinem immortalem.

Ad utrumque autem theatri ostium ultimum duæ stare assolent personæ; ad ostium quidem lateris dextri Mareschallus est Aulicus superbissimo vestimentorum ornatu resplendens, baculum manu gestans aureum, Regis indicando clementiam atque benevolentiam erga sui nominis & gloriæ amatores. Ad ostium verò lateris sinistri primus stat carnifex, homo ut plurimum, rabiem & crudelitatem vel solo aspectu spirans, indicansque singulariter Regis furorem atque indignationem, contra inimicos sui, & Regni: unde & quandoque frameam non ad latus pendulam, sed evaginatam manû liberâ vibrare huic crudelitatis ministro concessum est.

Porro ad majorem superbiam & fastum Regis, ejusdemque potentiam & magnanimitatem demonstrandam nonnunquam ad ostia palacij vivi ligantur leones, quorum vel solo intuitu
Legati

Legati Principum externorum non modicum inducuntur, ad crudelitatem, superbiamque Regis sibi persuadendam.

De his igitur tam Cyri, quàm moderni Persarum Regis palacijs potissimis exordium sumpsi narrationis meæ, tanquam in quibus, veluti in compendio relucent divitiæ, status, politica, Religio, & omne regimen Persarum; eaquæ omnia, quæ in his visu digna erant, & sunt, accuratiori in tabula effigiari feci, & ad frontem libri posui, remittens eo lectorem curiosum. Jam porrò de alijs singulariter quædam recensere notatu digna non omittam: mea tamen adhuc vestram erga superbiam facie versus contra leones reclamo illud: alius ô Persæ, alius (a) *de tribu Juda leo rugiet, qui ad nullius pavebit occursum*, Christus olim sessurus ad judicij tribunal: tum verò & ex vobis, quæ Reges, quæ Proceres, *quis non pavebit?*

ARTICULUS TERTIUS.

De superbissimo antiquorum Persarum statu, & felici tempore, quo fides Christi inter eos floruit, nec non miserrimâ eorum conditione de presenti.

GEntem porrò istam Persarum priscis jam temporibus sublimiori inter cæteras vertice superbijsse, & quâ nobilitate, quâ sapientiâ semper insignem extitisse, negabit nemo; nisi forsan ille, qui nedum fide dignissimorum Historicorum, sed & sacrarum ipsarummet scripturarum testimonia vilipenderit ut commenta. Eousque stimulante potenti superbia, superbâq; potentiâ extulere se se, ut Persici possessores throni REGES REGUM (b) dicti sint, & habiti, ut constat de Artaxerxe.

Cæterùm cùm volumina de majestate Persarum antiquâ plena sint, meo ego parcens labori, necessarium tantum assumo tangere, atque delucidare quædam, quæ communiter Græ-

ci æquè atque latini Authores omittunt, quâ inquam ratione differant, vel unum sint, tres illæ communiter dictæ nationes, Persæ, Parthi, & Medi; quippe qui aliquando ita inter se discrepabant, ut diversæ viderentur gentes, aliquando porrò ita sibi stetere uniti, ut una gens atque natio habiti sint. Edicendum pariter fusiùs duxi, de tempore atque modo, quò Persarum adeò potens sublimeq; dominium in alienæ gentis manus ceciderit, ipsique miserè adeò dispersi. Ubi & de fide Christi inter Persas florida, ejusdemque rursùs exterminio, & inchoatione miserabilis eorundem perfidiæ plura.

Persarum igitur Armenorumque suis in vernaculis narrant Historici, Imperium Assyriorum, sive Chaldæorum, aut Babylonensium, qui in unam omnes gentem coincidunt, fuisse delatum ad Medos, qui per aliqua secula potiti erant eodem, donec inclytus, sapientissimusque Persarum Cyrus illud ipsdē abstulerat, regnante Astel Rege illorum (quem Græci atque Latini Astyagem dicunt) in sui que populi redegit potestatem, qui ejusdem per decem Kern, id est, cornua temporis, continuum habuit dominium. Hic tamen pro intelligentiâ

Notandum, quod sicut apud Latinos centum annorum spacium, seculum dicitur, sic & apud Persas, triginta annorum spacium dicitur Kern; estque quasi seculum illorum. Porrò mysteriosum, hoc est ipsdē: dicunt namque, perfectam fortiorēque humanæ vitæ conditionem adaquiri in anno trigesimo, unde & hanc ætatem assimilant cornui, quòd, sicuti cornu fortissima pars est animantis, ita triginta ætas annorum, fortissimam atque perfectissimam humanæ naturæ tribuat constitutionem. Proinde & ille, qui uni trigesimo addebat alterum trigesimum ætatis suæ decursu, vocabatur felix duorum seculorum. Quâ ratione Alexandrum Magnum Zulkernein vocant, id est, habentem duo cornua, bis videlicet triginta annos, quam-

vis sexagesimum completè non attigerit. Quòd si quispiam, secundo cornui, seu anno sexagesimo, supernumerare valuerit ætatis suæ ter trigesimum, qui est nonagesimus, vocabatur felicior possessor annorum trium cornium vitæ humanæ. Si verò tertio etiam cornui, quartum addiderit; felicissimus ille possessor seculorum, omnisque humanæ vitæ felicitatis dominus palàm audiebat. Et verò quid nunc? perdifficiles sunt periodi humanæ vitæ, atque ardui solutionis nodi, 120. anni, quos qui persolverit, felix utique seculorum possessor diei valeat, nisi aliunde forsan infelix sit magis censendus ille, qui cum annis sibi misérias humanæ conditionis multiplicat.

Persæ ergò, dum per decem cornua Medos regnâsse dicunt, indicant spacium trecentorum annorum: quamvis Græci, eorumque scriptor præcipuus Nicephorus, ducentorum & viginti annorum recenseant dominium Medorum. Porro & hoc minùs sentit Historicus antiquissimus, celeberrimusque Armenorum Poëta Moyse, cognominatus Kertoch, puta, explanator rerum & difficultatum. Is enim centum quinquaginta circiter reputat annos usque ad Darium victum, à magno & sapiente Macedonum Duce Alexandro: qui reliquerat illud regnum suis, prout & hi per quinque cornua tenuère illud. Tum verò magnus ille Arsach, quem Græci & Latini Arfacem vocant, eximius Parthorum Paterfamilias, armorumque virtute potentissimus memoratum dominium à Macedonum proceribus (qui Ptolomæi erant) abstulit, suæque, scilicet Parthorum tradidit genti; quæ pariter id ipsum amisit regnante Arthabanno; quem Græci, Latini, atque Armeni Artabannum dicunt. Hic namque, quemadmodum Persæ dicunt, insipiens magis atque tyrannicus erat in suo gubernandi modo, quod ipsum in calcar erat prudentiæ atque dexteritatis Artaxerxis, ut memoratum occideret Artabannum, quò & occisò, occupaverat Artaxerxes

xerxes Regnum à Parthis sibi vendicatum, ac tandem filio suo Cosroë commisit. Porro non erat ille Cosroë, de quo multæ loquuntur historiæ pugnâsse cum Heraclio propter crucem Salvatoris; sed filius primi Persarum Artaxerxis, quem aliæ historiæ, atque scriptores caput etiam Magorum atque Ariolorum fuisse, perhibent. Sed ad differentiam Persarum, Parthorum, atque Medorum oportet, redeamus.

Persas ergo, Parthos, Medosque, tametsi in multis differentes, unam facere gentem, sentio, desumpto ab Assyrijs, Chaldeis, & Babylonensibus exemplô, qui unam absolutè faciunt gentem. Et quemadmodum populi Sabinenses, alijque Romanis circumvicini, bellica sæpè sæpius miscuere discrimina, nec non & linguis & moribus quandoque discrepabant, una tamen gens & natio habitati sunt, nedum à Persicis, Armenicis, Græcis, Latinisque Historicis; sed & à scriptoribus sacris. Accidentalit enim erat horum inter se populorum oppositio, atque discrepantia, orta sive ex particulari Antipatia, sive ex rebus malè aut benè, pejus aut melius administratis; sive alijs particularibus quibusdam motivis, quâ etiam ratione inter unum atque alterum ejusdem licet Provinciæ oppidum oriri solent dissensiones, quæ nullam divisionem seu diversitatem gentium, sed solam populorum arguunt æmulationem.

Unitate proinde radicali nationalitatis essentialis unū fundant, & faciunt commune dominium & imperium, populi Romani, eosque circumjacentes, quamvis armorum vicissitudine quandoque unus, alter quandoque triumpharit. Sumitur autem denominatio à populo nobiliori, & ut plurimum potentiori, quales cum utcumque Romani fuerint, communi nomine gens seu natio essentialis, vocatur Romanorum, & Imperium Romanum. Licet plures sibi junctos sortiatur populos, ut Sabinenses, atque alios, accidentaliter solum, ut supra diximus, ab
 ijfdem

ijſdem differentes. Atque ita pariter Aſſyrij, & Chaldæi, & Babylonij, in unam radicaliter ſtant gentem, quamvis actuale gubernium armorum virtute modo uni, modo alteri ceſſerit, aut exceſſerit ſecundum triumphum.

Unde quamvis particulari quadam oppoſitione, aut anti-pathiâ, bellis imò quandoque acerrimis inter ſe diſſecabantur Perſæ, Medi, Parthique, ita, ut quandoque unus, alter viciffim populus dominaretur, accedente inſuper linguarum morumque diverſitate; originali tamen, atque nationali ratione, unam faciunt gentem, & imperium, atque in unum coincidunt populum Perſicum, ut docent Perſarum Hiſtorici, ſingulariter Scech Naſir Tuſi, antiquiſſimus, probatiſſimusque eorundem Hiſtorio-graphus, nec minus celebris Philoſophus, Medicus, atque Poëta, multæ, magnæque tam in vernacula ſua Perſica, quam Arabica, Syriaca, Græcaque lingua eruditionis. Tota ergo inter eos, huius ſcriptoris teſtimonio diſcrepantia currit, in corruptione probati verique idiomatis Perſici, & morum complurium diverſitate. Unde ſcriptor memoratus inquit, populum Parthicum, qui habitabat in partibus Choraſan, extendens limites ſuos ad Scythas uſque majores, eſſe quendam rudem, vilemque *Perſam*, quippe de barbaris Scytharum moribus participantem, cumque in culto eorum idiomate verum atque elegans idioma Perſicum confundentem. Medorum econtra populum, politiorem vocat, nobilioremque *Perſam*, præ Partho, eo quod bonas fortiretur humanitatis diſciplinæque influentias à Syris atque Græcis, ad quos extenderet fines ſuos. Perſicus verò populus, ut inquit laudatus Scech Naſir Tuſi, ſeu populus ille, qui in corde imperij putâ Hircaniâ, ad uſque ſinum Perſicum, atque Indos ſe ſe extendente, habitaverat, humaniſſimum ſemper, atque ſapientiſſimum, liberaliumque artium & ſtudiorum cupidiffimum ſe ſe monſtravit; unde populus ipſe nedum à tota Perſide, ſed

& à toto semper Oriente celebrabatur : illique soli adjudicatum est, ut proprium debitumque nomen, Fars, id est, sapiens antonomasticè, seu per excellentiam Nominis : namque Persis dicere Fars, idem est, ac dicere Gentem sapientem.

Hâc proinde ratione à Persis, tanquam à potiori, nobiliori, atque excellentiori populo, regnum ipsum semper denominatum est, & hodiernum usque diem denominatur Persicum, quamvis in eodem adhuc Regno sint duo illi Parthorum atque Medorum populi. Hæc porro pro brevitate de horum populorum diversitate, atque unitate gentis & imperij dicta sunt : nunc, quomodo & quando imperium adeo potens, sapiens, atque sublime Persarum in alienam atque vulgarem devenerit gentem, indagemus.

Etenim (a) *generatio advenit, generatio præterit, terra autem in æternum permanet*, theatrum veluti commune, in quo DEUS cum stupore mortalis genij, solus ipse non lusus, ludit omnem rerum vicissitudinem, atque mutationem, ipse idem immutabilis, & totius expers vicissitudinis. Sicut proinde sapiens (b) nihil vidit sub sole permanens, solè imò ipsum licet millies orientem, millies pariter videre est occidentem ; ita Orientalem DEUS gloriam in oculis mortalium occidere fecit, & Persarum sublime decus atque imperium alteri commisit populo possidendum. Quod quidem, quâ ratione factum sit, antequam dicere aggrediar, nefas judicavi, sine commemoratione præterire statum illum, nunc (cheu!) solâ recordatione felicem, quò flos de radice Jesse ipsa etiam in Perside floruit, & Christi salutaris fides plantata passim terram orientalem adusque cælum suos fecit diffundere odores suavitatis. Quamvis & potissimi ipsimet flores non nisi sanguine tincti à persecutorum rabie martyrij purpuram sibi vendicârunt. Rem certò ab animo Christianæ pietatis amante non percipiendam, largo absque profluvio lacrymarum.

(a) *Echl. i. v. 4.* (b) *ibid. v. 10.*

Propheticô jam Veritas Divina præfagit oraculô, Evangelicæ buccinam pietatis etiam in Perfide audiendam, juxta illud Davidis. (a) *In omnem terram exivit sonus eorum.* Exijt certò & in Perfidem per claram illam cœli buccinam Bartholomæum. Exijt per Simonem, atque Thadæum, Apostolos, aliosque Christi discipulos, vera sacrosancta fides, qui & à Divinissimo Magistro suo ad quatuor orbis partes dimissi sunt, sui veluti Neo-Testamenti, sanctæque Ecclesiæ DEO placentis Architecti, laboreque quantum periculosô atque arduô, tantum solerti atque constanti divinæ legi insistentes, terram cruce Christi dimensi sunt universam. (b) Hæc namque vera est virga illa, seu calamus, aut arundo aurea, quâ templum DEI, & Civitas sancta fidei, & electorum in ea rectè valeat dimensurari.

Sed & temporum injuriâ, humanæque perfidiæ decursu defecit pientissimus in DEUM hominem zelus, adeo, ut ipsimet, qui Sancta Sanctorum ædificaverant, Apostolici Architecti tyrannicô furore martyres sint effecti, reputatâ quidem vitâ illorum insaniâ, ipsis verò inter DEI filios computatis, eorundemque sorte inter Sanctos feliciter collocatâ.

At verò Christianæ Sol Justitiæ, Evangelicæque Phœbus veritatis omni nondum ex parte obtenebrabatur Eclypsi, cum interim in Armenorum finibus gloriosa & salutifera Salvatoris fides, nedum perdurabat, sed & ultro invalescebat. Hi porrò, sicut & Imperatores Romani deperditam in Perfide Christi fidem instaurare, atque plenius introducere non destiterant, destinatis hoc in negotio quâ sancto, quâ perdifficili eloquentissimis, zelosissimis, sanctissimisque Legatis, atque Oratoribus: (c) quod in Ecclesiastica sua historia referens Nicephorus, Callistus, longiori narratione deducit, crebrasque Persas inter &

D 2

Roma-

(a) *Ps. 18.* (b) *Apos. 1. c. 21. v.* (c) *Nic. Calist. in Eccl. hist. l. 14. c. 18.*

Romanorum Imperatores describit legationes, unde majora oriebantur Christianæ fidei incrementa.

Zelus igitur domus DEI insidens Armenorum cordibus, suum sanctæ agnitionis calorem, diviniq̃ue flammam spiritus Persidi ultro, citroq̃; immittere non desistebat, instruentibus jugiter Armenis populos Persidis sibi propinquos. Facta sunt proinde hac rursus in natione corde flammantia sanctissimo Religionis igne, exq̃; familiariori sacratissimorū virorum, quibus tunc Armenia abundabat, conversatione succensi Persæ, licet sensim, palam tamen concepere spiritum veri DEI, & paulò post Christi, atque Evangelicæ veritatis excitati, illuminatiq̃ue fide, fervidè sanctam nedum profecuti, sed & insecuti sunt, atque suscepere Religionem. Usque inquam adeo, ut Episcopos sibi, sacerdotes, aliosq̃ue Ecclesiasticos methodo Christianâ per Armenos constitui curârint.

Quia tamen omne principium grave; difficultatem pariter sensit, quin imò impossibilitatem propagationis suæ Religio sancta, quod mundus (parvus ille, & juxta Græcos microcosmus, homo) jam olim à statu innocentiae deciduus, non ultra, nisi nocentissima sibi appeteret. Docebant Armeni de lege Christi, & DEI, invisibilis illius eminentiæ divinitatem, unitatemq̃ue, adversum Deorum fictilium, creatorumq̃ue sensibus subjacentium pluralitatem. DEUM docebant humiliatum adversum hominis superbiam, temerè olim tentantis, ut DEUS foret, cum interim ne dum ad chymericum hoc intentum viribus defecisset, sed &, si quod boni habuerat, deperdidisset. Docebant infinitæ potentiam bonitatis Divinæ, quæ superabundantissimis meritis inhumanationis, mortisq̃; filij DEI unigeniti pro divinæ adversum hominum peccata justissimæ æquitatis, & vindictæ rigore misericorditer satisfecit. Docebant demum omnem conscientiae puritatem, omni tum penè mundo
spur-

spurcitijis & impietatibus immerſo alienam, docebant ſalutiferos Chriſtianæ vitæ, viæque mores, atque virtutes. Sed quæ in ſe erant melliflua Chriſtianæ fidei documenta, febricitanti plurimorum Perſarum gutturi ex amaritudine peccatorum infecto, ſi non venena, ſaltem videbantur amara.

Cæterum, quod primam propagandæ fidei ſtatuereſt impoſſibilitatem, erat elatior ambitio veſani populi, qui inaudiens primos executores, promulgatoresque primarios fidei ſanctæ fuiſſe vilis mortales conditionis, *Piſcatores*, Galilæos, & hominum opprobria cæterorum: deſpectui ſibi duxerat adhærere fidei huiuscemodi, ignorans, quod lapis Chriſtus, quem Judæi (a) *reprobaverunt adificantes, factus ſit in caput Anguli*, qualiterque; DEUS infirma elegerit, ut fortia quæque confundat, & (b) *per prædicationis ſtultitiam ſalvos faceret credentes*. Quod ipſum quid ni Creatoris, Salvatorisque omnipotentiam, omniſcientiamque; arguit, quin imò ad hominem demonſtrat? ſed ſerpente antiquo inſidiatore infecta Perſis, ſuperbiæ intumuit venenò, & rabiem uſque agitata, perſequi incepit Chriſtianæ pietatis ſequaces, idque potiſſimum per Judæos atque Manichæos, quorum tunc virus peſtiferum multum inter Perſas occupaverat numerum.

Hi proinde quæ Judæi, quæ Manichæi inita cum Perſarum Magis familiaritate, atque unione majori, optimam Saporis Perſarum Regis auſi ſunt interturbare de Chriſtianis opinionem, malè ſpargendo de Simeone Seleuciæ, & Cteſiphontis Primariarum Perſidis urbium Epifcopo, quaſi ille, quia major Romanorum amicus ex fide, minor ſit Perſicarum rerum proſecutor, inimicus inſenſiſſimus imò. Tum verò ociùs Rex fide perfidis omninò adhibitâ, nullam non moliri incipit perſecutionem in ſanctos Chriſti fideles. Ut porrò commodiùs Chriſtianitatis induceret deficientiam, & hortuli denuò viſcentis impediret u-

beriolem impofterum fructificationem; irrigationem eidem primò prohibere molitur, feu potiùs, quo alias fonte nutriebatur gens DEO electa, exhaurire conatus est, cùm graviora Christianis impoſuiſſet tributa, graviffimofque, & rigidiffimos eorundem exactores, qui bonis exhaustos fideles ad fidei abnegationem impellerent, conſtituiſſet.

Sed neque his contenta perfidorū rabies; cùm paulò poſt, varijs tormentorum generibus debachatur in Chriſtianos, non ſecus ac luporum more, qui poſteaquam obviantem ſibi agnum primo allatrato in trepidationem egerint, tum tandem ſanguine gaudent, & morſibus ludunt. Nolim ego ultra è Lectorum oculis lacrymas premere, obijciendo crudelitatem perſecutorum, & ſuppliciorum varietatem, ſtatumque, conditionem, ac numerum interfeſtorum. Omittere velim grandium claritatem miraculorum ſub ſœviſſima Saporis in Chriſtianos perſecutione; brevitati namque ſtudens, Eccleſiaſticis id relinquam hiſtorijs, quorum tot ſanguinei ſunt à Martyribus caracteres. Obiter dictum eſto, quod ex Syrorum, Armenorum, Græcorumque; (a) Hiſtoricis nemo abſque ſtupore audierit, Martyrum vel ſolâ in Perſide interfeſtorum numerum excedere ſexdecim mille, quâ virorum, quâ mulierum animas, ex quibus quorundam Episcoporum, Sacerdotum, Diaconorum, aliorumque Miniſtrorum Eccleſiaſticorum pro Chriſti fide interfeſtorum nomina promiſcucè placuit adjungere.

Primus porrò horum Martyrum, atque aries totius de cruento vellere gregis Dux, Simeon erat ille memoratus Episcopus, quem pro DEI gloria in victorioſo certamine inſequebatur Barbaſimes; quorum dein ſucceſſivè triumphales æmulati ſunt palmas, Paulus, Gadabes, Sabinus, Mareas, Mocius, Joannes, Ormiſdas, Papas, Jacobus, Romas, Maares, Agas, Bocchoris, Sapoſes, Iſaac, & Daufas, atque complurimi alij Eccleſiarum

Ministri, qui nedùm soli, sed & unà cum gregibus sibi adhærentibus rubrum Martyrij oceanum transiére.

Dic sodes etiamnum Lector Christiane; palam ediffere: si Sancti DEI Christi coronam adornant, nunquid inter cæteros præstantissimæ hæ erunt orientales gemmæ, & rubini in agni sanguine tincti? Manet tibi Persis infelix, Ah! manet tibi, quod vel perfidiâ DEI summi exaltâris per Martyres à te interfectos gloriam, quam vel solâ agnitione & veneratione magis augere valuisses, si & voluisses.

Sed neque sequaci erant sine phœbo nubila, nec atra usque adeo nox sine inuenta postmodum aurora. Invalescente licet usque adeò perfidiâ, ut Ægyptiarum more tenebrarum palpari deberent omnia, (a) refulserat illicò Sol Justitiæ Christianæ, ad felicissimum tempus Isdegerdis Regis, qui tantæ erat æquanimi-
tatis, ut Theodosius in ejusdem à patre tutelam sit commissus.

Cùm igitur Rex iste benevolentissimus esset Romanorum amicus, crebræ jam ultro citroque ab utraque parte reciproce instituebantur legationes, (b) per sapientissimos, peritissimosq; Legatos & Oratores: quos inter specialis erat atque eximius, nec minùs sanctitate, quàm doctrinâ laudatissimus, Marutha Syrus, Episcopus Mesopotamiæ. Is primò Isdegerdem Regem gravi diuturnoque capitis dolore curaverat; unde singulari penè honore atque æstimatione Rex eundem profecutus, magnam Magorum, cæterorumque perfidiæ ministrorum contradicti-
onem, indignationemque in memoratum Episcopum commove-
rat: cùm interim Rex ipse omni cæteros in Christianos benevo-
lentiâ ferebatur, & comitate. Ut sanè illud rediisse tempus vi-
deretur DEI populo apud Persas, quod olim; de quo proinde pauca libeat considerare.

Etenim juxta Chobar fluvium residenti olim (c) Ezechieli
ante

(a) *Nin. Calist. lib. 14. c. 18.* (b) *Ibidem.* (c) *Ezech. 1.*

ante ultimam populi DEI captivitatem obtigerat visio quatuor animalium, quatuor destructas Israël Monarchias figurantium: (a) quam utiq; secundum doctissimi cujusdam Theologi explanationem huc apponere, non incongruum erit. “In leone enim (inquit ille) figurabatur Monarchia Assyriana. Quæ sicut leo erat fortior, & prima inter alias, cujus Reges Hier. 5. vocantur leones, quorum Salmanasar captivavit decem tribus, & tandem Nabuchodonosor captivavit tribum Juda & Benjamin, & desolatus est Jerusalem. In homine figurabatur Monarchia Persiana, quæ humanius & mitius se gessit cum Judæis, ut patet in Cyro & Assuero Longimano, qui post reunitam Monarchiam Persianam cum Assyrianâ, alias antea divisam in tempore Sardanapali, dederunt licentiam Judæis reædificandi templum, & Jerusalem. In tauro figurabatur Monarchia Græca, quæ incepit in Alexandro Magno, cujus multi Reges, ut patet in Antiocho illustri, sicut tauri impetu furibundo percusserunt Judæos. Unde Alexander Daniel. 8. vocatur cornu, ex quo per mortem fracto orta sunt quatuor cornua, qui sunt quatuor Reges ei succedentes, utpote Philippus Arideus in Macedonia, Ptolomæus Legatus in Ægypto, Antigonus in Asia, Seleucus in Syria & Babylonia. Ecce quomodo Reges istius Monarchiæ cornu vocantur ob eorum crudelitates, de quibus in libris Machabæorum satis constat. In Aquila figurabatur Monarchia Romana, quæ ut Aquila rapacissima, non justitiâ, sed potentiâ omnes gentes, subjugavit, & Judæos omninò devastavit, ut patet in Tito & Vespasiano. Hæc ille. Unde colliges Lector, ex hoc forsitan etiam Danielis testimonio Persas fundamentum sumpsisse, ad vocandum Alexandrum Zulkernein: de quo jam supra.

Gloriare jam tibi famosa Persis, quæ à mitiori procedendi cum DEI populo autoritate, faciem sumpsisse hominis divini

(a) La Cruz. in comput. anar. ab Adam usq; ad Christum.

nô jam olim oraculô comprobaris. Id tibi laudis in Cyro, id tibi in Assuero, id in Artaxerxe olim sacræ etiam historiæ adscribunt; id verò & rursus tibi gloriæ immortalisq̃ue vendicâsti laudis in Isdegerde, quem DEI populo benignum exhibes hominem, sepelis tyrannum. Redijt ergo, ut supra memoravimus, redijt felix illa antiqua ætas, quâ Assuerus servitia à Mardochæo sibi præstita agnoscens exaltari eundem præ cæteris fecit, & electo DEI coeli populo benefavit, dum Isdegerdis benevolentissimus animus Marutham Syrum ob restitutam sibi capitis sanitatem, peculiari prosecutus amore, atque populum Christo deditum Regno suo suscepit gratiosum. Illud denique tunc redijssè tempus videbatur, quo olim Persarum Reges, ut sacræ contestantur paginæ populo DEI pro votis concessere templi Domini, sanctique Jerusalem ædificandi facultatem.

Ast, qui sacras evoluerit paginas, nihil & eo tempore sine contradictione factum reperiet; qualiter nec Isdegerdis tempore suam poterant sine magnis obstaculis propagare religionem Christiani. Ambitiosæ quippe perfidiæ tenebris mens obnubilata, obturatis contra veritatem auribus renuerunt vocem saviter incantantium pro lege DEI; quin, ultra eos persecuturi, ut supremâ, eâq̃ue fortissimâ invalescant manu, viperinas machinantur astutias, queis benevolentem Regis in Christianos animum, avertant, atque imo extremam in rabiem agant: neq; alia occurrerat, quam qualem subijcio, inventio scelestæ.

Sathanæ hi Ministri, & Gehennæ infernalis mercenarij, eo in loco, ubi ignis eorum (quem stultâ colebant insaniâ) servari solebat, sub terra constituere scelestum quendam, eum in finem, ut si quando Rex eo deveniret, Sathanæ ibi spiritus delitescens altâ horribiliq̃ue voce inclamaret. Exeat, exeat Rex, hoc sacro ultra indignus locô, quippe qui dereliquit suam, amplexusq̃; fidem sequitura lienam. Sic porrò dispositâ fraude, de industria

destinatum ad ignis templum duxere Regem: cum ecce fatali, atque horrifonô clamore delitescens Idolum eloquitur dæmoniacum. (a) Exiret omninò, exiret protinus Rex, sacris porrò indignus ignium aris, ob derelictam patriam, aliorumque fidem jam jam susceptam. Nescius ergò Rex fraudis tremuit, & totus horrore concussus mutare protinùs non distulit bene alias habitam de Christi Religione salvificâ opinionem. Tum verò qui olim Mardocheum in beneficijs Regi præstitis, quiq; Neemiam in procuranda templi DEI ædificatione priùs egerat, Episcopus Marutha, jam ageret Danielelem, necesse erat, confunderetq; Bel sacerdotes iniquissimos, & Regi patefactâ fraude DEI Sancti gloriam propagaret; quod & Marutha exequi nullâ dubitaverat ratione.

Igitur Sanctus sancti gregis Episcopus impavidus Regem adiit, nollet à sancto proposito desistere, summò zelo commonefaciens, addensque dignaretur quantociùs Majestas Regia sufferre, quâ veritas patefaciat fraudem, eò quidem tenore: accederet iteratò Rex ad ignium aram, & cum primùm auditos clamores reaudierit, juberet Regiâ potestate, ut foderetur locus ille, unde vocem inaudijt; inventurus tandem nebulonem quendam Magorum utique delitescentem, hasque voces oraculi sathanici loco effingentem. Quæ ubi omnia Rex tentâisset, innotuit protinus scelestus Magorum dolus, crevitque indies, magisque efferuebat pristinam in sanctam Christi fidem, & Gregem, Regis animus, toto e contra furore atque acerrimâ persecutione investus perfidos adversum Magos, & Majestatis Sux Regiæ deceptores.

Memorato porrò Regi, successit dominio, Varanes ejusdem liber, progeniè sanè, non animo; etenim hic in juventute magicis jam intoxicatus superstitionibus nihil poterat, præter crudelitatis virus cructante ad nauseam plenò perfidiæ stomachò in
Chri-

Christianos evomere. Hinc igitur, ubi Isdegerdes mollia pacis concessit pascua Christi ovibus, hic in terram profligare molitur scorpionibus disseminatam; verbô, tunc Patris benevolentia, in filij rabiem, tunc Isdegerdis pietas in Varanis degeneravit crudelitatem, irritis omnibus pientissimæ antea Christianitati concessis, excogitatisque dirissimis persecutionum in hanc, tormentorumque, ac suppliciorum generibus, usque adeò; ut diabolica Magorum ingenia, suadente licet omnis impietatis Machiavello sathana, ulteriori deficerent inventione. Atque ita suavis Christianorum, & mollibus Isdegerdis gratijs stratus lectulus, in diram cruentamq; transijt lanienam.

Verùm enimverò, uti nullum est adversus dominum consilium, nil poterat adinvenire perversitatis crudelitas humana, quod altiori non consiliô superaret bonitas divina. Perijt Helio sanguinis Christiani, atque mortuô Varane aurea statuitur libertas Christianis, libera conceduntur pascua cœli oviculis, tempore Cabadis Regis succedentis. Qui quidem usque adeò constantis in Christi fidem erat animi, ut & ultimum in eadem spiritum multorum opinione DEO cœli exhalaret, & tanquam Christianus defunctus sit, testantibus hoc ipsum tam Armenorum, quàm Græcorum Historicis.

Eâdem tranquillâ pace, sanctoquæ incremento floruit, invaluitque Christi fides in Perside, regnante Chosrue Hormisdæ filio, qui nedum pretiosis muneribus ditaverat templum Antiochiæ D. Sergio sacrum, ob à se ibidem visa, per Sancti intercessionem patrata miracula in bello sub Antiochena civitate; sed & complura exhibuit grati animi obsequia erga Romanorum Mauritium Imperatorem, cujus suffultus auxilio è suorum manibus æmulorum paternum reaccepit regnum: qui pariter Chosrues Christianâ fructus, & perfunctus perhibetur vitâ.

Et quidem tam post, quàm ante istum Regem benè memo-

raturum sæpè sæpiùs Christi divina floruit fides in Perside, per benignam amicabilemque Romanorum cum Persis Imperatorum correspondentiam. Tandem verò (proh memoriam lamentabilem) verificatum de Perside, quod de Babylone. (a) *Curavimus Babylonem, & non est sanata, relinquamus illam.*

Postquàm verò in pristinas denuò lapsa superstitiones DEUM reliquerat immortalem, justum primò eundem experta ultorem, punitam passà est duritiem cordis sui, per immisssa paulò post bella, quàm intestina, unde à suisinmet incolis, quàm extrinsecà circumvicinorum, à quibus amarissimè est afflicta. Saracenis etenim ex parte sinus Persici, Romanis ex Mesopotamia odio perfidiæ eorum motis, sicut & Armenis alia ex parte Persidem invadentibus; denudata est illa dominio suo sublimi, & miseram ducta in captivitatem, amisit cum fide Regnum. Hujus porrò absoluto dominio pro aliquo temporis spacio potiti sunt Saraceni, introducentes pestíferas illas Machumeticæ iniquitatis superstitiones.

Tandem verò & Saracenis denuò ablatum est Persidis Regnum à Persis modernis per potentissimum eorundem antesignanum Scech Sephi, de quo in articulo quinto, qui proinde modernorum Persarum primum egerat Regem. Hi denique antiquissimam illam, nobilissimam, atque sapientissimam gentem Persicam (DEO ita justè ob eorum scelera in Christum suum perpetrata permittente) miserè devastârunt, imò ad nihilum quasi reducerunt; ita ut in civitate Regiâ Isfahan non inveniantur plùs, quàm centum domûs Persarum antiquorum, illæque in vico quodam à civitate segregato, quem Gaurabad, id est habitationem infidelium dicunt. Vulgùs etenim neo-Persicum, Persas antiquos, Gaur, seu infideles, communi nomine, in libris verò, Fars Kadin, id est, antiquos Persas nominat.

Cæterùm in toto Regno Persi antiqui pauci numero reperiuntur,

riuntur, nec nisi in aliquibus oppidis Provinciarum sitis versùs Indiam, eo namque major ipsorum pars à modernorum persecutionibus Persarum confugit. Sunt nihilominus ij suarum tenacissimi superstitionum, alienamque abhorrent legem communis Machometicam. In quorum pleniorē notitiā sit.

ARTICULUS QUARTUS.

De Fide, Lingua, & nonnullis antiquorum Persarum ridiculis superstitionibus.

DE Fide porrò, linguâ, nonnullisque antiquorum Persarum superstitionibus pauca referre statui, eo quod referre singula, solâ vel absurditate, & incongruentia eorum nauseabundus abhorream; prout & ex his modicis à me referendis primò forsan ad risum, sed & certò certius ad horrorem Lector amicus sit commovendus.

Igitur antiqui hi Persæ adhuc suo in Regno non nisi dispersi commorantes, primò perpetuum conservant ignem in domo quadam illi consecratâ juxta perfidiam suam, vocantque domum hanc, seu templum, Cudban. Confluunt huc tam mares, quàm foeminæ multâ frequentiâ, suasque persolvunt preces fervore iniquo. Proh miseros vos ignium cultores! nunquid non flamma manibus vestris accensa, DEUS est? Illudne vobis Numen, quod, ut per vos suum sortitur ardorem, ita materialia nisi subministraretis, eodem deficeret ardore? Hic vobis DEUS est, quem possetis pro libitu aquis extinguere? Hoc vobis Numen gratiosum, quod ubi captandi beneficij causâ manum supplicem eidem dederitis, carnem vestram, ossa imò omnia malignâ voracitate comburet? Ille vobis ignis DEUM demonstret, quem (a) Moyses viderat rubum illustrantem, non comburentem: (b) Ille vobis ignis DEUM indicet, quem Elias

(a) Exod. 3. v. 2. (b) 2. Reg. 1. 18. v. 38.

cœlo fecerat descendentem ad aras oblationum. Vos verò qui profanis ignibus DEUM colitis, ignem imò DEUM existimatis, quid nisi flammis ejusdem vos absumendos cum Baby-lonijs aut Sodomitis formidare debetis.

Nihilominus cœco illi fervore continuis sese fatuo coram igne fatigant orationibus, adstantibus semper eorum sacerdotibus sive Legisperitis, quos Agund vocant; quique non solùm eos instruunt certis traditionibus, quas ex parte, licet non omnes, à suis antiquis, majoribus in membranis & palimpsestis scriptas habent; sed & exponunt illis mendacia Pseudo-Prophetarum suorum vaticinia, Ariolorumq; fragmenta, quorum multa de recuperatione iterata deperditi imperij sui prædicta credunt. Hi igitur legisperiti populum aliunde in perfidia pertinacem crebris adhortationibus, frequentibusque exemplis corroborant, ad profanorum ignium adorationem, sed & jugiter iisdem solis persuadent cultum. Unde & omnis antiquorum hujuscemodi Persarum populus, singulò, cùm surgit, manè, ad Orientis plagam solis sese dirigit, eundemque genuflexus adorat certis quibusdam ejus in honorem statutis precibus. Sed & post hæc evolvere solent coronam quandam (quæ formam habet Rosarij nostri) in solis obsequium, quam pariter coronam collo semper gestant, signum tanquam protestativum in solis servitutem. Atque hoc quidem signum extrinsecum est; cui latentius quoddam superaddunt malesani hi solis cultores, dum in ejus cultum, fideique suæ protestationem, parvum quoddam cingulum super carnem portare subtus vestibus solent.

Hi pariter non circumciduntur, sed infantes recenter natos offerunt igni & soli, faciuntque convivium Pseudo-Sacerdotibus suis, vel muneribus eosdem pro facultate donant; sicque suasundas evadere proles dicunt. Omnes item vinum ne-

dum

dum bibunt, sed & vinearum colendarum arte pollent; edere etiam solent carnes porcinas. Polygamiam admittunt, neque viris cum mulieribus non suis conversationis libertatem prohibent. Pro voluptate, propriæque voluntatis arbitrio connubia miscent, neque de cognatione, consanguinitate, affinitateve cauantur, excepto gradu primo.

Jejuniorum equidem in honorem ignis atque solis quasdam observant in anno dies; Sicut & annuam unam celebrant festivitatem in quarta, aut quinta decima Martij, quam quidem solemnitatem Nouruz, seu novum diem appellant; & ex hoc inchoatur annus eorum, observaturque & dies iste à Persis modernis, magna, ut alibi dicam, solemnitate.

Cæterum Persæ antiqui, Mares æquè, ac foeminæ in illa die ornatis accedunt vestibus ad ignis templum; quamvis alias omnes promiscuè vilibus utantur indumentis, formâ colore omnino à vestibus modernorum alienâ: cui quidem rudi induendi modo usque adeo adhærent, ut peccatum lethale alium in vestimentis judicent incessum. Cæterum ornantur ob excellentiam tantum sollemnitatis annuæ, sicque per templum ad ignis solisque honorem in gyro saltant, sonant, cantant, manibus plaudunt, omniq; modô tripudiant. Sed & hoc festivitatis tempore inter alia lætitiæ gratiâ perpetrari, seu observari solita, complurima coquæ tingunt diversis coloribus ova, quæ ad invicem amicabiter distribuunt. Isthæc autem solennitas per octiduum durare solet.

De eorundem idiomate, & loquendi modô multa dicenda forent, quæ mei esse instituti pro nunc non duxi; illud notum esto, antiquos hosce Persas diversis uti characteribus in scripturis suis, à characteribus Persarum modernorum, quippe quod hi characteres forment Arabicos. Cæterum ipsummet vetero-Persarum

rum idioma, adeo alienum est ab idiomate modernorum, ut hi illos vel planè non, aut vix in minimis intelligant.

Sed & antiqui hi Persæ nonnullam habent de sacris scripturis nostris cognitionem, atque de Evangelio, quamvis malè sanam; ut curiositatis causâ, quendam à me cum uno eorundem, discursum habitum placeat recensere.

Majori, singulariorique mihi quidam eorum maximus Legisperitus afficiebatur amicitia & affectu; qui mihi miserabili de suorum antiquorum Persarum persecutione à modernis eisdem inflictâ conquestus, inter alia Regni sui, Imperijque pristini deperditionem hòc modò recensuit. “Fuit, amice, nostratum in-
“curiâ, non observantium de illo crucis ligno Christianorum,
“quod si hoc ab ijsdem ad manus Romanorum non cessisset,
“Regnum nostrum deperditum neutiquam esset. Habuit namq;
“nostrorum Magia, Regisque prosperitas illis in temporibus,
“mirabilem quandam, & occultam connexionem cum pecu-
“liari illa naturali que efficacîâ magicâ ejusdem ligni, ita ut per-
“ditò hoc, deperdita sit pariter Regis prosperitas, nostrorumq;
“virtus & efficacia Magorum; uti experienciâ à perditione ligni
“illius edocemur. Jam nos patientiâ ali oportet, genuinos li-
“cet, ast miseròs Persas; revertentur autem, quæ fuère nostra.
“Etenim (inquebat) lignum illud, quod ut plurimùm in par-
“tes multas divisum, à diversis præsentis temporis Mundi po-
“tentibus, vestris præcipuè Christianis; modernis imò & Persis
“nostris, atque ipsismet Turcis (nam & hos, utpote potentes
“Regnorum domitores, salutiferum crucis lignum æstimare,
“amare imò, & colere arbitrabatur simplex ille ignium cultor)
“maximò quidem asservatur in honore; tandem, cùm de cor-
“ruptibilium sorte sit, corrumpetur, perdeturq; virtus ejusdem
“Magica, nunc in tantum apud Christianos, & Turcas (quos
“ille,

“ille, ut supra dixi, crucem arbitrabatur venerari) exaltata;
“tumque redibit pristinus Regni nostri vigor.

Hæc & plura his similia ab antiquis suis antecessoribus Persis doctrinali hausisse traditione, assererat, hancque sibi à Majoribus suis deperditi suorum imperij datam inquiebat rationem principalem; “sed & ad suæ opinionis confirmationem asserbat, per illud lignum, Magicæque ejusdem virtutis experientiam, causatam esse Constantini Magni ad Christi fidem “conversionem.

Ego verò pro justissima DEI veritate, atque incolumitate fidei Christianæ, adversum superstitiosa hujuscemodi somnia, correxi maledicta, condolendo comprimis, quòd habitâ de salvifica Christi cruce notitiâ, plenius eandem, & Salvatorem rerum omnium dominum exinde triumphantem non suscipiant, neque agnoscant: ostendendo dein, perditionem regni tam splendidi ex duritie cordis Majorum suorum evenisse, quâ iidem contra sanctissimam Christi legem, toties jam in Perside feliciter seminatam, nec minùs crebrò illustrium miraculorum numero ad oculos mortalium confirmatam, durâ restiterint cervice, ferinâ rabie occidendo Christi oves, & ex campis Elysijs Evangelicam jam fragrantibus veritatem, immanem denuò fecerint non nisi manantem innocentum sanguine carnificinam. Talia porrò & consimilia plura mihi eidem, suisque commilitonibus circumstantibus ad faciem edicenti, lubentes illi, avidasq; præbuere aures, adijcientes ipsimet ultrò, “toto sese fervore
“ac animò acceptaturos Christianam hanc Religionem, si modernorum non usque adeo in se grassaretur persecutio Persarum, qui (inquiebant) potiùs nos volunt habere ad suam, “quàm ad aliam patiantur transgredi fidem. Quod & verum esse compertus sum. Cæterum non obstante, quòd moderni Persæ suæ antiquos illos cupiant adhærere fidei, non agunt cum

ijſdem, quô magis ad ſe trahant, ſed omni tyrannicâ feritate arcent, cogendo eoſdem ad majora etiam tributa, ac Chriſtianos: neque ad ullum eoſdem ſervitium, ſeu miniſterium honorificum admittunt, ſolumque humiles concedunt ijſdem exercere artes pro vitæ ſuſtentatione, ut hortos & agros colere, lateres conficere coſtos & incoſtos, baiulare onera mercatorum, & ſimilia abjecta. Sed & in his tamen afflictio dat intellectum, ut diu noctuque ſeduli oneratis hujſcemodi inſudent laboribus, ne populus eorum funditus extirpetur.

Libeat hic ultra percipere quædam de ridiculis pluribus eorundem ſuperſtitionibus, obſervationibusque, quarum haud parùm mirabilis illa videtur, quam circa mortuorum ſepulturam habere ſolent. Enimverò cum eorundem quiſpiam vitâ cedit, non illicò cum ſepeliunt, ſed experiri antea conantur, inferno ne, quem locum ſubterraneum humidum foetidumque, venenatiſque animantibus in damnatorum ultroneam atque continuam vexationem & torturam repletum arbitrantur; an magis Paradyſo, quem ſphœram ſolis intuitivè omni in claritate videndi ominantur, dignus ſit. Hanc porrò ad habendam experientiam ſic rem aggrediuntur. Portant namque extra vicum vel civitatem mortui cadaver ad campū patulum, collocantes illud in colle parvulo, aut loco quodam ſublimiori: portitores verò cum ſacerdote, cæteriſque funus ſociantibus, ad viæ ſpaciū recedunt, abſcondentes ſe in cavea vel foſſâ, aut ſubtus arbore quadam diſtante, ubi & per decurſum unius horæ ſedulò obſervant, volitetne avis quæpiam rapax ad cadaver illud; præcipuè verò corvos animadvertunt, hoc enim avium genus ſymbolum eſſe ſentiunt diaboli ipſorum. Quod ſi hujſcemodi aves, aut corvi ad cadaver non accedant, protinùs judicat ſacerdos ipſum in innocentia mortuum, & ſole dignum: unde omnes hilares revertuntur, ſacerdos verò parentibus & conſanguineis

neis defuncti, acceptâ prius bonâ mercede ab iisdem, gaudiosè statum illius denunciat; monetque, ut securò confidentique animò quantociùs humo tradant corpus filij, aut amici sui, quippe, quòd propter opera sua bona, malæ bestiæ eundem aggredi non sint ausæ, quique proinde rectâ ad solem pergat viâ.

Lamentabimur nonnè malè sanam vestram ô perditionem. Lamentabimur nonne Christiani superstitiones atque phantasticas observationes vestras, qui dæmonis symbolum corvum arbitramini non nisi mortuorum pascendum exuvijs? cum verò in cœlis sit ille, *per quem nec ales esurit.* (a) *Quis preparat corvo escam suam, quando pulli ejus clamant ad DEUM, vagantes, eo, quod non habeant cibos?* Nunquid non mortuis vestris pasti deficient? (b) *Considerate corvos, quia non seminant, neque metunt, quibus non est cellarium neque horreum, & DEUS pascit illos.* Tantum verò abest, corvos dæmonum esse symbola atque ministros, devorandis damnatorum exuvijs deputatos; ut DEI Deorum Domini quandoq; sint in obsequia, & ad electorum servitia destinati, quos alant dum vivunt, ut Eliam illam Thesbitem, cui altissimi mandato. (c) *deferebant panem & carnes manè, similiter panem & carnes vespèri.* Quosve custodiant & protegant, dum etiam corporibus jacent emortui; cujus vel unum pro pluribus ex Ecclesiasticis notum esto Historijs, in clyto illo de Martyre Vincentio, (d) *cujus corpus, cùm projectum esset in humatum, corvus & à volucribus, & à lupo, unguibus, rostro, alis mirabiliter defendit.*

Sed irrationabili cæcitæ hujuscemodi ultra hærent phantasijs memorati Persæ antiquiores, ut & per tres dies, manè & serò, ultro portent ad comedendum atque bibendum mortuo suo, collocantes potum & esculenta ad latera sepulchri, hâc intentione, quoniam fortassis illè, nondum à sole obtinuerit au-

F 2:

dientiam,

(a) Joh. 38. (b) Luc. 12. (c) 3. Reg. 17. (d) Ex vit.

dientiam, quæ tamen juxta superstitiones eorum Legisperitos in spacio trium dierum fieri debet. Sic ergò per triduum suo sepulto deserviunt cum cibo & potu, ne ille forsan eo temporis patiatur famem atque sitim, die verò tertiò insanâ eorum fide certò admittendus ad solis sphœram, omnia ibi inventurus bona sibi parata, nullo ultro ab amicis subsidio indigebit. Cùm interim nec in triduo illo exposita, delataque sibi esculenta & pocula delibet mortuus; sed aves, canes, imò & pauperes modernorum Persarum clam ea suffurantur, iisdem victitant, animæ verò defuncti maledicunt.

Sic porrò etiam suis in superstitionibus admixta habent de mortuorum resurrectione, alterâ vitâ, & majori post hanc vitam beatitatis plenitudine somnia infelices hi solis & ignium cultores: imò & ipsam beatitudinis energiam crudè quodammodo somniare creduntur, dum suam post hanc vitam beatitudinem, intuitivam credunt solis visionem. Imò verò ô cæci DEUM solem intuitivè videretis divinitate summâ perpetuò resplendem, si dum vivitis, Christum solem justitiæ, olim in libra stantem, & æqua lance universos juxta fidem sanctam aut iniquam, merita aut demerita judicaturum, agnosceretis & veneraremini; tanto exhinc beatiores, quanto illinc vestri certiores interitus atque damnationis.

Sed & observant, si volatilia illa rapacia sive corvi lædant, tangantve aliquam illius cadaveris partem, oculum præcipuè sinistrum. Tunc proinde infert sacerdos seu Pseudomystes eorum, defunctum nec solis pro nunc aspectu esse dignum, sed neque de obscuris terræ cavernis infernalibus meritum; unde cùm judicet illum nec totaliter tunc purum, nec totaliter maculatum, debet aliquanto tempore in frigida aëris, aliquanto verò in ignis sphœra perdurare, donec per bona opera parentum

tum & amicorum totaliter purgatus admittatur ad solis sphœram clarissimam. Istâ itaque intentione mortuum sepeliunt suum.

Hæc autem ipsa licet superstitio ridiculosa, ad erubescen-
tiam tamen & ruborem colaphizat effrontem nostri temporis
hæreticorum pertinaciam, & cæca opinio gentilium, cæcam
confundit perfidiam eorum, qui tametsi beatitudinem sperent,
infernum timeant, medium tamen his expiationis locum ne-
gant, mortuisque suffragia ulla prodesse abjurant.

Porro si volatilia illa tangant, lædantque oculos ambos, in-
fert sacerdos mortuum solis visione penitus indignum, eo quod
cæcitatem operum ejus illa sic oculos vellicantia jam indicave-
rint volatilia; unde non paradyso suo, seu solis sphœræ, sed
visceribus terræ infernalibus adjudicant illum, quâ & intentione
miserum eundem sepeliunt. Sed nunquid vestrum est miseri,
judicare de mortuis? Si corvo creditis, aliud ei credere debetis.
Hic namque ab antiquitate Phœbo seu soli sacer erat, ob varia
quæ tum voce, tum volatu edit præfagia: volatu quidem cele-
ritatem ejus indicas, voce verò, quæ *cras* est, crastinum adhuc
hodie solis ortum denunciat? Ab illo ergo ediscite hodie, ori-
turum in illa die Solem Justitiæ, qui est Christus D E U S noster,
atque hic perspicacissimis oculis suis judicabit vivos & mortuos.

Plura sunt cæterum, quæ quantum pro sua superstitione
pertinaciter, tantum pro hominis sanâ ratione utentis animad-
vertentiâ ridiculosè observat populus iste antiquo-Perfæ. Singu-
lari namque hostilitate, & corvos, & ranas persequuntur. Illos
diaboli signiferos, ut dixi, insuperque inferni tubicines nomi-
nant; ranas verò damnatorum inquirunt cantatrices. Unde
ridiculosi hi vetèro-Perfæ duo hæc animantium genera pati ne-
queunt, sed indies stagna, paludes, rivulosque aquarum, ut ipse
oculatus videram, iidemque mihi hanc suam devotionem ore-

tenus fatebantur, circumeunt, taliterque iisdem insidiantur occidendis, ut quisquis eorum plures occiderit ranas, majus se putet sacrificium exhibere soli. Quare & majoris devotionis, (licet nulla sit) causâ, quotidiano manè, prius ac quodpiam aggre-
diantur opus, offerunt pretiosum hujuscemodi ranarum sacrificium. Proh fatuos vos egenâ in miseria Persas! Proh, quam stultè sacrificia ludicra æmulamini! Noscite tandem omnis gratiæ Christianorum DEUM humiliantem vos ob duritiam cordis vestri, exaltantem verò humiles & rejectos vobis suæ legis Apostolos, humilemque eorundem successionem, jam toto in orbe terrarum sublimi usque adeò Majestate, & venerationis cultu triumphantem. Quo sapientia vestra olim toties oraculò habitâ? jam nugis tripudiat, & contra rationem superstitionibus gloriatur. Quid jam quærimini vestri alienationem Regni? jam dum Regem Regum, dominumque dominantium DEUM deseruistis, tyranni duriores dominantur vobis.

Qui verò sordidi sunt, sordescunt adhuc, pluribusque infanarum sectarum lacubus se se volutant miserimi quidam Persarum populi. Tibi namque Lector amice ad horrorem pauca supradictis quæpiam superaddam. Populi quippe sunt quidam, Manichææ reliquias Perfidiæ non collò quidem, sed animò gerentes. Admittunt hi Deorum duos; quorum unum bonum, bonorum omnium Authorem: alterum malum mala omnia perpetrantem esse sentiunt. Dæmoni proinde tametsi extremis vitæ periclitati, neutiquam maledicunt, sed & ob hanc (ô Martyres dæmoniacos) causam, Martyrium quoque à modernis sustinent manibus Persarum: stultæ porro pertinaciæ suæ rationem assignantes, dicendo: Diabolus, sciétur utique, princeps olim supremorum Mundi spirituum erat Angelorum; nunc verò in pœnam delicti, DEI patitur indignationem: tandemque olim reconciliatus cum eo, pristinam sortiturus est gratiam:
atque:

atque honorem. Cujus sanè eventus timore, restâ nos dæmonem prævenimus honore, ne nobis ille obviet cum rancore. Atque adeò hi dæmonum Theologi nefandiora quælibet sectantur dogmata, & horrendissimis Dictatorem suum insequuntur operibus, uti ex referendis constabit.

Sunt inter hos, qui præ alijs horribile magis & detestabile committunt crimen, vix calamo committendum, aut memoriæ meæ refricandum, quod tamen in hujuscemodi detestationem perfidiæ, Christianæque puritatis à contrario intuendum splendorem recensere non omittam. Solennitatem igitur hi annuam observant quandam, quâ tempore nocturno tam mares quàm foeminæ cum uno suorum Sacerdotum, qui ut plurimum cæteris iniquiores Magistri sunt discipulis, confluunt in unam domum, edentes, atque bibentes ad excessum, cantantes insuper inibi atque saltantes, & omni demùm tripudio se se effundentes. Sed nondum hic iniquitatis finis, quin ad detestabiles spurcicias pluribus alijs, de quibus passim Historici, sectis usitatas deveniant. Expletis etenim epulis, atque saltibus Perfister Averno-Mystes & execrandæ legis Doctor, sententiam quandam, solorum dæmonum auribus dignam pronunciat, lucernamque in medio positam extinguit. Cùm illicò hocce diaboli in terris antesignano, audent omnes unâ congregati, quod neque in averno audebunt, commisceri, & coinquinari passim ad invicem, non discernentes pater filiam, & filia patrem, mater filium, & filius matrem, non judicantes de sorore frater, aut de fratre soror; in discriminatim demùm affines, cognati, & consanguinei omnes, belluarum ratione carentium more commixti ligantur incestibus, quilibet vel consanguineam, vel rapiens alienam.

Interim de hoc & oculis & ratione cæci non curant, & qui forsân humanâ & naturali erubescentiâ tanta facere, verecundarentur,

darentur, audent extinctô lumine, & gaudent vel à complice non videri. In hujus ergo facinoris convicium, à modernis Persis Cirac Cusc, id est, luminum seu lucernarum extinctores nominantur; suntque perpetuo eorundem odio & persecutioni expositi; quin ab iisdem totâ ferè Perside jam expulsi, modoque vix commorantes eos Jezit vocant, id est, infideles, execrabiles, & detestabiles scelere.

Cæterum & perfidiæ hujus sectatores, vicinô dæmonibus amore illis se se pares ostendunt, aliâ quadam enormi perfidiâ, quam Christi horreat Religionis affecla. Amant namque maximopere canes nigros, istudque animalis genus quasi adorant; ita, ut de comestibilibus sibi paratis, omnia prius hujuscemodi offerant cani, veluti ciborum suorum ab eo benedictionem capturi, de quibus proinde priusquam ipse comedat, abstinent & illi. Quid verò humanæ magis videatur detestabile rationi. Verum ultra; cum moritur canis hujusmodi, maximo inhumant cum honore, funebrique per septem dies funguntur ritu, manè indies & serò pro anima ejusdem convivia instituentes.

Modus autem induendi sectatorum perfidiæ hujus talis est: induuntur, idque pro devotione, ut dicunt, suâ, nigro amictu à capite usque ad calceos, eoque ex grassiori, quam obtinere possunt materiâ. Cujuscemodi etiam colorem in signum se se portare asserunt protestativum honoris dæmoni debiti; & memorativum coloris illius luctuosi, quem defacto Lucifer in suo indignationis statu, à bono DEO rejectus gestat, cui proinde ipsi vestibus se se similes exhibere volunt. Sed neque hoc mirum, quippe cum & operibus sathanam sequantur: & vel ideo à Persis atque Turcis, Sceitani, seu diabolici homines soleant appellari.

Ipsi porrò malefani, malefanam Mathometi Religionem extremô persequuntur odio, non ita verò Christianam. Vinum sequun-

sequuntur, & porcinis epulantur, neque circumcidi se patiuntur. Eorum (quod mirum est) mulieres, cum farinam pani coquendo aptant, prius eandem cruce signant, ut DEUS bonus concedat augmentum, malus verò DEUS illi non accedat. Quò sanè intentò nisi malum sathanam DEUM haberent, aut formidarent, Christianorum forent æmulatores.

Cum denique hi suos sepeliunt mortuos, nullum tristitiæ ostendunt signum, undique sonantes, cantantes, atque saltantes; sicque cadaver deferunt ad sepulchrum: quod ubi inhumaverint, supra sepulcrum residentes convivia miscent, & poculis ingurgitantur; donec continuatò sonò, cantu, saltuque revertantur ad mortui domum, in qua iteratò esui, potuique se se dedere non cessant. Hæc pariter satanica mortuorum solenitas per septem dies inter eos continuatur: dicuntque malefani, securos esse se se de bona mortui custodia, optimaque ejusdem protectione, quippe jam collocati in manibus diaboli, qui tandem ad boni Dei Regnum præstita reconciliatione revocatus, deducet secum mortuos suos ad Paradysum, ibidem omnes in æternum victuros. Heu mortalium amentiam!

ARTICULUS QUINTUS.

*De Modernorum Origine & progressu Persarum;
nec non de primo eorundem Rege.*

Postquam de corrupto & miserrimo Vetero-Persarum statu pauca diximus, quæpiam de modernorum origine, progressu, primoque eorundem Rege dicenda sunt.

Gens igitur hæc Persarum modernorum, tam Armenis, quam modernis ipsorummet Historicis censetur orta à Parthorum populis, qui vi armorum Saracenos aut Arabes, jam in Perside regnantes expulerunt; cæterum hi pestem illam Machumeticam Re-

ligionis, quâ terra plurima per memoratos malignos possessores infecta erat, non abegere totaliter : quin imò & ipsi eadem infecti erant per venerabilem (uti cum censebant) quendam Patremfamilias, Arabumq; seniore, nomine Sciech Sephi, qui tunc unici viri respectu habitus erat in Perside; tum propter zelosam suam solitariamq; vitam, tum propter innumeras quas possidebat, opes, atq; divitias; tum deniq;, quod progenie Hali Mahumeti patruelis erat, cujus tam sectam, quam magicam artem in profundo cordis gerebat, oportunam semper præstolatus, ut sibi nancisceretur occasionem patefaciendi, propalandiquè dogma, & fidem suam, seu magis perfidiam. Atq; hanc tandem præter spem sufficienter nactus erat per Parthos, qui eundem unâ voce atq; calculo, communiq; omnium consensu Regem sibimet acclamârunt, constitueruntq;.

Hic igitur Sciech Sephi, factus Sciach Sephi, seu ex Arabum seniore, Rex Persarum, felici armorum executione atq; progressu primordium Regni sui confirmare cepit, ejusdemque fortunatò terminos dilatare. Sed & semen Sectæ suæ dudum toties præmeditata, contra grassantem tunc etiam perfidiam Omar, Osman, & Abubechir jugi fervore spargere nō omittebat. Atq; inde nedum ut Rex potens apud eosdem in veneratione erat atq; timore; verum etiam tanquam eorundem Propheta, Apostolus, fidei legislator, & Mystes ab iisdem habebatur, devotione, fide, & fervore usq; adeo constante, ut posteri eorum ad hodiernum etiam diem simili mentis captivatione & servitute Regibus subdantur suis.

Hos porrò nulli subiacere asserunt legi, sed omne ab eo dictum, factumvè sanctum est quoad se, & virtuosum, tametsi (inquiunt) quoad nos, qui legi subiacemus, peccaminosum sit, atq; defectuosum. Atq; hoc quidem in singulare privilegium,

gium, & Sanctitatis excellentiam Regum familiæ aut statui adscribunt; ut & in proverbium Persicum ducant;

Her heib chi Sultan bipesndet huner est.

Omnis defectus, quem Rex existimat, virtus est.

Unde pariter ortum, quod Turcæ, tametsi in contemptum, Persarum Regem Sciech Oghli appellent, id est, filium senioris, aut Antesignani alicujus: habito videlicet ad originem modernorum Regum respectu, tractam primum à memorato Sciech Sephi Arabum Seniore.

Cæterum iste Sciech Sephi & Sciach Sephi Victorijs jam utriusque campi, regionis videlicet, & religionis inclytus affinitatem contraxit cum Medorum Rege nomine Uzun Hasan, qui in Mediæ Metropolitana Taurez residebat. Hujus enim filiam in uxorem sumpserat suo Nepoti Giuneid, cujus tandem filius nomine Ismaël armis occupaverat regnum avi sui præfati Uzun Hasan, licet multas persecutiones & bella perpeßus, ab altero quodam nepote ex parte filij prædicti Uzun Hasan nomine Haidar. Et ille quidem præfatus Ismaël totam penè Mesopotamiam à Turcis occupavit. Sic porro Sciech Sephi supradictus, per se, per Nepotem suum Giuneid, & pronepotem Ismaël absolutum habuit totius Persidis sceptrum, in Parthos, Medos, atq; Hircanos. Atque inde cepit, firmatumque fuit modernorum Persarum regnum, eorumq; religio introducta, quæ usque ad præsens perdurat tempus.

Jam verò animadversione dignum, hanc ipsam modernorum Persarum Gentem in duas quasi subdividi. Prima est eorum, qui Ghizilbasc vocantur, id est, rubrum, aut aureum (ut ipsi Persæ volunt) caput habentes. Hoc porro nomen huic populo ortum fuisse perhibetur à Persis, ex quodam Pseudomiraculo, aut visione, quam habuisse suum Sciech Sephi recen-

sent. Unâ etenim nocte, inquit, cum vidisse Spiritum, vel Angelum quendam, è coelo descendentem, augustissimum manibus Diadema gestantem, illudq; preciosis circumcirca adornatum lapidibus duodecim, bisseos figurantibus sanctos ex generatione Hali procedentes, binos videlicet ejusdem filios, cæterosq; nepotes & pronepotes, quos Himam appellant. In medio autem supremitatis ejusdem Diadematis protendebatur quidpiam aurô formatum in formam sceptri tanquam signum contestativum dominij Hali. In posteriori demum diadematis parte duæ erant fibriæ aurô textæ, eo, quo inter Christianos modô è posteriori parte Mythræ Episcopalis, propendentes, quarum una ipsum Sciech Sephi tanquam progenitum ex Hali familia descendentem, altera verò populum illum armis tunc illi, ad exaltandum dominium, religionemq; Hali fidelissimè cooperatum indicabat. Unde & majoris notitiæ causâ figuram seu constructionem Diadematis hujus avido Lectori visendum exhibui in capite Mareschalli Aulici stantis ad latus dextrum theatri, cujus delineationem in libri fronte posui.

Memoratum ergò Angelum, Persæ dicunt, dum Regi in visione compareret, ita eundem esse allocutum. Summe nunc tibi Sephi diadema hoc mysteriosum, tuoq; illud vertici gloriosus superimponere, quippe tibi à DEO per me missum ad Hali intercessionem, cujus tu nomen & dominium exaltasti, ejusdem tete affecclam zelo, sinceritateq; omni, & animi puritate commonstrans. Non ergò ultra Sciech Sephi vocaberis tantum, & Sciach Sephi, sed & Sophi, ist est, purus, & sincerus sequax. Sed neq; tu solus, quin & omnes posteri tui, atq; omnis demùm populus illâ in exaltatione, & fidei Hali propagatione usq; adeo fideliter tibi cooperatus hocce diademate insignes procedetis, & dignè Sophi omnes appellabimini.

Ista igitur Persarum Gens Ghizilbasc dicitur, portans ut
infra

infra mox dicam, memoratam coronam in signum fidelitatis primo Regi suo Sciach Sephi pro regno & Religione præstitæ, unde & multos sortiuntur honores, & digniores præ cæteris respectus, gloriantes vel maximè illo in Diademate, quippe prodigiosè per visionem supradictam, ut credunt, atque adeo cælitus sibi destinatò, indeq; Sophi nomine præ reliquis efferuntur. Hujusce porrò Gentis primas ipse est Rex Persarum, vel ideo cognominatus Sophi Avel, seu primus purus sequax, sincerusque sectator & defensor fidei Hali. Hunc sequuntur Satrapæ omnes, Vice Reges, Duces, Principes, omnesque Inclyti Persarum, Parthorum, atq; Medorum, totaque demum cœrundem militia.

Cæterum Persarum Rex illò tantum Diademate utitur cum in Regem coronatur, de reliquo non comparens cum illo, majoribus præterquam solennitatibus; in quibus & utuntur his Proceres eorum. Singulariter autem cum ad munus quoddam altius evehuntur, preciosissimis pro statu atque opulentia suâ indumentis, illoq; in Diademate comparere coram Rege solent, tum & dexterum illi osculantur pedem in contestationem sinceritatis animi sui, & fidelissimæ in Regis familiam servitutis, debitissimamq; gratiarum repensionem pro beneficio sibi Regali munificentia collato.

Omnes item Persarum Milites Equestres hujusmodi utuntur Diademate, magis minusvè splendidò, juxta majus minusvè posse statûs atq; opulentia suæ, servatâ tamen in omnibus eadem formâ, quâ Rex, suiq; utuntur Magnates. Porrò diadema hoc continuo non apponunt: quilibet tamen pro conditione suâ, ut dictum, condecenter in domo suâ paratum habere tenetur unum hujuscemodi Teg: sic enim diadema illud Persicè vocatur.

Omnes autem id assumunt, cum generalem Rex convo-

cationem indicit, militares lustraturus copias & exercitus suos, quod omni quidem triennio facere solet, ut alibi dicemus. Pariformiter eodem Teg capite induuntur ipso in Belli principio cum ad campum progredi solent, Rex quidem ipse, omnesque ejus Proceres, & Vniversi demum milites, hoc suo diademate ostendendo contestandoque purum suum, fidelem atque sincerum pugnandi animum pro Rege pariter atque religione. Cum verò conflictui approximant, deponunt, cassidesque loricasque induti, non nunquam etiam cataphracti, aut aliunde benè provisi adversum hostes congregiuntur, suo, ut alibi dicemus, pugnandi modò expertes & bellicosi.

Porrò & sunt aliqui, qui quasi semper illò Teg capite superinduti procedunt, dicunturque Sophi: vulgares tamen sunt, & diadema illud vulgari modò gestant sine precio, aut ornatu. Hi quidem die noctuque orare habent, pro Rege ut primo Sophi, & defensore illius coronæ. Commorantur in domibus Magnatum totius regni, qui quidem Magnates pro statu vel conditione suâ, plures vel pauciores illorum Sophi vulgarium sustinent. Sed & in ipsiusmet Regis domo tercentum & ultra Regijs expensis victitant, absque tamen uxore, sicut & vino aliisque Machometanâ lege cautis abstemij. Suntque verbo (ut ita dicere auserim) hi quasi Persarum religiosi, prout & sub peculiaris sibi deputati Rectoris gubernio vivunt. Debent verò hi, ut hujusmodi Sophi sint & nominentur, nedum legis zelo, & vitæ probitate esse insignes; verum & fuisse in Sacrationibus quibusdam Arabiæ, & Persidis locis, illaque pro devotione suâ visitasse, cujusmodi sunt, Civitas Meche, ubi exuvias Machometi sui colunt jacentes, quæ quidem Civitas maximum patitur omnium Machometanorum confluxum undecunque adventantium: Persis verò per Turciam, vel Arabiam Felicem securior est via. Item Vallis Kerbela propè Babylonem, ubi ossa

fili-

filiorum Hali, Hasan & Hufain deposita colunt, magno numero singulis huc confluentes annis. Civitas præterea Mesced in Chorasani versùs Scythas, ubi corpus Himan Reza Pronepotis Hali sepultum venerantur, qui quidem locus, & Scythis & Indis sacer etiã est. Demum Civitas Ardevil, ubi Sciech Sophi olim residentiam collocaverat suam, ubique & hodiernum in diem sepultus jacet. Hæc igitur quatuor loca, aut aliqua illorum ut diximus, visitasse debent ij, qui gratijs & privilegijs, quibus Sophi fruuntur, frui desiderant, oportetque eisdem magnâ clarere vitæ probitate, nec non diadema seu Teg suum, ut vocant, semper in capite gestare. Cæterum hujusmodi coronâ insigniri, iisdemq; solenniter uti, non omnibus passim concedi solet, sed solô priorum meritorum, virtutisque titulô, aut Parentum intuitu, qui armis multam in Regem contestati sunt fidelitatem. Et hæc est subdivisa illa Persarum Gens Ghizilbasç, qui ut nobiles aut Equites eorundem haberi usque hodie consueverê.

Secunda porrò Gens est illa, quæ Tat cognominatur. Atque hoc quidem vocabulum propriè denotat gentem rudem, effæminatam, armisque ineptam: unde & hoc convicij causâ, sicut & illô Vocabulô Felah Turcæ compellant Arabes. Persæ cæterum ob honorem Pontificum suorum, Judicum, Cancellariorum, Doctorum, Secretariorum, Scribarum, aliorumque re literariâ, artibusq; pollentium, qui omnes sunt de hac Gente Tat, non utuntur hõc vocabulô in convicium, sed accommodâ significatione humanius per illud intelligunt Gentem nobilem, teneram, prudentem, atq; virtuosam, licet inermem; quod in re veritatem obtinet. Atque hanc Gentem suam trahere originem dicunt ab antiquâ illa, de qua in Articulis præcedentibus mentionem fecimus, Persarum Gente, quæ cum sub Saracenorum Arabumque dominio, in eorundem Gentem
quoad

quoad mores fidemq; transferit, usque hodie Tat appellatur. Dicitur autem & hæc Sophi, quippe quod calamô atq; ingenio consilioque sincerè fideliterq; Regi deserviat & Religioni. Minimè verò gaudet nomine Ghizilbasc singulariter sumpta; tametsi si utraq; Gens ista sic simul sumatur, prout ex his tota completur Persarum Gens modernorum, Ghizilbasc apud ipsosmet nominetur: secus apud Turcas: hi namque præfato nomine rarò dignantur Persarum Gentem, sed communi solum nomine Agem vocant, prout & Arabes sic tantum eandem nominant.

Hæc denique modernorum Persarum Gens antonomastice compellatur Sciahi Seven, puta, Gens amans Regem suum, sed & in libris atq; scriptis Fars dicitur, seu sapiens, sicut illa antiqua. Ut non immeritò hic advertenda sit hallucinatio recentiorum quorundam Historicorum de modernis Persis differentium; videntur namque hujusce Gentis nomen aut ignorare, aut plenius non intelligere vel explicare, dum scilicet eandem Sophi appellantes, nescio quâ eruditione aut interpretatione, in quiunt idem esse, ac Gentem dicere sapientem; cum potius hoc vocabulum Sophi, quod provenit à nomine Saf, sit adjectivum aliud quidpiam significans, scilicet puram, sinceram gentem: neq; tribuitur Persis, ut nomen Gentile, aut nationale, sed in singulare maximæ in Regem atq; fidem sinceritatis atque fidelitatis encomium. Ut proinde nomen Sophi juxta recentiorum quorundam explicationem intellectum, nihil sit aut significet apud Persas, nisi fortassis apud Græcos.

Tandem animadversione dignum ultra occurrit Lectori circa modernæ Persarum Gentis constitutionem: hæc namq; Gens amplissima sub se etiâ habet plus quam quadraginta Tribus, qui esse supponuntur illâ de Gente Turcicâ, quæ ex partibus montis Caucaasi deveniens unâ cum Scythiis atque Parthis

coope-

coopérata est supramemorato Sciech Sephi ad recuperationem Regni Persici à Saracenis. Unde Turcicô idiomate Hel vocantur, id est, Tribus.

Ex his autem tribubus una est alterâ numerosior, vel populô minor; aliqua tamen usq; adeo Personarum numerô excedit, ut ultra viginti mille habeat sub se domos. Cæterùm tribus hujusmodi non congregatæ in civitatibus, sed sparsim & promiscuè in regno reperiuntur distributæ, in quibusdam scilicet pagis, quos Kisclac vocant, quod idem sonat, ac habitatio Hyemalis. Solent namque hic à Mense Octobri usq; ad Majum habitare: tùm verò proficiscentes ad amænissimos montes, per trium etiam, quatuorve dierum itinera distantes, inibi pascua inquirunt gregibus suis, ipsique sub tentorijs commorantur vocantque habitationem hanc montanam Jailac, id est locum pascuarum. Unde & abundanter Civitatibus universis omnis subministrant generis carnicinia pariter & lacticia. Sed & mulieres ex his suô aluntur labore, texendo tapetes inter Persas frequentes & usitatos: viri autem fermè omnes milites quoque Regis sunt, omni que proinde contributione immunes, cui cæteroquin cives ac rustici totius Persidis subiacere debent.

Ex his igitur potentissimus Persarum Rex necessitate adactus ingentem subito conducere valet exercitum; illa imò militia, quæ Corci, seu regni custos Persis dicitur, tota veluti ex electioribus hujusmodi tribuum congregata est viris. Generosissimos porrò singulari arte atq; sedulitate nutriunt equos, prout & illi inter Persas æstimatissimi equi, quos Turchmen vocant, apud eosdem reperiuntur.

Ut sanè non inaniter Persæ moderni ingeniosâ politicâ tribus hæc sparsim insertas regno habeant suo, nempe quas veluti venas arbitrantur, unde sibi vita & omne commodum promanat. Ast neque solos inter Persas, sed & apud Turcas ex

his tribubus inveniuntur non pauci, ducti ab iisdem captivi cùm â Persis Mesopotamiam accepissent: veruntamen & hi, alienô quantumvis sub jugo, suam in regnum & regem Persarum retinent sincerum devotumq; per omnia animum, ut vel inde adhuc Sciachi Seven, id est, Regis Persarum amatores vocitentur.

Unum est, quod quantum recens facinore, tantum honestissimâ inter Persas redolet laude de tribu Turchman cognominata. Vixerat hæc longâ inter Turcas captivitate, intolerabili sanè jugô penè oppressa; ast tandem ante novem circiter annos fidô atq; animosô in Regem Persarum zelô recalcitrare adversum hosce Tyrannos cogitans, plus quam quindecim milia congregavit, pertinaci erectâ cervice in Turcas immanē molita est, & inflixit cædem, pristinamq; amatam sibi dum quaesierat perfidem, non intacta Tyrannorum manibus evanuit, sed alacres ab iisdem perpeffa infecutiones, aheneô perduraverat marte, arripientibus arma nedum viris, sed & mulieribus, catèròquin pugnandi arte non ignaris; adeo, ut illo in conflictu Turcarum sex Basci cum magnâ militum copiâ hos persequentes crudelam perpeffi stragem terram mordere coacti sint; sic optatam in libertatem ad Persidem tandem redeunte illâ Turchman tribu, cujus viros omnes Rex illicò in suos fecit milites conscribi, nec non amænissima quæpiam habitationum loca ijs concedens, multis & eosdem privilegijs evexit.

Hæc de Persarum origine, totaq; Gente modernâ, & primo ejusdem rege pro nunc Generaliter dicta sufficiant. Tum verò ad particulariora descendere libet. Quoniam etenim Schah Sophi Rex modernorum primus Persarum, & Regni eorundem, & religionis commune ab ipsismet caput æstimabatur; ordo postulat, ut, postquam de Origine hujusce Gentis, & communi Originatore memoratô disservimus rege, transeamus tandem

ad ea, quæ religionis sunt, dicturi post hæc plura, quæ regni sunt, atque ad politicum Gentis hujus pertinent statum.

ARTICULUS SEXTUS.

*De fide, Præceptis, modoq; orandi, & jejunandi
Persarum modernorum.*

AD usque raucedinem jam declamarunt ingentia tot Historicorum volumina, totumque penè Orientem Machumeticâ infectum perfidiâ contestantur, atque adeo neque Persidem, cæteroquin cultam, & sapientem, hóc venenò iminunem. Unde & hodiernum usq; diem Persæ fidem dant Machometo ut Dei Prophetæ, ipsiusque Generi, & ex fratre Pronepoti, Hali, tanquã Vicario ejusdẽ legitimo, atq; duodecim Himam, qui sunt ex generatione Hali, scilicet duo filij, cæteri que Nepotes & Pronepotes ejusdem. Hos porrò Himam vocant, id est, Primates, aut Antesignanos Ecclesiæ Machumetanæ juxta sectam Hali, atq; adeo, ut legitimos Machumeti Hali que venerantur successores; quam quidem successionem suæ remansisse Genti asserunt per Sciech Sephi, per quem & in domo Regum suorum in omnem stabilitam esse credunt posteritatem: unde & Reges suos ut legitimos pariter Machumeti Hali que successores credunt in spiritualibus æquè ac temporalibus, tametsi utrumq; despoticum eorundem sit dominium, ut tum ex dictis constat, tum ex dicendis ultra constabit.

Ex illis porrò duodecim Himam unum, nomine Mehdi, vivum in corpore credunt è terris raptum, locum verò commorationis ejusdem ignorant. Crediderit hoc forsan & mens Christianâ, ast eò utique sensu, quo veluti Dathan & Abiron ex Dei maledictione terrâ absorptus sit, aut curru certè igneò, non ut Elias veri Dei Prophetæ per Ventorum Turbinem in cœ-

lum, aut Paradysum, sed ad Plutonis per averni tenebras delatus sit Regionem. Illis interim (proh pudor sanæ menti) in hoc forsân Elias est, quod pallium suæ posteris reliquerit nequitiae, quô usq; adeo operiuntur, ut solem gratiæ in Dei veri agnitionem, sanctamq; fidem ad magis intima cordis eorum penetrare neutiquam patiantur. Sed & male sani hunc suum Pseudopphetam sceleratum, tandem extemplo sperant, creduntq; venturum, & miraculis olim in mundo coruscaturum; Tumque (dicunt illi) ob tantam suam miraculorum virtutem atque potentiam, nedum Rex noster, sed & alij totius Orbis Monarchæ, Reges, atque Principes eidem assentientur. Quod si malè sani perfidum hoc cæcô præfagiô vaticinamini Antichristum, fraude versutiâ perfidiâq; omnem Vniversi ordinem inversurum, talem vobiscum ut venturum credimus, ut Dei prophetam negamus, & quem vos miraculorum gloriâ coruscaturum speratis, nos blasphemiarum omniq; scelerum genere in animas Deo Sanctas debachaturum formidamus Christiani. Hanc porrò opinionem suo de Mehdi è terris ablato, & rursus in terras venturô, ut articulum fidei defendunt, quamvis sapientiores & ipsi quidam Persæ occulto inter se rideant rude hoc figmentum, & ludicram de Mehdi expectationem coeterorum. Circa quod illud non inaniter dicendum occurrit, quod quemadmodum Magnus Afer Hypponensis Aurelius Augustinus hæreticos dicit esse Simias Catholicorum, ita & Persæ moderni infideles, simiæ fidelium Christianorum quodammodo sint habendi, dum quædam nostris doctrinis conformia, minimè verò eadem sentire conantur. Est namq; hæc eorundem de Mehdi opinio somnium quoddam affine veræ nostræ de Elia confidentiæ, & præfagium veluti affine nostræ de Antichristo doctrinæ. Quarum quidem & plurium huiusmodi opinionum fundamenta esse poterant reliquiæ quædam notitiæ de lege Dei, veræque fide
circa

circa Eliam, Enoch, atq; Antichristum, seminata antiquorum Persarum tempore, quô Sancta fides atq; religio, ut supra diximus passim in Perside pullulavit, & floruit. Jam verò ad singularia quæ fidei sunt eorundem descendendum.

Totò igitur Oriente Machometi perfidiâ obcæcatô, ejusdem pars principalior, Persidis regio, cum disciplinatis magis hominibus virtutem amantibus præ alijs Regionibus abundaret, retentô sibi quopiam, tametsi imperfectissimo sanæ rationis lumine, minùs rigorosè memoratam sectata perfidiam, cultioribus adhuc sese disciplinis exhibuit studiosam, ita sanè, ut, tametsi Machometi receperit fidem, in multis tamen sanâ carentem ratione agnoverit, imò persarum nonnulli eandem planè ut fabulosam respuerint.

Cæterùm fides Machometana, quam communiter tenent, ab ipsismet, si ita loqui fas sit, Persarum Theologis sentitur, & definitur esse illa, *quâ homo adultus corde tenetur credere, & quæ corde credit, ore proferre.* Eorum porrò, quæ ijs taliter corde credenda, oreq; proferenda sunt, primum est attestatio quædam palam in subscriptâ formâ ab iisdem proferenda.

Leh hileh illeh Hala, Mehemed Rasul Hala.

Id est:

Non est alius DEUS, nisi DEUS, & Machomet Apostolus DEI. Hæc proinde attestatio est infallibilis quasi tessera fidei eorundem: Unde & alios quinq; articulos suam ad fidem necessarios deducunt.

Primus est, ut adultus credat atque ore profiteatur unum esse Deum, & hunc quidem æternum à parte ante, quâ ratione eum appellant hóc nomine, Azeli; similiter & æternum à parte post, quô titulô eum nominant Abedi. Sed & nominant hunc Deum, Sermedi, quô vocabulô perfectissimum contestari nitun-

tur esse Dei, quod nulla etiam negatio, sive privatio antecesserit. Habent insuper consimiles his terminos, quos arbitror, ab iisdem esse desumptos ex antiquis Theologorum Christianorum libris, qui olim in Oriente sanctâ sanaq; doctrinâ clarverê. Unde & Deum appellant Omnipotentem, Omniscium, liberum, alijsq; cum collaudant ab attributis.

Secundus est: ut adultus credat, oreq; profiteatur, Deum esse justum, justè omnia sapienterq; gubernantem, nec non & æquissimâ justitiâ pro meritis, & demeritis cuilibet olim retributurum

Tertius est: ut credat adultus, & ore profiteatur, dari actu, esseq; Prophetam, purissimum, sanctissimum, omni peccati labe tam propriâ, quam alienâ, parentum scilicet voluntate, contractâ immunem, absq; (inquam cum Theologo Christiano) actuali atq; originali peccato. Unde & prophetas suos dicunt esse impeccabiles: quam tamen conditionem, soli Persarum Theologi, minimè verò Arabum admittunt, aut Turcarum. Hi namq; etiam Prophetas posse peccare docent, adducentes exempla de Prophetis, quorum sacra meminit scriptura. Persæ cæterum explicant eos non peccasse, sed, tametsi quædam egerint, solâ apparentiâ mala, omnia tamen in bonum ordinaverint finem; alioquin etenim si peccassent, minimè utiq; pro Prophetis fide dignis haberi potuissent. Hi ergo, utpote sanctæ Orthodoxæ, atq; Apostolicæ eruditionis ignari, ignorant quoq; gratias gratis datas, de quorum numero prophetia, ad gratum facientis gratiæ distinctionem stare cum peccato posse. Sed verò ita Prophetarum impeccabilitatem profitentur, ut de suo singulariter propheta sentiant, vel ex hoc solo puritatis, innocentiae, atq; impeccabilitatis capite, & tam originali quam actuali sanctitate, habere se posse in eo verum, dignumq; mediatorem inter Deum, & homines.

Quartus articulus est, ut credat, atq; oretenùs confiteatur adultus, unum esse Antesignanum & Ecclesiæ suæ Primatem, seu Pontificem, primi Magni Prophetæ Vicesgerentem, Rectorem, judicemq; populi in his, quæ fidei sunt.

Quintus tandem est articulus, ut credant, & profiteantur adulti mortuorum resurrectionem, sanctorumque in alterâ vitâ communionem.

Quid verò hæc, nisi somnia sunt fidei Christianæ? Quid, nisi veritatis vestigia, quæ tametsi ob cœcitatem mentis, supernaturalisq; defectu luminis clarè à Persis non penetrentur, caligante tamen naturalis rationis dictamine sunt apprehensa? Palpatis reliquias fidei Christianorum, quas vobis cæcutientibus ultro in viâ obiecerê, dum vestrâ cesserant regione: ast cruda vobis sunt omnia, stomachoq; sanctô igne non efferuente, indigestibilia. Tu Lector Christiane perdende. Nunquid repudiâtâ Deorum multiplicitate simplissimam Deo vero tribuis Vnitatem? Nunquid esse omni positione perfectissimum? Nunquid agnoscis omnipotentem, omniscium, primò liberum, justum, sapientem, vindicem, remuneratorem? Cum his proinde vel Persæ (odorantes, ut dixi, relictam Christianæ olim eâ in regione florentis fidei fragrantiam à longè) tecum sentiunt, tametsi malè sentiant vitiâtes omnia, atq; adulterinô amore Mæchatoris Machometi fidem comprimis prosequentes. Dic sodes, quid de Mediatore inter Deum & hominem rectiùs excogitari possit, quam purissima sanctitas, sanctissimaque puritas, originalis actualisq; immunis maculæ? Hanc verò dum immunitatem pluribus suis ascribunt Pseudo prophetis, vitiant sanum, quo nobiscum Christianis feruntur, sensum, agnoscentes Machometum, Hali, posterosq; suos Prophetas sanctissimos, impeccabiles, atque fide dignissimos, dum illi mendacijs, sceleribus, omniq; à capite usque ad calcem impietate, diffusâ veluti leprâ, dum

dum vixerant, intumuerint, dum mortui sunt, Cerberi jam facti commilitones, nedum homines juvare nesciant hic desolatos, sed & æternum ipsimet desolati sanctam illam *Civitatem* veriq; Dei residentiam abjecti(a) *circuibunt, & famẽ patientur ut canes.* Quam igitur ploranda, atq; dolenda Gens ipsa Perfica tibi Christiane, tanquam in multis tibi benè consona sentiens, juxta illud Psalmi (b) *In multis erant mecum*; super quæ liceat ponderare Augustini Verba adversum Donatistas inquiringis: *Baptismum habebamus uterq; in eo erant mecum; Evangelium uterq; habebamus, erant in eo mecum: in Schismate non mecum. In multis mecum; in paucis non mecum: sed in his paucis in quibus non mecum, non eis profunt multa in quibus mecum.* Vos ergo ô Perfæ ter infelices, quid supra memorata, aliaque complurima nostræ fidei affinia proderunt, qui alijs perfidiæ adhæretis dogmatibus, nescientes, quod, (c) *qui offendit in uno, factus est omnium reus.* Sed ad plura de fide Persarum redeamus.

Supramemoratis itaq; quinq; fidei, an magis perfidiæ suæ articulis, quos Archen, & Usuldin vocant, duo addunt alia dogmata, seu requisita fidei, quæ Fruh il din appellant, id est, ad fidem consequentia. Primum porrò est oratio, secundum verò jejunium. Nos de utroq; pauca quæpiam audiamus.

Carnalibus ergò spurcitijs tametsi Gens ista collotenùs immerfa sit, orare tamen non desinit, licet intentione rectâ mentem ad Deum elevare non possit, quem & genuinè non agnoscit. Necessariam tamen, necessitate quidem medij ad salutem, omnes sub Machometanâ lege militantes, sentiunt orationem, quam & Namaz vocant, eandemq; particularibus quibusdam ritibus, & multivarijs superstitionibus, curiosisq; commiscet cæremonijs, hic brevitatis causâ omittendis, solisque ijs, quæ communiter, & ut plurimum à Machometanis fieri solent, recensendis.

(a) *Psalm. 58. v. 7.* (b) *Psalm. 54. v. 19.* (c) *Jacob. 2. v. 10.*

Quintuplex proinde habent tempus orationis; quam equidem nec inchoare audent, nisi certas quasdam corporis partes, ut infra dicetur, lavent: unde ut quinquies orant, ita quinquies lavantur; adhibitis in super inter orandum certis quibusdam genuflexionibus, quas Rucuhet vocant. Quæ omnia Gentiles isti, ad confusionem sanè eorum, qui veram Dei agnoscunt Majestatem, omni tamen mentis evagatione circa mundana distrahi non causantur, maximò peragunt animi fervore, atque devotione. Primum igitur ijs orationis tempus est in Aurora, quam Orationem Namasubhi vocant, seu orationem matutinam. Hâc porrò in oratione tres tantùm facere solent genuflexiones, quas quidem faciendò, capite inclinatò terram impingunt, dicendo semper: Ala Acher; id est: Deus magnus. Substantia autem orationis Gentis hujus primariò consistit in attestatone quadam, quâ oretenùs profitentur, tam in orationis principio, quam in fine, non esse alium Deum, nisi Deum, Machumetū verò ejusdem esse Apostolum, ut dictum est: quod hisce proferunt Verbis. Leh Ila Illah Hala, Mehemet rasul Hala. Ego verò contra eos nefandùm hunc Pseudoprophetam Deo sociantes, sæpiùs, cùm iisdem præsens essem, illud repetij: Leh Ila Illah Hala, Jesuh il Misih Hibin Hala. Id est: non est Deus, nisi Deus, Jesus Christus Filius DEI. Quæ non raram eisdem erant in displicentiam, omnis tamen contradictionis ratio in eos devolvebatur, quippe quod careant veritate favente sibi. Addunt secundo Verba quædã deprecatoria, quæ cum genuflexionibus suis semper ingeminant. Sed & pro Epilogo orationis dicere tenentur aliam quandam orationem, quæ ab ipsis Fath il chitab dicitur, idest, apertio libri: eo quod quando Curan aperitur, dicta statim in principio libri hujus oratio habeatur: dicuntq; Machometani orationem hanc pari devotione, atque orationem Dominicam nos Christiani: contentum au-

tem hujus Machumetanarum orationum Achillis, est Deum laudare ut Dominum Univerforum, atq; ut misericordem, & miseratorem, nec non Principem & Regem diei judicij. Unde & in hac Deum ferventissimè adorare, omniq; devotione deprecari non desistunt; quatenus in viâ eisdem (quam malè putant) rectâ firmos stabiliat, atq; conservet, ultroneè gratias agentes pro tali ad fidem suam vocatione, quippe quam alijs à se gentibus concedere non voluerit. Veruntamen arcuum atq; sagittarum bonitas non proderunt sagitanti, qui circa metam à rectâ habendâ intentione, vincibili decipitur ignorantia.

Cæterum qui suâ magis fervent devotione, an magis ducuntur deceptione, dicunt in orationis fine coronam quandam, constantem ex tribus postis, in quarum qualibet triginta tres sunt globuli. In prima porrò postâ triginta tribus vicibus juxta globulorum numeros dicunt Ala Acber; in secundâ toties Allam dulilla, id est: Laus Deo. In tertiâ totidem pariter vicibus Ala Acber: id est; D E U S magnus.

Finem tandem orationis faciunt, salutando inclinâtō capite Angelum bonum, quem ad dexteram esse dicunt; dein verò & Angelum malum, quem esse opinantur ad sinistram: illum porrò venerantur, ut ejusdem per diem fruantur custodiâ; hunc verò, ne inferat nocumenta. Peractis itaq; salutationibus ambas in cælum elevant manus, motôq; semper, & tremulô capite Deum deprecantur super delictis suis, sicq; elevatis ambabus manibus rursus faciem tangunt suam, quasi sese Dei sui signô munientes; dicentesq; Alem Dulilla rabel Halamin: seu: Laus Deo, Univerforum creatori. En quam in suo orandi modo Persæ multivarijs devotionibus, atq; intentionibus simias agant fidelium, atq; Christianorum. Secundæ tempus orationis meridies est, quam proinde meridianam orationem vocant Namas Zohri, hæcque tribus pariter constat genu-

genuflexionibus. Tertium orationis tempus est Vespertinum: dicuntq; vespertinam hanc orationem Namaz Hesri, & faciunt quinque in eâ genuflexiones. Tempus autem orationis quartæ, est solis occasus, vocantq; Mehribi hanc orationem, & complent genuflexionibus quinque. Quintæ deniq; tempus orationis ante vel post cænam observant, vocantq; orationem hanc nocturnam Namaz Hesci, quam quinq; pariter genuflexionibus peragunt.

Ubi ultrò advertendum, quomodo vel ipsæ Gentes ad orationis à Deo exaudiendæ acceptandæq; meritum atq; valorem, mentis & corporis à crimine puritatem necessariam agnoscant: quâ proinde intentione non nisi corpore loti orare præsumant. Duplex autem apud eos est lotio. Ordinaria una, quam vocant Habdest: hancq; lotionem seu affusionem aquæ per manus faciunt, in quibusdam corporis partibus, lavando videlicet, manus, faciem, brachiâ, & pedes. Nedum ergò nullius faciet orationem valoris, sed & in eorundem sententia peccabit intermittens hujuscemodi aquarum expiationem. Aliâ verò utuntur lotionem extraordinariâ, quam Gusil vocant, quâq; utuntur, cum forte sive uxoribus, sive concubinis commixti, alijsve carnis inquinamentis sese noverint maculatos; tunc etenim totum tenentur lavare corpus, æstimantq; hujuscemodi lotionem, ut unicum peccati contracti antidotum, placandiq; Dei remedium: eò ferè modò, quò Christianos inter Sacratissimum æstimatur atq; suscipitur pænitiæ Sacramentum, in peccatorum remissionem. Ut discant vel inde per Gentiles solâ non deleri oratione peccata, quasi complura orationi opera superaddita incassum censeantur. Et tametsi lotio illa perfidis nihil fructificet, peccatoris tamen necessariam coram Deo edocet humilitatem.

Cæterum aliter Christiana vos edoceret ô Persæ fides: a-

quam vobis in oceano errorum profundissimo fluctuantibus tanquam primam post naufragium tabulam obijcit, Sanctissimum Sacrae ablutionis Sacramentum. Secundam verò tabulam confessionis salvificæ remedium præscribit. Ille ergò spiritus Domini, qui olim (a) ferebatur super aquas, Spiritus inquam Sanctus, qui super Christi Dei filij verticem, cum Jordanis intraverat aquas baptizandus, è cælis descenderat, descendat super vos (b) illuminet corda Vestra & intelligentias Vestras ad Sanctæ fidei, verorumq; agnitionem Sacramentorum, quæ crudè adeò à vobis somniantur. Vestram nos cæteroquin præ cæteris magis disciplinatham ploramus indolem, qui, dum vobis Veritas ad ostium stat & pulsat, his in occulto Superstitionibus nugamini; ideo forsan aperire nolentes, quia meritis vacui, sanctaque fide denudati, in Divinæ conspectu gratiæ formidatis apparere. Verum Persidem ego de fide amisâ contestantem audire me arbitror his (c) *Exui me tunicâ meâ, quomodo induar illa?* Lubenti fors olim rursùs adaperies Christo tuo, eundem ad pessus ostij tui inquirens, verum & rursùs conqueri audebis; quoniam (d) *elongavit fugiens.*

Machometani interim Legis periti usq; adeo lotionibus præfatis, atq; genuflexionibus geniò suò implicantur, ut sanctitatis in his colloceant substantiam; de quibus & Theologi, casistæ atq; moralistæ Persarum, Arabum, atq; Turcarum, tot conscribere tomos, quot vix Baronius in texendis mundi & Ecclesiæ historijs, quales si quandoq; amice Lector, mecum pro curiositate evoluisse, plures Æsopo fabulas retulisses, ac ille tibi. Vidisses imò, & sine modo demiratus esses, qualiter memoratæ tres nationes (quarum ego Persicam alijs magis sapientem ac disciplinatham potissimum miror) circa nugas has atq; futiles observationes, acerrimis inter se litigijs dissidere, & infantium more de putrido pomo, aut vetularum de ovo intus

(a) Gen. 1. v. 2. (b) ad Philipp. 4. v. 7. (c) Cant. 6. v. 3. (d) Psalm. 54. v. 8.

fætido, vel demum gallinarum ad instar de grano in stercore comperto decertare.

Satisfactus tamen majori Lectoris curiositati, addo ridiculam quandam circa Orationem ejusq; valorem Persarum, Arabum, atq; Turcarum opinionem. Dicunt namq; moderni Persarum Superstitiosi Doctores; quod, si quispiam sese ad orationem, verbi gratiâ, matutinam præparans, consuetâ, ut solent, lotionem, ante tamen orationem hujuscemodi, pulicem, culicem, pediculum, simileve quoddam minutissimum etiam animalculum occiderit, invalidè planè, Deoq; injuriosè oraturus postmodum esset: oporteat proinde, lavare sese denuò, atq; mundare, tumq; demùm orationem fore acceptam. Cui quidem sententiæ Arabes absolutè renuunt assentiri, admittentes in his casibus quandoque validam, invalidam quandoque orationem; quâ etiam ratione Turcarum Legis Doctores inquirunt, occisorem involuntarium, vel inadvertentem hujusce animalis validè oraturum, neque iterandæ obnoxium esse lotioni. Usq; adeo amentes sunt, qui Dei spiritu non reguntur, ut inter se & Deum muscas arbitrentur obstaculum ponere, qui malè sanâ ratione Divinæ ipsimet nubila opponunt gratiæ.

Jam verò ad jejunia eorundem descendamus: secundum namque ad fidem & Sectam Machometanam consequens seu conducens jejunium arbitrantur; quod quidem per triginta dies observant. Ast nosce quæso amice hunc jejunandi modum. Semel in anno omnes apud Machometanos lunaris observatur pro jejunio mensis, qui eisdem Ramazan dicitur; ita, ut viso novilunio incipiant jejunare, persistentes hoc suo in jejunandi modo adusq; novilunium subsequens; quò redeunte institunt per triduum subsequens solennem quandam festivitatem, quam Hidramazan vocant, in Dei per Machometum Prophetam suum honorem: rursus nonne Christianos circa paschalis

tridui quadragesimali exantlatô jejuniô solennitatem in honorem Dei per Christum suum celebrari solitam æmulantes, atq; imitantes? Verùm propiùs imitarentur, si vel jejunia observarent, quæ Christianos inter in Spiritus recollectionem, macerationemq; carnis sunt instituta; cùm interim Gens isthæc non nisi spiritum Dæmoni devoveat, carnalibus satagat illecebris; & (verbô dicam) sola commutet manducandi tempora, noctemq; vertat in diem. Totô namq; diei decursu totaliter quidem abstinent, nocte verò edunt, bibuntq; ad satietatem, donec cælum serenâ facie illucescat. Quæ pauca forent in DEI & Prophetæ sui obsequium; sed & (Proh pudendum in scelera fervorem) studiosiùs hocce jejunii tempore carnî tenentur inservire, ne quisquam eorum jejunium frangat, accedatue mensam, priusquam thoro cum conjuge vel concubinâ carnaliter commixtus; quod si ad hujuscemodi ante mensam non potuerit, tenebitur eò satagere post illam. Atq; hoc quidem opere iniquissimo magis sese meritoriè coram Deo per Machometum complere arbitrantur præteritum jejunii diem: Sicq; triginta noctibus, quantum possunt, gulositatis atq; lasciviæ student excessibus. Idq; ad institutionem sibi à Machometo traditam: Cap. de Vacca, per hoc edictum. *Licet vobis nocte jejunii accedere ad uxores Vestras; ipsa sint indumentum vobis, & vos indumentum ipsis. Novit Deus, quod vos fraudatis Vosmetipsos, & clementer agit vobiscum, & parcit vobis. Igitur commiscemini cum illis, & inquirete, quod præscripsit vobis Deus, & comedite & bibite, usq; dum distinguere possitis filum album à nigro ex illucescente aurorâ: deinceps complete jejunium usq; ad noctem, & ne commisceamini cum illis. Hac sunt præscripta Dei; igitur ne tangatis eas. Quid in sanius in Dei obsequium excogitare potuisses Dæmonis Prophetæ? Quid verò stultiùs vestro vos à Machometo potuissetis suscipere? Nunquid non hunc mediatorem Vestrum Sanctissimum*

mum, & coram Deo creditis inculpabilem; quippe non nifigulæ & lasciviæ feftatorem atque Magiftrum?

Sed nedum hæc omnia absurda tanquam pofitiva obfervant præcepta, fed & decem habent negativa: quorum primum eft, non bibere vinum. Secundum, non tangere fanguinem hominis, vel alterius animalis. Tertium, non tangere mortuum five cadaver, hominisne fit, an alterius animalis. Quartum, non tangere hominis, alteriusve semen animalis. Quintum, non accedere, tangereve mulierem actu menftruum patientem, alia verò animalia menftruis fluxibus fubjecta, non tangere vel comedere. Sextum, non tangere, neque comedere carnes porcinas. Septimum, non tangere canem. Octavum, non bibere omne, quod inebriat. Nonum, non tangere, neque tangi ab omni homine non Machumetano juxta Hali Seftam, neque cum illo bibere, aut comedere. Decimum, non bibere, neque ullum in ufum fumere aquam mortuam, è paludibus aut lacubus; ficut neque illam quæ debitâ caret latitudine aut profunditate. Aquam enim, ut inter hos munda, & lotioni, alterive ufui apta cenfeatur, non fufficit effe ex puteo, fluvio, rivulove haufam, fed debet puteus, fluvius, rivulusve hujufcemodi ad minus profunditate tres, ficut & latitudine tres germanicas exæquare ulnas; quam proinde folam securâ poffunt bibere confcientiâ, aliove in ufus adhibere. Hæc porrò præcepta univerfa tametfi gravi abfque peccamine transgredi neminem poffe fentiant, multoties tamen prævaricantur, & legem quam cæcâ tenent ratione, quoad omnia ufque adeo non curant, ut ex quibusdam infra dicendis fufius conftabit. Cæterum & ipfa Perfarum Gens in his quæ fidei funt, unius non eft animi, prout fequenti articulo fingulariter ftudui recensere.

ARTICULUS SEPTIMUS.

De Gentis Persicæ, in his, quæ fidei sunt, subdivisione in diversas Sectas, & de quibusdam circa has notatu singulariter dignis. •

QUoniam verò, ut sæpè memoratum, subtilioris genij circumvicinis suis Persarum Gens est; & vel eo artium liberalium sicut & literariæ eruditionis cupidior; contigit, ut intuitu, & revolutione moralium complurium ex antiquæ Christianitatis voluminibus documentorum, aliorumque perversorum Arrij, Nestorijque; dogmatum studiò, in quatuor ipsimet Persæ sese disjunxerint sectas; contrariantibusque ad invicem sententijs permultis, Machometi fidem & perfidiam diversis veluti quatuor canalibus totam suam diffundant in regionem.

Harum autem Secta prima est, Mezheb mutechelim: id est: Secta verbum loquentis. Quæ talis ideo nuncupatur, quod sectatores ejus adhæreant quidem Verbo Machometi; loquendo tamen circa leges ejus, earundemque sensum ex professo explicando.

Secta secunda MezhebFuka dicitur, estque illorum qui legunt & amplectuntur Verbum Machometi, ut jacet, omnem prorsus explicationem reiicientes: dicentes imò; solum scire Deum, quid Machomet dicat; nobis verò (inquiunt insani) non nisi ejusdem dicta sequi incumbit, benè seu dixerit, seu malè. Nunquid verò Gens cæteroquin sapiens cæcis jam oculis manum mittis ad aratrum, nesciens an in sterili fertilive araturæ agro, eoque fructus, an Zizania daturò? Ast irrationabili planè sensu meliores hi inter eos æstimantur Machometani. Aliorum certè judiciò; si inter cæcos luscus Rex esse potest, debetque;

debetque; debet utique; Secta prior, utpote qualicunque suo rationis lumine dogmatizans, & commentaria promens in Machometi verba, excellentior censeretur ante hanc, quæ cæcâ non nisi pertinaciâ ad Dæmoniâ hujus prophetæ somnia, mendacia, perjuria, omnisque generis facinorosissima documenta, ut pisces ratione carentes, ad escam jrruit, nesciens, anne quod avido adeo inconsideratoque appetitu arripit, nutrimentum ultra sibi ad vitam dare valeat, an hamo subterlatente transfigat. Cæterum hujus sectæ complurimi sectatores Turcæ sunt, qui ferè omnes ob innatam sibi ingenij cruditatem & ruditatem, nihil humanâ decoquunt ratione, sed plenis avidisque in omne scelus faucibus, cæcâque mente deglutiunt omnia Machometi dogmata, ignorantes, quoniam ille Plutonis dapifer animas esurientes, pice, veneno, draconis adipe pascit.

Tertia porro secta Mezheb Suphie appellatur, suntque hujus sectatores in Machometicâ fide corrupti quidam Nestoriani. Dicunt namque hominem per operationes bonas Deitatis dignum fieri posse, & sortiri in se naturam divinam; quemadmodum Nestorius de Christo asseverat. Unde & hi sectatores bonis operibus, jejnijs, alijsque carnis mortificationibus jugiter intendunt, existimantes, se sic purificatâ, atque spiritualizatâ naturâ humanâ, divinam dein in sese recepturos purissimam sanctissimamque. Et hæc quidem secta ipsummet gratiæ sanctificantis statum, quod Christiani felices sumus, longò veluti afflante vento, gratiosumque spirante odorem animadvertit, mente tamē male sanâ apprehendit. Etenim Dei gratiâ (a) *Dij utique sumus, & filij excelsi omnes.* Cæterum hoc non ex operibus dictum est; sed Dei misericordiâ naturam (ut cum Theologis loquar) participamus reverâ divinam, adoptivi effecti Dei filij, fratresque Christi per gratiam, qui Dei filius est per naturam. Bonorum alioquin operum agnitione secta isthæc sapi-

(a) *Psal. 82. v. 6.*

entior est, populô illô hæreticorum ævi nostri, qui asininâ esurie ad pabulum accelerat gloriæ, renuens bonorum operum cæli escam promereri labore; sane, sicut (a) *dignus est operarius mercede suâ*, ita ille omni indignus retributione. Hujuscemodi porro sectatoribus usq; adeo Persis hodie non abundat, neq; illos passim, palamue novit, nisi quod nonnulli Persarum Principes sectâ hujuscemodi adhuc infecti clâm illâ ferveant, continentes, utcumq; possunt, â dictatrice carnalium operum Machometi lege.

Denique quarta est secta, quam Mezheb Huchema, id est: sapientium sectam appellant: quique hâc tenentur, artibus potissimum liberalibus student, atq; antiquis vacant Philosophis, usque adeo de Machometi, aliavè lege non curantes; tamen extrinsecè ad oculum præstantes omnia, quæ superstitioni cæteri Machometani solent: totô verò geniô studiôq; Philosophicis incumbunt rationibus, & disciplinis. Et quamvis secta hujuscemodi â Machometanis, ut Atheistica rejiciatur, sicq; â sectatoribus suis palam fieri, aut exercitiô, moribusve demonstrari minimè ausit; omnes tamen ferè Principes, atque Magnates, Rex imò ipse, comprimis præsentis Genitor, secuti sunt, sequunturq; eam. Quod verò infideles Aulici clâ atheistæ sint, miratus non sum, ubi nuper ad manus Itinerariû devenerat Athei, unde legi, plorandum esse in aulis principum, ut exule quandoque pietate, & effræni malitiâ, Deum in animo negent, ne habere, quem timeant, videantur.

Illud solum memoratâ de sectâ referre placet; esse sectatores ejusdem Europæis comprimis amicos, atque addictos, quippe quos se ipsis melius colere, atq; insequi rationem ac sapientiam supponunt. Unde & cum his avidissimè de rebus Philosophicis, atque moralibus, virtutes etiam spectantibus, imò non rarò de Christi fide differere solent.

Horum pariter sectatorum permultos ad veræ æternæque sapientiæ Scholam adduxit, verus ille orientis, magisque Persidis dicendus Apostolus, multis inde laudibus commemorandus, sanctæ memoriæ Reverendus Pater Amatus, natione Gallus, è Societate JESU. Erat quippe hic nedum nomine, sed & re Amatus, amatissimus imò ipse in Perside, ob singularem vitæ integræ puritatem, doctrinam eximiam, diversæque demum, quæ mirabiliter possidebat, linguarum Genera. Qui prout Apostolicô intus urebatur zelô, ita nullis exterorum oculis torpens aut tepidus apparere voluit, usque adeo, ut quod Christianæ semen fidei ad fructus abundantissimos totâ penè in Perside feliciter seminaverat; id ipsum etiam in occultis Barbarorum Majoris Scythiæ terris cum Dei gratiâ dispergere nullô non labore conatus sit: Veruntamen impeditus à magno quodam Persarum Satrapa. Ille siquidem tum Vice Rex Scythiæ minoris, videns Amatam hunc Christi fidelem, suis jam in finibus adesse, omniqûe zelô, pietate, modestiâ, paupertateque ad summam intuentium ædificationem incedere, majori in eum confidentiâ ductus, utpote, cujus olim in regiâ Civitate in scientificis egerat discipulum: Eja, inquit, quid hisce finibus in remotis atque peregrinis pie intendis agere Pater? Quid nobis extrema hæc mundi, & Barbarorum Vixhominum confinia incolentibus adesse gestis? Cui amatus; Ago, Princeps præpotens, ago, quod & olim in Perside agere me vidisti, atque audisti, omniqûe conatu curo, cui obligatus sum, salutem populi in tenebris habitantis, unde & tuos jam pertransiens Dominiorum fines, docendo ignorantes, Diviniqûe palam edicendo veritatem Evangelij, Scythiam usque intendo Majorem, daturus & inter hos Sanctæ specimina Veritatis, ut quæ carent, Divinorum notitiâ, eâdem per me instructi, perditionis suæ plorandam evadere gaudeant maledictionem. Quæ

sanè verba , utpote linguâ , quæ Divini calamus scribæ erat in animo Devoti hujus Scytharum Principis benevolentissimam erga Sanctum Dei miserationem scribentis , procedentia , profundissimam causare poterant admirationem, ut singultante pectore Princeps Patrem Amatum allocutus sit verbis olim ex ejusdem doctrinâ , cum in regiâ Persidis extitisset , desumptis : ita ergo ab illo sciscitabatur. Et noñe Pater mi tuo olim in Perside docuisti ex Evangelio (a) *Margaritas nullatenus ante porcos esse mittendas* ? Num verò , tametsi sanctæ opinioni tuæ notū non sit , nos tamen reverâ neutiquam latet , non adinveniendos toto penè in orbe homines porcis , omniq; brutorum generi similiores , feros & bestiales , atque vicinos nobis Scythiæ Majoris incolas : quomodo igitur dilecte nobis ab olim Præceptor , quomodo preciosas fidei tuæ , tantiq; à nobis æstimatas hos inter Barbaros projicies Margaritas ? Sed & alijs humanitatis rationibus atque argumentis suam contestabatur benevolentiam Persa Princeps , quibus & mentem viri memorati impedire , & negotium intentum , si non injustum , infructuosum sanè valuisset persuadere. Cum verò animam Amati totam non nisi salutis animarum , sanctæq; conversionis videret amantissimam , eò usus est argumentô. Poteris (inquit) Amate nobis , huic tuæ satisfacere menti , illudq; & majori cum fructu præstare in finibus nostris , quam Scytharum & Barbarorum alienis. Agesis Dei vir , tuâque doctrinâ Persidem ultra nostram non dedignare : in eâ , si quid obligationis animo habueris , cum nostro , nostrorumq; Comprincipum , ipsiusmet imò régis permissione , securus exequere. Sicque , postquam per dies aliquot benignâ Amati fruitus fuisset Princeps conversatione , eundem benè habitum , optimâ tandem commoditate , honoratissimaque Aulicorum suorum catervâ stipatum in Regiam dimiserat Civitatem.

(a) *Matth. 7. v. 6.*

Jam verò, ibi quid ageret, in præsto erat DEI Ministro. Populum ille nullò non trahere innocentiae exemplò in sui amorem, Regemq; omni pietatis & optimæ famæ conversationis sibimet benevolum reddere: usque adeo; ut à moderni Genitore Regis citiori ultra opinionem benevolentiam, licentiam obtinuerit, ædificandi suæ Societatis domum, communicatò bsi per Regium decretum fundò amplissimi cujusdam atque amænissimi in Isfahan Horti. Verum maturum jam ex messe mortalitatis manipulum Amatum, & pietatis quoniam fructibus abundantissimum, tandem in cæli horrea collocari voluit Author ipse pietatis, quem & post aliquot menses ex fragili vitâ in stabilem suscepit immortalitatem. Vidisses hic, Lector amice, ad sepeliendum defuncti corpus, postpositò infidelium timore, confluxisse fidelium & Christianorum copiam penè ingentem. Penes duos namq; suæ Societatis JESU Sacerdotes, feretro comites habere meruit, Sacerdotes Armenos omnes duodecim Ecclesiarum, quas hi in Regiâ possident: sed & Archi Episcopus, alijq; multi nobiles, atq; Proceres aderant, & demum multus Persarum utriusque sexûs populus. Summâ igitur devotione, spectantibus ad stuporem infidelibus efferebatur ad sepulturæ locum corpus defuncti, quem populus omnis jugi lacrymarum profluviò plangere, amarissimèque perditum suum Patrem Habib, id est, dilectum & Amatum deplorare non desistebant.

Quod igitur hodiernum usque diem immortalem eloquitur laudem pientissimè defuncti viri Dei Amati, illud est; quod nedom memoratam domum atq; altare Altissimo; sed & suâ solertiâ comüne inibi curaverit Gymnasium, quò omnes Civitatis Armeni Schismatici confluere audeant, Christianæq; fundamenta doctrinæ jugi successorum suorundem patrum eruditio-

ne capeffere possint : unde vel hodie Dei Ecclesia quotidiana se sumere incrementa , valeat gloriari.

Porro familiarissimam quoque sapientissimis cum Persis clam inierat conversationem , & hisce continuat diebus , Venerabilis Pater Raphaël Capucinus , triginta duobus jam annis circiter Missionarij functus Officio in Persidis Regia. Et eo usque vir ille ob eruditionis & pietatis famam innotuit , ut à majori ferè usque minimum Persarum dignoscatur , digitò igitur ab infantibus per plateas circumiens demonstretur , omnis speculum austeritatis vitæ , doctrinæ , ac pietatis ; comprimis verò ob singularem & excellentissimam , quâ mirabiliter pollet , in Mathematicis eruditionem , amatus à Persarum Sapientioribus , quippe qui maximò memoratas in disciplinas feruntur studiò , atq; amore. Unde tantam etiam in æstimationem evehebatur memoratus Venerabilis Pater , ut Rex Præsentis Genitor , omni eum honore atque amore , multis imò quâ publicis quâ privatis dignatus sit colloquijs , singulariorem semper in ejus conversatione sentiens animi lætitiâ , eamque signis & nutibus exterioribus plurimis manifestans. Quorum majorem alibi facturus sum mentionem.

Unde de quartâ hac Persarum sectâ Mezheb Huchema liquido constare Lectori poterit , quâ ratione de Machometi stultitij , tametsi ad oculum populi complurimas observent , modicum tamen curent , naturalibus magis innitentes rationibus , & Mathematicis disciplinis , imò & alijs quibuscunque famiori menti consonis eruditionibus. Ut & proinde ad petitionem Sapientium sectæ hujus omnem virtutem æstimantium , Reverendi Pâtres Carmelitæ Discalceati Persicò interpretati sint Idiomate summam Angelici Ecclesiæ Doctoris D. Thomæ Aquinatis , quam contra Gentes Angelicis exaraverat argumentis.

Qui proinde Persæ ex quartâ hac sunt sectâ, sicut & ij qui ex tertiâ, qui numerantur ab ipsomet incipiendo Rege, usque ad infimum in Curiâ vel dominio regni sui, sicut & alij complurimi, adeò dociles reperiuntur, atq; ad salutarem Christi fidem dispositi, ut ex animo magis in hanc, quam in aliam ratione videantur inclinari, tametsi factô Christi legem non arripiant aut sequantur: Ut sanè de hac Persarum Gente dici possit, quod (a) *Messis quidem est multa, operarij verò pauci*, quippe ad tantum perfidorum numerum tametsi sapientiâ & pietate, non tamen multitudine sufficientes Christianæ fidei promulgatores.

Libeat hic ultrò percipere Lectori amico fructum quem Deus per me indignum, cum quodam hujus sectæ sapiente Persâ præstare dignatus est: de quo solùm in Dei gloriam mentionem fecero, & sectariorum hujuscemodi bonam animi ad fidem Christi dispositionem, citra omnis saporem jactantiæ velim commendare. Charissimus mihi multoque amicus ex capite quidam erat Mirza, id est nobilis, Regique intimus. Is, ut passim solebat, Sacrosanctum Christi quadam nocte legerat Evangelium, quod Arabico idiomate scriptum suâ custodiebat in domo: ad illam autem Christi deveniens sententiam, (b) *Vulpes foveas habent, & volucres calinidos; filius autem hominis non habet ubi caput reclinet*: hujus protin⁹ dicti sensum rimabatur, diversas sibi interpretationes cæcâ mente somnians: neque verò adinveniens argumentum, quod erudiret ignorantiam ad quietem, negotium hoc illico opportunâ datâ occasione distulit cum Christiano pertractandum. Posterâ porrò die, Dei utique instinctu, uterq; in aulâ regia conveneramus propè cubiculum inaccessibile Regis, ut illud Persæ vocant. Cum ecce mihi ocius ad se vocato suam adaperuit quæstionem, hisce me Verbis rogans. Dic quæso Amice, meq; super arduâ quadam Evangelij Vestri intelligentiâ instrue, Quid eo in textu.

vestro à Christo oretenùs edictò intelligitis. (a) *Vulpes foveas habent, & volucres celi nidos; filius autem hominis non habet, ubi caput reclinat?* Ego porro super insolitâ miratus quæstione infidelis ejusdem, blandè subridendo ab eodemmet repetij, diceret quantociùs, quid suo ipse sensu de hoc animadverteret: curiositate etenim rimabar curiosum hoc Persæ Ingenium, nedum spiritus in eo sancti molimina præsumens, quippe, quod curiositate sæpius tacta gens isthæc indaget multa super Evangelij, Sacramentis, cæteroq; vivendi more Christianorum. At verò ille jam nolens ceptò cadere zelò inquit: Complurima sunt quæ mihi nocte hâc imaginabar, ipsamq; diluculo carituram jam fermè dolebam, aviditate negotij serio pertractandi: tùm verò, quod meo adinvenire genio poteram, ominabar, miramque hoc desuper textu concepi explanationem, cui hic narrandæ tempus, amice, deficeret; præstabit porrò, ut, ubifinitis Regis Servitijs, aulicisq; abstracti curis domi convenimus, complura tibi super his, quæ senseram, valeam enarrare. Curialibus itaque negotijs finitis, meridianò tempore in domo ejus convenientes, blandisq; colloquijs prandio assidentes recreati, lautitiem, quamvis pro ejus dignitate magnificam, despeximus ambo, sanctâ magis esurie super Evangelij Intelligentiâ cruciati. Solutâ proinde comestione, dimissisq; servis familiaribus, quantociùs collocuturi solitarijs passibus conclave nostrum metiebamur, illeq; adaperiens mentem suam super citato Evangelij textu, ita se fassus est intelligere cum. Ego, inquit, amice, multo rem voluens cogitatu conclusi tandem, Christum tuum ideo in citata prorupisse Verba, ut ostenderet, neque se, neq; qui sequi eundem vellet, determinato esse circumscriptibilem locò, prout peccaminosi nos, carnalibus atque corporeis ultra modum immerfi, unde locorum definitionibus necesse est, ut vulpes foveis, & celi volucres

nidis nos fatigemus inveniendis ; cum verò econtra Christus tuus naturam sese patefaciens sortitum per bona opera divinam, inde humanis se contestatur non subjacere quoad præsentem vitam miserijs, sed capite liberò, quæ mollia mundi sunt, aspernari. Inde & amarissimas dissolvi ceperat in lacrymas, deplorando multipliciter miseriam sortis suæ, quippe quod carnalem nesciat frænare naturam, ignoret vitare vitia, passionibus demum supprimendis longè sit impar, careatque spirituali Christi felicitate, quam sibi totaliter, ut ille, possidendam propriæ defectu innocentiae, & patratorum reatu nunquam quidem optare valeat obtinendam ; vel ex parte tamen aliququaliter pariformi spiritûs desideraret adversus carnis onera insolentissima libertate posse gaudere.

Nunquid verò miseram hanc miserrimi conditionem poteram non plorare ? illius sanè lacrymæ jugiter ita deciduæ, cor etiam meum, si lapideum erat, non bis, sed toties, totiesque cadendo, poterant, debuerant imò in magnam commiserationis abyssum excavare. Malam igitur, bonamque eidem intelligentiam exposui ; Deum incarnatum esse, & non bonorum meritis operum sortitum primo divinitatem suam Dominum nostrum ; item aspernari quidem tam ipsum, quam sequaces ejus mundi carnisq; illecebras ; vitæ tamen misérias humanæ cæteris etiam abundantius perpeti : hac imò ratione Dominum nostrum omni vitæ austeritate, omni devotione, humilitate omni, passionibus & miserijs multis, ut in eodem suo habetur Evangelio, antecessisse, & dedisse vel ideo (a) *exemplum nobis, ut & nos ita faciamus*. In illo porrò (b) *vulpes foveas habent, & volucres cali nidos, filius autem hominis non habet ubi caput reclinet* : ipsemet (inquirebam) ut invenies, suam Christus contestatur miseriam ; quam proinde, si sustinere sibi fidat, qui in Evangelio sese obtulit, dicens (c) *Magister, sequar te, quocunq; ieris* :

(a) Jo. 13. v. 15. (b) Mat. 23. v. 20. (c) Ib. v. 19.

fufcipiat quantociùs, ut filius hominis, non curando, ut, ceu vulpes fit in foveâ, vel in nido volucris; sed (a) *abneget ſemet ipſum*, ut dicit alibi; *tollat crucem ſuam*, ſequaturque eum, ſi etiam ſibi, ut Chriſto, non ſit locus in diverſorio, ſed in ſtabulo; non in Regis curiâ, ſed in carcere; non in mollibus veſtimentis, ſed in nuditate; non in ſubtilibus cervicalibus, ſed in cruce. Sic etenim (b) *oportuit & Chriſtum pati, atque intrare in gloriam ſuam*, quam non ſibi, ſed nobis mereri opus habeat. Sunt namque miſeriæ vitæ hujus (ut, inquiebam, in Evangelio invenies) apta alterius beatitudinis obtinendæ media, atque gradus, per quos & Chriſtus bonô Magiſter præiturus exemplô, aſcendit in cælum, ſedetque ad dexteram Patris ſui. Sed neque aliô, quam rebellem adverſus noſtram bellando carnem, miſerias tolerando vitæ hujus, Divinæque Chriſti fidei per paſſionem & crucem ejus adhærendo potentes erimus evincere mundum, & adipiſci cælum; teſtante ſic Apoſtolo Joanne (c) *Hæc eſt Victoria, quæ vincit mundum, fides noſtra*.

Altiffimo verò ſibi hæc ipſe cordi ſumere non dubitabat, magnâque mecum conſolatione perfruitus, concepit nonnullam in fervido animo, quam tamen mihi conticuit, ſcintillam fidei Sanctæ: me verò à ſe dimiſſo, tres circiter inſumpſerat menſes, ruminando, quæ audierat per me dicta, attenteque volvendo, quæ revolvendo, ſacra à me ſibi recommendata Chriſti Evangelia. Cùm demùm gratiâ divinâ plenius ſpirante contineri ultrò non voluit, ſed unâ ſabbathorum nocte ad horam nonam, ſex ſervis ſtipatus meo inſperatus comparvit in habitaculo: cujus inopinatum eo in tempore adventum quantum admirabar, tantum deſuper & congratulabar. Ipſe porrò longiori omniſſâ ſalutatione, nullô ſe modô me, domumne meam, vel minimum acturum ad incommodum; ſed alio ſuper negotio, quàm potu, eſuve tractaturum aſſeſſe proteſtabatur.

(a) *Luc. 9. v. 23* (b) *Luc. 24. v. 26.* (c) *1. Joann. 5. v. 4.*

Præstitâ porrò hospitalite eidem debitâ, super commodâ satagebamus occasione ventilandi, quorum causâ advenerat, ignota mihi, paulò post verò animitus ab eodem exposita. Quid tandem amice (inquit) quid agere valeam, ut Christi tui, quam ita animò prosequor, verè suscipiam sanctam sanè, atque immaculatam Religionem? Ego novalium gaudiò plenus, rei facilitatem quomodo comparandam, omne gravamen quomodo floccipendendum, jugum deniq; Christi svave, & onus permultis exposui leve; omnisque discursu nostrò nox abbreviata sopijt Machometi perfidiam, & Christi fervorem sanctæque lumen agnitionis plenius suscitavit: ac posterâ, quæ erat Dominica, die, in cunctanter ambo ad Venerabilem supramemoratum Patrem Raphaëlem accessimus; ubi & Neophytum hunc Persam reliqui, ultrò ab eodem in fidei documentis, quâ par est, serie in struendum.

Hæc inquam absque jactantiâ dixerim, quorum & plura in Dei gloriam Sanctæque consolationem Ecclesiæ Orthodoxæ edicere valerem, nisi propriæ exosus laudis, ijs desuper loquendi materiam reliquisssem, quibus satis omnia constant. Unum memoratum hic retuli, ad demonstrandum qualiter Persæ nominatarum tertiæ, & quartæ sectarum sectatores, pronò ferantur animò in Virtutem, Christianamque pietatem: cujus pariter gratiâ præ omnibus (ut alibi de his plura) mundi nationibus unicè amant, veneranturque; Europæam, sacratosque Patres ac Religiosos, non solum pacificâ inter se dignantur habitatione; sed & palam sine aversione contra sectas suas audiunt è suggestibus, aut obuijs quibusque occasionibus in favorem fidei Christianæ differere. Recordor imò Magnatum Curiae Regni que Persici, tam ad me, quam alios sæpè dicentium. Quid Europæis Vestris religiosis in Patriâ nostra? Nunquid ignoramus, hos suam deferere, nostramque studio frequentare, atque

incolere regionem, ut populum nostrum alienæ tradant fidei, & Christo suo lucrifaciant? Hunc illi utique in finem nostris finibus tantam monstrant vitæ austeritatem, abjectam seligunt conditionem, quique satius vivere alibi valerent, hic in anxietate vultus sui vivunt, ut dogmata sua introducant, Gentemque nostram in suas partes defleant. Hanc nos eorundem non ignoramus intentionem; ast patimur, amamus imò, & veneramur eos, quoniam assidui virtutum sunt sectatores.

Hæc de Persarum diversas in sectas subdivisione, cujus etiam occasione pauca hæc occurrenter placuit referre. Ut verò quæ secundum suam observant fidem, etiam innotescant; solitas eorum festivitates, aliaque adhuc superstitiosas eorum observationes continentia nunc breviter adhuc recensere suscipio, antequam ad politicum regis regni que statum pertingam describendum. Sit igitur.

ARTICULUS OCTAVUS.

De modernorum Persarum festivitatis, peregrinationibus, ritibusque, ac ceremonijs circa mortuorum Hali filiorum sepulturam.

ALiquas celebrant Persæ festivitates in Machometi, Hali, & filiorum ejus memoriam, totiusque progeniei gloriam ac splendorem, ignorantes, cæli in hos æviternam esse maledictionem. Prima porro, potissimaque eorum solennitas illa est, unde novi sumunt auspiciū anni, appellaturque festivitas hæc ab ipsis Nouruz, seu novus dies.

A quo igitur Persarum incipit annus naturalis seu solaris; sic stante discrimine inter annum lunarem, quem ex cursu lunæ juxta lunatici Machumeti observationem desumunt, ab illa videlicet lunâ computando, quâ facta est Machometi migratio ex
civi-

civitate Meche ad Medinam ; quamvis potius fuga infamis & exterminium fuerit ; quippe, quò ob scelera suâ etiam inter infideles suum primo non obtinuerit locum , aut communem Sanctitatis (nempè quæ nulla erat) æstimationem. Cæterum Machometani migrationem istam Hogiret vocant , indeque, ut dixi , suorum desumunt computum annorum.

Modernorum autem Persarum Gens , insistens quoad hoc , & alia plura , observationibus Persarum antiquorum , hanc eodem ritu observant festivitatem , quò ipsi observare solebant in statu felicitatis & regni sui , tametsi modo deperditi. Quamvis etiam observent computum à lunâ , utpote ad desumendum annum suum Ecclesiasticū , quem servare tenentur ut Machometani. Annum verò solarem observant ut sapientes , rati securiorem esse solis,quàm lunæ cursum ; unde & certiores ominantur rerum eventus , casus , effectus , siderum concursus , influentias , aliosq̃ ; effectus elementares , & meteoricos desumi certiùs posse arbitrantur.

Hæc porrò solennitas in decimâ tertiâ , quartâ , aut quintâ mensis Martij evenire solet ; quippe quod in harum unâ , Sol ex Hut ad Hamel , ut ipsi dicunt , id est , ex pisce in arietem transmigret : ex quo solis in aliud sidus transitu annum suum politicum , naturalem , & solarem desumunt. Hâc quidem ratione.

Cùm Astrologus eorundem determinatam illam edixerit diem , quâ dictus solis ex pisce in Arietem futurus sit transitus ; illicò ante solis ortū Rex cum Magnatibus suis , supremoque Astrologo suo Regiam ingreditur Aulam amplissimam huic solennitati deputatam : ubi ordine sese statuentes , attentè primò percipiunt ea , quæ Regis Chronista altâ voce proclamat ; quæ quidem Lectio seu declamatio nil aliud refert, nisi omnia ea , quæ casu , fortunâ , fato , consilijs , armis , & qui-

buscunq; demùm eventibus circa Regis regnum, & curiam annò illò elapsò contigget. Unde & ominantur, quid inchoando mox anno, eoq; perdurante, sive ad pristinorum temporum restaurationem, sive ad felicitatis eorundem ulteriorem sit observandum continuationem. Dùm porrò lectio hujuscemodi cæteris summo in silentio attendentibus durat, sollicitatur Astrologus suis in observationibus circa solis cursum, suisq; ad intuentium delectationem fatigatur sphaeris, & astrolabijs dirigendis, cæliq; constitutionibus investigandis; ubiq; post longum tempusprehenderit, quonam in puncto, aut minuta contingat solis in arietem transitus, eò ipso temporis punctò silentium jubet à lectione; ipse verò cum tripudio affurgit Astrologus, palam apprecans, ut recedant vetera, nova sint omnia. Tum protinùs & regem veneratur, novumq; illi & felicem anni exoptat introitum, toti Regis familiæ pariter optimis auspicijs plenum. Sequuntur hunc Proceres, Magnatesq; aulici ordine suò omnes & singillatim, ita, ut post Astrologum, totius regni nomine, tum verò & suò, gratulabundus accedat Primus Regni Minister, Hedima Dolve. Deinde Pontifices eorundem ambo; tum verò & cæteri: quorum ordinem supra art. 2. posueramus, juxta munus & conditionem suam.

His ita peractis Regi deponitur è capite Tulbant, illa videlicet fasciarum Vincitura, quâ utcunq; Orientales caput obvolutum, illigatumq; gestare solent, imponiturq; eidem regale preciosissimum, atq; à majoribus suis regibus sibi hæreditarium diadema, ab ipsis Persis Teg nominatum, de quo supra articulo quinto plura posuimus. Porrò unà cùm Rege omnes Principes deponunt Tulbant, seu fasciam suam ex capite, illud hòc suò Teg, seu diademate, felicitatis & fidelitatis signò protestativò communientes, preciosiusq; quidam, nonnulli minùs preciosum pro status sui conditione assumentes: dem-

ptis

ptis duobus Pontificibus illis, Astrologô, Chronistâ, cæterisque, qui sunt de Gente Tat, de quâ & supra articulô citatô.

Quibus peractis ocius Marschallus Aulicus summô vestimentorum incedens ornatu, aureum manu baculum gestans, exit ab interiori Regis ad aulam exteriorem, voceq; prægrandi, toti jam Curie acclamat Regis clementiam ad annum felici auspiciô inchoatum, hortaturq; Universos, unanimi per Regis gratiam hilaritate gaudere, in ejusdemque honorem debito cum applausu primam hanc novi anni transigere festivitatem. Hoc jam auditô prout omnes genibus in terram flectunt, debitâ Regem suum in interioribus aulae penetralibus existentem devotione adorantes, omniq; exultantium animorum promptitudine auspiciatissimam novi anni precantur inchoationem; intonantibus illicò, per omnes aulae fores Regijs tubicinibus, alijsq; varia instrumenta suô more cum omni gaudiorum jubilo suavissimè tangentibus.

Post hæc reversus in Regis aulam interiorem Marschallus, totius nomine Curie auspiciatissimum reprecatur eidem inchoati solaris anni auspiciam. Tum demum surgit Astrologus Regius, vernaculâ perquam elegantissimâ coram rege perorans, eundemque super his commonefaciens, quæ conjecturali arte suâ inchoati decursu anni futura ipse præviderit; severam suadet in criminosos justitiam, sed & erga suos clementiam commendat; Magnates verò, universosque demùm regi subditos ad omnem hortatur devotionem, atque fidelitatem.

Tum verò Rex oratione peractâ cum suis exsurgit; qui de nunc ordinatim omnes ad eum accedunt (Pontificibus exceptis) genibusq; flexis adorant, & pedem eidem dextrum exosculantur, hoc tanquam devotissimô fidelitatis signô eidem in constantissima sese obsequia consecrantes. Quos porrò & Rex affabili dignatur alloquio, annum pariter eisdem jubens felicem.

Tan-

Tandem aulæ hujus interioris Regiæ portæ adaperiuntur, exitque rex in fastu atque ornatu suo, & magnis stipatus comitibus ad aliud quoddam sese confert Palacium, sublimis altitudinis: unde & Alakapi; id est: sublimis porta dicitur. Est namque ædificatum supra portam illam, quæ est altior & sublimior, omnibus quinquaginta portis domus Regiæ. In eo pariter est limen illud, quod pede nemo calcare aufit, sed osculari solum potest; quod à Principibus etiam fit, & satrapis in juratæ signū fidelitatis atque devotionis erga regiæ domus limina: tunc quidem cum solenni forsan inauguratione benevolentiam regiæ altiores evehuntur ad dignitates.

In hoc igitur superbissimo palacio, versus magnam illam plateam, quam Petrus de La Valle describit, sitò, Rex assidens suis, diversissimis indulget jocis, & curiositatibus eam in plateam exerceri solitis, cum interim & Bachi celebrat inter crateres solennitatem. Reperiuntur ergo visu inibi generosissimi sexdecim equi, aurò gemmisque compti, & aureis ligati catenis; quò numero potentissimum Regis in amplissima sexdecim regna dominium indicatur. Catenis item aureis ligati visuntur aliam in plateæ parte leones, tygrides, elephantes, & complura hujuscemodi animantium genera, quæ præstita regi genu flexione, primò veluti eundem venerabunda, tum vero vicissim, atque ordinatim suos exhibent saltus & ludos, quos hominum directione norunt, in regis delicias & oblectamentum, majoremque festivi plausus splendorem.

Sed & peractis hujuscemodi spectaculis, conveniunt luctatores nudati, suum invicem aliquantò temporis spaciò, robor attentando: tum & gladiatores arte congregiuntur suâ. Hos demum sequuntur Equites, Principes, nobilesque aulici diversis exercitati ludis, miram singulariter exhibentes in equis dexteritatem, sclopetis, frameis, lanceis, præcipueque sagittis.

In

In medio namq; plateæ altissima quædam trabs pyramidis adinstar erecta est, longitudine ducentum ulnas excedens; cujus in cacumine subtilis quædam lamina in sagittarum scopum pendet affixa, quò quidem collimant, neq; aliàs sagittas jacere artis æstimant, nisi ex equo, illoq; velocissimè currente, & jam cursu suò trabem penè prætervolante. Unde Lectori pensandum relinquo, quantam ille ominetur dexteritatem necessariam, ad scopum hujuscemodi, quem dum equus trabem prætervolat, vix sagittator oculo percipere potest, attingendum. Trabs illa Kabac dicitur. Cæterùm qui laminam illam, seu scutum trabi appensum sagittâ in terram dejecerit, bravium obtinet, atq; ad Regis vocatus præsentiam, exhibitæ capeffit munera virtutis.

Finitis itaq; ludis atq; exercitationibus, præsto sunt Vice Reges, Duces, Principes, alijq; Dynastæ, qui aliquò in regno fruuntur dominiò, sua, in obedientiæ servitutisq; Regi debitæ contestationem, munera illicò deferentes; sicq; cum novo anno nova contestantes obsequia. Horum porrò quilibet talia Regi defert munera, qualia ex proprio statu, locisq; dominij sui producere valet. Principes, exempli causâ, qui in districtibus Ghilan suum exercent dominium, sericeas in copiâ Regi afferunt materias; quippe quibus loca illa abundant. Alij equos, alij camelos & mulos, sicut & alij tapetes, feltra, aromata, fructus, & similia plura deferunt munera. Pariformiter & qui sunt Vice Reges in confinibus Indorum, Scytharum, Arabum, Turcarum, & Moscovitarum ea mittunt, quæ in illis Regionibus habentur. Hæc porrò munera cùm juxta debitum offerentium ordinem in Plateâ coram Rege deponuntur, omnia per deputatum Regis scribam annotantur, Rege interim cessante bibere, & incipiente comedere in convivio apparato, duranteq; per tres circiter horas, resonantibus, more

suò, tympanis & musicalibus instrumentis consuetis. Cæterum qui delata Regi munera conscribit sui vix tertium post diem sortitur laboris finem, ob munerum diversitatem & abundantiam: quæ tamen omnia fideliter, atq; ad amussim annotata supremo Regis tradit Ministro in debitæ annotationis, ritiq; computûs ratificationem. Is porrò omnibus seriò pensatis, vocari illicò jubet procuratores Principum illorum, qui per hos dona miserê Regi, illosq; si ab oblati laude digni, Regis nomine laudat; si à munerum exiguitate reprehendendi, reprehendit; committens eisdem ad illos congratulatorias, aut reprehensorias à Rege litteras.

Atq; hæc est solennitas Nouruz, seu novi anni: quò etiam tempore mutare, aut conferre solet Rex officia Proceribus regni sui; quo item Regis astrologus suum in lucem edit Almanacum pro anno inchoato. Duratq; solennitas isthæc apud Persas septem diebus, quibus omnis generis exercere recreationes assolent; solitumq; est inter eos vel maximè spectaculum Taurorum atq; luporum, quos ita instruunt, ut non solum ferinò suò modò invicem aggrediantur, & impetu; sed & diversos, eosq; curiosissimos exhibeant saltus, ludosq; , quorum & intuitu ipse non rarò Rex delectatur.

Alia paulò post succedit eisdem festivitas, quam Hasciur vocant; in quâ perperam decem consumunt dies, deflendo mortem Hasan Husein filiorum Hali, detestandoq; ac mille modis maledicendo horum interfectorem Jezid Hibin Mohuie, olim Regem Damasci, qui eosdem nedum odiò insatiabili persecutus est, sed & è medio abstulit in valle Kerbela propè Babylonem; ubi illos Persæ hodiernum usq; diem corporibus sepultos credunt, atq; ut Martyres venerantur; ita, ut annis singulis istò tempore, quod paucis ad festivitatem Nouruz contingit diebus, ingens Persici populi multitudo eo confluat, & hanc

hanc Hasciur festivitatem maximâ (quamvis inanis sit) celebret devotione. Inde etiam est , Persas adeo venerari , desiderareque Babylonis terram , ac si terra esset sancta ipsorum ; non minùs atque Christiana pietas Jerosolymæ adoptat , & universæ terræ sanctæ possessionem. Etenim cum prædicti Hasan , & Husein essent Machometi ex filiâ suâ Fatmâ nepotes ; præsumpserê adversùs Damasci regem præfatum , ejusdem sibi arrepturi regnum : qui porrò injustam hanc eorum dominandi cupiditatem expertus , omni excusâ ulteriori consideratione , ad mortem usquē persecutus est eos. Quos proinde , cum Persæ sequaces sint Hali , ut ejusdem filios Martyres Sanctos Venerantur , per decem dies amarissimè eorum obitum deplorantes.

Hac ergo in solemnitate mares omnes Persarum æquè ac fæminæ , viri , puerique , nobiles demùm & ignobiles inexplicabilem animorum planctum miris clamoribus , & gesticulatibus demonstrare curant ; per vicos omnes , plateas , ipsis imò in templis non desinentes exclamare , in hæc quidem condolentia verba Arabica : Vah veilah Hasan , Husein. Id est : Væ nobis ! Ubi sunt Hasan Husein ? nempe dilectissimi filij Hali. Hæc porrò dicentes , & caninâ rabie exclamantes , plurimi eorundem in majorem mortificationis , devotionis atq; planctûs ostentationem , prægravibus pectora contundunt lapidibus , salivas ore , & lacrymas oculis copiosissimas effundentes. Pueros quoq; denudant suos ipsimet Parentes , quos & carbonum nigredine pingunt , ut totis corporibus furia appareant infernales. Itaque promiscuè indefessi totam circumeunt civitatem prædictis verbis mortem Hasan & Husein exclamantes , fatui omnes Pseudo Prophetarum , atque Dæmoniacorum Martyrum ploratores.

Ultimâ tandem harum die , quæ Katil dicitur ; id est , dies

occisionis, & in quâ eos occisos dicunt, extremô anguntur conatu, ad ostendendam animorum tristitiam, & mærorem, an magis furiam; quippe horrifono ululatu, fletu & execratione inclamantes adversum illum Damasci Regem, Ottomannosq; Universos. Tam denique confusa, terribilisque est illius diei facies, ut extremum diem judicij adesse Lector ominareris.

Hac quoque in Solennitate conciones faciunt, atque processiones instituunt, ita quidem; ut armis muniti magnâ incedant copiâ, his veluti mortuos suos contra Jezid, & inimicos eorum defensuri; cum quibus tamen se magis ac alios vulnerant, ut infra dicam. Cæterum vel sola illa lethalia animarum ploranda sunt vulnera; dum etiam Gens infatuata insanô planctu dæmoni blanditur, mille penè malitijs ejusdem dilaniatur. Porro in processionibus hisce duo deferunt feretra preciosissimè adornata, ac si in ijs defunctorum jacerent cadavera Hasan, Husein. Circa hæc funestissimâ harmoniâ intonat atrox corona perfidorum, luporum, leonum, atque taurorum, & horribilium omnium more bestiarum Universi inclamantes, & miserabili hôc lefsô feretra dicta conducentes in primum Mesgid, seu templum illorum. Tum vero feretris inibi depositis Orator Regius funebrem dicit sermonem, excurrens primum in occisorum laudes immortales; dein verò in æviter nam occisoris maledictionem exasperatus auget furorem populo; suam tandem hâc execratione claudens orationem, contra Jezid & Ottomannos.

Nehledber Jezid, ber Omer, Osman, Abubechir.

Maledictio sit super Jezid, Omer, Osman & Abubechir.

Populus verò horrifono pariter furore voriferans respondet

Hezar, Hezarunbar.

Id est. Talis maledictio, & anathema sit infinitis vicibus super illos. Tum

Tum porrò comburunt statuam illius Damasci Regis Jezid, quam antea sibi ex charta turpiter factam parant; quidam verò in suorum honorem innocentium occisorum (quos insani dæmonum ministros non agnoscunt) acutis sibi novaculis, aut frameis, in capite, facie, brachio inscindunt vulnera, suo sic sanguine debitam, & constantem Prophetis suis contestantes devotionem. Atque huic quidem lugubri functioni adesse rex ipse solet.

Cæterum in die illâ Turca, aut Scythia nullus publicè apparere ausit, quemadmodum Judæi Romæ in septimanâ sancta non audent timore juvenum, & vulgi palam incedere. Dicunt etenim Persæ, Turcas Scythasq; non minus suorum Hasan & Husein inimicos esse, ac ille fuerit Jezid; quippe quod & illi Patrem horum Hali non agnoscant ut unicum, legitimumque Machomet successorem.

Itaque dies decem malefani cultores absumunt in illorum mortis commemorationem, qui inferni jam habitatores existunt deperditi. Utinam verò à Christianis edicerent saniora, dum hi septem singulariter diebus memoriam agunt, illiusq; sanâ mente passionem deplorant, atque mortem, qui verè Dei Propheta, Salvatorq; est Mundi, Christus JESUS. Utinam inquam Sapientes Persæ textum saperetis Isaïæ, illud de Dei filio, in nostram salutem morti tradito edicentis. (a) *Ipse autem vulneratus est propter iniquitates nostras: attritus est propter scelera nostra: disciplina pacis nostræ super illum, & livore ejus sanati sumus. Omnes nos quasi oves erravimus, unusquisq; in viam suam declinavit: & posuit dominus in eo iniquitates omnium nostrum. Oblatus est, quia ipse voluit, & non aperuit os suum. Sicut ovis ad occisionem ducetur, & quasi agnus coram tondente se obmutescet: & non aperiet os suum.*

Ipsi verò procedunt in vanitatibus suis, insanâ magis pertinaciâ ducti, quàm rectâ ratione sapientes; ut sanè dicere ausim, Persas, tametsi à ratione naturali, quâ magis sese pollere, bonisq; insudare disciplinis, præ cæteris sibi vicinis nationib' demonstrant, promereantur & præ illis sapientiâ titulû; in his verò quæ fidei sunt, cæcô etiâ mentis oculô ad insipientes prolabi observationes, prout & ex dictis meridianâ clarius luce constat. Ast, occasione memoratæ festivitatis funebris, liceat enarrare factum mirabile, & laude dignum de Christiano in Christi fidem zelo. Quod breviter quidem aggredior.

Interfuerat ante aliquot annos cætui illi, ubi de Hasan Husein innocenter (ut putant) interfectis concio erat, Episcopus quidam Armeno-Persa, Stephanus Manug nomine, qui adhuc in vitâ existens, Christi meritò Martyr putandus est. Is namque durante illa funebri concione actuali, altâ incepit adversum concionatorem voce reclamare, totum quod diceret inane, & ipsissimam esse falsitatem: omnes enim ex viperinâ Machumeti generatione, sceleribus & iniquitatibus esse plenos; duosque hos pariter, de quibus tanta orator ediceret, morte omni fuisse dignissimos: quorum proinde non absque scelere memoriam colerent; cum Christi e contra Domini atque Dei agere deberent festivitates, quippe verè innocenter mortui pro eorum omniumq; hominum salute. Quæ, inquit, dum recordari o-mittitis, facinorosis & scelestissimis populorum tantorum seductoribus malè sanâ semper devotione intenti, maledicti estis, atque abjecti ex gratiâ Dei cæli, omni digni cum perfidis vestris damnatione.

Considerare jam valuerit Lector amicus, quale in animis suis resenserint vulnus proterui & rabidi cultores malefactorum. Quô non furore in eum irruerint? Quibus non eum vulneribus dissecârint? Omnis imò jam jam in eum fremebat populus,

pulus, dentibusq; stridebant in eum, ut Judæi in Stephanum, jam enses vibrabant suos, jam pugnis appetebant, jam pedibus infliciebant. Ast parvula adhuc latuerat scintilla misericordiæ erga Christianos, in quodam Regis Ministro, olim quidem Christiano, tunc verò abnegatâ jam fide Machometano; cui cum propè stetisset memoratus Episcopus, libertate etiam invitatus gavisus est. Is enim ferinam populi rabiem intuitus, commiseratione ductus, pallium suum Christi famulo superinduxit, quod cum tangere ausi non fuissent impij, prohibuit, ne hic veritatis Annunciator Evangelicæ, in mille, ut perfidorum furia dictabat, partes dissecaretur. Cæterum quod ille quæsierat, martyrium non fugiebat, sed suo jam volutatus in sanguine ultrò rogabat famulos se protegentes, abstraherent quantumtociùs pallium, abirent, seque pro Christo suo mortem ab impiorum manibus obire paterentur: illi verò has ejusdem lacrymas precesque nihil exaudientes, nolentesque ipsimet impien-
tissimæ concedere rabiei locum, magnâ cum charitate atque honore Dei servum ad suum detulere Conventum.

Atque tanta est, ut audisti, Lector amice, infelicium istorum de Hali ut legitimo Machomet successore, universaq; illius progenie, fides, zelus, & æstimatio: qui, licet in perfidia, simiæ sunt, ut sæpe audisti, Christianorum, non disparem Hali, & progeniei ejusdem cultum exhibentes, ac sanctis, Prophetis, & Martyribus Christiani. Cæterum & in hoc Christianos æmulantur, quod, quemadmodum hi duodenum suscipiunt, & venerantur numerum Apostolorum, ita & illi duodecim illos ex progenie Hali, quos inter duo sunt ejusdem filij Hasan Hussein, ut veros Seniores, & Legis Machometanæ propagatores venerentur, atq; agnoscant. Sed quid colligendum amice? *Noñe (a) duodecim sunt horæ diei?* olim inquebat Christus sol ipse omnis justitiæ atque veritatis, indicans Apostolos Evangelicæ

(a) Joann. 11. v. 9.

Legis suæ, quibus ille diem agnitionis Sanctæ toti mundo induxerat? Duodecim igitur illi Hali Posterī, nonne duodecim sunt horæ noctis? Cæcam illi, perfidamque, & omni rationis luminī adversantem Lunatici Machometi legem veluti funesta fidera, æviternæq; cometæ damnationis indicunt.

Sed verò suæ taliter infelices populi perfidiæ adhærent, ut eam solam, quæ secundum Hali est, Machometi legem, reve-reantur ut sanctam; quâ etiam ratione Turcas, aliosq; aliarum sectarum viâ in Machometi legem abeuntes, hæreticos nominare solent; quippe quod isti quatuor illis credant Antipatriarchis, Omer, Osman, Abubechir & Hali, quorum tres priores omninò abhorrent Persæ, eorundemq; sectas sequantur. Quidam imò Persarum peritiores, aliqualem habentes de rebus fidei nostræ nōtitiā, consilijsq; pro temporum diversitate in Oriente adversum diversas hæreses congregatis, nonnunquam ista mihi discursûs gratiâ edicebant. Sicut, amice, vestra in religione sunt nonnulli renuentes subijci uni capiti unumq; Christi Vicarium & Successorem in Petro, alijsve huic succedentibus Pontificibus Romanis agnoscere nolunt, & confiteri; & proinde hi, quippe quod contra veritatem vobis probatissimam cæcâ proterviâ insurgant, suosq; in errores absque fundamento solâ perversi judicij pertinaciâ divagentur, jure à vobis hæretici dicuntur, odioque ubiq; habentur: ita pariter & nos nostrâ in religione Turcas, Scythas, cæterosq; omnes juxta viam Hali non abeuntes, ut hæreticos rejicimus, odioque prosequimur.

Denique Persarum populi, quemadmodum Christiani Sanctissimam Dei venerantur Matrem, ut virginem, etiam post partum illibatam, ita ij opinione insanâ, & crassâ nimis ignorantia æstimant mulierem quandam, quæ Machometi est filia, Fatma nomine; non obstante, maritum ejus Hali fuisse, diversosque

fosque ex his utriusq; sexus provenisse proles; quodque publicâ etiam lasciviâ infamis fuerit Fatma illa, eò scelestæ atque fornicariæ vitæ, nescio, quô Diabolicæ charitatis motivô induc-ta, ne videlicet scandalizarentur, aut angerentur illi, qui suâ fors capti essent pulchritudine. Hanc nihilominus publicæ tot infamiæ notis affectam insani perhibent illæsam adhuc servasse virginitatem. Detestabilis sanè temeritas & quantum rationi etiam, humanoque judicio adversa, tantum sanæ mentis amatori exosa. Ast hæc est Machumeticæ sanctitatis sphaera, ut carnalitatis vitiô, prout alibi dicam, circulô veluti inevitabili omnem suum clausit vivendi modum. Quid igitur mirum, quòd, cum Prophetam, qui ipsa erat lascivia, susceperint, suscipiant, venerenturque lascivam ejus & filiam; de qua ultro nota canere facinora enormia cassum atque ingratum laborem duxi. Unde de festivitatis populi hujus plura dicamus.

Celebrant porrò alias inter festivitates Persæ moderni quandam, ab ipsis vocatam Hid il Achavet, seu festivitatem fraternitatis, quam juxta cursum Lunæ observant, in memoriam diei illius, quâ Machomet suum generum & Patruelem sibi adscripsit fratrem, eundemque successorem constituit suum, & in Ecclesia suâ (quæ quidem nulla est) locumtenentem, contradicentibus Ottomanorû Pseudo-Patriarchis Omar Osman & Abubechir. Unde etiam est, Turcas non solum hanc non celebrare, sed & cane pejus & angue horrere, atque vel auditu odisse festivitatem. Cum verò ab adverso Persæ majores atq; minores, omnisque demum conditionis utriusque sexus maximas in die illâ patrare satagunt lætities; studentes autem singulariter devotioni, suisque pro facultatibus eleemosynas largientes, gratiasque agentes Deo, qui hac in mortali vitâ tam sanctum ejusdem caput, atque Rectorem dare dignatus sit, Hali videlicet,

cum progenie suâ, quam Dei Propheta in suam adscripsit fraternitatem. Hac etiam in solennitate Prophetam imitantes suum ipsi invicem in fratres quoque suscipiunt; atque hoc quidem coram quodam eorundem Sacerdote, aut Sacrorum Ministro, cui hujusmodi fraternitatem confirmare incumbit, adhibita quadam oratione vernaculâ in benè auspicandam spirituales hujuscemodi fraternitatem. Unde sentiunt hi Machometi & Hali sectatores, in miserâ hac periculosaque vitâ subjectos esse mortales multæ rerum vicissitudini; atque inde ut modicum à proximis, & qualecunq; habeant juvamen, hanc ineunt fraternitatem, quâ se spirituali veluti charitatis vinculo adstringunt, ut, quibus invicem præsto esse possint in necessitate, possibili conatu, quâ precibus, quâ bonis temporalibus frater succurrere fratri sic teneatur assumpto.

Aliam quoque observant omnibus Machometanis communem solennitatem. Etenim post tempus jejuniorum, Ramazan, celebrant Hidramasan, seu festivitatem trium dierum, de quâ jam supra à nobis facta mentio, articulo sexto dum de Persarum jejunio ageremus. Et in alia festivitate quam semel in anno juxta lunæ cursum observant, vocantque solennitatem sacrificij, Arabico idiomate Ghurban, ex præcepto Machometi comedere tenentur de carnibus cameli, sicut & in templo infra memorando camelum offerre, in memoriam sacrificij Abrahamæ. Dicit enim, mentiturque nequam Camelarius Machomet, Abrahamum Deo non Isaac, sed Ismaël voluisse immolare; cumq; ab Angelo prohibitus esset, vidisse ad latus inter vepres, non arietem sed camelum, & per hunc proinde sacrificium suum obtulisse Deo gratissimum. Usq; adeo hic camelorum nugator sacras historias vertit in somnia: usq; adeo sapiens Persis hujus eruditione (si etiam eruditio dicenda sit, quippe mendaciorum inductio) facta est insana.

Porro,

Porro, ut jam de locis peregrinationum, quos Persæ visitare assolent, quæpiam dicamus; primus est in civitate Meche, ubi sepultum suum colere solent Machometum. Atque huc nedum Persæ, sed & Machometani quicunq; magnâ è diversis locis confluunt devotione per annum. Quamvis Persis difficilior eò sit via, scilicet, vel per Turchiam; vel per Arabiam felicem, quâ securiores pergunt. Unde etiam intuitu perdificilis itineris ad hunc Sanctitatis (ut stulti arbitrantur) locum, excusatos magis habent eos, qui Sophi Regis esse atq; appellari volunt, eosque tales esse permittunt, tametsi in hoc loco sancto Meche civitatis non fuerint; debent tamen, aliqua loca ex infra citandis visitasse, ut supra dictum est, et paulò infra in hoc articulo dicemus. Cæterum hac in civitate Templum est, quod Arabes Beitula, seu domum Dei; aut Beitelchelie, id est domum Abraham appellant, de quo & in sequenti articulo dicemus. Hoc autem Templum Machomet & posterius ejus Kahbe appellant. Quod quidem nomen juxta veram interpretationem significat os illud solidum, quod à latinis talus appellatur; unde & taxillorum ludus conficitur, quò pueri præcipuè in oriente ludere consueverê. Dum ergo hoc templum à Machometanis vocatur Kahbe; idem est dicere, ac Templum habens tale os; quod scilicet aliàs in animali, basis est & firmamentum totius corporis, omniaq; membra fulciens & sustentans. Unde hòc vocabulò eo collimaverit Machomet, ut indicaret, Templum hoc esse bassim & fundamentum, omnium suorum superstitionum dogmatum. Quà etiam ratione in mediũ templi illius unum hujuscemodi os Cameli aurò gemmisque ornatum appendit; quod & omnes eò peregrinantes pronò poplite adorare tenentur: tum, quia hoc os fundamentum, ut dixi, basisque esse creditur omnis fidei, & devotionis suæ; tum etiam, quia illud de primo credunt esse came-

lo, quò usus est Machomet Dei Propheta, quemq; omnium maximè dilexit. Perpendat jam hic humana ratio, quam ab-
furdas, absurdus hic Camelorum mercenarius de camelis &
ossibus excogitaverit nugas, verè vel à pueris ludendus: ut or-
do planè non sit imaginationis, quàm ratione persarum po-
pulus, cæteroquin sapiens, his adhærere possit; nisi eò recurra-
mus; absente Dei gratiâ, superniq; defectu luminis, humanam
etiam non posse non caligare rationem, quin in multis aberret.

Alter peregrinationis locus est in valle Kerbela propè Ba-
bylonem, sepultura videlicet Hasan Husein filiorum Hali, quò
& annuatim complurimi peregrinantes deveniunt, de quo jam
supra facta mentio.

Famosa autem, atq; superstitiosis hîsce numerosa est pe-
regrinis Civitas Meseed in Chorasân versùs Scythas, ubi inhu-
matum corpus cujusdam Pronepotis Hali, nomine Himan Re-
za multâ venerantur infaniâ. Sumptuosissimum etenim inibi
exstructum invisunt templum, maximis thesauris à diversis Re-
gibus & populis ditatum. Siquidem non solum reges Persa-
rum cum suis, sed & Indorum cum Indis, Scytharumq; reges
cum Scythis suis, multis illud usq; hodie ditant muneribus:
hi in super asferentes, Templum illud, cum putatitio sancto suo
Himan, non ad Persas, sed ad se de vigore pertinere. Persæ ta-
men tantâ hunc in locum inclinantur devotione, ut omnia bona
illorum, qui sine legitimis se succedentibus hæredibus, vitâ
funguntur, jure ascribant huic suo Himan Reza, ejusdemq;
templo. Ad hanc igitur domum opulentissimâ totò anni de-
cursu devotionis gratiâ abundantissimi confluunt Persæ, cujus-
cunque sexus & conditionis, diversa diversi pro status sui possi-
bilitate munera deferentes. Sed & plurimi, antequam mori-
antur, pro ultimâ etiam voluntate testatam relinquunt, cer-
tam substantiæ suæ parsimoniam templo deferendam illi: tùm
verò

verò & corpora sua cò inhumari jubent, tanquam in loco, insanâ suâ imaginatione sancto, quippe in quo Himan ille Martyrium per eosdem creditur obijssè. Unde & civitas ipsa Mesced dicitur, quod idem significat, ac locum Martyrii, seu in quo Martyr quidam obiit; tantumq; aucta est, ut non solum à Vice Rege in habitetur, sed etiam templo illius singularis præsit præpositus, quem Muteveli nuncupant. Tantâ porrò is gaudet autoritate, ut summo ab omnibus haberi debeatur intuitu; cujus & officium non per successionem hæreditariam alteri communicari potest, sed solâ regis & duorum Pontificum electione templo illi præficitur. Cæterum stultè iidem Persæ credunt, quod illi, quorum corpora hac in Mesced Corasan sepulta jacent, in die judicii extremo obligati non erunt ad reddendam suis de operibus Deo rationem, idque ob merita sancti hujus, quem suum appellant apud Deum fidejussorem, qualiter & eum nominant hoc vocabulo, Himam Zamin, quod idem est, ac fide jussor. Quanti verò valeat hujus Himan Sanctitas, Lectori curioso paulò liceat enarrare; veritate quidem mihi personaliter compertâ, ut mox referam.

Ante sex circiter contigerat annos, puellam quandam in illâ Civitate Mesced, nobilis Persæ matris filiam dilectam, clandestinè fuisse defloratam; quod ubi tandem post tempus conjecturare, ipsâ inò filia confessione rescire debuit mater, verita confusionem domui, familiarique suæ inde orituram, molita est falsitatem affigere sancto suo Himan Reza, dæmoniacò cogitatu, pariter & effectu. Jussit igitur filiam manè summo adire templum Himan, ibique cùm adhuc compareret nemo, altâ exclamare voce, ut inquisitorum quidam accurrerent, quibus deflorata, & imprægnata protinùs asseveraret, adfuisse sibi in templo per noctem reclusæ sanctum Dei, Himan Reza, ejusdemq; perpeffam accubitus virginitate etiamnùm carere, san-

Et autem gaudere fecunditate ob prolem à sancto susceptam. Neque caruit finesuo intentio frivola, atque malitiosa; cum enim sub tempus paululum delituisse impertinens; summò illicò manè acclamavit, ut quantocius templi custodes & ministros, quippe proximos, accersiret, illisque supina palam faceret mendacia. Detulerè hi ocius ut veritatem, quò collotenus mendaciò meretrix innatabat, ad templi Præsidem, isque fallacem ad se vocitatum super transactâ rei serie penitiùs investigans compositò mentiendi ordine audivit à filiâ, quò ipsa fuerat à genitrice instructa. Jamque tum infidelis veritati, factus fidelis mendacio, portentum augurabatur prægrande, gratiamque mulieri à sancto præstitam, ut divulgaret, tubicines quaquaversum in hilaritatis signum audiri jussit; & accurrentibus gregatim populi turmis, totam intonare jussit per Civitatem sancti Himan honorem, portentumque nocte cum virgine patratum per omnium ora circumvehi. Non latitare potuit existentem inibi Vice Regem populi rumor, totiusque penè civitatis acclamatio inquieta; ut illicò & ipse, cum totâ Civitatis nobilitate Templi præpositum accedere non dubitaret; & quemadmodum vulgus omnis, ita & hi felices arbitrabantur se quilibet, qui sancti Himan videndam obtineret puellam concubinam. Inito denique consilio, cujusnam isthæc, à sancto tacta, digna sit in uxorem, discussis multorum votis conclusum, ut æquitati consentaneum, non alteri, nisi Templi summo Præposito in conjugem fore adsciscendam; sancitò hoc equidem in effectum redactò. Proh stupendam mortalium cæcitatem! Si Himan vester verè sanctus esset, ut miseri creditis, & portentose mulierem imprægnasset; nunquid non magis peccabilem inter vos virum sanctâ hujusmodi genitrice indignum reputare poteratis? Si semel ut suam sanctus in templò assumpsit; illi relinquitote, qui iteratò utiq; eam visitabit,

nolens alteri concedendam. Sic denique Himan Vestrum in vias Hali, & Machomet Abavi sui abiisse creditis, ut & in morte carnis insudare vitio credatis omnes, quos, dum viverent, malignos spurcitiarum habuistis antesignanos. Hæc mihi fideliter mercator quidam Vice Regis illius Armeno-Perfa, nomine Aristoteles, religione Christianus, qui, dum actu fierent, illa in Civitate extiterat, mendacesq; Matrem ac filiam noverat, retulit in Regiâ Isfahan: quæ & ego in Regis curiâ ridiculosè, ut novalia tunc recentissima primus enarravi, ridentibus quoque Persarum in aulâ doctoribus hac super infaniâ. Sed sub eam ipsissimam temporis horam, adfuerê Nuncij ad aulam Regiam, missi singulariter ad portentum hoc gloriosè edicendum, tumque primum rei ut certæ habebatur fides cum plausu vulgi, ast multiplicibus, ut ipsemet advertere potueram, sapientiorum in animo cachinnis.

Tandem præcipuus quidam peregrinationis locus est Civitas Ardevel, ubi olim resederat sæpe nominatus Schieh ille Sephi, atq; etiamnum corpore inibi humatus jacet, sub sumptuosissimo pariter templo, omnis generis redundante thesauris. Frequentatur ut plurimum devotionis gratiâ locus iste à Persis: quin imò cum Reges coronantur, ejusdem sepulchri habere benedictionem tenentur, vel per se immediatè, vel per alios, suò nomine eò peregrinos acceptam. Caterùm & hac in Civitate hospitalia quædam sunt magnifica, in quibus plurimi aluntur Persarum, nedum ij, qui necessitate alimoniam quærunt, sed & ij, qui spontaneâ sese devotione relictis opibus ad pauperiem devoverunt.

Hæc porrò sunt loca, quæ, ut supra nominavimus, aut saltèm ex his aliqua, visitasse opus habent, ij qui gratijs & privilegijs Sophimodo supramemorato frui desiderant. Ex quibus, quid nisi plorandam Lector amice, Persarum conijcis infan-

niam.

niam? Jam verò, cùm Machomet ex sanis fecerit insanos Persas, occasione insanix horum, agamus & quæpiam, de insanix ipsius, ejusdemque originem, versutiam, dogmata, & viperinas plures rideamus traditiones.

ARTICULUS NONUS.

De Machatore Machometo, ejusdemq; Pseudo-Prophetia, ortu, & propagatione.

Omissis multis, quæ multi de Machometo Orientis nostri monstro edicunt: cùm tamen & Persæ, de quibus hoc in libro meo sermonem institui, eundem ut Prophetam Dei verum arbitrentur, quantum veritatis necessitas, studiumque brevitatis admittit, pauca quæpiam referre conabor, ubi & ejusdem Pseudo prophetiam, atque permultas Curani fabulas, manifesta mendacia & contradictiones attingam, in confusionem sequacium suorum, & ædificationem atq; consolationem Christi fidelium. In Arabiâ porro mendacibus suis dogmatibus Machomet fecerat incrementa, prout & ipse Arabs, atque in Arabia natus erat, non in civitate quidem aut oppido, sed sub tentorio, quibus tam Antiqui quam moderni Arabes pro domibus utuntur, atq; cum illis peregrinantur, circumvagantes in montibus, vallibus, atque desertis Patriæ suæ, miserrimi hyeme, æque ac æstate. Fuit autem, ut sui tradunt, ex tribu Curcisci. Quæ quidem nobilior tribus erat ex omnibus duodecim Arabum tribubus. Matrem habuit Emna, quam aliqui Judæam fuisse asserunt, alij Christianam Arrianam; complures verò, maximè Arabes, Arabem. Patrem verò habuit Habdala, qui in tribu suâ octo habuit fratres potentes atque divites inter Arabes. Mortuo porro Parente Machometus à Matre datus est in tutelam Avunculi sui Abas; qui illi

(ju-

(juxta morem Arabum) commissit pascere camelos, illisq̃ue invigilare. Post verò tempus aliquod eundem promovit, ut mercaturam per camelos exerceret portando merces Avunculi sui, aliorumq̃ue mercatorum Arabum ex Arabia ad Damascum & Syriam; rursusq̃ue inde alias in Arabiam, datâ illi hoc pro labore debitâ, ut cæteris camelarijs mercede. Et quoniam hoc officium inter Arabes honorificum æstimatur; Machomet sic in eo ab avunculo suo collocatus, ut sagax erat, perspicaxq̃; ingenio, ambitiosusq̃; novitatum amator, clam illicò addiscere cæpit superstitiones artesq̃; magicas à Monachis quibusdam Arrianis, perversissimisq̃; Christianis, quorum sub id temporis plurimi per Damascum & Syriam reperiebantur. Sicq̃; ab his veneficâ arte, omniq̃; Arrianæ perfidiæ veneno imbutus, hujus etiam in forma baptizatus, perspicax naturæ lumen, aptumq̃; in versutias genium, idoneum præstitit Dæmoni instrumentum ad male sana dogmata cum omnis generis superstitionibus introducenda. Igitur Camelarius hicce Machomet transactis quibusdam negotiationis suæ vicibus, portare cœpit unâ cum mercibus ex Damasco & Syriâ, dæmoniacas novitates & instructionum dogmata; primum quidem incipiens nequitiosissima hujuscemodi eructare verba in domo avunculi sui, cujus sub tutelâ, atq̃; mercede ut Camelarius vixerat: qui tamen dicta ab eo solùm riserat, blandè eundem primâ fronte super dictis inauditis commonefaciens; donec ob simplicitatem cordis sui à vafro deceptus, & verborum nequitia captus ex increpatore, factus esset assensor Machometi. Tametsi verò & paulò post aliqui ex fratribus atq̃; amicis perverso sensu adhæserint Abas & Machometo: complures tamen erant, qui moventes capita sua, atq̃; multoties in versutissimum Machometum cavillantes repudiabant insanam doctrinam, in hæc nonnunquam verba indignabundi prorumpentes. Ex pueritia nunquid

nebulo puer camelos est infecutus quibus & hodiernum usq; diem inservit? Nunquid his itineribus & mercaturis continuo oneratur? Unde proinde Divina illi sapientia? Unde ille, ut nobis annunciet voluntatem Dei templi nostri, missus sit? Atq; inde horum unus, Machometi item avunculus, magis ejusdem aliunde agnatam penetrans malitiam, non solum non audiebat eum; sed ad mortem imò persequabatur: volens quandoq; in publico eundem trucidare, quippe nugatorem, deceptorem, quiq; familiæ suæ totâ Arabiâ honorificentissimæ tantas inferret maculas. Ast hâc suâ intentione cadere debuit, atque aliorum interventu hujus sui avunculi manus effugit Machomet; qui hunc propterea, DEI sui vice loquens, appellavit Abugehil; id est: patrem levitatis; itemque ex parte DEI sui suo in Curano, vindicabundus eundem vocat Abulehet; id est: patrem flammæ, seu hominem, dignum igne, gehennâ, unâ cum uxore suâ, quæ & erat infensissima vasro: de qua hic proinde etiam mendosè finxerat in eadem sectione Curani sui, qualiter DEI subjaceat minis, castigata in inferno per hoc, quod humeris suis onere incessabili ligna portet, queis ardeat in inferno maritus suus, quippe quod noluerit audire suum Prophetam. Cæterum complures hunc Mæchani Machometi avunculum secuti, rejecerê vilitatem camelarij illius, malignasque ejusdem artes & dolos animadvertentes nullô non odiô persecuti sunt eum.

Donec tandem permissio DEI indignantis, forsan ob Christianorum in Oriente scelera, viam admiserat Machometo, & sub hoc, generis humani adversario Leoni infernali, ut rabidis faucibus circuiret, quærens quem devoraret. Usque eò etenim Mæchanus iste inter Arabiæ populos se se à Deo templi ipsorum ad nunciandum ejusdem voluntatem mentiebatur Prophetam, ut tandem succrescente multorum magis magisque adhæ-

ren-

rentia, stygis hicce minister exaltatus cum secta sua, pessimæ suæ virûs eruditionis palàm diffunderet.

Ubi tamen sciendum, non omnia Machometi dogmata, fuisse omni à cognitione aliena inter Arabes, quod forsan occasio esse potuisset, ne saltem de facili aut ita subitò illi adhærent. Sed aliunde jam observaverant quædam ex his, quædam verò non absimilia illis, quæ Machomet ipsdem tradidit: ut paululum explanabo. Circumcisio etenim Arabibus in usu erat ante adhuc Mæchani adventum, introducta apud hos per Judæos antiquæ legis promulgatores. Sed & erat inter Arabes, confusa quædam & imperfecta DEI unius, & Creatoris cognitio: cui & in quolibet anno sacrificia offerebant, in quodam templo illius nomini dicato, quod, juxta traditionem suorum antiquorum, dicebant, esse domum Abraham, in qua unum ille adoraverat DEUM, & sacrificia immolârat. Unde & vocitabant illud Beitula; id est: domum DEI; qualiter & hodiè ab ijs nuncupatur. Item Beitolchelil, seu domus Abrahæ. Huc etiam quolibet annò undecunque conveniebant devotionis causâ, Arabes antiqui, offerentes hic DEO Creatori suo sacrificia. Usu & illis erat, licet non ita frequens, lotio corporum in aqua: sicut & oratio facta versùs meridiem, ubi erat consitum templum supradictum: & denique ante templi festivitatem observabant antiqui Arabes aliquot jejuniorum dies. Et hæc quidem omnia, ut narrant Historici Syrorum Judæorum, Armenorum, ipsorumque Arabum, qui de antiquis populi hujus referunt moribus; ante Machometi adventum in usu habebant: ut proinde nugator iste, omnia Arabiæ nova non attulerit; sed comprimis curaverit adorari ab illius populis, ut vir DEI, ejusque verax Apostolus. Quod quidem sic permittente DEO, perfacile erat diabolo; quippe, qui arte suâ, vel ex insensatis aliàs locutus est lapidibus, ad populorum à vero DEO seductionem,

nem ; poterat utique talia ex foetidissimo Machometi ore effutire verba , ut homines cæcâ jam mente præditi crediderint Prophetam , quem dæmonis nescirent cooperatorem. Sic proinde ut Propheta susceptus ab Arabibus , cepit superaddere his quæ aliunde illi jam observaverant. Etenim templum Beitula , supranominatum , appellavit Kahbe , sumpto nomine ab ossè cameli , quod inibi statuit adorandum. Sed & lotionem corporis in aquâ Arabibus jam antea consuetam novis ceremonijs atque iterationibus auxit. Orationem versâ facie ad meridiem , ubi positum est præfatum templum , fieri , quemadmodum inter Arabes antea consuetum erat , stabilivit. Jejunium Ramasan , quod ante templi festivitatem aliquot antea celebraverant diebus , Machomet cum suis in triginta dies extendit. Hæc ergo & similia antiquis Arabum observationibus superinduxit , & vel ideo tantam non passus inter eos perfidiæ suæ resistantiam , quin pestilens virus valeret introducere , quod usque hodie , tametsi in multas sectas divisum , toto penè crassatur in Oriente , formidabilissimum inter omnia flagellum Christianorum.

Porro flagelli hujus initium si vafri computamus à nativitate Machometi , erat juxta communem Orientalium atque occidentalium Christianorum computum anno post salvatorem Orbi natum Quingentesimo sexagesimo secundo. Illi verò , qui perfidi hominis mores atque dogmata sectantur ut Apostolica , Machometani , computum ordiuntur non ex tempore ejus nativitatis , sed ex die discessionis illius ex Civitate Meche in Medinam urbem , de quâ infra sermo nobis redibit. Anno verò Quadragesimo ætatis suæ , asseverant , incepisse vafri fungi officiô Prophetæ sancti , commissô sibi singulariter à Deo per Angelum Gabrielem : ut infra lectu habebimus.

Hic igitur Mechanus nullam calluit literaturam , Alphabettum imò & Arabicum ignorasse , ut tradunt ejusdem sequaces ,
de

de hac quidem Prophetæ sui (sed fatui) ignorantia gloriantes : quamvis alibi sibi contradicant ; siquidem in sectione Sanguisugæ legitur , Machometo dictum ex parte Dei per Angelum Gabrielem , legeret quantocius semper in nomine Dei misericordis atque miseratoris , utque taliter scribatur , vel scribat ipse librum , quem nunc Curanum appellant . Dum item ultimum vitæ punctum nequissimus sibi appropinquare sentiret , quod piam illicò posteris conditurus testamentum , calamum dicitur , chartamque quæsiisse : unde utique colligi potest , vel scivisse Machometum literaturam , vel falso plurima à posteris suis ei , imò ab ipsomet sibi affingi ; forsitan & in hoc volentibus felicissimos nos imitari Christianos qui Dei Sanctissimam legem per rudes nobis Apostolos traditam supernâ gratiâ sortiti sumus , loquente ex his spiritu , qui non erat ab homine .

Illò igitur maturò suæ ætatis tempore , quadagesimo videlicet anno Machomet plenus jam Arrianâ audaciâ , æthnicâ , & Arabicâ perfidiâ , magicisque comprimis adhærens superstitionibus , magnum sibi diversarum congerie sectarum formaverat in animo confusionis chaos , quibus jam sano deturbatus à sensu , cepit fortiter à Dæmone agi , ut impie sibi immixtas adversus veram Christi fidem evomere non causaretur blasphemias . Malignus etenim spiritus , cui jam totus erat appropriatus vaser Mæchanus , alternis eum diebus determinatò temporis spatiò , astantibus hominibus quoque multis , in terram horribiliter deiciebat , impiumque in modum collaphizabat contundebatque ; unde factum , ut nequam sui etiam impotens serpentis in morem per terram volutatus , lacrymas oculis , omnemque spurcitiam naribus atque ore emittens , eò , ac communiter obsessi Dæmoniacci facere solent , modò , varia omnia , mirabilia , & penitus disparata Verba , sensusque effutiret imperfectos .

Denique & his in casibus confusè omnia proferre cepit, quæ fatuus cæteroquin ruminatus erat, De Deo, De Angelis, De Prophetis, de Moyse, De Vacca, Monte, Poëtis, hominibus, Arabibus, Christianis, arboribus, stultis, Elephantibus, plantis. Item de Jerusalem, de circumcissione, de Græcis, de Maria Virgine, de Persis, de inferno, Diabolo, paradyso; de se ipso, de mulieribus, de Joachim, de Christo; de Curano suo, de Bestijs, cælis, stellis; similibusque omnibus inter se confusis, atque disparatis. Quod sanè in solitum fatuumque effutire, maximum circumstantium causare poterat terrorem; sed & magnam admirationem, siquidem vel Dæmonis dictamine, vel naturali sibi, & aliunde Mercatoribus (qualis ipse erat) communi verborum elegantia, ordinatâque terminorum combinatione (uti in suo videre est Curano) proferebat.

Hæc ergò, quam stulti credunt ex mendaci Pseudo Prophetæ testimonio, fuisse apparitionem Angeli Gabrielis, violenta mentis & Spirituum concussio, perversa supinæ malitiæ semina reliquerat in corde decepti deceptoris. Unde posteris temporibus, tametsi non caderet adeo violenter terræ allisus, semper tamen (ut stulti dicunt) timore, tremore, atque reverentia in Angelum suum visitatorem ferebatur, & furioforum, obsessorumve more, subitò quandoque sese ex amicorum conversatione segregans exhibat, hinc inde sese in Angulos abscondens, genua flectens, cælum aspiciens, manibus elevatis complaudens, caput gyrans, suspiria emittens, altum vociferans, similesque permultos motus inordinatos, ridiculososque visu præstabat gestus; quod dum ille faceret, dicebant sui: perfidum suo jam denùo conversari cum Angelo, & devotiora miscere colloquia, quæ nutus illi, & fatua signa exteriora sibi indicarent. Neque errarunt utique, Machometum cum Angelo miscuisse colloquia; etenim & Lucifer Angelo-
rum

rum pessimorum Angelus erat collocutor: Gabriele non nisi ad salutis nuncia à Deo deputatô.

Hæc omnia usque adeò subito palam esse non poterant; sed charior inter cæteras, atque fidelior Machometi mulier, de quâ infra, nomine Hasce, videns mirabilem, atque horribilem illum infani casum, pluresque ex hinc mentis abstractiones (quin potius infatuationes) ex eo ad se reverso sollicitè sciscitabatur: ecquid portenti insperata, & nunquam visa hæc omnia indicarent? Tum verò ille aperiens confessionem, an magis confusionem suam; adfuisse sibi Angelum Gabrielem Deivice, cujus & Majestatis timore ac reverentiâ perterrefactum in terram se cecidisse, sicque jacentem, ut viderant, audierantque adstantes, datô sibi propheticô spiritu, edixisse, quæ edicenda ex parte Dei erant. Insanô porrò virô insanior jam facta mulier nullâ non voluit tripudiare lætitiâ, super marito, propheticô spiritu tam manifestâ visione donatô, quod & ipsum omni festinatione cæteris palàm fieri sategit mulieribus Arabum Seniorum: quæ & suis hoc illico nunciantes maritis, factô de domo in domum rumore indies majori, curiosos insanæ novitatis stimulaverant viros, ut ab Hasce rogare non dubitârint: indicaret sibi quantocius, si quo forsan tempore vel horâ Machomet suus simili cum Angelo gauderet visione, suasque proferret iterato prophetias; quatenus & ipsi futuri sic oculati rerum testificatores, in Prophetæ DEI honorem atque exaltationem indubij valeant propendere. Cùm posteris ecce diebus, ut suum sortiretur diabolus fraudis exitum; iterato ut antea furore concusserat, atque in terram horribiliter alliserat Machometum; festinante illico ad cæteros muliere, multôque hominum affluxu congregatô. Sic igitur visio tam absurdi, horrendique spectaculi ab homine dæmoniaco, occasio prima esse potuit, ut cæci astantes cæcô judiciô ominarentur, firmâq; imò opinione

pinione sentirent, DEI hunc magnum esse Prophetam, quippe talia, tamque mira, & modò nunquam visò edicentem. Constituere porrò virorum tres, quos fide habuerant digniores, sed & jam dæmonis fraudi peridoneos, primum Omar, secundum Osman, tertium Abubechir, quorum ille quidem Osman, suò inter Arabes tempore celeberrimus erat scriba, Rhetor, atque Poëta; Omar verò atque Abubechir maximâ nobilitate, authoritateque insignes. Qui proinde sequaces erant, atq; impij promulgatores insanæ perfidiæ Machometi. Similiter & Hali, Gener & patruelis ejusdem, vir artibus, quâ magicâ, quâ militari eximius. Cæterùm priores tres potissimum Machometo adhæserant, semper eidem assistentes, cum visitationem haberet diabolicam, scribentesque, comprimis Omar, omnia, quæ ille horribili ejulatu edicebat, super ossibus Camelorum, tabulis, corticibus arborum, & quâlibet aliâ materiâ scripturæ aptâ, sibi que pro manibus existente. Durabat autem hujuscemodi dæmone dictante lectio, ultra quandoque, quandoque & infra horæ spatium, juxta fortiolem, minusvè fortem maligni spiritûs agitationem. Scripta dein ad certum locum ex hoc fine destinatum, veluti ad commune Archivium deportantes, omnia ibi inter se revidebant, omnia in conclavi, ubi & quantum intellexerant, melius disponendo, & accuratiùs alijs in tabulis annotando. Tum verò primùm proponebant populo, de consensu, atque industria Mæchani eidem dicentes. En tibi popule; Deus & Dominus templi nostri hæc jubet, & dicit per Apostolum suum. Illis porrò ut fide dignis, atque ad hoc authoritate publicâ deputatis, omnem populus adhibuit fidem, gratias DEO protinùs unà referentes, qui tali, tantaque doctrinâ visitare eos dignatus sit.

Eruperat igitur insanabilis perfidiæ hujuscemodi pestis, omni jam subitò, quem afficeret, exitiosa: dæmoniacaque hæc Mæchani

chani prophetia undecim penè annis intonuit in civitate Meche, crebris semper Angeli habitis à perfido visitationibus ; donec tandem ex oriente Majorum Arabum in eum conspiratione, patefactisque enormibus quibusdam sceleribus ejus, fugâ sibi nequam cunfulere debuisset, Arabum cæteroquin consiliô occidendus.

Igitur ex civitate Meche fugitivus abscesserat Mechomet in Medinam urbem ; ubi porrò, ut suæ maneret perfidiæ nomen, & non malâ de causâ eo adventâsse eundem populo constaret, diabolicum denuò protulerat inventum ; dicens : se ex Meche discessisse, quippe ubi templum Domini sanctum, & ab hoc demum ipso civitas eademmet sancta esset, ut scrupulo duceretur, expediatne sibi, adhuc mortali, in loco tam sancto habitare. Inde ergo inquebat se Medinam advenisse, tanquam qui illius sanctæ Civitatis incolam se se profiteretur indignum, hic jam DEI verbum habeat ultrò seminare. Rideat nonne mens sana hæcce somnia ? an magis ploret somniantem populum, mendacibus hisce nugis jam totâ ratione obvolutum, nullâ jam Evangelicâ tubâ ad sanam Christi fidem ultrò excitandum ?

Ex hac itaque transmigratione Machometi in Medinam, atque inde de civitate in civitatem, numerant sequaces annos ejus, secundum citiorem, serioresve adventum ; non verò ex nativitate ejusdem : quippe quod dicant, in sua nativitate illum Prophetam non fuisse, neque boni quidquam per adolescentiam egisse, donec à DEO electus in Mecha DEI Propheta, inibi que frequentibus Angeli colloquijs instructus, Apostolicum munus inceperat, migrando inde in Medinam ; ubi primum inceperat singulariter resplendere prophetia ejus ad populorum illuminationem : quâ proinde felici peregrinatione, numerum annorum adventûs ejus inchoant, vocantque eam Hogiret ; & ab ea secundum eorundem communiorem computum jam vertitur millesimus annus.

In dicta porro civitate Medina, per annos duodecim similes iteratò habuit Angeli, qui dæmon erat, revelationes: & demùm ubique locorum existens præstigijs hisce vexabatur & nugis: donec animam aliunde diabolo jam debitam, eidem & redderet; jubens dum in vivis esset, ut corpus emortuum deferretur in sanctam illam Civitatem, quam reverentiæ causâ vivus reliquerat; Meche videlicet, ubi suum eo in templo post mortam requiescere deceret corpus. Vixit autem homo, utinam nunquam natus, annos sexaginta tres, quorum omnes ex quadragesimo stultitijs fatuisq; suis dogmatibus impendit, omnem quidem doctrinam suam, in, & ex præfatis duabus urbibus, ut draco venenum ad dissita etiam loca eructans; ut patet ex ipso met Curano, cujus articuli omnes, seu sectiones, quas ipse, Surat, vocavit, sunt vel ex civitate Mecha, vel Medina. Verùm, ut insana mens sibi contradicere etiam inadvertenter solet, ad palam faciendam mendacem intelligentiam suam; ita & Machomet ipse Propheta falsissimus, sibi manifestè contradixit, dum quodam in loco, omnes suos articulos, seu sectiones, id est, Suras, semel & simul in unâ sibi ex his civitate à DEO venisse asseverat.

Jam autem mortuô Mæchanô, nulla non lis, rumor, odium, atque confusio, oriri poterât, prout & subitò exorta est inter populos Pseudo-Prophetæ hujus, tam confusa, insana, ac disparata edicentis doctrinam sectantes, deque legitimo ejusdem successore nulla non dubia vertentes.

Sed verò evicerattandem multos inter strenuè competentes Omar cum suis adhærentibus, adversum alios, præcipuè Hali, de quo in suo loco. Is porro ut legitimus Machometi successor, zelosusq; Curani interpret ac propalator, armis pariter, atque adhortationibus dominari cepit animò, regnòq; Arabum, & devastare porro Imperium Romanorum: atque ita Plutonis excrementa terris numerò atque dominiò in-

cre-

crevère, ut factorem perfidiæ intolerabilem Orienti diffuderint & Occidenti, cum extremâ, ut usque hodie experimur, nausæa Christianorum, atque utinam non attentatô toties Universalî Evangelîæ veritatis exterminio. Quid verò ad hæc dicamus, amice Lector, nisi, quod magna sunt Dei judicia, & viæ inscrutabiles, in cujus manu sunt omnium jura regnorum, qui- que gratuito sceptrâ confert, auferre & illum pro placito nemo prohibebit.

Hæc porrò origo est prophetiæ infernalis, ejusdemque in mentes hominum irruptio, cujus tamen inania dogmata, mendacia atque falsitates noli me prohibere, ut paulo perscuter, amice Lector, patefaciendo fabulas per quàm ridiculas, & contradictorias, disparatasque nugas complurimas, quibus totus Curani nucleus, nervusque omnis doctrinæ Machometicæ, veluti fundamentis ex sterquilinio assumptis innititur, absque sanæ dictamine rationis.

Primam quidem ipse fidem atque authoritatem Curano suo, omni- que avernali prophetiæ, ut faceret; splendidô compri- mis miserabilem, quam à Dæmone perpetiebatur, afflictio- nem, mendaciô depingebat, ut crederetur reverentialis in An- gelum Gabrielem timor, quo in ejus conspectu & apparentiâ concussus, ad terram sese semper prosternens tantam se adora- re mentitus est majestatem. Jam verò crassum penè adversus hujuscemodi mendacium, quis sanâ non ratione insurgat: sed relinquamus, alioque utamur argumento. Dicitote quæso excæcati Machometi cultores; num vestrâ in Arabiâ, & compluribus, quas possidetis terris, nunquam videritis mulierculas, vetulas, simplices, nulliusque pariter literaturæ compertas, hæc sæpè sæpius vestri more Machometi, subito in terram casu ruentes, mirabilia de diversis mirabili verborum elegantia refutire, quas tamen & vos malignô agitari spiritu, aut Epilepsiâ

ominamini laborare? Complurimos ego ipse homines, in Arabia, & Turcia vidi oculatus, viros æquè, atque mulieres, è quibus neque Prophetam vobis, neque elegeratis hactenus prophetissam, tametsi æquè insana, ac Machomet Vester edixerint. Hic igitur unde unicus vobis à Deo propheta? Malæ forsan dicetis, pessimi; exempli vitæ fuisse tales, unde ominari non liceat, nisi vel morbô, vel spiritu maligno in pœnam delictorum, vel insaniâ aut malitiâ hos agitari: id ultra vobis permisero; ast ubi hæc vobis de Sancto vos inter etiam reputatissimo, nec tamen prophetâ habito edixerim; quam tum Machano vestro peculiarem excellentiam attribuetis? Sceih Omar Ibin Faret, Sanctus in lege Sancti vestri, Ægyptiacus, inter vos nominatissimus, omnis ac Machomet literaturæ, ut ipsimet de utroque fatemini, expers; nonne taliter & ille sæpè sæpius casu subito in terram corruerat, diversissima de diversissimis exclamans, prodenisque, & majori quidem elegantia elocutus, ac Machomet ipse vester in Curan suo? Nonne eorum, quæ effutiebatur, serios habuit amanuenses? Nonne ex his, quæ sexaginta annorum spaciô edixerat, librum hi composuere majorem, atque elegantio rem Curano? Is nonne hodiernum usque in diem magnâ apud Arabes gaudet æstimatione? Verbo: liber ille, Divan Sceich Omar Ibin Faret, seu dialogus senis & Venerabilis Omar filij Faret, quantæ inter vos audit æstimationis atque laudis? Jam verò quis Machometanorum vestrorum hæc Omar asserit, dixisse ex assistentia, dictamineque Angeli Gabrielis? Si hunc afflante incognitô quodam spiritu suo protulisse asserueritis, uti & asseritis; quæ major erit vestro de Machometo ratio, qui casu, stultitiâ, somnijs licet par, suppar tamen erat elegantia proferendi Omar vestro? Responde ad hæc; atque ubi majorem pro Machomet edixeris rationem, illam impugnabo veritate falsitatis universæ experte. Illud cæterum, quod

vestris

vestris vobis in partibus palam edixi, replico: O stulti Machometani! Per vos si non æquè, ac per nos, spiritus Angelicus à DEO missus, spiritus est pacis, tranquillitatis, charitatis, ordinationis, & suavitatis; in eo, in quo habitat, habitans sine perturbatione, & indecentiâ? cùm vestrum econtra Machometum, spiritus agens in bella, discordias, confusiones, subversiones, atque amaritudines, visitans eum in contusione corporis, omniq̃ue morum indecentiâ, quomodo propheticus, quomodo Angelicus, quomodo Divinus est Spiritus?

Quid verò jam ultra edixerim? hanc corporis agitationem violentissimam, clamores hos insanos, dogmata inordinata, edicta spurcitijs plena, nunquid indicio erant, nedum Christianis, sed & Judæis, compluribusq̃ue imò Arabibus, unde evidentiùs conclusêre, malignò Machometum vestrum spiritu agitari, qualem & eum multi palam edicere non formidarunt? Unde conijcies amice Lector, nec inter Arabes, aliosve infideles sanctæ æstimationis universaliter extitisse Machanum.

Ast vaser cum suis, illis comprimis tribus, Omar Osman, & Abubechir, ora sibi obloquentium protinùs obturare non distulit, cum enim nominatos tres, in sui, suæque perfidiæ defensores juratos, individuosq̃ue haberet comites, eum utique sine proprij honoris dispendio non relicturos; aptum excogitaverat adversùs vulgum simplicem correptionis modum. Finxerat ergo suo in Curano, & quidem in Surat Neba, id est, in sectione prophetæ, Deum per Gabrielem, pro se Machometo, tanquam magno suo propheta, sequentia edicentem. Quid petunt, sive quærunt homines de prophetâ meo? Quomodo diversi ex ijs, diversa de illo sentiunt? Et aliqui quidem dicent: Quis est Machomet, nisi Camelarius ille, atque vilis, & ignorans homo, quem cognoscebamus? Alij verò dicent; malò torquetur spiritu, habetque Angelum Sathanæ, cujus agitatio-

ne in hæc, atque similia fomnia prorumpit. Tale igitur donum prophetiæ unde convenit illi? Hæc, hisque similia homines meo sentiunt de propheta. Præsumperat etenim vaser, hōc DEI nomine edicto à se prolatō, atque per Interpretes, scribasq; suos populo sibi contradicenti palàm factō, fore, ut majori in perfidiam suam assensu ferantur: unde ridiculosa hæc edicta, in illa habet sectione. *Quidne quarunt homines ex Propheta meo magno, qui homines certè sunt circa illum ita discrepantes. Certè in fine scient. Iterum dico: certè in fine scient. Nonne fecimus, terram, ut cunas infantium, quæ solent esse in motu? & montes fecimus paxillos ejus, quibus stabilis facta est? & creavimus vos pares, marem & fæminam, & fecimus somnum vestrum suavem? & fecimus noctem pro indumento, & diem pro actione? & ædificavimus super vos septem cælos, & fecimus luminaria lucentia? Et descendere fecimus aquam dulcem ex nube Mûhsirat, ut illâ mediante exire faciamus granum, plantam, & hortos fertiles? Certè (inquit DEUS à Machomet somniatus) dies distinctionis (scilicet dies ultimus) est limitatus, & est dies, in qua (puta Angelus) sonabit cornu, sive tubam, surgentq; homines in exercitu; & tunc aperietur cælum, eritq; cælum apparens in tot portas: & montes ambulantes, & erunt apparentes, ut aër calidus: & tunc infernus erit justus superbis dignè in eo dormientibus. justè non gustabunt in illo quidquam frigoris & potius, nisi calorem, & malum pro mercede correspondente demeritis ipsorum; quia illi fuerunt tales, qui non cogitabant dare rationem: & sunt illi, qui mentiti sunt mendacio his nostris versibus miraculosis, & omnis res est contenta in libro (scilicet Curano.) Et gustate (dicit; inquiet tunc DEUS inobedientibus, & resistentibus libro huic) non augebo vobis aliud, nisi pœnam: At verò timentibus deliciosos hortos, uvas, & vasa terrea, & scyphos magnos; & non audietur in illo (utpote Paradyso) nisi dictum hoc: salus! salus! At mentiens non ita, cujus merces erit*

à Domino suo; cui ille erit redditurus rationem, qui est Dominus cœli, & terra, & eorum, quæ sunt in illis. Cernis amice, quomodo scelerator ex paradyso Cauponam faciat, cellariamque vini potatoribus expositam. Sed tandem verò fabulosum suum, concludens discursum ait. *Ecce jam admonuimus vos de pœna proxima, & de die, in quo videbit homo, quod antecesserit, sive fuerit in manu sua. Et tunc dicet infidelis, sive incredulus: utinam essem terra.* Hæc & similia in suæ pallium nequitiae versutus finxerat: cum autem insinuat, quod infidelis, seu suo Curano incredulus in illa die dicturus sit: *Utinam essem terra*; eo collimat; siquidem Machanus hic alias inter fabulas, nugatur & isthac: in die videlicet iudicii, non solum homines comparituros, sed & bestias, brutaque omnia animantia ante DEUM: hæc porro tunc querelas proment suas adversum homines illos, à quibus ultra modum per vitam hanc vexata sunt, aut afflicta; unde & his juxta culpam DEUS injuncturus sit pœnam. Cæterum cum bruta plus nimio hominibus hac in vita infesta aut insolentia, sive usus humano fideliter deservientia, nec beatitudinis præmiô, nec inferni pœnis capacia sint, sentit ea nugator, vel in nihilum redigi, vel in terram converti. Itaque infidelem & peccatorem illâ in die fortem sibi bestiae electurum dicit, clamaturumque: *Utinam essem terra.*

Porro insanus hic Erebi propheta non omnes peccatores in æternum damnandos asserit; sed illum qui dum viveret, Curano credidisset suo, quocunque etiam in peccato hac ex vita migraverit, passurum quidem pœnam aliquam in inferno, severiorem aut longiorem juxta criminis enormitatem, suô tandem tempore avocandum in paradysum. Non Machometanos autem, Curanique sui desertores, æternis addicendos inferorum pœnis, è quibus nulla unquam futura redemptio.

Pulchrum sanè parturisti infelix terra prophetam; sed magis

gis sunt infelices, qui humanâ prætermisâ ratione in eum fide feruntur, non advertentes quod secundum sua etiam fundamenta, fideique dogmata nullius reverà Prophetæ titulo gaudere possit. Placeat vobis, o miseri, ut vestra vobis doctrinâ palam faciam, quâ ratione Mæchanus iste Dei Prophetæ verus nec sit, nec esse possit.

Per vos etenim verus Dei Prophetæ essentialiter requirit sanctitatem, puritatem, innocentiam, nedum ex parte suâ, sed & suorum ex parte parentum: cæteroquin, ut sentitis, neque dignus inter Deum & hominem mediator erit, neque infallibilem circa hæc, quæ annunciat vobis, promeretur fidem. Dico, *per vos*, nostri enim sentiunt Theologi, gratiam gratis datam, qualis & prophetiæ donum est, etiam stare in peccatore, nec essentialiter esse prophetæ, esse sanctum, purum, innocentem, seu ex suâ, seu parentum suorum parte. Vestræ igitur secundum vos rectæ (tametsi revèra falsæ) opinioni liceat subsumere. Totum contrarium vestro de Machometo faterricogimini; perperam igitur ut Prophetam agnoscitis. Quod si subsumptam probare vobis necesse sit; nunquid Machometi Patrem Habdala, Auum Habd il mutalib, Abauum Hasuin, tritavumque Habdmanaf agnoscitis? Horum igitur sanctitatem unde probare potestis, qui non valetis certam in ijs probare fidem; utpote qui de Deo juxta legem Moysei aut Christi (quorum veram vos ante Machometi vestri Prophetias doctrinam fuisse sentitis) nullam genuinam habuere cognitionem, sed confusum aliquod obstrusumque tantummodo lumen, Arabum modo, quorum & vos fidem Arabum cum dogmatibus ante Machometum creditis, ut plurimum rejecistis? Parentum porro Majorumque Machometi vestri sic improbatâ sanctitate, plenâ vos unâ mecum voce conclamare oportet, Machometum origine sanctum non fuisse, quippe ab infidelibus, vel dubijs saltem

tem fidelibus natum. Si origine non sanctus, nec sanctitatem à Parentibus traxit, quomodo Propheta verus, quomodo dignus inter vos & DEUM mediator, siquidem talis actuali secundum vos originali que justitiâ, suâ, parentum que parte præditus esse debet? At ipsammet Prophetæ vestri personam penitiùs intueamur? In quadragesimo ille ætatis anno, uti perhibetis, donum à DEO obtinuit prophetiæ; tempore porro antecedente, vel in lege Moysis, ut quidam putatis, vel in lege Christi, ut alij sentitis, vel demum, ut vultis alij, in lege propria à se inventa steterat. Certam igitur nunc, si de fide recta Machometi hujus prioribus annis habita non habetis cognitionem, unde veram in eo fuisse probatis sanctitatem per vos essentialiter requisitam, ad hoc ut ei à Deo Prophetiæ donum infundi potuerit. Certè qui de fide incerti estis, sanctitatis certitudinem habere minimè valetis. Sed ultra esto, fuisse eundem in fide quadam certa, imò sub lege vixisse Christi: id vobis non sufficiet ad veram sanctitatem fidelitatem que Machometo vestro ascribendam: si etenim aliqua ex his fides erat sancta, illa nempe, quam Machomet tunc tenuisset; certò illam ultro in quadragesimo anno, & posteris improbare non potuit, ut falsam; omnes autem improbavit, & Moysis, & Christi, & cujuscunque fidem alteris Prophetæ, sua solissima Curani somnia, ut vera à Deo dictata dogmata effutiens; omnes igitur ipse agnovit falsas. Unde in quacunq; fuerit; in falsa fuit ante quadragesimum annum, si in falsa, infidelis: si infidelis, vestro ipsomet jam sensu donò prophetiæ incapax. Cæterum nolim ego hic recensere flagitia perhorrenda, & Christianis auribus per quam odiosa facinora ab hoc Pseudo-Propheta perpetrata, quæ tametsi quidem ab ipsismet Machometanis reticeantur, rei tamen veritate aliunde constant: unde insignem malitiosi non probare, sed improbare posses sanctitatem, amice Lector. Eiusdem solummodo

do prophetiam eventilemus, visuri, quid fabularum, mendaciorum & contradictionum congefferit in eandem.

ARTICULUS X.

Defabuloso & mendacissimo libro Curan, caterisque compluribus delirijs Machometi, & suorum sequacium.

Prophetia porrò Machani hujus قران seu Curan dicitur: quod Arabico idiomate significat librum ad legendum. Curanistarum etiam traditione incepit à Surat, sive sectione sanguisugæ, dictata Machometo per Angelum Gabrielem in civitate Mecha; hancque sectionem in sua lingua vocant سورة العلق *Surat ilhalak*, id est: caput de sanguisuga. Audi porrò vesanam insaniam, quam vafer per Angelum sanè non Gabrielem veritatis dictatorem, sed dæmonem mandaciorum patrem dictatam evomuit. Ita igitur incipit Angelus ejus.

اقْرَأْ بِاسْمِ رَبِّكَ id est: *Lege in nomine DEI Domini tui, qui est Creator, & qui creavit hominem ex sanguisugâ; etiamq; lege, quoniam liberalissimus est, qui prædeterminavit totum, quod est, & erit in mundo, cum calamo in tabula rasa. Et talis est Deus tuus, qui docuit hominem aliquid, quod ipse nesciret; attamen homo superbijt: quem dum vidit superbientem, denegavit ei scientiam illam. Profectò Domini tui est regressus, &c.*

Vide Lector, qualiter hominem somniet è sanguisuga creatum. Tum verò disparatissima loqui pergit, quæ hic recensere longius foret.

Vocatur autem & liber iste مُسَاهَفٌ Musahf, id est, continens aliquid, seu habens superficiem: Arabice enim Schaf, superficiem significat. Dum igitur dicitur Musahf,

fas, idem est, ac liber superficie paginas continens: quamvis antonomasticum apud Arabes Curanistas hoc sit vocabulum, idem sonans ac liber Canonicus. Sed & فرقان Firkan nuncupatur, id est, faciens differentiam sive distinctionem; eò quòd hujus libri sectatores inquam, hòc se librò ab aliis esse distinctos, omnemq; fidem aliam esse abrogatam, & exterminatam.

Constat porrò liber hic phrasibus, vocabulisque permultis ex linguis Hebraicâ, Syriacâ, Chaldaica, verbis imò alias penitus inauditis; unde non potest non inferri, à Diabolo universa esse conquesta, à rudi verò homine Camelario, qualis Machometus erat, ad inveniri minimè potuisse. Hac etiam ratione Arabes Caranistæ, coacti sunt in multis linguam mutare Arabicam, addendo vel diminuendo, ut ita eam interpretationi libri hujus tam confusa & disparata loquentis, redderent accomodam atque intelligibilem. Liber denique non absimilis turri Babel, ubi omnigena linguarum & veritatis confusio. Sunt namque & singularia quædam nomina, quæ vel in alijs Arabum libris non inveniuntur, vel etiam inventa, id sanè non significat, quod hoc in Curano significare debent. In multis imò categoricus nullus ad inveniri potest intellectus. Ita tamen ignorantia ejusdem factatores excæcavit, ut si quandoque à quopiam super unius sic inexplicabilis textus intelligentiâ requiratur, in ulteriorem falsitatis picturam, suæque ignorantia excusationem dicere soleant. *الله يعلم Hala jehlam*: id est, Deus scit. Sed & hoc proverbio passim utuntur in sensibus aliunde claris, volentes ita sublimitatem subtilitatemque mysteriorum, falso hoc suo in Curano contentorum, indicare. Unde etiam cautum est inter eos, librum hunc Curani interpretari aut legere aliâ linguâ, præterquam Arabicâ; quippe quam sentiunt linguam esse sacram, sanctamque, quâ Deus suo locutus sit Machometo, dictumque eidem librum per Angelum

dictaverit Gabrielem. Cæterum, quod verius nemo non arbitretur, ideo librum hunc aliô idiomate, tradere legereve non audent, quod sic deperderet verborum energiam, versuumque leporem & elegantiam, unde conceptus tolleretur fucatæ veritatis, quam sub vanâ eloquentiæ umbra, phrasiq̃ue Arabicâ versutus ementitur Propheta: unde forsan & vulgus ipse nugas rideret & fabulas insanientis.

Dicite verò; Virgilius in Poëticâ, in Rhetorica Cicero, quantô verborum ornatu edixerê sua, bonas in super morum instructiones, ad audientium legentiumve consolationem & fructum afferentes? Nunquid inde à cæcâ Romanorum Gentilitate sunt adorati tanquam Divini Prophetæ? eorum nunquid libri pro miraculis reputati? Ipsimet noveritis, quantum hoc abfuerit à mente Romanorum. Quâ igitur vos ratione, nugas, fabulas, mendacia, deliria, periuria, aliaque id generis maligna, scandalosa, perversa, incredibilia edicentem vestrum Dei Prophetam creditis Machometum, illis nominatis, alijsque compluribus scriptoribus, ingeniô, sapientiâ, elegantia, veritate, morumque integritate totô pondere inferiorem? Ordinem ille quem observat, dum eadem de re centies millies sub uno modo, sub alio rursus atque alio vocabulo tractat, confundens omnia sine methodo? Nisi fors illud procedere sit methodicum, quod dictatore confusionum patre Dæmone, est indicem texere fabularum & mendaciorum. Quamvis nec horum indicem fecerit; quippe quod ex centum & quindecim Curani sectionibus nulla alteram rationali ordine insequatur. Sed erat hoc Dæmonis inventum, aptissima rudis populi decipiendi, & inaudita rerum varietate ingenia inculta obruendi norma; ut, quæ capere non poterant rationi adversantia signa, altioris Divinæque intelligentiæ crederent à Propheta dogmata edicta. Materiarum cæterum confusionem supra ut
pluri-

plurimum enarravi, nil opus esse sentiens, ejus hic indicem texere, quippe qui horreo talem rerum Babylonicam confusio-
nem.

Altius item figitur Machometanorum cordibus pertinacia credendi dogmatibus Prophetæ sui: ut etiam constanti fide sentiant, singulare hoc esse doctrinæ illius, quod ob divinitus jam inditam sibi excellentiam, nil opus sit, eam miraculis confirmandam, ut olim fides Moyſis, & succedens ei salvifica Christi fides, qui suorum semper confortabat sermonem (a) sequentibus signis. Quod si tamen eisdem objiceretur; cur non, etsi minimè necesse erat, ad demonstrandum tamen donum tantis prophetis commune, adjunctam etiam habuerit Machomet virtutem miraculorum patrativam, quemadmodum communiter Prophetæ cæteri, uti nos de Moyſe, Elia, Elisæo, & singulariter Christo nostro credimus? inquierit, quædam imò etiam Machometum perpetrassè miracula; quæ curiositatis ergo, tibi Lector amice, promam, ut nedum semper, quod stupeas & mireris, sed & quandoque quod rideas, & illudas, subministrem.

Ferunt ergò Machometani Prophetam suum à Judæis qui ejus mirabantur doctrinam, quondam esse rogatum, patraret quantociùs in eorum quæ dicit veritatem, miraculum quoddam, oculis humanis perceptibile, ut tandem & à signis prophetam crederent ipsi æque, ac Christiani, qui id ipsum desiderarent. Cùm illicò, inquierit, Machometum jussisse, lunam protinùs in duas diffecari partes, sectamque subito in cælis lunam apparuisse. Certò insani, non reliquerè posteris seu Judæi, seu Christiani hoc à se visum, atque à Machometo perpetratum miraculum. Sed forsan aliquando memoriæ dabunt, & veritatem contestabuntur, ubi Lunam viderint à Machometo redintegratam. Ast integrata jam est; vel rectè lunam,

(a) *Marc. 16. v. 20.*

quam tantopere veneramini non videtis. Quod si adhuc diffecta est; magnum certè Universum patitur vestro Machometi miraculo exigentiam in sublunaribus, quæ tantò tempore plenò lunæ influxu carere debet. Sed mentiri vos in vestri Prophetæ gratiam vestri docebunt Astronomi, qui totidem per annum plenilunia describunt. Igitur à Machometo etiam miraculosè redintegrata sit luna oportet, quod vos non scitis; unde ad miraculi exitum forsan non exspectasse vos auguror. Aut si virtute naturali redintegrata luna est; quid Machometi virtute indigebat miraculosâ, ut diffecaretur? Philosophicis si jam erudiamini disciplinis, idem quod sidus divisum naturaliter uniri potuit, nunquid non naturali etiam virtute secari? Sed utrumque falsum est, totumque mendacium est miraculum. Nam quomodo luna redintegrata sit, quæsit, ad commune vestrū effugium confugietis *الله يعلم Hala jeblam: Deus scit.* Sed nunquid Judæi aut Christiani huic miraculo præsentibus illudq; in veræ Prophetiæ testimonium à Machometo petentes, eidem, ejusdemq; doctrinæ exinde temporis adhæserê? Horum ego nullius vel nomen scio, & nec ullius tu nomen dicēs.

Alterum, quod suo de Machometo sentiunt prodigiosum, illud est. Narrant Machometum nocte quapiam, dum suâ cum uxore Hascia accubuisset, subito per Dei visum ad cælos esse portatum, ut videret arcana, quæ homini loqui non licet. Ita porro subito atq; velociter tali reversum dicunt ex visione, ut dormiens adhuc Hascia, de sui mariti abitu redituque nil penè sensisset. Quantum verò mendax abfuerit à Sanctitate, gratiâ, raptuq; Divini Apostoli, ipso doceberis Lector eventu. Hunc etenim raptum suum vafer ipse suâ nesciente uxore, hinc inde palam celebrans e mentitus est inter suos: ast horum quidam vel à longè mendacium subodorantes, aut
dubi-

dubitantes rationabiliter super portenti serie, clam uxorem sciscitati sunt Hasciam: fueritne maritus suus Machomet unâ secum in nocte dicta? Quæ ocius confessa veritatem, non solum sibi maritum accubuisse suum, sed & totô noctis tempore solitis cæteroquin carnis appetitibus plûs nimio fræna laxasse, palam edixit; ultroneè suæ curiositatis causâ â sese quærentibus rursus inquirens: quam hi ducti ratione ad se venissent, super nocte cum Marito suo qualiter transactâ sciscitantes? Sed & hi rursus eidem reposuerê, qualiter maritus ejus, illâ se nocte in cælos raptum esse palam edicat, ibiq; mirabilia multa indagasse; quæ & nobis auditu mirabilia ex te audire (inquirebant) pro votis erat. Cùm ecce Hascia subridens candidè negaverat universa, nesciens alibi, atq; apud se nocte illa, & insolitô quidem lasciviæ excessu cubasse. Ast cum toties hoc ipsum repetiisset, ut & perfidus ipse Machomet hoc suâ hominibus ab uxore dici audiret, unde & fidem suam in audientium æstimatione periclitari non inaniter arbitrabatur; ut scelus scelerè, & mendacium operiret mendacio, adversus consortem effutiit suam, illo eam raptus sui tempore, cum ipse tunc ei non interesset, noctam esse occasionem, fornicarium admittendi, atque nunc imprudenter, licet reverà, edicere, insolentem sibi atque ultra modum secum ea in nocte virum accubuisse. Quis sanæ mentis mendaciorum nugarumque confictorem non rideat Machometum?

Sed insani Sectatores Prophetæ hujus Dæmoniâci postpositô rationis lumine cæcâ eidem adhærent pertinacia; aliudq; non minus mendax atque frivolum de eo narrant creduntque prodigium. Dicunt enim, invitatum quondam esse Machometum suum, in Judæi cujusdam domum; atque hujus quidem mulierem, cùm esset infensissima Machometo, utpote eam Mariti connubio eripere, sibi que asciscere molienti, parato

venenum convivio miscuisse, illudq; singulariter assato in aniculo eidem apposuisse. Porro sic apposito aniculo, divinô (ut inquiunt malefani) spiritu inspiratus didicit non manducare de illo, sicque mortem evadere; cæteris secum adventantibus socijs, cum exinde comedissent, postea emortuis. Proh, quantum immisericors vester erat Propheta! Nunquid super mulieris dolo divinitus edoctus, suos pariter & commensales, & fidei sectatores admonere debuit, de aniculo quantocius ne comederent? Sed ad occulta Dei confugitis judicia *Hala jeblam*, Deus scit. Ita sanè scit, vos mendacijs mendacis hominis extollere pravitatem. Scit, millies dignum venenô Machometum tunc fuisse, ast Acheronti diutiùs superstitem reservavit, qui socios ejus diutiùs tolerare in mundo non voluit, ne pestiferum tantopere venenum perfidiæ diffunderetur.

Cæterum quid stultius sapere possint Machometani, amice Lector, una mecum ignorabis: ubi rescieris, hoc quoque eos in Machometo credidisse miraculosum, quod omnium ipse potissimus insolentissimusque lasciviæ cultor extitisset. Generativam imò potentiam à Deo ei infusam crediderunt, quippe quæ tanta erat, quantam septem generosissimi fortissimi que quilibet juvenes valerent exercere. Quid humanæ absurdus rationi? quid sobriâ indignius aure? fætidadam sic renum exundantiam cæli credere stillicidia? Exhaustit inventum hoc Dæmonis mentiendi artem, & meâ ratione turpius, si quid etiam excogitare possit, homini tamen persuadere non poterit; nisi forsan & vobis perversis persuasibile sit, Plutonis excrementa Jovem hominibus in munera dispensare.

Sed, in omnium mortalium horrorem, æviternumque derisum vestrum, celebrate ultrò Mæchani vestri lasciviæ carnis opera; damnationem inde vobis à Deo justam, & rationabilem ab hominibus ignominiam promeremini. Prout & promerentur

tur

tur in eo, quòd aliud quoddam non minùs absurdum, solenne tamen (si ita liceat ironiæ) Machometi celebrant adulterium, nullâ tergiversatione negandum, aut honestate supervestendum. Fatetur id ipsum clarissimè turpissimus adulter suo in Curano, cap. de *الاحزاب* seu hæresibus; sive de partibus & sectis. Abstulisse se nempè Zaido primo suo discipulo atque sectatori uxorem, sibiq̃ue in suam ascivisse. Pulchra etenim erat nimis, & quod vaser efrænis lasciviæ suæ judicio statuerit, non Zaidô, tametsi legitimô maritô dignam, sed jure sibi tanquam Dei Prophetæ appropriandam. Quod autem detestabilius est, ut factô execrabili necessarius non deforet splendor, id Deo adscripsit, taliter sibi mandanti. Auferendam videlicet Zaido uxorem suam unicam, & adscribendâ sibi Machometo Dei Prophetæ, aliunde jam novem uxores habenti. Sic ergo pro decem decalogi præceptis decem sibi præscripsit uxores, cornutus non à sanctitate Moyses, sed contumax lasciviæ taurus effectus. An legeris infanitus quidpiâ amice? An tuæ unquam sic exhorruere amantes honestatem aures? Sed ut inditâ tibi magis virtute scelus detesteris, en tibi verba à Machometo in illa sectione edicta interpretatus sum. *Et cùm tu diceres illi, cui Deus beneficia contulit, & tu quoq̃, contulisti. Accipe tibi uxorem suam, & time Deum: & abscondebas in corde tuo, quod Deus operabatur. Et timebas homines; & Deus dignior est, ut timeas eum. Cùm ergo Zaidus cognoverit, seu defloraverit illam, nos copulavimus eam tibi; ne sit fidelibus peccatum in uxoribus desideriorum eorum, cùm cognoverint eas: & imperium completum est. Non imputandum est ad culpam Prophetæ illud, quod Deus illi sigillatim permisit. Hæc tibi Lector mendacis hujus Mæchani verba ex ipsa sectione latinum transferre volui in sensum, ut perfidi magis ipse nequitiam penetres: quod & eò facilius continget, ubi Curanistarum super hoc Prophetæ sui adulterio enormi opinionem tibi attulero.*

Dicunt etenim Comentatores libri hujus, quòd hoc Machometi factum scandalum causârit hominibus: quod ad remediandum, rursùs Machomet jusserat Zaido ad se suam reducere uxorem, idque ex timore ob datum fidelibus scandalum concepto. Ast, inquiunt, Deus denuò reprehendit eum, quod ex hominum timore Zaido uxorem reddidisset suam, rursumque eidem præcepit Machometo, sibi de Divino mandato mulierem penitus copularet, ne illius desiderio premeretur, angereturve. Quæ igitur humana lex & ratio adulterij fugit, timet, punitque scandala, hæc impius in præcepta traduxit divina, ut quod hominum timore prohiberetur, Dei cõminatione peragere sese, ausus sit contestari.

Diabolus demùm, ut arbitror, mendaciorum suorum nesciens futurum palliare exitum, ad correctionis illicò mendacia confugit, e mentitòque Dei nomine in eadem rursus jusserat sectione. *Non licebit tibi posthac ò Machomet, ut auferas uxores à viris suis, etiamsi earum pulchritudine captus fueris.* Ponderet homo, si nunquam ponderavit, spiritum contradictionis, omnisque Machinamenta nequitiae.

Sed hæc sunt portenta, hæc revelationes Divinæ Dei viro exhibitæ, quas credat ille, qui ratione sopitâ solis judicat auribus. Ut verò rationabiliter in pluribus vaferrimus hic Dæmonis Præcursor à te rideatur & excretur amice Lector: en plures tibi mendacissimi legislatoris obijcio nugas, & contradictoria figmenta. Ipse enim sui in Curani cap. 4. sub initium novem ciborum genera prohibet; cap. verò de Brutis versùs finem quatuor tantùm prohibita esse asserit. Primo item & 4. capite vinum prohibet: cap. autem de ape quod *النَّعْنَاع* vocat, dicit esse permissum illoque inebriari licere. Prius etiam jusserat suis, ut cùm orarent, facies versùs templum, quod in Jerusalem erat, converterent; post duodecim verò annos, ne videretur
ultra

ultra uti more orandi Judæorum, facies versus templum in civitate Mecha situm, convertere iussit; uti & usque hodie à suis observatur. Sed & de ancillis: prohibuit copulam ipsdum cum Dominis suis; postquam verò ipsemet amore cujusdam puellæ ancillæ suæ captus esset, ut se liberè illi commisceret, non obstante Chetigæ & Hasciæ suarum reclamazione uxorum, quibus hac in re juramentum præstiterat, contra præstitum ipsummet juramentum, iussit, ex Dei nutu licite universas proprias sibi prostitui ancillas: uti habetur in cap. التحريم de prohibi-

tione, ubi fictitius Machometi Deus, sic loquitur ei. *O Prophetæ! cur prohibes, quod permisit Deus tibi, sectæ beneplacitum uxorum tuarum? Jam Deus permisit vobis copulam ancillarum vestrarum.* En igitur, permissum sibi à Deo fatetur ipse, quod à se ipso sibi prohibitum erat. Quis speciosa hæc crediderit mendacia, tam crassò palpabilis nequitie palliò superinduta, cæteroquin non nisi Dæmonis in carne loquentis, ut ita dicam, excogitata deliria? Innumera denique sunt, quæ in gravescente indies malitiâ, vel revocavit, vel enormi mendaciò stabilivit dogmata Mæchanus iste, perfidus omnis luxuriæ & cupiditatum canis, malitiæ avernalis Architectus, desertorum Arabiæ fera pessima, & versutissimus camelorum disciplinator; ita ut suo in Curano ultra centum quinquaginta versus mirâ dictorum oppositione, vel obscurati, vel retractati videantur: atq; hi à Machometanis Mensuch, seu aboliti dicuntur.

De insanis autem pluribus Machometi fictionibus apertissimisque stultitijs, quibus suos abundare fecerat libros, ridere non desines, amice, qui leges: pauca ego tibi de his ex mille, placeat, recenseam. Atque horum quidem primum sit illud, quod suo delirat in libro Sunna, universam videlicet terræ molem super cornibus tauri cujusdam prægrandis detineri; unde

si fors musca aliudve animal eum infestet ut moveat caput, terræmotus exinde causari dicit : quod somnium inane, ab Indorum quibusdam populis edidicisse videtur, qui Baniani dicebantur, suntque de horum sorte gentilium plures adhuc in Perside mercatores. Ast sive de industria adinvenerit, sive ab alijs hauserit hanc de mundi sistemate eruditionem, dignam Astronomis, Geographis, Philosophisque posuit sententiam, ab illis quia nunquam utique auditam, ideo admiratione ridendam. Petite jam Meteoristæ, aut Philosophi quique. Bos ille seu taurus terram sustinens pedes ubi figit? Fænum, cum sit vivens animal, unde sumit? Sed contra Triviale *Deus scit*, excipite responsionem : & silentio quæsitum inscij resolvent.

In capite porrò de formicâ, Machomet hanc introducit cum Salomone loquentem, sicut & aves cum eodem sua miscuisse colloquia recenset. Fingit quoque Salomonem habuisse exercitum, ex Dæmonibus, hominibus, & volatilibus. Upupam item tulisse literas Salomonis ad reginam Saba, quæ causâ fuerint, cur ad regem illa profecta sit. Ubi superaddit; quod dum Salomon per Upupam resciret, reginam Saba ad se venturam, Diabolis illicò suis jusserit, ut reginæ thronum quantocius, dum illa itinere occuparetur, in Jerusalem adferrent. Quod cum fecissent, & reginæ ex Saba thronum ante illius Jerusalem ingressum attulissent; regina protinùs ad Salomonem veniens, suumque thronum eo translatum cernens, potissimâ obstupuit admiratione. Sed & in capite de Saba refert, Salomonem omnes suo sub imperio habuisse dæmones, quique in omnibus, tam bellicis, quam œconomicis & artefactis ministrare tenerentur. Tandem verò ibidem, Lector, invenies, Salomonem mortuum; jussisse autem hunc servis suis, ut se in throno suo regio, solitò vestitum ornatu collocarent, & baculò, ne mortuus decideret, suffulcirent: unde Diaboli nescien-

cientes illum esse mortuum, continuò quasi dormientem adhuc timebant aliquanto tempore; donec tandem vermibus corroserit baculum illum, statimque ruente fulcrò corruit Salomon; talique ex casu dæmones primùm agnoscentes, non ultra regem vivere, aufugerê, quod antea non præsumpsissent, dum vivum arbitrarentur, cuique in omnibus cæteroquin obtemperare adstrictissimi erant.

Aliud non minùs ridiculum in sectiōe de Vaccâ, leges, reperiesque: duos Angelos, Harut, & Marut nomine, mulieris cujusdam pulchritudine illectos ad adulterium usque cum eâ devenisse; Deus ergò hoc eosdem super crimine puniturus, temporalem eis, sed ad humiles supplicantium preces mitigatam hanc injunxit pœnam, ut pilis superciliorum manerent suspensi in quadam cavernâ versùs Babylonem sita, usque ad judicij extremum diem. Tua nunc adulteria tam infamia & scandalosa, qualem, & majorem nunquid promereantur pœnam ô Mæchane! Vestrum vos jam dijudicate Prophetam infani cultores Machometi: quâ ille ultra Angelos à Deo pœnâ puniri debuerit, ob adulteria orbi toti tam perhorrenda? Illud forsân male sani respondebitis: concessisse, præcepisse, atque adeo condonasse Deum Machometo adulteria, secùs vero Angelis. Ast ignoratis, malum respectu nullius fieri bonum posse, & quod uni ut peccatum ex se imputatur, alteri sub præcepto à Deo minimè statuitur.

Plura id generis inania continent perfidi hujus suorumque sequacium volumina, quorum ex Alboracho, quem singulariter æstimant, quædam recensebo. Afferit ergò hic liber, Deum ipsum idololatriæ fuisse auctorem impietatis, dum hominem Angelis adorandum exposuit. Item quod Angeli circa figuram capitis & vultûs sint sicut oves, boves, alia pecora, aut bestiæ. Rursus, Angelum Gabrielem quandoq; commo-

viffe seu excuffiffe unam alarum fuarum, indeque extinxiffe ac diminuiſſe lumen lunæ, ut hæc uſque hodie ſoli in luce ſefe æquare nequeat, cum prius tamen ante hanc Gabrielis volitationem æqualis luminis eſſent. Tauri item mundum ſuſtentantis talem cornuum hic liber refert diſtantiã, qualis per mille dies velociſſimo etiam conatu vix poſſit tranſigi. Tantam pariter quorundam corporum deſcribit molem, ut unus oculus ab altero multis diſtet miliaribus. Sed & cælorum mirabilem leges compoſitionem, quam ex ſuo Machometo refert eſſe ex fumo, mox ex carbunculo, ex ſmaragdo quandoque, aliquando demùm ex auro vel argento cæli eſſe fabricam commemorat. Cæterùm ſolem dicit eſſe collocatum in fervido quodam & bulliente fonte, hunc verò in quodam ſerpente, ſerpentem dein in quadam planitie, hancque rursùs planitiem in quodam monte, quem denique montem unâ manu geſtet Angelus ille, qui Univerſo præeſt, aduſque mundi finem & iudicii diem. Hæc & plura nefanda Machomet atque ſui ſectatores, æmulo planè mendaciorum conatu effutiunt, quæ nec in ratione apparentiam ſanam, nec denique aliquem ſonant ordinem in certum finem, ſed diſparata omnia, inferiora ſunt Ovidianæ fabulis metamorphoſeos, quas vel in finem finxerat Poëta, ut quandam legentibus hyſtoriæ, aut figmenti redderet amœnitatem. Hæc vero irrationabilia ſunt, quæ lector audiſti, quibus Alborachus præcipuè, uti lacus buſonibus ſcætet, quæque ſeu oculis lecta, ſeu auribus percepta horrorem pariunt & naſeam, aut certe aliud ſi quid, præter riſum & ignominiam, nihil. Idem pariter alio in libro compereris, qui Aggar dicitur, magnâque à Machometanis exiſtimatione habetur.

Porrò præterquã quod nugis atq; mendacijs plena ſint omnia Machometi volumina, illud deteſtabilius eſt, quod blaſphemijs, perjurijs, omnique ſpurcitiarum genere ſint redundantifſima.

suma. Capite namque de Aurora Deum ipsum per auroram & per noctes decem jurantem introducit: in cap. item de feminis, jurantem per feminas extrahentes, aperientes, seu denudantes, &c. Rursus in cap. de Sole, Deum per solem atque meridiem, &c. in cap. de Zona cælesti, per cælum habens Zodiacum, jurare asserit. Singulariter porrò in cap. de calamo, Deum per calamum introducit jurantem; *quod per gratiam suam Divinam Machomet ipse non sit Dæmoniacus, aut fatuus.* Cernis amice oraculum quod Dæmon erexit? audis loquentem, quem mendaciorum pater instruxit? Plura autem hujuscemodi juramenta in cap. de ficu, alijsque permultis Curani sui sectionibus ingeminat nequitiarum vaferrimus machinator. Sed & Deum, quem cap. de ficu, modo per ficum, modo per olivam, modo per montes Sina, modo per Medinæ civitatem, quam Mæchanus ipse incolebat, jurantem introduxerat, paulo post non volentem jurare contradictoriè affirmat: dum in cap. de civitate illa, DEum ita introducit ad se loquentem. *Non jurabo per hanc Civitatem, ex eo, quod tu habitas in illâ.* Hæc ille nugarum serie Deum lusit, ludendus olim ille irrevocabili Dei juramento & justissimo vindicis anathemate in perpetuas damnationis æternitates cùm Diabolis pænas laturus. Cùm verò econtra suâ nihil formidatâ infaniâ, in sectione de Diabolis inquit, sectatores hos suos, *credidisse Curano suo, & per hoc evasisse fideles, atque Dei & hominum amicos, illosque proinde fore salutem atque gloriam æternam consecuturos.* En nedum hominum, sed & Dæmonum apud Deum sese constituit mediatorem; suum imò in mundum adventum, & mirabilem prophetiæ gratiam, illud virtutis perhibet habuisse, ut rebelles obstinataque dæmonum mentes Dei imperio obsequiosas, hominibusque reddiderit amicas, ut mundo mali nil ultra per Diabolum fiat: unde cùm Machometani Dæmonum maledicunt, per-

perperam & injuriosè eosdem maledicere convincuntur. Denique & mentes brutorum æternæ fruitionis capaces esse recenset liber Alborachus.

Hæc de Mæchani Machometi perversorumque sectatorum ejus nugis & fabulis dicta, sufficient ad hoc, ut lector amicus Pseudo-Propheta agnoscat insolentiam, & luce clarius intelligat, qualiter verfutus, ut mentes falleret hominum, Dei mentitus sit auctoritatem, utque insana dogmata sua fide redderet digna, miraculosam & divinitus sibi inspiratam effinixerit, non aliter ac se se diabolus angelum fingit lucis. Unum tantum cæteris hæctenus non recensitis insanius adhuc insani referam figmentum. Pulsaverat sub quodam noctis tempore (ut ipse fatetur) januam suam Dei Angelus Gabriel; cui ipse protinus adaperiens, salutem Dei nomine recepit ab eo: qui & secum ducebat jumentum quoddam, asino majus, mulo minus, candidum ut lac, nomine *آلْبَرَأَقْ* *Alborach*, (unde nominatus est liber ille Alborachi, mendacijs, nugis, fabulisque refertissimus) Angelus porrò dixerat Machometo. Deus jussit Propheta, ut nocte istâ mecum pergas, visurus mysteria quæ nullus hominum cernere potest. Conscende igitur hoc jumentum Alborach. Ast noluit jumentum pati Machometum se conscensurum; donec Angelus ei improbraret: cur renuis conscensum Machometo? scito non alium hoc digniorem te conscendere posse. Respondit verò Alborach, nullatenus se permissurum conscensum Machometi, nisi in promissis obtineat, se quoque unâ cum ipso in paradysum introducendum. Hoc inaudiens Machometus, non solum promisit, quod Alborach petierat, sed etiam quod inter bruta animantia ipsum omnium primum adepturum sit gloriam Paradyfi per gratiam suam. Vides jam Lector mediatorem inter Deum & bruta: tu pro nausea tua expue
super

super eum, tanquam brutorum, bestiarum, atque dæmonum cum Deo Mediatorem; non verò hominum: quos replicativè, apertè, atque absolutè dicit, nullatenùs consecuturos per se salutem æternam in cap. de Infidelibus.

Cæterum ut ipse sibi sanctitatem & veritatem dæmonis cooperator affingat, atque à suis dignus Dei laboretur Propheta; sic capite de progressu solis, Deum se fingit alloquentem. *Nonne inveni te Orphanum, & protexi te? reperi te errantem, & direxi? & reperi te pauperem, & ditavi?* Talia & complurima mendacissima in suis habet sectionibus, quas uti supra insinuaui, de inutibibus & disparatissimis conquissivit. Incipiens Curanum suum de Vacca sive Bove, terminansque de populo sive hominibus: in medio verò omnia confundens, & disparatissima effutens, impertinenter loquitur, nunc de mulieribus, nunc de mensâ, nunc de brutis, nunc de mure, de spolijs, de pænitentia, de tonitruo, de Jona, de Ape, de transitu, de antro, de Maria Virgine, de Prophetia, de Alforcan, id est, Alcurano, de formica, de narratione, de Aranea, de Romanis, de litera *Sad*, de Machomet, de Luna, de ferro, de calamo, de diabolis, de resurrectione, de fascia Zodiaci, de Civitate, de sole, de ficu, de Elephante, & plurimis alijs, quæ te, si enucleatim recenserem omnia, usque eò commovere possent, ut stomachante naturâ, hunc etiam meum tantummodo relatorem librum abijceres, atque ob conceptam nauscam nil ultra legere adoptares.

Concludo igitur, quod de Machometo, suisque nugatoribus adhærentibus hætenus dixi, illud ingemiscens, qualiter vel clarum lumen naturæ, quod tamen & ipse Deus est, à tenebrarum Principe dæmone, ejusque ministro vaferrimo Machometo absurdis mendacijs & inconvenientibus obrui, obtrudi, extin-

gui penè omninò sibi permiserit, populus tantus, rationali equidem, ut cæteri, animâ præditus. Illud autem à Gentium doctore prædictū est. (a) *Erit enim tempus, cū sanam doctrinam non sustinebunt, sed ad sua desideria coacervabunt sibi Magistros purientes auribus. Et à veritate quidem auditum avertent, ad fabulas autem convertentur.*

ARTICULUS XI.

De Indicibili odio, atque antipathia Persarum cum Turcis, & è converso horum cum illis, nec non de quibusdam circa Machometicas superstitiones controversijs, inter eos agitari solitis.

PAulò te longiùs Lector amice detinuisse videor, de nugatorijs Machometanorum commentis; optaverisq̃ue nonnunquam, ut saniozem in Persidem redux de eâ tibi alia enarrarem; ast quoniam de Persarum, qui equidem Machometani, tametsi saniores, sunt, Religione sermonem primum institui, datâ sic occasione curiosior atque longior meò discursu de Machometo prodivi; jam tibi de Persis verba facturus, & indicibile odium eorum, atque antipathiam cum Machometano Turcarum populo, multasq̃ue inter hos circa Machometicas superstitiones enarraturus controversias.

Quia igitur *omne Regnum in se divisum desolabitur*, sic attestante, qui veritas ipse est; non potuit non omni scindi divisione Machometi fides. Præter supramemoratam namq̃ue intestinam divisionē inter quatuor Persarum sectas, quarū alibi meminimus, Turcæ, & alij, qui sequuntur doctrinas Omar, Osman, Abubechir, & Zeid, in quatuor secundum hos sectas discinduntur, scilicet Melchia, Hanephia, Zahira, & Behhanaphia. Publicæ porrò hujus, atq; omninò notæ divisionis Machometanorum,

manifestum atq; notabile est argumentum, desumptum ex ipsa diabolicæ legis Machometanæ origine. Primitus enim ipsa fundabatur in maledictâ divisione & mortali odio, quod non solum illi, qui renuebant sequi eam, habebant, pares Judæis, qui odiô feruntur insatiabili adversum legem Christi sanctissimam. Sed & extrema odia patiebatur inter ipsosmet immediatos, intimos, atque familiarissimos sectatores, & promulgatores, Omar, Osman, Abubechir, Zeid, & Hali, quorum hostiles ad internecionem usque persecutiones ortas ex superbissima dominandi, se sequæ exaltandi cupiditate, nemo ignorat. Ut proinde de fide Machometi illud intelligi possit: *gladio incepit, & gladio peribit.*

Cæterum, licet omnimoda confusio atque dissensio serpat inter omnes universim Machometanos, quibus Turcia, Arabia, Persia, India, atque Scythia sive Tartaria scatent, ut lacunæ bufonibus; insatiabili tamen atque mortali odiô præ cæteris erga invicem feruntur Persæ atque Turcæ. Antequam verò horum narratione particularia attingam, motiva hujuscemodi odij insatiabilis paulò commemorabo. Primò quidem, nec omninò irrationabiliter Persæ abhorrent Turcas, odioque feruntur in eorum gentem, & Tartarorum; quia hi omnes Barbari, inhumani, avari, non liberales, rudes, indociles, & vitâ moribusq; quâ internis quâ externis inculti, viles, sunt atque abjecti; quippe nulla studia sectantes, disciplinam sapientiamque amantes nullam, sed & flocci, odioque habentes eos, qui scientiarum sunt sectatores; cum Bruti quasi ipsimet Turcæ, Tartarique mirâ insaniâ cæcâque proterviâ adhæreant Curano suo, ut scarabæi stercorei. Turcas item odio Persæ habent, quod Regna, quæ illi habent, tyrannicè sint adepti, ab iisdemque Tyrannicâ teneantur potestate: in toto namque Turcici Dominij districtu, nullum (inquiunt Persæ) invenire est Regnum, aut Provincia, quæ

legitima cognominatione Turcia vocitetur. Unde dicunt Turcas Nothos esse, non verò legitimos, justosque Dominos eorum quæ possident. De semetipsis verò Persæ inquirunt, id sibi ante Turcas deberi laudis, quod terra quam possident, verâ & Genuinâ cognominatione Persia sit: cumque ipsi Persæ descendant à progenie Parthorum, qui fuerunt ex Gentibus Persidis, illaque Gens nobilis atque sapiens, quæ in corde Regni Persici, Hircania scilicet, sive *Herax*, uti ipsi vocant, habitaverat satis regnaverit: justâ, inquirunt, vicissitudine, Parthi post eam regnavêre, qui & secuti sunt antiquæ Persicæ gentis disciplinas saniores, justitiam, mores, politicam, atque sapientiam, omisâ illius infidelitate, observationibusque quibusdam rudioribus: quarum & ego Lectori alibi mentionem feci. Positò sic motivò primò odij Persarum adversum Turcas, quod ex parte rationabile videri potest:

Alterum est motivum odij Turcarum adversum Persas, frivolum magis, minusque rationabile. Cæcâ namque omnino pertinaciâ Turcæ adhærent Curano, cæterisque Mahometicis superstitionibus, mordaciter omnia secundum rudem literam observantes: quod cum Persæ non equidem faciant, odio habentur à Turcis, atq; Tartaris, vocanturque ab illis Rafazi, id est, hæretici, & blasphematores. Idque primò & maximè, quia Persæ non sunt Ciar-jari, aut amatores, seu amici Antesignanorum suorum, Omar, Osman, Abubechir; sed tantum sectatores Hali. Unde cum Persæ tantum hunc agnoscant legitimum Machometi successorem, eundemque Persicè nominent Gia-nisein, seu Arabicè Calife: id est; locumtenentem & successorem, alios verò respuant; nedum à Turcis & Tartaris, sed & alijs plerisque Machometanis Indiam Arabiamque incolentibus, negantur esse veri Machometani; utpote volentes colere & venerari, quos ipsi colunt Machometi amicos, Omar, Osman, &c.

Jam

Jam verò ad magis particularia deflectamus odij & diffensionis argumenta, ponderareque non tam necesse, quam risibile est, differentiam horum Machometanorum, in genuflexionibus, lotionibus, orationibus, jejunijs, alijsque similibus, quorum præviam brevemque superius notitiam dedi, quæ & hic Lectori in memoriam est revocanda.

Igitur ad generale suum odium supradictum, magis adversum se invicem quotidianis etiam argumentis contestandum, differre in omnibus satagunt, in quibus possunt: Persæ namque in genuflexendo attollunt, suspenduntque ambas manus, cum contra Turcæ eas ad pectus componunt. Persæ item in manuum lotionem, incipiunt à cubito brachij, & tum consequenter procedendo usque ad extremitatem digitorum: cum rursus à contrario Turcæ lotionem incipiunt ab extremitate digitorum procedendo ad brachij cubitum. Multis item disceptationibus altercantur, liceatne dormire, nec ne in jejunij die? An item, citra fractionem jejunij possit, quis lavare os suum aquâ, vel olfacere florem, aut odoriferum aliud quodpiam. Sed & disceptant inter se, quoties jejunij tempore noctu liceat Machometano comedere? quot item uxoribus jejunij tempore utendum sit, ut magis sit acceptum Deo jejunium, virtute meritorum Machometi. Inquirunt insuper, an, cum quis jejunij tempore advena est in aliena civitate, nullam proinde secum habens uxorem, licitâ possit accipere in mutuam, quandam viduam, aut virginem ad tempus, dando ei mercedem; ut ita jejunium advenæ Deo sit acceptum? Denique & multâ fatigantur inter se disputatione: an ad hoc ut Machometanus majori cum fructu jejundet, debeat in fine diei, ante, vel post fractionem jejunij jacere cum uxore, aut concubinâ suâ? Sed parcius dicendum est, de nefandis hujuscemodi, & vel sanam imaginationem subvertentibus, quibus fatigantur & disceptant insani uterque, Turca & Persa, u-

nus æquè ac alter infandâ lasciviâ ad unam tandem reducentes conclusionem, quod in Machometi lege, volutandum sit in carne & sanguine. Hæccine sapientia? Hæccine ratio? Nempe de operibus disputare, quæ præterquam quod rationem invertant, etiam naturam enervant, vitamque ipsam faciunt in vanum ire.

Cæterum quamvis hujuscemodi nefanda & nugatoria plurima acerrimis discutiant controversijs Persæ & Turcæ, ipsimet tamen sententiarum quibus adhærent, fideliter & ad amussim tenaces non sunt. De quibus verò detestabilibus, atque horrendis controvertant circa matrimonium, castus sibi committi calamus non sustineret, qui & scit, non inventurum se placidam Lectoris manum, animumve. Unum ponere liceat: quò quærunt, utrum, cum vir uxorem aut uxor repudiaverit maritum, valeant, si voluerint, rursus convenire: quamvis mulier inter hoc temporis plures habuerit maritos, aut plures maritus uxores? Resoluunt Persæ posse virum licitè acceptare uxorem repudiatam: hòc tamen pactò, ut antequam se rursus jungat cum illâ, debeat illa priùs semel conjungi cum alio viro extraneo, & neutrali ab altero, vel cæteris, marito, vel maritis, quem, quosve tunc mulier repudiat, ut ad pristinum virum suum accedat.

Sicque initâ cum viro extraneo copulâ, reiterare poterit validum pristino cum viro suo matrimoniũ. Turcæ verò & Tartari admittentes inter hos licitam matrimonij reiterationem, non unam sed trinam requirunt cum alieno atque extraneo viro copulam mulieris, ut illa validè cum pristino viro, repudiato, vel repudiatis, quem vel quos post hunc habuit, matrimonium iterato possit inire. Porro ad bestialem hanc suam & fædissimam opinionem defendendam, complurimas adducunt exoticas execrandasq; rationes, quæ vel ideo rationes non sunt

com-

compellendæ, quia rationi contrariæ, ac proinde nec memoriâ recensendæ. Principalem tamen, quam allegant, liceat Lectori apponere. Dicunt igitur Persæ, quod semel, & Turcæ, quod ter debeat mulier jungi extranea, antequam pristino jungatur marito, ut sic (quæ dementia mentis, quam caro fecit amentem!) luat uxor, & condignâ hac pœnitentia mortificetur audacia ejus, quâ primum ausa est repudiare maritum; itaque hoc suum non sortiatur desiderium carnalis conjunctionis, nisi justâ (scilicet) ratione mortificata, & alteri prius in conjunctionem data. Sic stulti pro carnalitatis pœna, carnalitatem injungitis, sic quam vestram esse vultis, alienis datis, famam proscibitis, honorem pessundatis, rationem calcatis, ipsa imò naturæ jura confunditis. Num forsan bestię isthæc, si aliquo rationis luminè gauderent, facerent? Sed, ab irrationalibus etiam discere possetis, si his non magis, ut ita sentiam, essetis amentes. Nempe hæc est sapientia vestra, ut qui majoris est luxuriæ atque libidinis, perfectius per vos dicatur participare virtutem & spiritum Prophetæ Dei Machomet: dum econtra animantibus brutis, quæ inter viventia sensibilia, magis carni immerguntur & minus de perfectissimo purissimoque Dei spiritu participant, suum fateamini præfixum tempus, explendi libidinem suam, motibusque sensualitatis indulgendi, non nisi ad universi perfectionem, conservationemque speciei, sanâ omninò Philosophiâ, sentire debetis. Cæterum illum inter Deum & vos mediatorem agnoscitis Machometum, quem inter & Deum animantia etiam mediant bruta. Illum agnoscitis Prophetam vestrum, qui Deo, quem purissimum etiam admittit, omni impuritate docet præstari obsequium. Apage pestifer cum doctrina, quam neque diabolo, si naturali nitatur ratione, persuadebis, neque homini, qui licet peccatô dæmoni similis, ratione tamen ad hoc dignoscendum, uti diabolus Angelô bonô,

nô, nil minor est. Illud porrò de te Machomet infernalis verificabitur.

Fuzun karaligh sana kalir.

Nigredo vultûs tibi remanebit;

Scilicet deducendis illo in die suam ad perfectionem omnibus, felicioriq; statu gavisuris; tu cum Æthyope vultum lavabis, novusq; vel solis & syderum splendor Arabicum tuum deteriorẽ aduret vultum. Et uti contra ordinem cœli universaq; naturæ stulta docuisti, seducens populum naturâ sapientem, ita cùm olim sapientissimo, nunc verò excæcatissimo Luciferi poenas cæcitatũ atque flammarum dabis in inferno, ubi, sicuti & in doctrina tua (a) *nullus est ordo sed sempiternus horror inhabitat.*

Hæc & similia, dum sæpè contra Machomet, & Machometanos, existens in Perside, non absq; indignatione, palam iisdem in faciem objecissem, mirabar ultro cur in furorem eos non egerim: cum illi econtra subridendo, ajebant tantum, me hominem esse mysteriorum inscium, adversum Machometi legem passionatum, & indiscretè loquentem pro imaginatione passionibus obrutâ, pertinaciterq; tantum me nolle Curano adhærere, & Machometi legem, ejusq; interpretationem ac sanum sensum percipere. Ego porrò dum & hic termini mihi deficiunt, quibus in execrandam vehar Machometi legem, silentiosô ore evomo, & quam rabiô jam calamô tantisper dilaniavi, ut viperam etiam utinam me liceat eam conculcare, atque internecioni dedere. Sed plura de odio Persarum erga Turcas cape Lector amice.

Persæ porrò pertinaciter Hali ut successorem atque intimum Machometi amicum venerantes, nec non sequentes, odio ultro feruntur & calumnijs contra Omar, Osman, & Abu-

(a) *Job. 10. v. 22.*

bechir, quos Turcæ & Tartari venerantur contra voluntatem Machometi, qui ante mortem suam (ut dicunt Persæ) testamentum relinquere voluerit, Hali dilectissimum suum nepotem & generum, suum fore successorem. Unde & in mortis articulo calamum, dicunt Persæ, petiisse Machometum, & chartam, ad hoc scriptotenus pro ultima voluntate exarandum; tres verò supra nominatos id renuisse, & negasse calamum, asserentes, Machometum jam delirare, & nescire quid loquatur. Turcæ hæc à Persis tanquam argumenta insolentiæ & temeritatis sibi objecta, nedum ut facta, sed & ut bene facta fatentur, ad exacerbandum, exasperandumque Persarum, quos cane pejus oderunt & angue, animum. Persæ vicissim juratò penitus odiò Turcas Tartarosque *Charigi* nominant, quasi segregatos à veritate, & excommunicatos: communiter autem eosdem appellant *Sunni*, tanquam desertores essentialium legis Machometicæ, & sectatores accidentalium & cæremoniarum, quæque minoris sunt momenti; eosdemque in Machometi fide veluti desides & rudes flocci pendunt, imò nihili habent. Pro quorum ulteriori notitia sequentia notabit amicus Lector.

Machometanorum etenim sententiâ, duo super lege Prophetæ sui sunt necessaria. Primum: scire dicereque verba illa attestatoria Dei unius, ejusdemque Apostoli Machometi, nosseque simul ac facere genuflexiones, lotiones, orationes, cæteraque, hæc consequentia, à nobis alibi insinuata: quæ quidem omnia dicunt esse ad salutem necessaria, necessitate *Pers*, eò modo, quò nostri Theologi assignant necessitatem mediæ & simpliciter talem ad finem beatitudinis consequendum. Secundum verò necessitatis locum obtinent ea, quæ dicunt necessaria necessitate *Sunet*, seu secundum quid, & ad melius esse, ita ut his omissis non peccet Machometanus, usu habitis autem perfectius operetur: & ad hunc locum Persæ reducunt legis Cæremonias,

quas tamen Turcæ simpliciter necessarias, & citra peccatū mortale non omittendas censent: cujusmodi sunt sæpè ire ad balneū, frigidâ vel calidâ lavari sæpius, manuum, pedumque ungues abscindere frequenter, sicut & sæpe numero capite tonderi, membrisque purgari omnibus; oculos item speciali quodam colore nigrô (quem surme vocant) tingere, pingereque rubrô aliô, (quem vocant China) manus pedesque, flores sæpe, odoriferaque omnia olfactu sumere, rosas comprimis, quas malèfani dicunt ex Machometi crevisse sudore; convenientes in hoc cum Poëtarum fabulis, qui Veneris cruore rosas depurpuratas somniant: ipsi tamen fors Machometani minus somniantes, quoniam totus Machomet Venus erat. Ultrò habent observationem quandam, de carthis atque calamis, in terram non abijciendis, sed colligendis undique & conservandis, in loco non abjecto, sed foramine certo cubiculi domusvè suæ; incertum reverentiæ respectum, quò obligatos se sentiunt etiam in instrumentum, quò, vel consimili lex & nomen Dei scriptum est, aut scribitur, scribere potest. Ast narrem (occasione liceat) quidpiam de calamo à Machometano minus observatum.

Narrant hi fuisse quendam Machometi amicum, de repente tristitiâ omni & Melancholiâ obrutum: qui porrò mutationis insolitæ nescius diebus consumebatur horisque, donec Machometum consilij tandem causâ accessisset. Dei porrò Propheta (ut mentiuntur) divinò statim circa infirmitatis notitiam afflatus spiritu, commonefecit amicum suum, caveret quantocius, fragmenta cartharum aut calamorum domi terram abijcere, satageretque ne fors domi suæ quodpiam de his fragmentum humi jaceat, quod ubi redux invenerit, debitâ asservet devotione, reponens in loco honestiori, aut certo domus foramine, ubi nulli expositum sit irreverentiæ: tum tandem pristinæ se restitutum sensurus sit lætitiæ: Abijt, (credunt, dicuntque nugatores)

tores) invenitque ille Machometi amicus in domo sua cartharum aut calamorum fragmenta, quæ ubi, ut sibi Propheta præceperat, condecanti reposuisset loco, omni subito lætitiæ restitutus, atque ad Consultoris sui pedes provolutus gratias agens, observavit, & observari à posteris fecit honorem cartharum & calamorum. Eccur nugator Machomet de lana Caprina præcipisti nihil?

Propter has porrò similesque nugas, & superstitiones Persæ Turcas & Tartaros vocant Segh Sunni, id est canes, quod magis adhæreant supradictis cæremoniis Legis, quasi simpliciter necessariæ ad salutem essent, complurima verò essentialia relinquunt. Cæterum nec Persæ, nec Turcæ in veritate multum anguntur observatione cæremoniarum, & similium supradictorum, quorum etiam alibi potiore fecimus mentionem, sed pro suo beneplacito, obviaque occasione vel circumstantiâ, servant, aut omittunt, quæ volunt. Interim odium suum & verbis & scriptis feriri non patiuntur ad invicem, suntque convicijs ora & volumina abundè plena, quæ huc referre longius nobis foret.

Illud non omittendum censui, quod Persis omnibus in more est: aluntur namque, ut ita dicam, hunc odiû suû in Turcas & Tartaros; neque Deo se gratias debitas acturos autumant, nisi & illico Turcis maledicant. Etenim postquam prandium cænamve finierit Rex cum Satrapis & Magnatibus suis, stans ad finem regiæ mensæ Mareschallus Aulicus cum aureo baculo, versus Regem primùm inclinans, tum verò gratias pro mensâ collata Deo deferens; suû cæterorumque omnium mensâ fruitorum, dein & omnium totius regni Procerum & subditorum nomine Regi salutem apprecatur: tandemque in horribiles conversus maledictiones & blasphemias contra Othomannos eorundemque sectas, veluti Deo & hominibus justis

odibiles, pessimis mille crucibus fulminat; quas tandem maledictiones & detestationes suas ubi finerit omnes circumstantes unâ voce acclamant *Amin*, id est, Amen. Eundem Deo gratias agendi, Turcisq; imprecandi modum à Rege usque ad pauperem, buccellam panis in domo comedentem, observant.

Omnes item artifices, cùm manè adaperiunt officinas suas, primam dare tenentur laudem Deo, precari dein salutem Regi suo, & demum contra Turcas acriter blasphemare: quod idem, cum officinas claudunt, minimè omittunt. Præterea ubi quidpiam cuidam displicuerit Persæ, aut contrarium quodvis acciderit, cùm alias juxta regulas suas dicere tenerentur: *sint maledictus Diabolus*; illi inclamant: *sint maledicti Sunni*: æstimantq; hos, puta Othomannos, Diabolis etiam peiores. Sed & Poëticas, Rhetoricasq; exarant compositiones mirabiles, lepidas, & ingeniosas ad illudendum Turcis, & vilitati ruditatiq; eorum, sicut & sectæ falsitati: estque hujusmodi cantilenis, & ridiculosis adversum Turcas scomatibus Persis usque adeo plena, ut vel pueri & lurcones alphabeti ignorantes, per vicos & plateas circumcursitantes, passim canant, ipsdemq; vel augendis, vel propalandis, vel denuò confingendis totò studio incumbant.

Porrò hæc odia sua publicis etiam in Legationibus celare non valent. Successit namq; in tempore Abavi Regis hodierni, qui Sciah Abas erat, venisse ad eum excellenti legatione Turcam, vultu, ut communiter sunt, barbarum & deformem, barbâ verò protensâ pro more suo, propriôq; arbitrato venerabilem. Rex illico impotens odij sui, inter alia primo (sicut Antiocheni petierant à Juliano Apostata, qui deformis erat faciei, staturæ pusillæ, prolixæ tamen barbæ) interrogavit eum in audientia publica: occur prolixam adeo, densamq; nutriet barbam in vultu tam tenero? Turca verò Legatus, argutum

gutum quasi daturus responsum, inquit. Ut meas hac in Barbâ pascere possim oves (intelligens salvo calamo, pediculos.) Cum verò subitâ interrogatione Rex ultro petijt: Istæ porrò oves tuæ albæne sunt, an nigræ? Cui Legatus: albæ utique. Tum autem Rex ridiculosâ inquit illatione: melius igitur, magisq; rationabiliter, cùm senex primùm & canus fueris, barbam nutrire deberes, tunc enim oves à sylvestri pascua non discernerentur: nunc verò dedecus nunquid arbitraris, ut tam in juvenescente sylvâ obuij quilibet illufores dinumerare valeant gregem tuum? Porrò adversum Legatum hunc nedum in animo Regis, sed & astantium ejusdem ministrorum bulliebat odium, ut quidam Ironiam addere ausus sit Ironiæ, subjungens verbis Regis. Rex adorande; gratus hic hospes noster, quod vellet, dicere fors in Majestatis tuæ præsentîâ non fidit: nempe non hac ex ratione, sed ex observantiâ Legis suæ nutrire se Barbam tam venerabilem, quâ Othomanni Majestatem atque decorem vultûs sitam esse credunt. Subjunxit porrò huic subfannationi subito alius Regis Minister, vir leporibus assuetus. Avertat, inquit, Deus, hanc esse mentem amici & venerabilis nostri Legati, quippe quam nedum politici, sed & pueri ridere possent. Etenim nudius tertius pueros his versibus in plateâ audiavi intonantes.

*Dort Homardan bir jak sci didar olur Hesciegh
bir cidar olur, lakin hesciegh istemez, chi haja-
ghim murdar olur.*

Id est ex quatuor Omaris, seu ex quatuor Othomannis inepte opinantibus, pulchritudinem & Majestatem hominis consistere in longitudine, & latitudine capillorum barbæ, de quâ pulchritudine & decore asini quoque rident per nostros pueros. Dicunt enim hi, se experientiæ gratiâ ex quatuor longis latîsq;

Othomannorum Barbis confecisse funiculum, tentantes eò ligare pedem asini, asinum vero recalcitrando exclamasse, non se passurum, ut pedes sui dedecore & immunditiâ talium afficerentur capillorû. Ita, inquebat ille Regis Minister ad alterum, canere solent pueri super barbis prolixis, quæ non nisi excrementa naturæ sunt. Et benè sanè canunt, fidelissime mi, adorandi Regis nostri Minister: etenim & tibi, & mihi, omniq̃ue ratione prædito clarum esse debet, decorem hominis non ab excrementorum cultu, sed à virtutibus & sapientiâ desumi: quomodo igitur mens ista Venerabilis Legati hujus esse poterit? Porro his omnibus ille reverà verbô & opere rudis Turca aptiorem nequijt adinvenire responsionem; præterquam quod asseruerit, Scholasticis Persarum disciplinis & Sophismatibus se non studuisse, esse autem omninò verum & genuinû Turcam, simpliciterq̃ue observantem, quod illi lege traditum est. Inde colliges amice Lector, quantô ferantur odiô Persæ in Turcas, utpotè rudes & ignavos, quodq̃ue illi ut plurimum barbas horreant, & in excrementis naturæ, ut bene sentiunt, hominis decorem & Majestatem non collocent.

Sed neque Turcæ odio fræna injiciunt, ubi Persicos adesse ad portam suam contigerit Legatos: cujus curiosum adhuc superest factum narratu dignum, de eodem lepido Persici Regis Ministro, qui quantam adversus Legatum Turcicum in Perside demonstraverat versutiam, tantam, majoremq̃ue ut Persicus Legatus ad Portam Othomannicam contra oblata sibi, & undique obvia Turcarum odia argutiam monstravit, & sapientiam. Post annum namq̃ue idem à Rege suo Legatus ad Turcas dimissus, factaq̃; priori in Legatione petitioni laturus responsa, omnem, juxta Persicæ gentis indolem, demonstravit animi generositatem, nobilitatemq̃ue, quam fastu, pompâ luxuq̃ue rariùs visô prodebat: sui etiam vivacitatem sagacitatemq̃ue ingenij in Sophis-

phismatum & dubiorum enodatione eleganti simul & subdolâ, ipsimet etiam Othomannorum magno Tyranno, totique Portæ ejus in confusionem palam fecit. Etenim cùm primâ vice ab Amuratho IV. solennem admissus esset ad audientiam in spacio-
 so quodam elegantissimoque horto, interrogabatur ab eodem hisce verbis. Vestri Persæ, cur tale Tulbantum aurô, argentô, diversisque coloribus contextum portant, & non uti nos totaliter albô teguntur in signum puritatis fidei Machometanæ? Cui Legatus: Capita (inquit) nostratum curiosa sunt de rerum varietatibus, omnigenasque sectantia virtutes, quas proinde per aurum, argentum, cæteramque florum colorumque diversitatem indicare volunt. Nos igitur (subjunxit Amurathus) dum tale quid non gerimus, virtutum amatores non sumus? Legatus verò; mihi, ajebat, tantum licuit præmissas construere, formare porrò judicium & consequentiam inferre magnæ Othomannis inditæ commito prudentiæ. Postquam sic semel deluserat Turcam occasione paulò post rursus obviâ interrogaverat iterato Amurath Legatum: Avis illa (quæ sub id temporis in quadam horti arbore resederat) qualis est, cujusve sectæ? nostræ? an vestræ? Cùm tamen omnes Machometani corvos oderint, qualis erat avis in horto visa, eosque ut damnationis & reprobationis indices fugiant. Respondit autem Legatus; nescire se de bestiis & brutis judicium formare: Quæsitus porrò ab Imperatore: ecur de brutis judicium formare nesciat? quia (inquiebat) homo sum. Nos igitur, subjunxit Amurath, homines non sumus? Cui Legatus fronte paulò magis seriâ respondit: Dum vos discurretis de animanti bruto, ob defectum rationis & vestræ, & nostræ, & omnis alterius sectæ incapaci, vestrâ certè de conditione non possum non dubitare. Imperator autem miratus Legati zelum: nos itaque (inquit) per dicta tua bruta sumus? Cui subito Legatus: non meum est, qui
 sitis,

fitis, edicere; sed vestrum est, qui debetis, scire. Porrò Amurathus videns se jocò seriò confusum, zelum loquendi atque audaciam Legati Persici alio posteris diebus vindicare secum statuit stratagemate, & exquisitâ confusione. Transactis igitur diebus quibusdam iussit, ut dum ipse Constantinopolitanâ exiret Civitate, cum maximo suorum comitatu & equitatu, conducerent post se Legatum huncce Persicum, ita, ut sequens is comitatum & equitatum ministrorum, pateretur pulveres, quibus pedes equorum aërem omnem interturbant. Lento ergo Imperator & Aulici equorum passu procedentes, maximos post se suscitaverê pulveres, per quos Legatus subsequens ire coactus non modicam passus est molestiam; versutum autem hoc, & industrium Amurathi inventum innatâ ingenij sagacitate subito animadvertens; rem tamen adusq; exitû ulteriorem cum silentio præstolatus. Porro Legatò longius dissimulante tandem substitit Imperator, fingensque se ex improvviso retrospicere; subito Legatum intuitus, compati se eidem asseverabat, quod ipse cum Persis suis insequens tantam sustinere debeat pulverum molestiam. Prudentissimus verò audacissimusque Legatus: Nullam (inquit) crede Sultan passus sum molestiam fastidiumve his ex pulveribus, quos vestri comitatûs equi suscitavêre; magnâ imò lætitiâ perfusus sum, atque solatiô: etenim lætitia solatiumq; lupis est, post pulveres gregis ovium abire. Cui Amurathus: an igitur sentis, lupos vos esse nostros, nos verò oves vestras? Respondit Legatus: omnino, ni fallor, sic esse debet, ut industrioso & exquisito hoc stratagemate expertus sum. Insinuans ita sapienter atque audacter, rudem se Imperatoris dolum jam deprehendisse. Sed & sapius ita urbaniter confuderat Amurathum, & suos, toties imò, quoties volebat; sic palam faciens, præstare Persas Turcis, ingenij felicitate ac velocitate, sicut & animi cōstantiâ & generositate: quam

quam etiam non minus servi sui, quos in comitatu suo ex Perside habuerat, demonstrabant, odiumque suum in Turcas, etiam in terris eorum, parum, aut nihil omnino refrænare curantes: uti curioso patebit facinore mox enarrando.

Contigerat servum quendam Persici Legati hujus convenisse cum uno Amurathi milite, *Janizar* ut vocant. Idque in loco quodam ubi bibere solent in Turcia potum quendam ab ijs Cafe nominatum. Persæ ergo Janizarus objecerat: ebibat, si cordialiter amet Regem suum Sciah, pro more gentis Persicæ, totum illum, qui ingens erat, scyphum. Qui porro incunctanter scyphum, Cafe quidem calidò plenum, opus sanè executus perarduum atque ad mortem periculosum, totum in salutem Regis sui lubenti ebibit animò, ad summam Janizari obijcientis, pluriumq; circumstantium Turcarum admirationem. Ast recompensaturus dolum hunc Janizaro Persa, curavit afferri cibum quendam liquidum calidumque, quem Turcæ *Sciurva* vocant, hunc ergo Janizaro offerens, inquit: Eja amice, pro quo in experimentum amoris erga Regem meum me objurasti, constanter executum me non ignoras: te igitur & ego, experturus tuum in Amurathum, cujus honoratus es miles, amorem, adjuro: ut hoc de cibo vel duo tantum coclearia sumas, in debitæ erga eum reverentiæ signum. Turca huic satisfactorius objurationi primum quidem subito cocleare sumpsit, veritus pudorem seu confusionem sibi futuram, vel à Persa, vel à suis commilitonibus, quamvis & pejus quid ei eveniret: nam cum cibus plus nimio calidus labia, os imò omne adussisset, renuit secundo cocleari ex eo sumere; & actus in furiam Persa, eo quod ipse à Janizaro circa Regis sui amorem adjuratus, vitæ sese periculo cum potui exposuerit, hic verò de sua in Imperatorem suum promptitudine postulatus modicam etiam oris labiorumque renuat ustionem, strictò ferrò astanti-

bus cunctis in duas illico secavit partes. Inaudiens dein Persæ audaciam Amurathus, Legato displicentiam suam tantisper indicari fecit, velleque se protervum hunc servi sui trucidatorem, severe puniendum, plectendum imò vitâ, ut Majestatis suæ in aulâ propriâ læso rem. Legatus porro nuncio respondit: referret quantocius Imperatori suo; nescire se, quo ex capite servum suum castigare, minus vitâ plectere possit, qui & acceptum quid Imperatori in hoc perpetrasse sibi videatur; etenim occisor factus sit ejus, qui nedum vitam, sed & oris sui commoditatem præferebat honori, atque amoris Domini sui Amurathi, cujus juratus erat, sed modici pectoris, Janizarus: minimè proinde hunc servum suos furores promeritum, sed Chun-Kar potius benevolentiam gratiamq; præstolari, quippe defensoris reverentiæ fidelitatisque, quâ Janizarus etiam vitâ obligatus Chun-Karo; & occisorem ejus, qui in Imperatorem suum minus æquo venerabundus, nomen atque amorem jurati floccipendit militis, effectus non nisi proprii & delicati custos oris: cum econtra factâ priori à se obtestatione servum suum Persam potui, qui vitæ formidolosum excidium minitabatur, obligasset, ipseque frivola objurationi suæ in contestandum exemplariter suum erga Regem Sciah amorem, omninò satisfecisset, nedum admirationem sed & fidelitatis laudem ab omnibus tunc ipsismet ipsi facto præsentibus, nuncq; id ipsum factum audituris Janizaris optimè promeritus. Hisceque titulis se servum suum non ut vitâ plectendum damnare, sed ultro Imperatori pro prudentissimo ejusdem arbitrato offerre præmiandum. Quibus & auditis Amurathus illico servum Persam suum in conspectum accersijt, sciscitans ab eo, num sectam Turcicam assumere sibi placeat, paratum etenim se magnis gratijs atque favoribus in aula sua eundem prosequendi, atque in fidelem sibi militem assumendi. Sed & hic se se sapienter cordatum monstraverat

verat servus ille Persæ. Ego, inquit, crede ô Sultan, ad defendendum honorem nominis tui, Domini licet mihi alieni, justè castigavi imbellem tuum militem, oris sui præ honore tuo amatorem, cujus mea framea jam sanguinem hausit, & ego ejusdem trucidator adsto. Cæterùm quid mecum foret? Qui jam alieni Domini defensor homicida factus; si proprium Dominum deseruero, hominum nunquid quilibet etiam in me homicida fieri debeat? Qui castigavi alienū infidelem, nunquid ab alienis castigandus ero, ubi Domino proprio fideique ipsi fuero infidelis? Parcat igitur Majestas tua prudentissima, parcat recompensationi mihi faciendæ, meque, qui eidem tuæ Majestati, licet alienæ, fidelis eram, Regiæ Sciah mei Majestati fideliozem longè, imò per omnia fidelissimum esse, vivere, morique permittat. Unde amice Lector colligere poteris, qualis generositatis atque animi, quamque felicitis & velocis sint ingenij Persæ. Inde & sibi arrogantiam sumunt, & odio insatiabili erga Turcas etiam in proprijs eorum aulis plurima præsumunt.

Sed & istud memorato de Legato Chalef Beck, memorandum ultra censeo. Ex eo Amurathus aliquando per magnum sectæ suæ Othomannicæ Doctorem quæsierat: ecurr Persæ permitterent Christianis inter eos degentibus, viridi in vestimentis uti colore; quippe quod proprius hicce sit color vestium Magni Machomet, quem, cùm & ipsimet Persæ Prophetam agnoscant, in hoc vilipendere argui possunt, quod parem in vestimentis colorem infidelibus etiam, prout Christiani sunt, promiscuè concedant. Ast inepto quæsito ineptam fecit aptam responsionem Legatus, dicens: Si Amurathus vester potentissimus cum tota potentia sua canibus prohibere valuerit, ne super viridaria excurrant, aut suis saltem inhibere potuerit, ne stercoribus inficiant illa, quod magis dolendum est, atque quod Christiani, qui etiam homines sunt, utantur, ut nos viridi vestimentorum colore;

lore; nos quoque Persæ poterimus inhibere, quod Amuratho vestro inhibendum putatur. Complures similes argutiæ, audaciæ, & ingeniosi generosique spiritus acumina magno hoc à Persarum satrapa Turcas expertos esse, scriptis etiã compertum est. Sed & ipse idem post hanc legationem suam nullâ non clade afflixit Turcas in bello Babylonis: cùm verò auctis horû copijs militaribus ultra numerum sexcentorum milliū militum, suisq; diminutis, & populis sibi auxiliaribus ex interiore Perside itineri jam quidē commissis, ast dierum adhuc quadraginta spacio distantibus, imparem sese tandem sensisset; bello cessit, civitatemque deseruit, quæ & à Turcis capta imperante eodem præfato Amuratho. Ceperat porrò iste alios principaliores inter captivos, unum memorati Chalef Beck filium, nomine, Musa Beck: sicut & avum meum, nomine Jacob Aga cognomento Bedik, uti in ultimo referam articulo.

Hæc autem occasionaliter dicta sunt circa odium Persarum atq; Turcarum: cui optimè quadrat Persicum illud proverbium.

Pir per du, nehlet ber her du.

Seniori sive capiti duarum gentium, quibus est contentio, sit & illis maledictio.

Et quidem ratione justâ: etenim Machomet dissensionum seminator eandem cum populo, sibi dissentiendo etiam adhærente, maledictionem patitur, in eundemque veluti in causam miseria omnis, & populi Orientalis tam electi confusio refunditur universa.

Antequam porrò finem ponamus articulo, quidpiam inferam, unde indicibile odium, quod erga Persas habent mulieres Tartarorum in Scythia seu Tartaria majori habitantium, colligere, & mirari possis amicus Lector. Hæ namque cum

recrea-

recreationis causâ, aut negotiorum peragendorum gratiâ excedere domibus suis debent, antequam sic ornatae exeant, pro devotione aliquantulum Bombacis in sinu aut sub velo, quod in capite gestant, sumere tenentur: hujus spei & intentionis insanæ, ut si forsan Deus, pro misericordiâ suâ dignaturus sit eas deducere in viam, vel modico Persæ à Tartaris suis interfecti sanguine respersam, pauculum illud bombacis eò in inimici sui sanguine tinctum in domum deferre valeant suam, illudque in justis erga Persas odij monumentum & thesseram asservare. Mulieres cæteroquin Persæ, animi esse volunt paulo civilioris, cum etenim his obujam veniunt Tartari vel Turcæ, oculos illicò vel claudunt, vel intuitu terram deijciunt, ne hostes suos invitæ videant, quibus & terga vertunt, quasi humanâ suâ indignis visione.

En tibi Lector amice odium Persarum atq; Turcarum, quò erga invicem à maximo, usq; ad minimum feruntur. Illud ultra noris, tali Persas odio in Turcas Tartarosq; exæstuarè, ut dictis & scriptis probare conentur, non esse hos secum ejusdem speciei humanæ, sed naturam fortiri quandam monstrosam, quæ nec totaliter humana, nec totaliter equina, aut asinina, seu cujuscunq; alterius perfecti animantis sit. Ego hic eorum argumenta referre nolo, quorum quidem & libri Persici nullam non copiam habent: Hæc Persæ, per me licet, probent; his & respondeant Turcæ ac Tartari. Tu Lector amice mecum ad ulteriora, & saniora perge.



ARTICULUS XII.

De Opinione quam Persæ aliq̃ Machometani habent de Christo Salvatore nostro, deq̃ Sanctissimâ ejus Genitrice Maria: ubi & argumentis ex eorum malè sanâ doctrinâ desumptis rationabiliter adversum eos de Christi Domini Divinitate arguitur.

Sacratissimo sanè testimonio Christus ipse de se contestatus ait: (a) *Ego sum via, veritas, & vita.* Id porrò, quid nisi ad differentiam cæteris à Prophetis dijudicandam valeat: quippe, qui tanquam homines puri non se viam esse edixere, sed viam Dei populo monstrare: non se esse veritatem, sed hanc se prædicare: non denique se esse pronunciârunt vitam, sed illam se in Deo asseverare, denunciareque gloriati sunt, haudque aliter potuerunt. Christus etenim Deus homo, solus humanæ salutis auctor, ineffabilem majestatem, dignitatem, bonitatemq̃ suam, ut veritas erat, veridicò ore sic pronunciabat. Ut mirum non sit, raptum magis, an captum dicamus amore salvatoris Dei illum Apostolum, qui confidentiâ in verba veritatis plenus exclamare ausus est (b) *Qui non amat Dominum Jesum Christum: anathema sit.* Ego porrò, sanctissimâ atque divinâ testante veritate, hæc Pauli asserta, nostris sæpè numero Persis perditis impavidus citabam, eos asserens, justè huic subiacere maledictioni, quod salvificam Christi fidem amisissent, atque amorem.

Illi porrò maledictioni huic se non subiacere asseverabant. Quia (inquiiebant) nos valde amamus Christum, ac veneramur, ut Dominum, & Prophetam magnum, omnes imò Prophetas inter, mulierumque natos præcellentem, purissimum, sanctissimum, miraculosissimeque (quod Prophetarum nulli datum

datum, dandumve est) natum, absque humano semine, carnisq; voluntate, ad Dei per magnum suum Angelum Gabrielem nuncium, à purissima ante & post partum Virgine MARIA, in societate S. Patris Josephi fabri lignarii: agnoscimus item hoc ei speciali gratiâ impositum nomen. Jesuh il Misih, id est: JESUS Christus. Spiritum item Dei nominamus eum. Sed & sentimus duodecim eum habuisse Havarium, seu Telamiz, id est discipulos sive sequaces, quibus mirabilia multa & bona mortalibus præstare, de sua concessit virtute. Et nunquid summopere versibus multis librisque salutiferum ejus, vitalem, atque Divinum anhelitum celebramus, quò vel sufflans in mortuorum corpora ablatam fecit redire vitam: quod neque nostro de Prophetæ canimus?

Porrò & eum dicimus vespertilionem creâsse, tandemque & cum corpore ascendisse in cœlos asseveramus. Dic sodes (inquirebant ad me) quid amplius in honorem atque amorem Christi vestri dicere possimus? Cæterum novam nos legem sortiti per Machometum sumus, quem misericors Deus, & miserator misit, ut reformaret quædam de Christi lege; ascriberetque primò ampliorem carni libertatem, quam Christus durâ lege continentiae arctaverat: dein verò corrigeret errorem, quò homines Christum colebant ut Deum, Deumque ut Trinum. Sicut porrò (inquirebant) incipiente Christi lege deficere oportuit legem Moydis, quantumvis veri Dei Prophetæ; sic invalescente Machometi lege Christi legem cessare necesse erat.

Ego autem noscens morem eorum, quo inconvenienter & ignoranter loquuntur complurima disparata, nunc ex Curano, nunc ex nostris scripturis sacris, nunc antiquis ex Philosophis, nunc ex seniorum suorum traditionibus, historicis, atque Poëticis, itemque Astrologicis, imò etiam ex Apostolis, omnia confundentes, &, si suo relinquantur genio, per quatuor horas

ras etiam loquentes, & nihil consequentiæ inferentes: ut categoricum cum iisdem tenere sermonem, & ordinati quidpiam concludere valerem, concessis ipsorum utebar ut arguendi principijs. Unde præterquam quod demiratus essem illam comprimis stultitiam, quâ vespertilionis creationem Christo adscribunt, illô nihilominus tanquam ab ipsis assertô, utebar ut argumentô: sic adversum eos discurrens.

Quod si vos insensati Christum asseritis vespertilionis creatorem, rectâ infertur Christum & esse Deum: etenim vis cuiuscunque entis etiam vespertilione imperfectioris creativa, solius Dei est. Quod verò dicatis hujus tantum animalis creationem Christo, nullius verò alterius convenisse: crassa penè est ignorantia. Dum etenim sic de creatore discurretis, ignorare vos creationem palam facitis, quippe, quâ non minùs formica ac cælum, nec magis aquila quam vespertilio ex nihilo sui, nihiloq; subjecti produci exigit: ut proinde ipsa creationis energiâ, quâ solùm ex nihilo, instantaneâ Dei virtute atq; actione, & subjectô nullô præviô producitur creatura, major non sit in aquilæ, imò & Angeli, quam vespertilionis productione efficacia. Quô utique vel naturalis Philosophiæ argumentô convinci vos est necesse; quatenus qui vespertilionis creationem Christo adscribitis, & divinæ ejus virtuti, eandem virtutem divinam ad alios se se posse extendere effectus admittatis. Sic etenim & passer & columba, & cælum & terra, minimusque ejusdem vermiculus ex nihilo, dum creantur, produci volunt, nullâ factâ in subjecto, quod in creatione non præsupponitur, mutatione. Confirmari hoc animadvertite ipsum per discrimen agentis naturalis ab illo Divinissimo atq; Omnipotentissimo Numine. Naturalis namque agentis actio, dum in subjectum fertur præsuppositum, quod successivâ mutatione dispositiones prævias mutuamque elementorum commixtionem recipiat, illius est

est efficaciz, ut quemadmodum absque supradictis effectum nullum producere potest, ita iisdem mediantibus, effectum omnem sic producibilem producere valet. Quâ ratione & agens naturale formicam generat & Elephantem, vermem & hominem. Quid jam de virtute Dei illimitatâ dicetis? si Christus, quod Dei solius est, creativâ excelluit virtute in vespertilionem, eam utique & in effectum extendere poterat perfectiorem. Ridenda igitur omnis vestra est Philosophia, an flenda magis ignorantissima Theologia. Cæterum fors creationem solius Dei esse actionem negabitis, unde & Christi me exinde Divinitatem probare minimè asseretis. Ast nolo ego conquiritis adversum vos stare argumentis hoc in sensu, quò abundatis: quippe, qui ex vestris tantum, quæ asseritis, desumptâ ratione discurreo. Illud ergo quomodo salvatis assertum vestrum, quò Christum nostrum Ruh Ala, id est, Dei Spiritum appellatis? An Spiritum accidentaliter Deo superadditum, vel consubstantialiter asseritis? Vestræ etiam primum illud exest Theologiæ, quæ Deum & substantialiter & accidentaliter sentit immutabilem. Quod si igitur secundum dicatis, ut sanâ ratione debetis: id rursum quæro. Spiritus iste Deo consubstantialis, quem Christum dicitis, vel distinctus est, vel idem cum Deo? Primum obest rationi. Non enim distinguitur spiritus ille, ut accidens à subjecto, cum Deus, ut ex supradictis convincitur, vestrâ etiam in Theologia, nullius est accidentis subjectum. Neque distinguitur tanquam materia & forma: quippe cum in Deo compositio non detur ex materia & forma. Intellectualem autem fortassis astructis distinctionem: quod certum est, sed nihil ad rem; per vos etenim æquè ac per nos certum esse debet, sicut & est, visibiliter realiterq; Christum apparuisse in terra nostra, & cum hominibus conversatum. Ad tria igitur salvanda: Primo, Christum Dei esse Spiritum, dein non esse aliquid Deo accidentale

sed substantiale, & coëssentiale; Demùm, reverà realiterque carnem assumpsisse, atque in eâ mortalibus apparuisse; ita quæso, ut necesse est, dicitote, nullam esse hujus Spiritus Divini (per vos Christi) à Deo distinctionem in substantiâ & naturâ; sed subsistentiâ personali, ut latini, aut hypostaticâ, ut græci inquirunt, solam in Divinis erigi posse distinctionem; non Dei à Deo, ut horum vitetur pluralitas, sed Personæ à Persona, ut relativa oppositio sortiatur locum. Atque hujus quidem distinctionis Persicum etiam habetis nomen vestra in vernacula. *Ferk ascichas*: quod, quid aliud sonat, atque *differentiam* sive *distinctionem Personarum*: quam etiam Arabico nomine *Ferk il akalim* significatis: tametsi hoc significatum cum fide perdidderitis. His alijsque id genus argumentis utebar discursus gratiâ, quatenus ita, non directis argumentis, quibus infideles minùs persuaderi potuissent, sed proprijs confunderentur assertis, falsis tametsi, ab ipsismet tamen assertoribus non negandis.

ARTICULUS XIII.

*Ex eorum pariter assertis probatur adversum eos
Sanctissimæ Triadis mysterium, & nostrâ sanâ doctrinâ
illustratur.*

Sic porrò, pertinaciter ignorare volentibus Christi probaveram Divinitatem, quò & modò Sanctissimæ eisdem exposui veritatem, atque mysterium Trinitatis: sumptò quidem argumentò ex Cuxani verbis, quæ sunt, *Akalim Sales*, id est, *Tres Personæ*. Quid igitur inquebam corde respicitis, quod ore saltim olim asseruistis, donec Machometus Vester, hortatus vos abstinere à trium agnitione Personarum, malefanâ promissione subjungens: & *benè erit vobis*? Quin imò malèjam vobis erit, dum cum sequimini, qui, ut facilius in huma-

nis introduceret pluralitatem uxorum tantùm satagebat; necdum in Curano non curans defendere, sed & studens invertere in Divinis Personarum pluralitatem. Ast quæramus tantisper in pluribus, ecurr corde non correspondeatis huic *Trinitatis* vocis, sicut cor olim vestrum, dum sanctâ possideretur à sapientiâ, correspondebat, & ineffabile Sanctissimæ Trinitatis mysterium prono assensu profitebatur? Nomen quid vobis Trinitatis, si ejusdem ignoratis significatum? Sed neque ut merè chymæricum sustinere potest vocabulum Curanus vester; Sacris etenim scripturis, & Sanctæ Dei Legi nihil est cum nugis, fabulis, & entibus rationis. Accedit quod ijs nominibus atque significationibus compluribus, quibus passim antiqui Christiani Arabes, hoc mysterium exprimere solebant, non exprimit. Ast si Machometum, dum viveret, vestrum in camerâ confidentiæ, & ut proloquiô utar, sub rosâ si quis eundem secretius atque sincerius edicturum interrogasset, quidnam ille de Trinitate sentiret? Clariùs sanè dixisset quidpiam, quam suo traditum reliquerit in Curano. Hunc enim ad populum simplicem, rudemque Arabem, cui se solum missum à Deo Prophetam edicebat dirigere, atque nugis & mendacijs replere sategit. Quantum tamen liceat, ex ipsomet vobis Curano edisseram Trinitatem. Et sanè nunquid Trinitatem, aut saltem manifestam Deus in eo edicit pluralitatem, toties eloquens in plurali, per verba, Nos, possumus, scimus, volumus, concedimus, &c. Ille sanè pluralis loquendi modus, si vos, qui litteram ponderatis ad unciam, pluralitatem sonat. Ast ante fores jam statuiistis effugium, dicturi, pluralem illum Dei loquendi modum in Curano, titulumq; omnem, quô modus essendi Dei exprimitur, salvari per pluralitatem attributorum, minimè verò arguere pluralitatem Personarum in Deo. Ast, paulò saniori trutinâ libremus hoc necesse est. Vos nonne Deum dicitis per

Gabrielem Angelum suum mandasse Machometo, ut Curanum suum inciperet, legeretque hoc titulo?

بِسْمِ اللَّهِ الرَّحْمَنِ الرَّحِيمِ

Id est:

In nomine Dei misericordis & miseratoris.

Nobis verò Christianis, sub hoc titulo legere Evangelium, iussu est.

بِسْمِ الْاَبِ وَالْاِبْنِ وَالرَّوْحِ الْقُدُسِ الْاِلَهِ الْوَاحِدِ

Scilicet:

In Nomine Patris, & Filij, & Spiritus Sancti, unius Dei.

Sic igitur aliquam pluralitatem, qualemcunq; tandem admittitis; quam dum nos per Trinitatem Personarum asserimus, Vos per pluralitatem attributorum edicitis, ut ita verificentur in Curano hæc Dei Verba Nos, volumus, possumus, scimus, &c. Quod miserum sanè effugium dum tremulò pede tremebundi vix estis aggressi, jam vitaturi lapidem offensionis incidistis in petram scandali, & ignava Theologia vestra incidit in scyllam cupiens vitare charybdim. Nempe sic Machometus vester, uti erat novitatis amator, cupiensq; diversam à Christianâ fundare legem, eâ usus est calliditate, ut quod totaliter in principio abrogare non poterat, illud alterare saltem, aut loquendi modò sategerit immutare: Idque potissimum in sanctissimis mysterijs Incarnationis, & Trinitatis. Pluralitatem igitur in Divinis, dum vafer hanc tanquam communissimè receptam omninò negare, aut improbare non fideret, nomine tamen Trinitatis Triumve Personarum nec nominare voluit; atque ut nihilominus verbis pluralibus, *Nos, volumus, possumus, &c.* Relinqueret fundamentum, posuit per frequentationem attributorum titulum Curani sui.

Bi hism hilla rehmani, rehimi.

Id est :

In Nomine Dei misericordis & miseratoris.

Quantum igitur colligere faveat, pluralitatem quam nos manifestè per Personas, ille obscuritate subdolâ expressit per attributa: sicque incepit legem suam; quam subinde ineptiori & vulgariori, proportionaliter ad ineptam atque vulgarem Arabum mentem, quorum se Prophetam erexerat, loquendi usus est modò, quò longè alium natura rei exigebat. Sed dicite velim, cur misericordem rectà & miseratorem, quod hominibus pijs tribui quoque potest, Deum appellârit Machometus? Volens enim intrinsecum Dei essendi modum exprimere, omniscientia sanè & omnipotentiâ perfectiùs potuisset. Ideo nempe, ut astutiam astutiæ superædificare posset; & quia familiare magis erat, simplici hominum menti, suorum communis Arabum, de quibus ipsi cura erat, Deum esse misericordem & miseratorem, quam omnipotentem aut omniscium; quod aliquâ indigeret Theologiâ, cujus ipse noctua erat, & omnes posteros suos noctuas esse voluit: ne, cùm Deum clarissimò omniscientiæ & omnipotentiæ titulò refulgentem populus intueretur solem, aquilinâ niteretur aviditate indagare de pluribus, unde intellectum unicò verbò facundissimum, consequentemque ad hunc voluntatem sine defectu spirantem respirantemque; conijceret atque ita in Trinitatis deveniret agnitionem. Vester proinde Machometus, cum (nescio, quò spiritu) è diversis novam suscitare cuperet sectam, cujus è gentilismo, Judaismo, & Christianismo præmeditatus erat confusio- nem, quantum potuit, curavit alienò atque diversò loquendi modò, & phrasi vitiata gentiliùm exprimere, Judæorum, & Christianorum dogmata: quemadmodum ipsomet suo con-

stat ex Curano; in quo proinde cautè & subdolè persuadet suis abstinere, non tam à Trinitate, quam à tribus Personis; sicq; pluralitatem in Divinis non per Personas, sed per attributa misericordiæ & miserationis exprimit. Ast & illud forsan Machometi intentum erat, quatenus ita rudi populo, cui enormem vivendi vitam per multiplicem scelerum, & carnalitatis regulam intenderat persuadere, primum Dei & singularissimum diceret attributum misericordiam, & miserationem in sceleratos & delinquentes, quorum utique primus erat, ast omni Dei miseratione indignus, atque reprobatus.

Cæterum tametsi populum jusserit, non à tribus Personis, sed à misericordia & miseratione Dei inchoare confessionem, certè non solum veritati, sed sibi contradicit ipsi, dum alibi Personas fatetur in Divinis, affirmans in Deo dari verbum, atque spiritum procedentem. In cap. 3. cujus titulus est de mulieribus, in quo duo à nobis Christianis exoptat, satis clare, & apertè docet vester Machomet. *Christus Jesus, Filius Mariæ, est verbum Dei, quod ad Mariam immisit, & Spiritus ex Deo procedens.* Quid, nescio, clarius isto testimonio vestri legislatoris habere intendatis, ô vos malesani Machometani pro veritate horum duorū Augustissimorū nostrorum mysteriorum Trinitatis nempè, & Incarnationis: nisi vos vestro contradicatis Prophetæ, & ille vobis, ut inde per tale reciprocum vestrum litigium, & mutuam discrepantiam, justam nobis Christianis præbeatis ansam ridendi vos, & gaudendi in sorte nostra: juxta illud; inter duos litigantes tertius gaudet.

Denique, quâ vos ratione Machometani realem per attributa sufficienter salvare, aut potius pronunciare poteritis pluralitatem? ad realem namque pluralitatem reali opus est distinctione inter ea quæ plura dicuntur: unde cum vos in Deo mille & unum agnoscatis attributa, ut modum essendi & existi-

endi

stendi Deo vestro rectâ tribuatis professione, illa omnia exprimere cur non conamini, incipiendo in Nomine Dei, non solum misericordis & miseratoris, sed & æterni, immensi, sapientis, omnipotentis, iusti, boni, immutabilis, simplicis, creatoris, largitoris omnium bonorum, donec tandem ad numerum mille & unius attributorum deveniatis. Quod verò dum non facitis, realem, quam in divinis agnoscitis pluralitatem, satis non confitemini. Aliter nos sanctam Christi fidem edocti profitemur, quia attributa omnia, & quæcunque ad ordinem pertinent absolutum, realiter in una profitemur essentiâ identificari, modum verò Dei essendi in tribus Personis relativâ oppositione realiter distinctis comprehendimus: neque angimur circa Divinorum multitudinem attributorum, qui Dei essentiam omni perfectione absolutissimam, eminentissimam, fatemur & infinitam.

Illud autem non inaniter sentimus, quod tametsi absoluta ut priora per rationem sint agnoscenda, ac relativa, Patri tamen per Omnipotentiam omne posse, Filio per Sapientiam omne scire, & Spiritui Sancto per Amorem omne bonum piumque tribuimus velle, ut munera, tametsi indivisibiliter toti ineffabili sanctissimæque huic Triadi communia, juxta Personarum & vocabulorum proprietates veluti antonomasticè edicamus. Itaq; tres Personas in una profitemur Divinitate; dum nempè Arabicè dicimus:

Hab Ibim, va Ruh il Kadus Hilail vahed.

Id est:

Pater, Filius, & Spiritus, unus Deus.

Denique, dum, nisi suppositâ sacratissimâ & salvificâ fide nostrâ, sublimissimum hoc Sanctissimæ Triadis mysterium, probare non possum; id saltem naturali congruentiâ vobis persuadebo.

Nun-

Nunquid altissimam pro dignitate reveremini divinitatem, quam sterilem, & absque fœcunditate quasi abjectam vultis; cùm cæteroquin truncum abscindendum, atque in ignem mittendum fateamini, qui nullâ pollens vitalitate, nullum se se extendit in ramum? Quod ut nos in fœcundissima Divinitate vi-temus, Patrem ut stipitem, Filium ut ramum asserimus: tali equidem ratione, ut intellectualis ista sit vitæ fœcunditas. Tum verò, qualem vos arbitramini Deum, cujus ab æterno ociosa voluntas? Nos porrò uti non ociantem intellectum, sed infinitum concepisse asserimus Verbum, voluntatem pariter operosò mutuôque Patris ac Filij amore Spiritum credimus produxisse.

Et denique qui hæc vobis persuaderi non sinitis, utquid nullam mihi horum implicantiam assignatis. Non ego vobis Philosophica statuam argumenta humana, queis vos subvertatis Divina; sed manifesta in creaturis demonstrabo vestigia, queis Deus etiam modo Naturæ fator Sanctissimam vobis Triadem in substantia unam, atque unitatem simplicissimam, in Personis Trinam, rudiori, uti ita pro humano captu proportionaliter dicam, penicillo depinxisse videtur. In sole legit Augustinus Trinitatem: quod sicut à sole lux, à luce splendor, & ab utroque calor exoritur, sic à Patre filius, cùm sit splendor Patris, & ab utroque calor, qui spiritus Sanctus est, producitur. Ast cum Incognito aquam accedamus, in quam demissum jaceat speculum crystallinum. Undâ ergo quiescente, dum sol lucet, tres protinùs sibi similes soles videntur, unus quidem in cælo, alter in speculo, ac tertius in aquâ; quorum primus cum à se ipso solo lucem accipiat, & secundus à primo illustretur; ac denique tertius à primo & secundo communicatum habeat splendorem, non quidem tres sunt, sed tantùm unus sol existit.

Porrò Cyrilli referamus exemplum contemplantis in sole Patrem

Patrem generantem, in radio filium genitum, & in calore spiritum Sanctum ab utroque procedentem: ait enim ille: Imago Patris est sol, radius est filius, calor spiritus Sanctus. Sol Patrem multâ cum proprietate significat. Nam ut sol ab alio sole non gignitur: ita Pater, quem Theologi vocant ingenitum, ab alio non emanat; & sicut radius solis ab ipso nascitur sole, atque ei coævus est; ita filius à Patre non minus quam ille nascitur æternus. Quin etiam quemadmodum sol à cælo nunquam discedens suam diffundit lucem, quâ terram calefacit universam, illamque fecundat: sic Pater in cælo semper manens, nec unquam ad nos in corpore descendens, suum misit Filium, qui fuit mundi lux; & ab utroque Spiritus Sanctus egreditur, qui increatus calor est; quô Deus ipse animas fovet, atque vivificat. Præterea, ut solares radij preciosos uniones, aliasque gemmas, & aurum intra terræ viscera gignendo, & super terram plantas & animalia producendo indicant virtutem solis, à quo calorem accipiunt; sic Filius & Spiritus Sanctus mirabilius in hominum genus collatis operibus, ad animarum salutem, æterni Patris potentiam, itaque infinitam virtutem declarant & prædicant.

Quod si Anselmo credamus, & Cypriano. Trinitatis arcum aquæ perenni est simile, quæ à fonte derivatur in fluvium, tandemque in lacum prolapsa quiescit. Atque secundum Nicæni concilij comparisonem, fons est Pater, de quo scribitur, (a) *apud te est fons vitæ*: fluvius à fonte derivatus Filius est, ipse enim de se dixit (b) *Ego quasi fluvius exivi de Paradiso*. Lacus figura est Spiritûs Sancti. Nam quemadmodum in lacu omnis aquæ vis, & copia quiescit, ac permanet, ita Divinæ naturæ communicationes in Spiritu Sancto terminantur, nec ad quartam Personam progrediuntur. Cæterum sicut quilibet flosculus, aut quidpiam aliud in fontem cadens rapitur in fluvium à fonte pro-

(a) *Psal. 35. v. 10.* (b) *Ecccl. 24. v. 45.*

fluentem, & à fluvio in lacum perducitur, ita quæcunque essentialis perfectio, quæ in Patre est, derivatur in Filium, & à Patre & Filio in Spiritum Sanctum emanat; ut professus est Athanasius: Omnipotens Pater, omnipotens Filius, omnipotens Spiritus Sanctus. Rursum cum Eusebio si me sentire faveatis, trium utar similitudine facularum, quæ si jungantur accensæ, non tres flammæ, sed unam referunt; non tamen una fax, sed tres faces existunt. Simile Cornelius Mussus circa Iridem sentit, cujus lux una, & triplex color. Dodonæus quoque herbam Trifolium SS. Trinitatis agnoscit symbolum, uti & violam tricolore, simileque frutices & stirpes, quæ aut tribus folijs ab uno stipite exsurgunt, aut triplici coloris varietate exornantur. Ut denique vobis Machometanis congrua plura ad hominem loquar; illud, quod vitæ humanæ est, sit & vobis theatrum, in quo omnigena Trinitatis vestigia vobis appareant. Agite, & videte in omni penè re creatâ aliquid Trinitatis. (a) Est enim ubique invenire modum, speciem, ordinem, numerum, mensuram, pondus, essentiam, virtutem, operationem, creationem, distinctionem, ornamentum. Ad particularia descendite. Videtis in sole naturam, lucem, calorem; in homine memoriam, intellectum, voluntatem: in tempore præsens, præteritum, & futurum; in motu principium, medium, & finem: in mundo elementa, cælos, Angelos; in elementis grave, leve, neutrum; in scientijs naturale, rationale, & morale. Et ut per particularia vobis particularia loquar, principaliore nunquid vestræ in tribus consistunt devotiones, oratione, lotionem, & jejuniis?

Sed ex eodem vitæ Theatro infidelis vitæ vestræ pertinaciam, & cæcutientem obijcietis humanæ rationis captum, per illud Epicteto quondam Philosopho objectum. Multa de Deo, & præclare quidem dixisti, quid tamen ille sit, hætenus ignoramus. Ast reperietis inibi Philosophi responsum. *Si omnino ego*

(a) *Laur. Beierlinck. in theat. lit. T. verb. Trinitas.*

Deum declararem, vel ego Deus essem, vel ipse Deus non foret. Et Augustino teste; Multa sunt, quæ de Trinitatis ineffabilitate dicuntur, non ut ipsa dicatur, alioquin non esset ineffabilis; sed ut illis dictis, dici non posse, intelligatur. Finem deniq; tibi faciã cum Augustino eodem. Requiris à me, quomodo uno nomine tres appellantur? nescio; & libenter me nescire profiteor: quod Christus voluit indicare, hoc solum scio; & quia in hoc Christianus sum: quia unum Deum in Trinitate confiteor. Hæc ille.

Porrò ipsomet hōc jam assertō occurrere videor ut inanis miles Achilli vestro, quem obijcitis, ut soletis: quod sicut adveniente Christō cum lege suā, oportebat cū scriptā suā recedere Moysen, qui olim de Christi prophetizabat adventu, & lege; tametsi hanc, uti neque Christum ipsummet legislatorē amplecti noluerint, quō tanquam iusto ex capite infideles habentur: sic pariter adveniente Machometō cedere oportuit Christum & legem ejus, utpote & de quo hic ipse Christus noster, suo vaticinatus sit in Evangelio, nuncupans eum spiritum paraclytum, ijs quidem in verbis: (a) *Cū venerit spiritus Paraclytus, ille docebit vos omnem veritatem*: Unde nos huic vestro per Christum prædicto paraclyto Machometo credere nolentes, pari ratione illi, prout Judæi Christo à Moysæ prædicto credere nolentes, infideles dicamur & simus. Ast placeat Christi prophetiam examinare amice; si amicus à Christiano etiam appellari merearis, qui Christo fidem abjuras. Hic Dei propheta, ut & illum tu veneraris, Christus, illum nonne spiritum promisit, quem post non multos ab ascensione dies, decimā videlicet, linguis dispersus igneis supervenit in discipulos complens totum, quod à Christo eis prædictum erat? Quæ si negatis ut facta; ad ultro tamen Machometi vestri invertendam authoritatem, quā eum paraclytum à Christo promissum asseritis, ipsiusmet en Christi ex Joanne allego verba. Hæc ille de

Paraclyto à se mittendo. (a) *Adhuc multa habeo vobis dicere, sed non potestis portare modo: cum autem venerit ille, docebit vos omnem veritatem, & ille suggeret vobis omnia, quacunq; dixero vobis; & ille testimonium perhibebit de me. Item, ille me clarificabit, quia de me accipiet, & annuntiabit vobis.* Nunquid hæc Machometo conveniunt, ut sit Paraclytus à Christo putatus? Quæ sunt veritates omnes quas docuit Machometus? Contradictiones, supra quibus vel ratio humana nauseat. Quæ sunt sancta ejusdem suggesta super his, quæ Christus Apostolis dixit? negationes juris Divini & naturalis. Quos ille Apostolos super sanctâ prædicatione instruxit? Apostatas Dei verbum pessundare fecit. In quo Christum clarificavit? Divinitatis ab eo lumen proscribere tentavit. Quid de Christo accepit? quod ipse edicere non valebit, nisi sanctus & Divinus ab eo esse velit, adversum cujus sanctitatem & Divinitatem insurgit. Quid annuntiavit vobis conformiter ad Christi legem? Hic veritatem edocuit, ille mendacia prædicavit. Hic innocentiam introduxit, ille vitia plantavit. Hic Deum benedixit; ille maledictiones invenit. Hic mortalium insaniam correxit, ille rationem omnem invertit; gulæ, luxui, & luxuriæ fræna laxavit, blasphemiarum gymnasia erexit, adulteriorum emporia induxit, superstitionum fecit Academias, & universam vitam fidemque suam ac sequacium suorum, nullius non voluit esse sceleris, invidiæ, superbiæ, perjurij, maledictionis, excæcationis; infidelitatis, & desperationis Universitatem. Hoccine jugum suave est, & onus leve Christi? Felleum est, unde venter amaricatus venena decoquit, & animæ suæ viscera rumpuntur. Durum est, & grave, unde juxta Christi promissionem, non reficiuntur, qui laborant, & onerati sunt, sed opprimuntur, ut æternum laborent, suâq; nunquam exonerentur damnatione. Paulò sanè deviavit, multum imò, & toto cælo Macho-

(a) Joann. 16. v. 12.

metus vester, declinans à Paraclyti, in Paralytici Evangelici semitas; sed neque cum hoc ullam à Christo sortietur sanitatem, & benedictionem.

Denique ut Evangelicæ veritatis subterfugiatis lucem, docetis sanctum Christi Evangelium in mundo amplius non existere, sed cùm eo in cælos ascendisse. Forsitan, ut Deo, Angelisque ejus Evangelizare Christus valeret & in cælis? Ast magis, ut omnes inter mendaces vos erigeretis sollemniores, ipsaque crassiores à mendaciorum, & figmentorum solennitate; dum scilicet tot Orientis, Occidentis, aliarumq; orbis partium nationes, omni sapientiâ pariter atque potentiâ celebres, tametsi idiomate, climateque multum discrepantes, Romani, Græci, Armeni, Syrij, Chaldæi, Ægyptij, Affri, Indi, Æthiopes, ipsimet imò Arabes, in antiquissimis adhuc manuscriptis Christi vel tenent, & amplectuntur vel saltem custodiunt & legunt Evangelia. Quod si quidem his non obstantibus nos, non vero vos asserveritis impostores, & veritati contradicentes; omni vestræ falsitati gloriam adscribentes; mirum equidem non erit, quia hoc primum & sollemnissimum inter alia vestra poterit, & debet connumerari mendacia.

Nam si quando nos Christiani adducimus aliquid ex Christi Evangelijs ad nostra contra vos probanda Christiana dogmata, respuitis, dicentes: non ultra verè Christi in mundo existere Evangelia, sed una cum ipso ad cœlos ascendisse dicitis; quæ verò nos modo Christiani habemus, esse figmentum nostrorum Sacerdotum, atque Doctorum asseritis, adeò ut prædictæ illæ tot mundi Nationes & gentes, inter se omninò in lingua, Regioneque distantes, Evangelij verò Unitate, Veritateque unanimiter consentientis etiam quoad unum & mentiantur, quod impossibile est. Quomodo igitur, quæso, vestra omnium novissima fex & gens Machometana solemniter non mentiantur? dum

famosis suis celebrat libris prophetæ veritatem per ea, quæ in rei non exstant veritate per ipsam, utpotè Christi Evangelia, quæ pluribus Machometi præcesserunt adventum sæculis? Si igitur ea quispiam Christianorum eo non vidit neque scivit tempore; multò minùs Machometanorum aliquis post tot sæcula novisse potuit ea. Nonne igitur multa dicere, & nihil probare, est solemmniter mentiri, sicut vos Machometani in omnibus Religionis vestræ Articulis facere soletis; potissimum in hoc, in quo omnem basim totumque vestræ fidei firmatis fundamentum contra nos Christianos. Corruente igitur tali ita languido inanique fundamento facile corruet tota perfidæ, falsæque vestri Machometi Religionis machina; quæ perperam è Christi Domini sibi quærit fulcimentum Evangelij. Experimini igitur, experimini ô vos insensati cæci que Machometani Christi Salvatoris efficacissimam, Divinamvè Evangelij virtutē, quæ si per sui absentiam (loquendo juxta corruptam vestram mentem) vos nugarum mendorumque; jam declarat sequaces, quid igitur non effecisset per sui in vobis assistentiam? Hercule non mendorum nugarumvè Cultores, rerum inanium, carnalitatis atque sensualitatis contra etiam humanæ rationis dictamen avidos amatores atque propagatores; sed veritatis, puritatisque Cultores, altissimorumvè mysteriorum Indagatores, eorumque benignissimarum participes redidisset influentiarum, uti olim. Estote igitur & modo fideles, & non increduli illi, qui beatificavit non solum eos, qui ipsum oculis carnis viderunt, sacrumque ejus Evangelium ab ipso ore tenus audierunt; sed & magis eos, qui non tali sensûs potentia, sed altiori, fidei videlicet actu, viderunt, & crediderunt, ut ita per fidem majus fidelis sortiatur meritum in coelis.

Neque jam miror Machometi vestri legem, quæ Christi legi sanctissimæ omninò adversatur, nedum à Christianis, sed & ab ipsismet

ipssimet vestris Machometanis compluribus, tanquam Deo & rationi dissonam floccipendi. Porro vel Judæi, nostri æquè, ac vestri in fide Inimici, Machometi amplecti fidem renuunt, vobisque, ut eam amplectantur tentantibus, respondent, præstolari se promissum, cui & ipsi, & omnis mundus fidem habere tenebitur, Messiam & Salvatorem; inquiruntque: quod verò Christiani dicant jam illum venisse in Persona Christi sui; si ita in veritate est: Væ jam & nobis Judæis, & vobis Machometanis! Quid ad hanc Judæorum dicetis objectionem, qui verum jam creditis mundo advenisse Messiam, cui tamen fidem non observatis? Væ vobis undique conclamabitur, qui Dei lucem tota cordium penetralia subintrare non finitis?

Brevius denique concludam oportet, ne de me verifice-
tur, quod Machometani de Curano asserunt, Turcico illo pro-
loquio.

Cioch Soilemech Curhane jaraſcir.

Id est:

Multum loqui Curanum decet.

Nota jam Lector honorem garrulitatis, quem sui tribuunt Ma-
chometo.

Illud superaddi à me finite ô Machometani, quod vestro Machomet in Curano cap. de familia Amran ait: *Non sunt præter Christianos, seu præter eos, quibus sacra scriptura tradita sunt, gentes aliæ superstites, qui meditantur articulos traditæ legis nocturno tempore; & ipsi genu flectunt, & credunt in Deum, & diem ultimum, & jubent seu tractant honesta, & ab inhonestis recedunt, & prompti sunt ad bona; & ipsi sunt recti & probi.* En tibi sat copiosum de Christianis & Judæis extat panegyricon in tuo Curano! en quantum illos celebrat, en quanta laudum præconia. Dum igitur Machometus tuus coactus à Christi-
næ

næ veritatis & puritatis Majestate veritatem fatetur, laudans & exaltans Christianam gentem, ut veritati & honestati deditam, divinisque scripturis studentem; tametsi alibi malignô agitatus spiritu sibi contradicat; jure meritô tanquam homo insanæ mentis, non solum nullam fidem, sed neque pacificam, & benevolam aurem promereri potest ab homine prudente.

Ast occupavit omne vobis rationis lumen, avernalis ille tenebrius, & se promissum esse paraclytum vobis insanâ ratione omninò persuasit. Capiat ad Articuli epilogum amicus Lector, quod expertus adjicio. Aderam quandoque primo Concionatori Regis nomine & titulô Scieh Ali Reza tegelli in domo supremi Regis ministri. Is ergò vir suâ doctrinâ abundans, & Machometicæ multum deditus superstitioni, inter alia disputationis puncta, memoratum supra, & consuetum sectæ suæ obiecit Achillem. Præsente namque præfatô supremô Regis Ministrô, cùm satrapis nonnullis, & curiæ Proceribus dixit: Cur nos Machometani Christi legis veritatem probamus per vetus testamentum (quod Tourat vocant) & prophetias ejus, & vos Christiani modo renuitis veritatem legis novi Prophetæ nostri Machometi, prædictam tamen per vestrum novum testamentum (quod Ingil vocant) apertissimè de illius adventu loquens, per illa verba: *Cum venerit*. Supra citatâ? Vos igitur Christiani infideles estis, dum Machometo non creditis. Ego verò modestiâ & audaciâ munitus Christianâ, juxta illud Apostoli; (a) *Ut simus parati semper ad satisfactionem omni poscenti nos rationem de eâ, quæ in nobis est, spe*; Respondi in vernacula Persica similia, ut hætenus recensui breviter, & alia complura; durante altercatione nostrâ ad tres tantisper horas. Ipse tandem supremus Minister effervescens inquit. Adjuro te per Christum tuum, si in Evangelio, quod Latinâ, Armenâ, aut alia legitis linguâ, nullum sit testimonium simile in commendationem

(a) 1. Petr. 3. v. 15.

Machometi nostri? Ego humili phrasi Persicâ respondi. Venerande Principum Princeps, & fidelissima Regis prosperitatis fidelitas; uti tantô subjaceo juramento, ita tactô pectore dico, in quo Christi Domini mei nomen gero: in Evangelio nostro invenire utique est aliquid vel de cane, & de porco; nihil prorsus vestro de Machometo. Ille displicentiâ quasi motus finem disputationis omnibus imponens, ad suum nos accedere prandium jussit: mirantibus interim cæteris, quorum nonnulli publicâ hâc magnanimitate discursus mei, magnas Christianæ pietatis scintillas in animo sunt experti. Hæc de Machometanorum circa Christi legem opinione.

Ubi adhuc illud pro fine addiderim, non debere vel mihi, vel prudenti Lectori mirum esse, quod Orientis nostri deperditi Machometani, pro suâ faciendâ & recreanda perfidiâ, dentibus caninæ invidiæ, & Diabolicæ rabiei usque adeo dilacerent speciosissimam Christi Purpuram, illius nimirum unam Sanctamq; Ecclesiam, preciosissimi sanguinis sui valore atq; decoratiosissimè tinctam. Non inquam hoc mirum sit; quoniam & hujuscemodi in promptu est, de quibusdam, qui licet Christum nomine portent, corde tenus tamen odio habere censentur, dum ejus sese non subdunt Ecclesiæ sanctæ. Et taliter quidem sese habent hæretici, qui miris in modis contra omnem morem, ac pietatem Christianorum antiquorum & modernorum tam occidentis, quàm orientis (qui equidem reperto aliquo inter se circa Cristianam pietatem atque zelum in devoto, alio eum ignominia titulo non solent afficere, quam vocando eum Mahometanum, Lutheranum aut Calvinianum) non cessant Christi Tunicam inconsutilem dilacerare in partes innumeras, per diversissimas tot sectas atque hæreses, quas hic recensere foret extra scopum; cum aliunde curiosus Lector has invenire fusim valeat in authoribus tum antiquis, tum recetioribus,

bus, quorum ei singulariter eruditissimos D. D. Adrianum, & Petrum de Walenburch, Batavos, Adrianopolitanum & Mi-siensem Episcopos, Coloniensem & Moguntinum suffraganeos propono, de controversijs fidei moderni temporis in tractatu generali procedentes. Eas cæterum hic tantum dixerim & deploraverim foetidas omnium errorum cloacas, Gentilismum, Judaismum, Machometanismum, Arrianismum, Nestorianismum, Pelagianismum, & alios sexcentum. Per exoticas enim & detestabiles hujuscemodi perfidias, qualia & quanta damna communis ille sanctæ pietatis osor diabolus intulerit sanctissimæ & Christo dilectissimæ Christianitati etiam in temporalibus & singillatim quidem, quam venenosa tot hujuscemodi vel in Europa etiam seminaverit zizania, ego cum alienus sim, edicere nolo, hæc enim satis superque eloquuntur continua litigia, odia, contentiones, indiem diversimodè agitatæ inter hæreticos & Christianos. Sed & tubarum, ac tympanorū bellicorum horrifoni sæpe jam eloquebantur hæc omnia tumultus, & bella per multa utique, sæpe exorta non fuissent, nec ita diu durassent inter Principes Christianos Europæ, nisi, ut orbi constat, totduplex in fide dissensio exorbitasset. Ipsum imò infensissimum Christiani nominis hostem Turcam facilius omninò reor debellandum, si unanimis Principum esset cum Sancta Dei Ecclesia Romanâ consensus, prout olim erat, cum maxima fidei propagatione, animarum emolumento, totiusque incremento Europæ. Ecquisnam ratione prudens vel ex historijs perfacile non advertat, atque vel inde ploret infelicissimum felicissimi olim orientis nostri casum in duram adeo atque miserabilem præsentis temporis captivitatem? Nunquid non, quia recessit à sana doctrina antiquorum suorum, & materno sinu Ecclesiæ Dei Sanctæ? Id quod & omnes rectæ politiæ studiosi contestabuntur, siue fideles sint, siue infideles, quod religionis & fidei unitas
maxi-

maximo foret emolumento mundi Principibus, ut tranquille pacateque cum alijs sibi paribus vivant, & mansuetiori dominio in sibi subditos agant. Abominandi proinde sunt omnis politix Christianæ perturbatores hæretici, quorum & doctrinâ non nisi sementa sunt diaboli, unde præter animæ, corporisque nocumenta oriri nihil potest. Magis imò nocivæ sunt hæreses hujusmodi, ac ipsi sint exteri hostes Machometani, qui tales se se vel nomine palam profitentur. Enimverò in scripturâ per excellentiam nominis vocantur inimici, qui sunt domestici, juxta illud: (a) *Inimici hominis domestici ejus*. Sed ex scripturis pauca adhuc eruamus. Quandonam unquam Machometus cum omni sua perfidia & hostilitate docuit Christum Dominum, de quo dictum est: (b) *Talis, decebat, ut nobis esset, Pontifex, sanctus, innocens, impollutus, segregatus à peccatoribus*: desperavisse? Id tamen, quod docuit Calvinus in Matth. c. 27. impudentissimè inquiens: *Absurdum videtur Christo elapsam desperationis vocem. Facilis solutio est*, addit maledicus execrabilis; *Videmus omni ex parte fuisse vexatum, ut desperatione obrutus ab invocando Deo absteret, quod erat saluti renunciare*. Ejus ergò hoc in passu fundamenta, pessimasque scripturæ intelligentias non adduxero; sed Sanctorum Patrum, Conciliorumque authoritati, communi Doctorum ventilationi, atque censuræ, jam toties quidem factæ committo, quem & errorem detestabilem sublimis Doctorum aquila Augustinus, uti perspicaciter vidit, ita pridem & efficaciter reprobavit Epist. 99. ad Evodium. Non hæc somniavit contra Redemptorem Machomet. Sed omnem ejus fassus est innocentiam, imò, tamesi plus nimio sentiens & in hoc errarit, docuit eum non gustâsse mortis amaritudinem, natum ex Virgine (quod benè inquit) intemeratâ, vivum cum corpore cœlos ascendisse, & non nisi (ubi rursus aberrat) corpus miraculose

Z 2

culose

(a) Mich. 7. v. 6. (b) Hebr. 7. v. 26.

culosè formatum post se reliquisse, in quo Judæi decepti suam exercuerint tyrannidē. Exaltat & eundem cum sanctissima Genitrice sua, ab omni dæmonum incurfione fuisse immunem, quibus mortalium omnes, comprimis verò, & ipse Machomet plurimùm cruciabantur.

Sic igitur, ut vides amice Lector, vel infensus Christiani nominis hostis, innocentissimâ Christi majestate devictus, sentit, quæ non sentiunt quidam vicini tui, nostri temporis hæretici. Tu interim perpende quantum Europæ tuæ utilitatis foret, si Principes fide unanimes sortiretur, religionemque sub uno capite unam. Cùm econtra juxta illud. (a) *Multigena impiorum multitudo non erit utilis, & spuria vitulamnia non dabunt radices altas, nec stabile firmamentum collocabunt.* Hæc occasionaliter Tibi amico Lectori, ut judici voluntario dicta sunt; ego cæteroquin priùs mihi, postea verò & cæteris de sancta & orthodoxa fide differere volo, ne vel ipse inveniar *velut iæsonans (b) aut cymbalum tinniens.* Et fateor equidem, plures me regiones, atque in his diversas religiones & sectas perlustrasse, omniq̃ue cribrasse curiositate, quærendo (c) *quem diligit anima mea*; nullibi porrò, uti & ingenuè coram Deo profiteor, requiem adinveni, præterquam sub *jugo suavi (d)* & levi onere Christi, ejusdemque salvificâ religione, sub uno in terris Pastore Pontifice, unicoque duce in hoc mundo, ubi (e) *militia est vita hominis.* Sub Christi igitur & Romani Pontificis vexillo extento, dicere fas est mihi, ut militi Christiano. (f) *Sub umbra illius quem desideraveram, sedi.* Et (g) *in pace in idipsum dormiam, & requiescam.* Quoniam tu Domine singulariter in spe constituisti me. Concludo cum Gentium Doctore ad eos, qui extra talem pacem & requiem unitatis sunt Orthodoxæ,

(a) Sap. 4. v. 3. (b) 1. Cor. c. 13. v. 1. (c) Cant. 3. v. 1. (d) Matth. 11. v. 30.

(e) Job. 7. v. 1. (f) Cant. 2. v. 3. (g) Psalm. 4. v. 9.

doxæ, in quâ nos Dominus magnâ cum spe constituit dicens : (a) *Et portæ inferi non prævalebunt adversus eam.* (b) *In charitate non fictâ, exhortor eos.* (c) *Festinemus ergò ingredi in illam requiem, ut ne in idipsum quis incidat incredulitatis exemplum.* Recordantes etiam de irre fragabili Domini sententia docente (d) *Et erit tandem unum ovile, & unus pastor.* Interim te, prudens Lector, relicto cùm illis rectâ conscientia judice, ego ad ulteriora Tibi de Persis edicenda pergam Deo optimo duce.

ARTICULUS XIV.

De Regibus modernorum Persarum, deq; eorum dominio, specialiter de Regibus Habas Primo, & successore ejus Sephi.

Postquam sufficienter de Persarum religione disservimus, Politicam aggredimur, eamque de regum dominio aspiciamus: ubi non desiderabit curiosus Lector fastum, pompam, & dominium Regum antiquiorum, Cyri, Cambysis, Xerxis, Assuerri, Darij, cæterorumque, qui super centum viginti septem olim provincias regnarunt: de his etenim sunt notæ omniò, & luculentæ tam sacræ, quàm profanæ paginæ. De ijs igitur tantummodo Persis quæpiam edisseram, qui ijs præfunt orientis regionibus, quæ juxta modernorum Geographorum distributionem, Persidem distinctum in Oriente regnum efficiunt: quæ quidem mundi partes & climata, ob benigniorem siderum aspectum, nedum terræ multâ feracitate & sæcunditate, sed & ingeniosâ hominum gaudent indole, ut jure merito natio Persica, omnibus Orientis nationibus sit anteferenda, & si quid Tyrannidis, aut animi inculti in quibusdam

Z 3

ani-

(a) *Matth. 16. v. 18.* (b) *2. Cor. 6. v. 6.* (c) *Hebr. 4. v. 11.* (d) *Joan. 11. v. 16.*

animadvertatur, id non ut Persis, sed ut Machometanâ perfidiâ excæcatis est adscribendum.

Sublimem igitur suam Persæ & in hoc indolem demonstrant, dum inter omnia regimina perfectissimum sibi elegere, quod Monarchiam vocant, quæ secundum se & absolutè excellentior est Aristocratia, seu Optimatum dominio, & Democratiâ, quæ populi vocatur Imperium. Tam etenim priscis quam modernis temporibus Monarchiæ studuere, unumquodque colvere Regem, ut habet Herodotus lib. 3. ex hist. qui dicitur Thalia. Is nempe post Magorum cædis enarrationem, qui Persidis regnum occupaverant, exponit controversiam inter Persarum Principes habitam, circa rectum regni regimen, conclusumque; ait pro Monarchia, ut modo dominandi excellentiore, quam & usque in hanc diem rigorosè observant Persæ moderni, adeo quidem, ut ob nimium in Monarchiam zelum, Persarum reges præ omnibus Orientis Regibus vocari deceat Monarchas, dum ad horum absolutissimum velle & nolle, omne suorum absolutum est velle & nolle subditorum; quamvis & omnia multo salis grano sapienter condita sint regis mandata. Sed neque Persæ regem suum tantum timent, quantum amant, nec tantum amant, quantum adorant: qua etiam ratione nonnulla in hunc finem aptata habent nomina, quæ suum vocicant Regem; quorum primum est; Sciah: quod nomen Persicè absolutè Deum significat; intenduntque per illud Persæ Regem suum Dei in terris vicarium edicere. Alterum nomen est: Zul Ilahi, id est: umbra Dei; quâ ratione Persæ insinuant, se securos, & omni tranquillitate fruantes sub Regis sui dominio consistere. Tertium est, Velinehmet: id est; Dominus, sive largitor gratiarum. Sed & quarto regem suum appellant vocabulo, Sciah in Sciah, quod idem sonat, ac Rex Regum: & similibus quam plurimis, juxta phra-

phrasim suam. Quæ hic recensere brevitatis ergo liceat omittamus.

Illud autem curioso Lectori sciendum, quod cum Persarum Regi quispiam loquitur, si vel mater ejus, aut regina sit, seu satraparum & supremorum Ministrorum quispiam, eo obsequij testimonio loquatur necesse est: dicendo. *Gurbanet sciovem*, id est: Sim tibi in sacrificium. Quasi dicerent. Dum Rex dignatus fueris me audire loquentem, dignum & erit, ut ego in tuum me obsequium tanquam ovem offeram immolari. Dicunt item: *Bala seret begherdem*: id est; in gyrum tui verat capitis: Quasi dicerent: si quid mali aut infortunij ex qualibet mundi parte tibi rex advenerit, cum non tantum mea, sed & totius regni vita sis, pro te stabo, atque id mihi Deus concedat evenire.

Cæterum ab hoc submissionis genere exempti sunt primi duo Pontifices, ob Ecclesiasticam suam eminentiam atque auctoritatem: unde hi regi colloquentes eundem tantum nominant Velinehmet, seu Dominum & gratiarum largitorem.

Cum porrò Rex infirmatus decumbit, Principes tribus solent vicibus lectum circuire infirmi, sicque circumeuntes prædicta verba: *Bala seret begherdem*; factâ ad textum suprapositum intentione devotissimè pronunciare; tum verò diversa committunt vota, ut ædificandi templa, hospitalia pro infirmis, collegia pro studiosis; sed & alia misericordiæ præstant opera, cujusmodi sunt dare libertatem captivis, largas erogare in pauperes eleemosynas, & hujusmodi. Idem servatâ proportionè cæteri Aulici, Cives, & plebæi in Regis amorem præstare conantur, ut Deus pristinam restituat Regi salutem, etiamsi ipsi perdituri sint propriam.

Dum

Dum autem supplicem porrigunt Regi libellum, cujuscunque supplex sit conditionis, inscriptionem sic cum ponere oportet forinsecus. *Supplicationem habuit.*

Humillimus servus

N.

In fine autem discursus memorialis ab intus ita concluditur.

Ingratiam Capitis felicissimi, Altissimi, Optimi, Sanctissimi, gratiarum largitoris (id est, Regis) acceptetur Supplicatio Supplicantis.

Pari ratione cum supplex libellus datur satrapis Vice Regibus, alijsve Superioribus Ministris, scribitur isthæc supplicandi forma, non quidem quasi horum gratiam, sed quod in his gratiam capitis Regis sui adorent, & venerentur.

Decretum autem pro, aut contra Supplicantem expeditum ita incipit.

Jussum illius, qui est preciosissimus, & qui est sol justitiæ radijs emicans, factum est.

Tum sequitur decreti tenor, quod infine ita concluditur.

Pro irrefragabili sciant omnes.

Hæc circa Persarum in Regem suum, & Monarcham, pietatem, amorem, humilitatem, ac observantiam, observatu non indigna censui. Ast habet & suum Monarchia hæc vitium sibi oppositum: & quemadmodum Aristocratia Holigarchia, ita Tyrannis Monarchia adversatur; quam quidem Tyrannidem circa duo potissimum exercent Persarum Reges. Dum nempe primò, aliorum, cujuscunque tandem conditionis sint, mulieres aut filias, omni libidinis libertate sibi arripiunt prostituuntq;. Secundo; dum injustâ dominandi cupiditate, fratres & filios trucidant, aut è medio tolli faciunt, aut regno efficiunt inhabiles,

les, visione eorundem orbantes, aut mutilantes aliunde, ne eorundem de regni surreptione valeant formidare.

Porrò tametsi hæc omnia non solum ardua & horribilia, sed omnino injusta sint, lubenti tamen animo à Persis conceditur, ut Reges perpetrent; hos enim sentiunt à sancta descendere progenie (ut alibi meminimus) & veros legitimosque successores Machometi, cui familia patrare à Deo concessum sit, quam proinde & sortiantur ab antecessore suo facultatem Reges; quos & nulli subjacere sentiunt legi. En Lector amice, quomodo non omnis Persarum Tyrannis viperina sit Machometi progenies, omnis autem Monarchia sapiens, Persarum indoli agnatæ sit adscribenda. Jam verò de recentiorum Regum Persicorum dominio, sub quibus denuò reffloruit Persis, quæpiam dicamus.

Videbatur famosissima in orbe Persis tandem effloruisse, imò penè defloratam esse sub tempore Regis Sciah Chodabende, viri omnino imprudentis, inertis, effæminati, & horrentis arina: cujus vel unum ignaviæ & imprudentiæ breviter statuum argumentum. Habuit ille, ut fertur quandam felem, seu catum, quam appellabat Nazlum, seu dilectam suam; cui sanè, sicut dilectæ suæ nomē imposuit, ita toto eidem affectu imprudentissimus superinsedit. Illo igitur Rege jugi inertiam domi stertente, aut cum cato nugas tractante, deperijt (uti solet sub ignavo Principe) Regni felicitas; dumque majores indies pateretur ab hostibus insultus & jacturas, minus equidem ab eo curabatur populorum salus, & integritas dominationis. Sed & sub ultimo tempore luctuosè ei delatum est, qualiter jam à Scythiis Regnum Caorasani occupatum sit, grassaturaque ulterius inimicorum potentia, ni Regio suo iisdem obstiterit bellandi robore: is verò (proh indignos Rege cogitatus!) respondit: aliud quidpiam se habere cogitandum, quam de Regno illo,

nempè (inquit) de mea Nazlo, quæ catulos peperit. Tujam perpende Lector, qualem Persæ habuerint illo in Rege Patriæ Patrem, qui vel catis & felibus habuit attentionem. Sed, tametsi rariùs quiddam sit, ex ignavo Parente prudentior prodijt filius; qui Regnum augetet & conservaret: Habas videlicet Primus, succedens gloriôsè in Regnum, cui & per plures præfuit annos, recuperans nedum Regna & Provincias Parenti ablatas, sed & ultra lucrifaciens optimorum Regnorum duo: quorum primum est Candahar, quod abstulit Indis; secundum Hormoz, quod ab Arabibus obtinuit, & Lusitanis. Ut porrò magnum Persarum scruteris Lector ingenium, cape Regis hujus in acquisitione prioris Regni, procedendi astum.

Hic igitur Habas solenni legatione ad magnum Mogol Indorum Regem miserat unum è Principibus suis non exiguæ prudentiæ & generositatis virum, nomine Zainel Chan. Tenebatur autem in hoc scopus astutiæ, ut Legatus præfatus à Mogol, tunc dicto Sciahi Gihan, ad confirmationem ulterioris & majoris amicitiae Persas inter & Indos, cōcederet Persis amicabiliter Regnum Candahar, cujus in vicem Persarum Rex reciprocâ Indis amicitia concessurus sit civitatem Jezd. Porrò Mogol audita tam impari reciprocatione consulens cum Aulicis suis apprehendit Persarū dolum: unde & Legato respondit: malè se habere inimicitiam Habas, quam sic oblatam ejus amicitiam, quâ unum sibi desideraret Regnum, illudque Indorum Imperij clavim, commutandum pro una sua civitate, quæ in Persidis centro est, & in qua Indorum nemo poterit nidificare.

Cæterum hujus magni Mogol sagacissima & prudentissima uxor, nomine Nurgihan, maturiori conjugem noctis tempore commonefecit consilio, consultius se pro amicitia politica fecisse, si non tam subita negatione Persarum respondisset Legato, quippe quos, unâ cum Rege suo Habas hac in petitione do-

losè

losè atque callidè procedere, sentiendum fuisset. Potuisses enim (inquit ad Mogol Nurgihan) amicabiliter retorquere petitionem suam, suam quoque eidem Jezd civitatem relargiendo, ut tolleres ansam, quâ ipse te tuamque quærit confundere potentiam: jam verò, ominor, dilecte mi conjunx Rex, non sedandam Habasy mentem, donec ille per fas aut nefas suum adipiscatur intentum. Quin imò (retorsit Mogol) nedum tuum ut imprudens derideo consilium, sed & Persarum conabor Legatum venationibus exacerbare, ut ansam referre habeat Regi suo, unde contra meam potentiam insurgat: quod quidem hoc modo executioni mandavit.

Solenne fecit parari convivium, & in eo speciale jussit deponi ferculum jusculi, cum quibusdam omni carne denudatis ossibus, cœu esset Legatus Regiæ mensæ canis: cui porrò & Rex dixit, gustaret quantociùs quod eidem appositum est, qui factâ Regi reverentiâ cochleari evolvens jusculum cum præter ossa nihil in eo adinvenisset, conceptam quidem ex illata injuria mentis amaricationem, quantum poterat sopire, conatus est, incipiens & nuda ossa rodere, donec etiam jam cæteri omnes è mensa manus traxissent, expectans tandem Regis resolutionem.

Tum verò Rex Ironicè, eja inquit, amice absolve quantocius ossa, nam & hæc canes nostri præstolantur famelici. Cui Legatus considerabunde. Si verè ita compatitur Rex canibus, non hoc miserum ferculum ante me Regis gratiâ positum, sed illos fictitia consolentur fercula, ut inde Regis munificentia in canes verbo correspondeat. Sciat autem Rex (addidit Legatus) id, quod in Persarum factum est ignominiam, in eorundem succedet gloriam, qui dentibus potentia, atque prudentia, durissima ossa negotiorum valent, comminuere & masticare.

Insalutatò proinde hospite sequenti manè iter suum Lares

in Persicos suscepit Legatus. Cùm ergo redux narrasset Habas Regi suo legationis Successum, inita subito sunt Satraparum Magnatumque consilia, & statutum à Rege, ut sexaginta millia militum quindecim dierum spacio convocarentur, cum quibus hoc se stratagemate magnum Mogol aggredi velle indicavit. Nempè, ut magis ludibriosum sit adversum Indos bellum, statuisset se pro Generali militiæ intendente non virum alti nominis, sed unam, Arabkizi nomine, quæ meretricum seu concubinarum suarum una erat, mulier cæteroquin Sagax omninò audaxque. Hujus autem stratagematis sui talem Rex exposuit rationem; quippe quod si bello sic instituto suæ perperessurus ipse sit stragē militiæ, non suæ, sed mulieris adscribenda confusio foret ab Indis, quorum proinde potentia vel inde gloriari non poterit, quod victrix evaserit mulieris naturā imbellis. Quod si contra Persicus cùm victoriā sit evasurus exercitus, illam sanè magni ab omnibus habendam gloriam, quæ tantam cessura sit adversariis in ignominiam; quòd infamis mulieris ac imbellis audaciæ cessisset superbissima illa Indorum potentia, coacta relinquere illud Candahar Regnum violentā cum contumeliā, quod humanā requisiti sunt amicitia offerre.

Placuit porrò Regis excogitatio Universis Principibus, qui proinde nulla non solertiā implendo Regis Imperio, dictoque militi numerofo ocius convocando operam dedere, ultroneā velocitate in decem dierum spacio executi, quod intra dies quindecim fieri Rex decreverat. Decimā igitur post præfatum consilium die, summo manè omnes conscripti exercitus duces cum quadraginta octo Tubicinibus resonante jubilo & maximo procerum comitatu ad Regis apparuere portam, præstolantes summam sibi destinatam à sua Majestate Belli Ducissam: Quæ porrò post duas horas è Palatio Regio, virilibus uti forinsecus indumentis ad fastum adornata, ita Gigantæo intrinsecus

armata pectore per fenestram prospiciens primò, etiam splendore & Majestate præstolantiũ se rapiebat oculos, animosq;. Cũ igitur altâ voce commissos sibi salutasset Duces exercitũs, illi ociũs proni in terram provoluti eam adorarunt, eidem sese, ut sapientissimæ, fortissimæ, prudentissimæ, & à Rege electæ Gubernatrici armorum supremæ.

Sic autem receptâ à Ducibus sibi provolutis salute atque animorum sponsione, redijt Arabkizi dicta Belli Dux suprema, ut & ipsa antè Regem provoluta pedes eidem exoscularetur in suæ contestationem submissionis. Tum verò captâ ab eodem veniâ, atque autoritate supremâ, sumptâ quoque buccella panis à Regis mensâ (uti in tesseram fidelitatis Persarum fert observatio) illicò & ipsa maximâ Eunuchorum Ephæborumque comitatũ stipata ad Portam descendit Regiam, cujus cùm pro-na limites esset exosculata, idem & præstantibus Ducibus sibi commissis; magno animo generosissimum Regis conscendit equum album, & destinatum ad bella iter arripuit.

Dum splendidus hic fieret à Regiâ Civitate egressus, omne musicale instrumentorum bellicorum genus audiebatur, sclopetorum item, tormentorumque explosio continua; quod non tam inchoatam etiamnũ decreti Regij executionem, quam futuram benè faventis belli victoriam præfagiebat. Sed quid omnium majori celebritate in stuporem & admirationem ducere possit videntem, isthæc vel legentem, quam laudatissima illa subditorum fidelitas, quâ etiam non curabant ad Regis nutum sub infamis gubernio mulieris arma suscipere.

Postquàm verò tres essent elapsi dies, Rex ipse incognitò modò cum veteranis quibusdam fidelioribus militibus insecutus est Arabkizi, visurus quantociũs, quam ratione vel exitu inita sortirentur progressum consilia. Non fefellit spem eventus; etenim intra viginti quinque dierum decursum Bella-

trix strenua, una cum exquisitissimo exercitu Regis appropinquavit ad Chandahar. Nulla jam feriata indita sibi sagacitate audacissima Bellidux, juxta prudentissima Regis, Ducumque suorum consilia mirâ alacritate direxerat universa; sed & multâ fortunâ duce, comiteque audaci dexteritate aggressa hostes, ceu lupo in oves irruit, hostiles omnio phalanges vel internecioni dedit, vel fugæ; evolutisque demùm diebus paucis feliciter expugnavit vix expugnabilem in Chandahar arcem, Regnum Regi suo gloriosissima victrix æternæ exhinc laudis optimè merita vendicavit. Erat & illud durum quid cladis Indis illatæ, quod inter alios tres magnæ authoritatis duxerit in captivitatem principes, quibus porro nulla non opprobria & omnis generis inferre contumelias præsumsit. Jussit etenim capitibus eorum vela imponi, qualia mulieres Persicæ imponere sibi solent, quasi & ipsi Principes à se devicti non pluris atque imbelles habendi sint mulieres. Ipsa porro Arabkizi nullam non viri atque Herois maximi generositatem ac militiam superbo animo spiravit; jubens sibi quandoq; vitrea afferri pocula vino plena, atque in summitate arcis inter medium captivorum se se collocans, generoso spiritu Regis sui Habas postquam sanitatem delibasset, guttas in poculo remanentes in vertices atque facies eorundem effudit; atque in majorem eisdem contumeliam inferendam, ipsa mox pocula illum dejecit in angulum, qui Indicas plagas respiciebat: hæc dum projiceret, verba proclamans: *Kirch Karghia bis dasc*: id est; *Quadraginta corvis unus sufficit lapis*. Volens hoc in adagio Indos à nigredine & mentis ruditate corvis assimilare, quorum quadraginta etiam uno à cadavere abigendis, vel unus sufficit lapis inter eos projectus; quâ proinde & ratione Persa unus solâ magnanimitate & fortitudine integram Indorum possit in fugas agere cohortem.

Jam igitur accepto, optimâque juxta mandatum Regis custodiâ

stodiâ præmunito Regno Candahar, Bellidux tantum superba, quantum victorijs inclyta, majores captura in Regia Civitate super Indorum strage triumphos, & populorum plausus, omni conata est velocitate reverti.

Antequam autem regios ingrederetur lares, quos paulò ante Rex ipse redux subintraverat, virilibus jam Arabchezi indumentis abjectis, muliebres induta ornatus, cum antea militem, tum rursus, qualis erat, foeminam præsentabat. Sicque conductis post se tribus illis Principibus captivis, Regis ante conspectum veniens, pronâ eundem veneratione adorans, ejusdemque pedes exosculans, maximos uti adepta laudis titulos, ita neque minores assumpta est ad honores. Hanc etenim & ipse Rex protinùs amplexus, illiusque frontem exosculatus: non ultra (inquit) Pellex, sed unius magni Principis Regni mei vocaberis uxor. Itaque ad suam accedere Reginam jussit, quæ protinùs exsurgens accedentem Arabchezi victoriosam, benevolo animo est amplexata, elegantissimasque vestes suas, ornamentaque cum primis preciosa, quibus jam de industria se se antea induerat, exuit, illisque victricem suâ indui adornarique in præsentia jussit, offerens & eidem duodecim ex aula sua ancillas in famulatum. Sed & Regiam noctu fecit parari cœnam, ad quam omnes mulieres Satraparum, Principum, Procerumque Persarum, Parthorum, & Medorum splendidissimo comparuere fastu, ipse imò Rex multa Eunuchorum copiâ stipatus assedit. Parabantur hic nullius non generis lætitiæ, atque plausus: Rex verò ex corde pariter atque ex mero summam effusus in hilaritatem, omnia ab Arabchezi belli gesta sciscitabatur, quæ & ipsa magno mentis lepore propalabat singula, omni assistentium mulierum confessu tantum in risum dissoluto, ut Regiæ etiam Musicæ copiosissima prægrandis sonus sensu percipi non potuerit.

Quid dura hæc atque inaudita inaudiens Mogol Magnus?
Quos

Quos ille cogitatûs super sapiente uxoris cohortatione, quam non audierat? Nempè eousq̃ue imprudens exacerbatus est Indus, ut infamem actus in desperationem, sumpto clàm veneno vitam sibi miserrimus eripuerit.

Neque verò solùm hoc est sagacissimi Regis Habas à strata-gemate per mulierem circa Regnum Candahar perpetrato laudis argumentum. Non minorem etenim tentavit, atque recuperavit fortunam & triumphum per subjugationem Insulæ Behrin, sitæ in Regno Hormus sinûs Persici, ubi preciosissimæ capi solent margaritæ. Hanc namq̃ue Insulam Rex fortunatissimus astu robureq̃; felici Lusitanis eripuit, Belliduce Vice-Rege Sciraz seu Cyropolis, nomine Alaverdi Chan, quod idem Persicâ phrasi sonat, ac à Deo datus Princeps. Erat porrò hic Bellidux ex antiquissima Christianorum Armenorum familia; qui verò ad Regis inculcationem, turpeq̃ue mundi lucrum fidem Christi salvificam abjurârat: Tantâ cæteroquin fortunâ atque potentia exaltatus, ut secundus appellaretur Persarum Rex; cujus & in magnificentia memoriam, superbissimum arte, atque ope exstructus restat prægrandis ille Pons, hodiernum usque diem in Regiâ Isphaham spectandus, alias à Petro de la Valle curioso Lectori descriptus.

Suecessit autem Patri in Principatu Ciropolitano filius non minùs gloriosus, nomine Imamculi Chan, per quem pariter & Habas surripuit Lusitanis omnes portus illos, qui ad litus sinus Persici siti erant; hac quidem conditione: ut æquales essent Persis cum Lusitanis redditus ij, qui è portubus marinis provenirent. Id verò, quod postmodum observatum nequaquam fuit à Persis, eo ex tempore, quo Lusitani rebellionem ab Hispanis discindebantur. Et tametsi à Persis Lusitani indies quærant antiquum illud tot annorum jus, præter bona verba ab ijs nihil penè recipiunt, asseverantibus, non se tam cum Lusitanis, quàm

quàm cùm Hispanis foedus hoc inijsse; sique licitum sit Lusitanis, ut antiquum Hispanis jus abnegarint, licitum sit pariter & ipsis Persis, id ipsum negare Lusitanis. Referunt pariter sese Persæ ad celeberrimam illam ab Hispaniarum Rege missam ad Regem Habas legationem per Dominum Garciam de sylvâ Figueroa, de quo plura Petrus à Valle; tunc enim, inquiunt, omne jus ex utraq̃ue parte, suâ videlicet, & Hispanorum, nihil verò de Lusitanis esse conclusum: unde & usq̃ue modo res in dubio versatur.

Faveat hic occasione datâ curiosum Regis in humanâ conversatione genium afferre. Cum enim Rex iste suavis esset, & per omnia lepidus, ac graciosus, gratosè memorato cum Legato verbis jocatus esse perhibetur. Etenim animadvertens Legatum hunc juxta indolem nationis suæ omni moderamine in convivio vinum libare, eidem per Interpretem dici jusserit; quod, ipse Legatus, omnesque plerumq̃ Europæi biberent vinum sicuti bruta, Persæ verò tanquam homines. Animadvertensq̃ue ortam in animo Legati displicentiam, quæsivit ex eo, num veritati hoc suum sentire consentiat? Illo vero respondente, nescire se pro nunc competentem Regis quæsito adinvenire responsionem; subjunxit Sagacissimus Rex. Dicti nostri magna non requiritur consideratio, quippe quod vobis Europæis in contumeliam, & Persis in gloriam esse sonat, in rei priori serie Persis ignominiosum, atq̃ue Europæis elogiale est. Namque Europæos bibere uti bruta, moderamen potandi ad satietatem dicit: bibere verò Persas, ut homines, deplorandum est, quod satietate non contenti, ultrò se ingurgitent. Ast his occasionaliter interiectis jocalibus, seriora de Rege ipso dicamus.

Recuperatis itaque locis Provincijsq̃ue complurimis optimoq̃; gubernio stabilitis, laudabilem suam ab arte & marte fe-

cit sagacitatem Habas ; neq; poterat non ei omnis cedere triumphus , qui in laboribus indefessus , diu noctuq; in Patriam vigil , Hyeme æquè ac æstate bellis intentus , nullum non per campos , montes , aut valles expetens armorum progressum , feliciorémq; per omnia satagens regni sui constitutionem . Adeò namq; omni Regem hunc experientiæ insudâsse tradunt Persæ , ut nulla vastissimæ Persidis Provincia , Civitas , oppidum , rus omnino nullum , quod in Persona ipsemet lustrare intermiserit , omneq; circa universa regimen indagarit , defectus emendârit , juraq; stabilierit . De exacta denique Regis hujus quorumlibet etiam exiguorum particularium animadversione , unicum referre liceat , quod Persarum traditione obtinui , & expertus sum usque hodie observari .

Viderat dispatiatuſ quandoq; in campo Rex , humi jacens quoddam Bubali stercus : interrogaverat porrò : eccujusnam animalis hoc excrementum esset adeò prægrande ? Responſo verò à circumstantibus obtento , hoc Bubali esse excrementum ; ultrò petijt : de talinè animantium genere peccuniarium Domini illorum teneantur ad regios proventus contribuere pensum ? Quam Regis petitionem cùm affirmâſſent , ipse subjunxit : Non esse justum , quòd super hujuscemodi animantibus annuum ad pensum sibi Domini eorum obligentur , utpote quod ad tam grandes bestias sustentandas magni aliunde ijs eveniant sumptus . Atque ex hoc privilegio usque hodie nullum Persæ Regi suo de Bubalis contribuunt pensum . Sic vilia etiam & abjecta indagâſſe constat nominatum Regem ; qui omnium meritò sibi jure , & mille titulis laudes vendicat ; quippe omne otium perpetuò fugiens , victûs amictusq; mollietiem ut plurimum aspernatus , ingenio sagacissimus , perspicacissimus in consilijs , in negotiorum quantumvis arduorum pertractatione dexterimus . Incomparabilis denique in œconomia , disponendisq; rebus

rebus politicis, tum Regni, tum Regiæ, tum Aulæ suæ ipsissimæ, ita, ut quidquid ordinati, elegantis, pomposi, curiosivè in domo Aulaque Persarum Regum apparet modo, quasi totum per Habasi Regis dispositionem factum Persæ fateantur.

Id porrò hic inferendum censeo, quod nullo non laudis titulo omnibus reddat Regem celebriorem, & in opinione Lectoris Christiani optimè meritum. Præterquam etenim mirabili Rex iste polleret indole conversationis humanæ, ut veloci iudicio ab externis interna hominis penetrans, cujuslibet sese genio accommodare nosset, illud magis in eo superextollendum, quod mirâ usque adeo in Christianos propensione, munificentia, & familiaritate feratur. Maximâ ipse duxerat opinione Ecclesiam Romanam, & propenso omnino animo Christi fidem respiciebat. Unde ad instantiam cujusdam Admodum Reverendi, & Eximij Patris Lusitani Ordinis Eremitarum S. Augustini, quem non absque specimine permultæ probitatis atque doctrinæ superexcellētis singulariter adamârat, concessit in gratiam Hispanorum Regis, introduci in Regno suo Sanctissimam illam nominati Doctorum Aquilæ religionem, cui & sumptuosum elegantemque fundavit monasterium, ubi, hunc usque diem pro Christianæ fidei decore, sanctæ Ecclesiæ Romanæ augmento, & Omnipotentis gloria sacrați degunt Religiosi. Quæ verò intermisit Christianæ pietatis indicia Rex? Hoc in templo à se fundato sacrum quandoque flexis genibus audivit Missæ sacrificium, tantoque jam in Christi fidem animi pondere inclinabatur, ut memorato Patri tandem indicârit, intendere se sacro etiam baptismate consecrari. Id quod equidem executioni mandâsset, si Deo servire, & Mammonæ licuisset; divitiæ cum affluxissent, cor ijs magis apposuit, & inordinata dominandi cupiditas suppressit, quod pululaverat virgultum Christianæ pietatis, Regemque mors infi-

delem detrufit ad inferos, ftygiâ hos inter palude baptizandum. Quàm tu non plores Chrifiane Lector ; quam non deplores miferandam Regis tanti conditionem !

Sed & pientiffimè quandoq; intenderat Rex nominatus, ut omnes Armeni Schismatici Isfahan Romanâ cum Ecclefia inirent unionē , atq; pro capite , Chriftiq; in terris Vicario Pontificem agnofcerent : quem & in finem unū ex hortis fuis Bag Zirifch nuncupatum deftinaverat pro conventu ijsdem fuis fumptibus erigendo ; jam imò expediri decretum defuper fecit , cui neque fuorum , neque Armenorum ullus contradicere præfumeret ; quod verò publicam afpicere lucem (quonam capite nescio) non potuit.

Extat porrò decretum illud ad hodiernum ufque diem in quodam Perfæ Archivio , de quo hic & nunc majorem facere Lectori notitiam , multa ratione confultus omitto. Quantum autem & tibi fcire licet , & mihi dicere expedit, id palàm eft, quod circa laudabilem intentionem hujus Regis in hoc quod ego brevius retuli , videlicet quòd Rex ifte cum defiderio quæfierit modum , & medium , quòd potuiffet fides Catholica propagari inter fchismaticos fui dominij , & fe fubijcerent , preffius confulere quoque poterit curiofus Lector Petrum de Valle, pag. 8. 2. part. Perfidis itineris, ubi inter alia hæc pauca habet in fua vernacula ad rem noftram. Dicit itaque : *E fe da Roma ciuteranno un tantino con tre fole cofe ; cioè , con dar modo a i Padri fcalzi , che poffano tener qui un poco di Collegio , o di Seminario di figlivoli : che molti non ne mancheranno ; è qui potranno tenergli , & educargli bene , non men che in Chriftianità. Con provveder che habbiano Sacerdoti , intelligenti delle lingue , che qui biſognano : perche , ſenza lingua , non ſervova a niente. E finalmente cò l mandarſi da Roma un Prelato , come il Re ſommamente deſidera , che aſſiſta in queſta corte a nome di Sua Santità ; ò con titolo di Veſcovo ,*

per

per governar nello spirituale il popolo Cattolico ; o come vorranno. Nel qual caso ; & noi gente à sufficienza per dar Principio , che à me dà l'animo di metterla insieme ; promette il Rè di darci terra continua a Sphan , da fabricarvi & habitarvi a parte ; con governo spirituale è temporale al modo nostro ; con giuriditione amplissima , con privilegi , e con cio che sapremo mai desiderare , confido certo , che presto debba fondarli in Isphabàn una Christianità Cattolica , che co'l tempo riusciva non minor forse di numero , e senza dubbio più grave , e più fondata , di nobilità , e di autorità che non è hoggi di quella di A-lingia , nell' Armenia.

Hujus decreti exhibet auctor iste se habuisse notitiam in illis suis temporibus quod nunc vix ulli Persarum notum esset ; siquidem & ipse Princeps , modernus Archivij illius Custos oretenus mihi fidem fecit , nullam penitus se habuisse decreti hujus notitiam , sed , dum obviâ occasione antecedente nocte aliud quoddam ex decretis Magni Sciah Habas requisisset , hoc manibus suis incidisse : id ergo , inquiebat , pro tua , tuorumque Christianorum consolatione , utpotè sciens tuum super Armenorum Romanâ cum Ecclesia vestra unione intentum , tibi prælegam ; prout & prælegit , idemque si opus quandoque foret , per copiam , imò etiam in originali communicare benevolentissimus spondit.

Pauca si hæc Christiani animi de tanto Rege indicia ; dabo plura , atque majora. Hic namque Habas idem statuerat , ut in omni decreto , quod in Regis Cancellaria pro Christianorum negotijs , sive quandoque etiam ad Principes Christianos expediretur , ubicunque occurrerit nomen Christi , per aureos characteres exararetur. Quid magis in Christi fidem probet Regis benevolentissimi pietatem ? Quid magis vel Dei etiam mereretur amorem ? Ast quam abyssus multa sunt Dei judicia !

Ex benignissimâ item ejusdem Regis permissione RR. PP.

Carmelitæ Discalciati amplitudine & commoditate optimam exstruxêre sibi habitationem, cum Ecclesia honorificentissimâ; ubi usque hodie consolatio fidelium, & infidelium ædificatio, multo pietatis fervore promovetur.

Hæc atque similia plurima cùm, & pro Christianis patravit præfatus Habas, fîctone an sincero animo, sui se ignorare pollicentur, dicentes. Deus tantum nostri mentem noverit Regis, nos de exterioribus multa conjecturare, in multis etiam falli possumus.

Tandem Rex laudatissimus moriturus, quatuor successoribus suis testata relinquere voluit. Primò: devoto curarent animo Romani Pontificis amicitiam, sicut & Romanorum Imperatoris, cæterorumque Principum Christianorum, quorum & Legatos atque adhærentes benevolo prosequantur affectu; quod ipsum usque nunc zelosissimè, laudatissimeq; à Persis observatur. Secundò, non curent, neque fidant amicitiae Turcarum, nisi ad tempus & superficialiter. Tertiò, non vexent subditos nimis gravaminibus & exactionibus, neque ita vexari eos permittant à præpositis & destinatis iisdem Principibus, sed intento semper ad justitiam, quam nervum recti gubernij appellabat, oculo, quod æquum viderint, statuant. Quartò denique, ut, qui sibi succefferint, meminerint & satagant, ut non solum in Regni adeptione, sed & in pari regimine atque administratione sint successores.

Hæc uti obiter de magno & primo Persarum Habas recensui, ita paucula quædam, memorabilia tamen de ejus successore narrabo. Succefferat namque Sephi in Regni gubernio, nepos antecessoris sui; à quo uti non nihil sanguinis, ita multum Spiritus & generositatis hauserat, ut pro posse suo ejusdem insequi tentarit vestigia, tanto nihilominus avo, genio & virtute aliquomodo impar. Moverat hic Sephi Martem suam adver-

adversum Othomannos, quibus & fortunato abstulit Civitatem Erevan, cum munitissimâ arce suâ, quæ olim Armeniæ Majoris Metropolitana erat. Ast verò cum hic fortuna egisset comitem, alibi adversa se monstraverat hostem: etenim sub idipsum tempus rursus Indorum exercitus Regnum Candahar aggressus expugnavit. Traditur porro, hunc Regem Sephi, multâ persæpè defævijsse crudelitate, adeo, ut unâ quandoque nocte viginti octo Principes potentissimos internecioni demandârit. In Christianos cæteroquin, uti avus suus, abunde benevolus, atque Christianorum Principibus perquam amicus, prouti decreta, literæq; ad nutum suum editæ indicant. Et Regnante ipso RR. PP. Cappucini pariter congruam erexere sibi Domum non sine singularibus privilegijs illis ab eodem Sephi concessis. Denique à nonnullis moderni temporis Persis, est inaudiri, qualiter missus hujus Regis tempore, Legatus ille, aliunde benevolo Lectori notus, Adam Olearius benevolentissimè acceptus sit, quippe quod Persæ crediderint Imperatoris Legatum, non vero Principis alterius, cujus is nomine Persidem intrârit. Quo super nihil mihi tergiversandum duxi.

ARTICULUS XV.

*De Rege Habas secundo, & successore filio suo
Solimanno Rege moderno.*

CUM verò mortuo parenti Sephi successisset filius Habas secundus, tanta videbatur sumere Regnum Persidis incrementa, quanta neque regnante Habas primo, cæteroquin felicissimo, potentissimo, sapientissimoque sperare potuisset: sumptis optimorum eventuum argumentis ex mira sapientiâ, indole, atque magnanimitate Habas hujus secundi, quibus etiam primum longè antecellere videbatur. Fecisset equi-

equidem evenire, quæ de se sperabantur, optima plurima, ni paulò citiùs vitâ cessisset; quippe quod trigesimo septimo atatis anno jam obierit, qui sextodecimo obtinuerat Paterni regiminis successionem.

Cæterùm nil non laudabile præstitit Rex nomine sorteque *secundus*. Primò etenim aditi regiminis anno, cum centum millibus militum personali generositate campos aggressus, arma statuit adversum Indos: quorum tametsi maxima esset copia, sexcenta videlicet militum millia complectens, omnis tamen numerosus hicce exercitus, & caterva gruum, atq; corvorum, uti vocitantur à Persis Indi, intra decem dierum decursum dissipatus, atque confusioni deditus est, paucis fugam domesticos in lares capientibus; quo pariter bello complurimi occisi sunt Elephantés, quibus aliunde pessimè Indi cum Persis pugnare solent. Primò igitur hoc Marte suo secundissimus Habas deperditum à Sephi recuperaverit Regnum Candahar, maximumq; felicitatis, & generositatis suæ præbuit specimen Universis. Inde populos sibi subjecit ferocissimos, cæteroquin tam Indis, quam Persis rebelles, quique ob feritatem suam, & incorrigibilem malitiam alias ex Albaniâ Orientali à Tamerlane in exilium propulsi erant, eos ad montes, qui Regnum Candahar circumjacent; ubi & modo suam possident coloniam, communiter Aguan dictam. Quodque mirum esse potest, non tam armorum metu, quam prona in suavissimum Regem inclinatione ac Sympathia se subjecere.

Sic porrò habitâ adversum Indos victoriâ celeberrimâ, juvenilem feriarî, aut ad inutilia diffundi, non passus est generositatem Habas. Moliri ociùs altiora voluit, quâ comprimis ratione obviam esse posset Othomannis, cane sibi pejus, atque angue exosis: à quibus quidem post annum præfatæ victoriæ celeberrima ad eum missa legatio; sicut & à cæteris principibus

circum-

circumvicinis, quæ ipse nominatus jam terror erat: demptis
 verò Indis, qui tametsi jam semel cruento acinace profligati;
 decimo nihilominus dein anno primum maximo cum fastu mi-
 fere Legatum superbissimum, nomine Halem Chan. Hic igitur
 solitis ceræmoniis indicaverat Habaso intentionem, men-
 temque Regis sui; nempe, desiderare eum, atque repetere à
 Persis Regnum Candahar. Quo audito generosissimus Habas
 mandaverat illicò, ut Indum illum ad se penitus adducerent;
 ficque sibi adductum genuflectere iussit; tum verò protinus
 flectentis corripuit barbam, incipiens hinc inde illius pertrahe-
 re mentum, dicens: Tunc cum hac asini caudâ, tuoque cum
 Rege Asino tractaturus ad homines audes? Qui, putas, Persæ
 sint? Et relicta barbâ, alapis fortiter percussit maxillas ejus:
 iubens inde suis, ut ignominiosè Indum aulâ pellerent; ne-
 dumque omnem ei ulteriorem aditum præcluderent; sed &
 quam citò suum ad gruum corvorumque Regem reverti, hoc,
 que sibi à Persarum Rege factum denunciare mandarent. In
 quo ipsimet Persæ fatentur hunc generosissimum Regem
 nimio furore ductum fuisse contra jus gentium cum præfato
 Legato. Is porrò Indus cum Regis cessisset aspectu, hic rosace-
 am sibi, aliasque odoriferas præceperat aquas afferri, quæ
 Regias lavaret, mundaretque manus, utpote, quod immun-
 dum, inhumanumque tetigissent hominem, Indumque illum
 barbarum. Post verò Regio voluit mandato, honorificentissi-
 mè sibi adduci Religiosum quendam, Ordinis S. Dominici Pa-
 trem Antoninum Thanij, qui tunc ex parte Romani Pontificis
 venisse supponebatur: is porrò sub id temporis aulam accesser-
 rat, negotiorum pro Catholica Provincia pertractandorum er-
 go. Cui singulares Rex exhibuit favores, & largitus est gratias
 in despectum Legati Indorum potentissimi præmemorati. Tali
 igitur felici, oportunaque datâ occasione præfatus Religiosus

potuit facillè prodesse Catholicis Naxivan, sicut & in aliquibus profuit, uti dicitur in articulo de Provincia Catholica Naxivan.

Aliud his occurrit, quod ampliorem laudis materiem subministrat. Hic nempe generosissimus Habas, magnam animi sui propensionem, mutuæque amicitiae, & benevolentiae perquam amicabilis in Augustissimum, Inviictissimumque Romanorum Imperatorem, & insatiabilis odij in Turcas, tesseram exhibuit.

Nunciabatur eidem gloriosissima illa de barbaro, superbissimoque Turcarum tyranno perquam feliciter obtenta victoria, per immanem duodecim millium cædem, acerrimo illo in conflictu ad S. Gotthardum, ut vocant, de qua & plura postmodum reperi in historia LEOPOLDI Cæsaris descripta non sine satis considerabili labore atque zelo à quodam Domino Galeazzo Gualdo in Italica phrasi. Cum etenim sub noctis tempus cum Satrapis, Proceribusque suis coenam Rex accedere pararet, accessit primus Regis explorator, aliàs semper Constantinopolis degens, & permulta expiscans Turcarum curiae secreta. Hic ergò pluribus apparuit cum comilitonibus, Regis sub secreti sigillo expetens audientiam; quem cum subito Rex in praesentiam admisisset, præauditâ magnâ sibi felicitatis deprecatione, secundum inaudijt adversus Turcas armorum successum. En (inquiebat post alia memoratus) Rex adorande! Mense præterito Romanorum potentissimus Imperator, Regisque amicus gratiosissimus glorioso Marte trophæa fecit, de communi inimico, foetidaque Turcarum gente, quam pessimâ clade dissipavit, adeò, ut coacti pacem expetant ab eo. Auditô nunciô perquam optato, prima Regis erant iussa, ut dilecto sibi nuncio Regia afferrentur munera, unumque ei ex Regijs offerretur poculis ad libandum. Tum verò Rex hilari circumspicere vultu coepit, miraque erga omnes Satrapas suos, Inclytosque Persarum, Parthorum, atque Medorum se circumstantes, lætitiæ signa

na edere; perjucundè tandem inquiens. Nonne & vos judicatis fidelissimi, decere omninò, ut instante hac etiam nocte, peculiaris paretur lætitia, Regioque nostro bibatur modo in honorem, salutemque triumphantis amici nostri Romanorum Imperatoris, qui glorioso armorum successu inimicam Turcarum gentem feliciter devicit? Cùm ecce unâ universi voce, inclinatoque capite, dignam justamque contestati sunt Regis intentionem. Igitur in majorem Ottomannorum contumeliam, amplioremque potentissimi Romanorum Imperatoris honorem, Rex quantocius jubet, parari Cehil Sutun, superbissimum palacium illud, de quo suprà (a) fusè disertum; omnes item alios convocari Principes non præsentes, ut adessent: universoque musicalis harmoniæ genere applaudi.

Porrò intra duarum horarum spacium paratum ornatumque; Cehil Sutun miro fulgore resplendebat ac Majestate. Quadraginta illius columnæ, quadraginta ex auro purissimo maxima sustentabant luminaria: quatuor item magnæ molis thuribula aurea, circa fontem in medio theatri situm, miram diversissimorum adoramentorum suavitatem exhalantia, cum duodecim candelabris succineis circum circa spectabili ordine collocatis. Aliâ denique ornatissimâ, preciosissimaque; suppellectile per omnia deliciosè adornatum palacium refulgebat, tantamque Regi Regioque comitatu solus vel ipse habitaculi fulgor elicuit complacentiam, ut nemo non gaudio interno superfus, exteriorem quoque in lætitiam diffunderetur.

Rex imò ipse accitum sibi Ministrum, ornamentorumque domus Regiæ custodem, eo quod tam aspectabili ordinatoque luxu fastuque Regium adornasset palacium, blando allocutus favore: Et tu (inquit) non ultra hoc fatigaberis servitutis officio; majora arti tuæ debentur præmia, quique diligenti adeo, velocique cura & Regias delicias nostras, & victoriosos amici

nostri Romanorum Imperatoris honores augere pro viribus conatus es; Princeps exhinc eris aulæ nostræ.

Illicò conscendit Rex paratum sibi preciosissimum sessionis locum, astantibus ad dexteram quadraginta splendidissimè vestitis Eunuchis nigris, totidemque non minori fastu venustissimis candidissimisque Ephœbis ad sinistram. Vidisses jam tum inter hos Regem, ut solem inter sidera emicare. Tum verò & Proceres Principesque omnes pro statûs sui conditione ad columnas suas supramemorato more (a) resederant: jussitque Rex, afferri sibi vinorum libamina; illud comprimis ex Architriclino suo Regio siscitans: num sciret, quâ ratione, modove Europæi suorum in honorem salutemque biberent amicorum? Is porrò consuetâ Persarû phrasi respondit. Sacrificium tibi sim, adorande mi Rex. Audijsse me, memini, ex nostris, qui Europæas quondam vidêre oras, Armeno-Persis; crySTALLINIS nationes illas libare scyphis: id, quod detecto capite patrant, & posteaquam biberint, scyphos terram deijciunt, suam ita de amicorum salute benevolentiam contestantes. Tales igitur (subjunxit Rex) nobis parato scyphos. Cumq; primus eidem rubicundo Schirasi (ut vocant) vino porrigeretur à destinato ad hoc officij genus ministro, accepto eo conformaturus se Europæo bibendi modo suum aliquomodo movit Tulbantum, in signum venerabundæ detectionis capitis (totaliter enim caput detegere nedum non moris est inter Persas, sed & maxima detegenti, illique cui detegitur, contumelia & ignominia reputatur) itaque Tulbanto aliquo modo moto, inclinatoque capite, ebibit scyphum in potentissimi Romanorum Imperatoris, Victoris & Triumphatoris Turcarum gloriosissimi, LEOPOLDI semper Augusti salutem; proijciens illicò scyphum, unde biberat, crySTALLINUM, ad medium theatri, ut in complurima frustra confringeretur. Collegerunt porrò sibi summâ cum diligentia & devotione Prin-

cipes fragmenta crystalli omnia, quippe quod ex sacratissimis provenirent Regis manibus. Sed & iusserat Rex Proceres universos huic solennitati præsentes, eo, quo ipse, modo, gloriosissimi Triumphatoris LEOPOLDI libarent sanitatem cum præfata motione Tulbanti, dempto, quod scyphos crystallinos in terram deijcerent; quippe, quod sibi tantum ut germano Romanorum Imperatoris amico in sincerioris benevolentiae tessellam singularem voluit reservatum prudentissimus Rex. Cæterum mos movendi Tulbantum ad amicorum salutem in convivij usque modo durat, ubi Persæ Magnates conversari contigerit, vocantque hanc cæremoniam Habassianam.

Hoc porro convivium nocturnum, summo tripudio atque hilaritate adusque solis ortum durasse, usque hodie contestantur, & gratulantur Persæ. In quo & tradunt sumptus abijisse maximos; præter quos, & Rex quinque dono distribuit Principatus, diversaque officia complurima atque munera in honorem Imperatoris Augustissimi benevolentissimam diversis edidit hilaritate.

Tandem (referunt Persæ) maximam generositatem animoque ferocissimo, leonem lateri theatri alligatum, vibratam frameam in duas dissecuit partes, contemptum ita Turcarum intendens, qui se se ferociam leones fingunt, existimantque. Hæc sunt, aliaque similia benevolentiae specimina, hæc edita nocte à Rege Habas, in honorem, salutemque potentissimi, gloriosissimi que Triumphatoris Cæsaris LEOPOLDI.

Quæ ubi per exploratores ad Turcarum Curiam delata essent; Turcarum, ferunt, Imperatorem hæc edixisse. Nil inde jam mirum esto, Persarum Regem, vel solo nomine Machometanum esse, dum magnifice adeo cordalique benevolentia sit congavissus illi, cujus reveram in corde fidem sequitur, Romanorum Imperatori. Et sane; fuisse hunc Regem Habas, præ

omnibus Persarum Regibus, Christianorum rebus deditissimum, & Machometanorum infensum, tam Persarum ipsorum testimonia, quàm ipsiusmet Regis contestantur facinora.

Etenim Pædagogum, sibi que valde familiarem sapientissimum habuit Doctorem quendam, nomine Achund Regeb Hali; virum, nedum apud Persas sanguine, doctrinâ, & famæ claritate optimum, à quibus proinde, uti à græcis Diogenes habebatur; sed & ipsismet Christianis æstimatissimum, utpote ijs omni benevolentia propensum, plurimumq; moribus & vitæ antiquorum Monachorum, Patrumq; deditum. Hunc ergò Habas comprimis suspiciebat, & venerabatur, adeo, ut nihil cunctatus regalem fastum ac eminentiam, potenti & magnifico stipatus comitatu, familiari eundem conversatione suo in tugurio invisere non dubitârit, blandiora etiam ultra horam cum eo pertrahens colloquia. Ab hoc suæ sumpsit Habas selectæ dogmata, quæ quarta Persarum erat, juxta quod supra (a) diximus. Unde Indolem Rex sortitus est, ratione ac mansuetudine Christianis similiorem & humaniorem, animum autem Machometicis nugis magis aversum, multasque palam etiam vilipendentem. Placeat ex his lectori benevolo unum percipere.

Injustâ quandoque cæde Regius quidam servus primarius Christianum occiderat Armenum, cujus porrò familia tota adversum homicidam ad Regem suppliciter exclamavit. Qui benignè exaudiens deprecantes, ocus ex summo suo Pontifice, & legum Interprete sciscitari fecit; ecquid præciperet hoc in casu lex Machometi? Is porrò responsum fecit: homicidam Machometanum, & præcipuè Regis Ministrum, vitâ minimè plectendum, sed quadraginta nummorum penso occisi familiæ numerando multandum, itaque plenam justitiæ satisfactionem esse faciendam. Quo audito: O miser (exclamat

Rex) Legislator ! O misera Lex ! O miser ille , qui eam sequitur ! Sic dictis , per primum iussit carnificem teneri servum suum , fodique humeros ejus , & foraminibus faces imponi accensas , capite vero verba hæc scriptotenens ad aliorum terrorem affigi : *Hæc esto illius pena , qui ausit occidere Christianum*. Itaque Camelo homicidam superimponi , totamque circuire Rex jusserat civitatem ; ac tandem cultro illi ventrem adaperiri , ut excidentibus sibi visceribus reatus iniqui poenas luat. Crudelissima hæc Habasi in Christianicidam vindicta , nedum Pontifici , sed & nonnullis in omni civitate , & regno circa Regis fidem , (Machometanamne , an Christianam ?) dubium fecerat.

Post hæc alia occasione Pontifex primus , cum quibusdam sectæ Regiæ Doctoribus Regem accesserant , colloquentes , & conquerentes , quòd Christiani Armeni suis affigant tabulas in Ecclesijs , & campanas faciant audiri , quæ omnia omninò altum inhibeat lex Machometi. Tum verò Rex optimus , cum blandè subrississet , magis exclamans : Miror (inquiebat) quâ vos ratione non pudeat , conqueri de nugis , qui vos Doctores esse profitemini ac Sapientes ? Num non ita magis vos nugatores estis , aut esse vultis ? Quantinam existimanda sit lex illa vestra , quæ ex insensatæ tabulæ , rudisque æris sono , quin & imò muscarum motu se se patitur alterari ? Quam nugatoriam infirmamque sic perhibetis nos legem vestram ? Tandemque pientissimus in Christianos Rex : En , ait , inevitabili authoritate nobis injungo , ut nemo posthac vestrum in Regia præsentia nostra vel verbo obloqui audeat de Christianis ; quippe , qui maturiora longè , & rationabiliora , atque altiora , quam vos ipsi , cogitant.

Dicitur & suos quandoque convocasse Pontifices , & legisperitos , interrogasseque edicerent , quod de Christo suâ opinione sentirent ? Qui hujuscemodi responso edixere. Agnoscimus equidem , ut magnum sui temporis Prophetam Christum , homi-

minemque innocentissimum, atque purissimum, nec non sine humano semine ex MARIA Virgine natum, qui & in vita sua miraculis claruit; sanctissimoque suo anhelitu, atque solo quandoque verbo, nedum infirmis sanitatem, sed & mortuis vitam ipsam contulit: qui tandem & in corpore coelos ascendit, ubi usque modo remanet, ita ut in terris dum viveret, mortem non gustârit. Ut idcirco Judæi sese deceptos credere possint; quem etenim ipsi flagellârunt, & crucifixerunt, non ille Christus erat; sed umbra ejus, aut corpus quoddam phantasticum, quod miraculosè repræsentârat Christum oculis Judæorum, inimicorum veritati Prophetæ hujus. Rex rursùm subinterrogans; Ecquid suo sentirent de Machometo? id responsionis audiit: magnum equidem fuisse Prophetam Machometum; eidemque à Deo per Angelum Gabriëlem missum esse, dictatumque Curani librum. Subjunxit porrò Rex. Bellane gessit? qui responderunt: quæ utique gessit. Rex: uxoresne plures habuit? Illi: quas habuit vel maximè. Rex demùm: Dominumne in alios & ipse exercuit? subjunxere: pariter & hoc exercuit. Tandem curiosus subinterrogat prudensque Rex. Mortuus, an non, est Machometus? Qui responderunt, mortuus utique Rex potentissime. Cùm illico subjungens Rex sapientissimus: Igitur, inquit, & meo, & cujuscunque ritè ratiocinantis judicio, ille magis æstimandus colendusque est, ut vir à Deo atque ex parte Dei, omnis puritatis, veritatis, sanctitatis, & tranquillitatis author, qui inordinatis passionibus illis, iræ, concupiscentiæ, avaritiæ, & hujusmodi, tandemque & ipsimet mortalitati, uti omnes cæteri subiecti sumus, subiectus non erat. Ut proinde, cùm talis Christus solus, non item Propheta Machomet, ut ipsimet asseritis, fuerit; jure huic ille sit antepositus, atque ut mediator Deum inter & hominem omni pietate colendus. Unde vel inviti animadvertere cogimini, quantâ sitis

ignorantiæ caligine obvoluti. Sicque confusos cum dimisisset Rex legisperitos, accersiri sibi voluit Reverendum atque Venerabilem Patrem Raphaëlem Capucinum, cum quo, uti aliàs frequentius affolebat, familiariora colloquia instituit.

Prænotatum porrò Reverendum Patrem Raphaëlem tanto prosequabatur Rex honore, atque amore, ut, cum eundem ad aulam suam regiam vocari fecisset, id uni primatum suorum aulicorum commiserit, qui cum Regionum equorum uno preciosissimè adornato, optimoq; servorum comitatu ei ex domo suâ ad aulam usque Regiam deserviret. Nihil porrò non dignum Rex adamaverat in Patre tanto: virtus enim eximia, omnisque qua pietas, qua lepor in eo habebatur. Unde cum pius, modestissimusque Religiosus, Regiam tantam persæpe experiretur gratiam, suavi quadam admiratione subridens, Religiosam suam, miro, & communiter viris Sanctioribus indito lepore objecerat paupertatem: Quomodo ergo deceret, inquit, rudibus indumentis ornatissimum Regis equum conscendere? blandissimo proinde joco baculum suum arripiens, verticemque capucio tegens, Religiosâ atque exemplari humilitate, ad intuentium ædificationem Regia insequabatur beneplacita, antecedens eos, quos sibi in comitatum Rex miserat, qui porrò ita & equum, à nemine infessum ad aulam post eum reducebant. Ab omnibus porrò in viâ illum intuentibus, honore excipiebatur, quod factum tum in Regis honorem, tum singulari ex devotione, quâ pleriq; Persarum erga virum ferebantur, qui & venerabantur eum ut Regis Præceptorem, qualem illum & passim vocitabant. Cum verò ad aulam mansuetissimus devenisset, Procures omnes, atque Aulæ Magnates, benignè eundem venerabundi, ad Regem conducebant, quo ille viso, præ gaudio in risus primâ fronte diffundebatur; altâ verò tum voce inclamare solitus: En, adest

dilectus nobis Raphaël! Illum igitur hilari vultu ad se vocans, in proximo sibi assidere fecit, super preciosissimos tapetes, & cervicalia. A rege tandem interrogatus, num equus eidem pro itineris commoditate transmissus placeret? modestâ omnino humilitate, & suavi lepore, non se eum conscendisse asserbat, quippe veritum, ne Persarum pueris risus foret materia. Ridiculosum etenim & sibi videri, cum rudi, uti suus erat, indumentorum genere, ornatissimo Regis equo insidere mendicum. Tum verò Rex subjunxerat. Rectè utique asservisti: nostrâ igitur liberalitate preciosos pariter obtinebis amictus, sic vel imposterum generosum Regis equum condecenter ascensusurus. Rarum porrò dederat hac in occasione virtutis specimen vir Dei eximius, nempe non ex aulæ frequentatione, aut Regis gratiâ factus elatior; sed ad ipsa Regio ore sibi oblata munera exundante cordis compunctione illacrymans, suaque, quam professus est, mendicantis super humilitate sic protestatus.

Non erit parvum, quin imò, multum erit, potentissime Domine, vel hoc rudi grossoque indumentorum genere, jejunijs, & orationibus assiduis vitam agere Deo placidam, omnemque carnis insolentiam rationali spiritui servare subjectam. Quibus summâ mentis attentione auditis atque ruminatis ad suos conversus Magnates Rex, inquit: Ecquid vos de pietate, humilitate, & veritatis zelo hominis hujus, fideique ejus? Usque eo ille sanctæ innocentiae & tranquillitatis Spiritu exarsit, ut Patriam suam, omnesque humanæ vitæ felicitates deseruerit, Regiam & imò gratiam nostram, sibi parato corde oblata, adhuc aspernatus, paupertatem & bonas mentis qualitates omnibus anteponat. Zelumne hunc generosum consimili quodam opere imitabuntur Machometani Religiosi vestri, Doctores, Pontifices? Non utique, prouti nulli ignotum esse potest.

test. Non igitur vos demiremini, totumque Regnum longiori id sibi considerationi sumat, adamare me singularius, rario-
 rique amore prosequi virum tantum. Atque ita quidem pro-
 secutus est Venerabilem hunc Patrem Raphaëlem, ut nedum
 ejus personam multo semper honore affecerit, sed & ad ejusdem
 instantiam diversas alijs, tum Christianis, tum infidelibus, elar-
 gitus sit gratias, hic ab Authore brevitatis ergo non enarrandas.
 Sic nempè sanctitas, utrobique suum fortitur patrocinium, æ-
 stimata nedum à Sanctis, sed & à non Sanctis multo in precio
 habita. Quem poterat Herodes odisse Joannem, à sanctitate
 respexit: & vel inter mille, milleque accusantium ora, pro ipsa
 innocentia Christi, uxor Pilati non intermiserat perorare.

Sed neque sola, quæ in Venerabilem virum totis me-
 dullis diffundebatur, Regis erat gratia: aula in eum omnis spi-
 rabat amorem, & quod mirum erat, vel mulierum nobiliorum
 non subterfugiebat favores, nonnullamque earum optimâ famâ,
 magneticâ veluti virtute in lepida secum colloquia attraxit.
 Cum enim Principissâ quædâ, gratiæ leporisq; ejus permulti fa-
 cta esset conscia, expertura, num veritati consona sibi hoc de
 Viro Venerabili sint recensita, magno quandoque ancilla-
 rum Eunuchorumque comitatu invisebat eum, seu subdolis
 blanditijs muliebribus eundem tentatura, seu super vitæ ejus
 austeritate condolenti animo eundem solatura: Eum porrò sic
 allocuta. Magnalia hac audiuntur in civitate, totoque penè reg-
 no, de fama, sanctitate, atque doctrina tua; id porrò unum
 cunctis summopere displicet, & displicere potest, comprimis
 mihi, quod uxori te junctum esse nolis, sed in habitu hoc abje-
 ctissimo, & ludibroso, vitam ducas rigidam, solitariam, asper-
 rimamque. Vir porrò Dei Spiritu plenus, muliebri condolens
 insipientiæ, carnis infame jugum præ suavissima Spiritus liberta-
 te amanti, respondit innatâ sibi gratiâ; obligatum se se sentire,

de affectu ejusdem tanto quo se invisere dignata sit in persona, subintrareque abjectam suam paupertatis domunculam. In reliquo consilium de uxore assumenda omninò sibi non persuaderi, quippe quod aliorum uxoratorum terreatur exemplo, cum quibus multipliciter conversatus, sæpiusculè & ut plurimum expertus sit, non esse hos de statu suo conjugali, & mulierum suarum solatio contentos. Cum igitur, ajebat, ego absque uxore in paupertate vivens ad usque hoc seniū meum contentus vixerim, nolim assumere statum eum, quem in senectute contentus transigere nunquam possem. Quod si quæstio faveat, Domina gratiosa: quænam Persarum mulierum delicatissimarum, omniq̃ue fastui, tum in suo, tum in suorum virorum incedendi modo assuefactæ, usque eo se resolvere possit, ut amet conjungi mihi, neque horreat, rudem, simplicem, & abjectissimum hunc meum incedendi modum? Curiosa verò illo subjecerat Principissa. Nihil est, in quo tergiversaris amice; tu modo assentiri velis in uxorem ducendam, ego & vestes elegantes, & universa necessaria, tibi uxoriq̃ue tuæ pro liberalitate mea competentissimè subministrabo. Tum verò ille: minimè tua dubito de munificentia liberalitateq̃; quam vel inde non possū non præsumere, quod præter nobilium Persarum mulierum morem, abjecto me invisere in tugurio, dignata sis. Cæterum cū habitus hicc, tametsi oculis abjectus, mysterium quoddam singulare sit Spiritus mei interioris, quem Deo à juventute vovi, si cum deseruero, morti proximus ero: unde præstare omninò arbitror, vivere in eo absque uxore, quàm hac assumpta, illoq̃ue relicto, morti spontè me dedere. His consimilibusq̃ue rationibus, & suavi semper dicendi lepore, mulier non tam confusa, quàm faciata suos repetijt lares: idemque factum pluribus enarravit, adeò, ut volante tum vulgi, tum status nobilis super hoc heroico facinore celeberrimâ per omnium ora laude, id ipsum ad

ad Regias usque pervenerit aures, qui ocius dilectum sibi Venerabilem Raphaëlem accersijt, hilarique omnino curiositate rei seriem ab ipsomet lepidissimè descriptam audiijt, nullâque non admiratione tantam viri constantiam æstimavit.

Ast; ubi ex occasionaliter dictis ad Regem rursùm devenimus, dicendum quod restat, nempe; optimè eum, multoque amore ac favore addictum fuisse Europæis; adeò: ut & modum induendi, incedendiq; eorum curaverit habere in quibusdam aulæ suæ servitio addictis: undè ex diversis Europæ nationibus diversos sibi assumpsit artifices, ut aurifabros, pictores, Horologiarios, quos & optimo cum salario, debitoque amore atque honore ab omnibus haberi voluit, prout & habiti sunt, & usque nunc habentur. Cum porrò hi vel curiositate, vel delectatione, aut quovis alio fine ducti, in tempore Regis illius Europæas exuissent vestes, Persicis induti; illicò ab eo jussi sunt Persicas seponere, atquè Europæis reindui, pro gustu suo, regioque beneplacito, aulæque suæ honore atque decore.

Ne porrò nimia prolixitate fatigemur, hæc de Rege optimo Habas secundo dicta sufficiant. Cui suus successit filius, modernus Rex nomine Solimannus: qui tanquam primogenitus Habasi, prægrandi ceræmoniarum solennitate assumptus est ad paternum sceptrum, & primitùs quidem Schah Sephi appellatus: Cæterùm ex supersticiosâ siderum inspectione dein Astrologi deduxère, mutandum ei nomen, nonque amplius Sephi, sed Solimannum esse compellandum.

Floridâ porrò hic adhuc ætate fruitur, annorum videlicet sortitus 36. circiter facie non penè absimilis Parenti suo, animo, genioque hilaris omninò, & conversatione amicus ac Jovialis, staturæ mediocris, sicut & in cæteris, quæ Persarum Regibus communia sunt, medio incedit modo. Bellum in Personâ, ex quo sceptrum sortitus est, cum nemine habuit; sicut

antecessores habuère sui, tametsi fervidus eum devastet in corde carbo, miscendi quandoque aciora cum Turcis prælia. Est porro & potentissimus Rex ipse Christianis, tametsi non in quantum parens suus, permultum tamen, ut alibi dicam, benevolus nunc, atque affectus, tametsi primâ fronte Regia, utpotè adhuc recentiorum educationem, & juvenilem zelum spirante, in superstitiones Machometicas, Christianis æquè non fuerit propensus. Ex eodem zelo Machometico, in principio regiminis sui omninò bibere vinum abhorrebat; rigorosissimâ imò per Universum Regnum suum capitis pænâ inhibuit, ne Persarum ulluspiam Machometanorum vinum bibere præsumat. At, sicut omne principium fervidum temporum successu ut plurimum tepescit, tepuit & hic zelus Solimanni, ut suorum antecessorum incipiens sequi vestigia, magis superstitionum hominum futilia dictæria, adusque hunc diem, & satis quidem avidè vinum bibat.

Duo porro in vino Rex iste habet præ antecessoribus suis. Primò, cavet inebriari illo, curat autem suos inebriari Principes, à quibus proindè valeat expiscari cum primo Ministro suo, qui vinum nunquam gustavit, aut gustat, super factis eorum, quibus pro meritis aut demeritis valeat retribuere. Secundò, dum vina libat, non adeo severus, immitis, atque crudelis efficitur, uti cæteri solebant Persarum Reges: unde per hos regiminis sui annos, non nisi uni ex Satrapis in vino jussit auferri immediatè vitam, de quo in Articulo de Principibus, duobusq; Principibus brachium abscindi dextrum. Cæterum in his atq; similibus mandatis apud Persas pro ratione sola stat Regis voluntas. Atque inde est, quod Persarum Magnates in Regis præsentia, continuâ torqueantur incertitudine, summoque semper stent in timore, nescientes tempus, horamve, quâ fors immunes Regis indignationem evadere possint.

Hac etiam dolosâ uti solent politiâ Persarum Reges erga Magnates & Principes suos, idque ob hanc rationem, quod omne Regis factum inter pocula, non Regi, sed vino attribuitur, quamvis de industria, & ex proposito Rex agere crudeliter intenderit.

Consilijs porrò, nisi gravissimis, Persarum Reges rarissimi interfunt; sed ea primo, cæterorumque Ministrorum fidelitati committunt; qui enucleatam consiliorum suorum resolutionem eidem deferunt, & quidem, si magnæ considerationis est, in scriptis appositam. Tum verò Rex ipse negotium cum quibusdam confert mulieribus, quæ seniores habentur, atque prudentiores, majoris super historicis traditionibus experientiæ, quippe cui ex professio incumbunt. Harum porrò consilio habito, atque cum Principum suorum consilio collato, Rex cum primo Ministro suo, primisque quandoque duobus Pontificibus, suo negotium sensu sancit, atque concludit. Cæterum tametsi negotia magnæ considerationis evenerint, multâ non solent, ut quandoq; cum detrimento sit, morâ differre resolutionem, rati, & benè, negotiorum gravitatem etiam temporum decursu sua sumere incrementa, neque tanto labore primas sopiri debere in camino flammæ, quanto debent, ubi multiplicatæ universæ penè domui exitium comminantur. Levioris verò negotij momenta totaliter à Rege Ministrorum committuntur fidelitati, qui sincerissimè diligentissimeque omnia prosequuntur. Quodque mirum est, atque hoc sæculo esse debet; si casus quipiam evenerint sinistri, ut rebelliones intestinæ, aut hostium exterorum subitæ irruptiones, aut similia quædam immincant Regno mala; Principes his omnibus magno inter se silentio curant remedi, omnem Regis scitum præcavescentes, ne scilicet mens ejus, tantummodo colenda atque adoranda, quadam inquietari valeat perturbatione. Quod ubi
in-

insufficientia fuerint insperatis eventibus potentia suæ remedia, Regis tandem commonent, & blandâ modestiâ excitant Majestatem, extento brachio, vel competenti quavis potentiâ malis instantibus obviare.

Ut jam admirationi locus absit, quâ ratione Persarum Reges, summâ vitæ tranquillitate, delicijs, aptatissimoque fruuntur regimine: etenim ineffabilis hæc ministrorum fidelitas, quid est, nisi semen fructificans pacem intestinam, & incutiens terrorem exteris: cùm econtra infideles Ministrorum animi fomenta sint, unde hostium phalanges in prælia succenduntur, patriaque cineribus obruta, vel Phœnici unico reviviscere non concedit. Illud admirationi potius esto, quia rarissimum: Regibus severis, crudelibus, & tyrannis in Proceres ministrosque suos, hos nihiloferius, tantâ devotione, obsequio, amore, atque devotione perdurare, ut nedum bona commodaque propria, sed sanguinem vitamque omnino ipsam, pro Regis & Patriæ incolumitate, velint, studeantque semper exponi: quippe quæ omnia, ut inquit, primò à Deo bonorum omnium datore & creatore, dein verò & suo à Rege, at omnium possessore ac Domino, communique omnium oppitulatore sortiti sunt. Utinam (liceat devoto votum!) vel vos fideles Regi, etiam effectis fideles Deo; vel vos qui fideles Deo estis, Principi semper & vestro fideles sitis.

Porrò in confirmationem constantissimæ devotionis & fidelitatis Persarum in Reges suos quantumvis crudeles, faveat adducere exemplum quoddam, assiduâ omni aulico ponderatione dignum, de potentissimo quodam Vice-Rege majoris Armeniæ, sanguine opibusque celeberrimo, Regique multiplici ex capite, quorum unum singulariter paulò infra exponam, dilectissimo, nomine Sephi guli Chan appellato.

Septem igitur præterlapsi sunt anni, cùm nominatus primus majoris Armeniæ Vice-Rex Sephi guli Chan, novo titulo Regis

gis obtinuerat amores, quos uno dein vel exiguo momento infelix rursùm perdiderat. Postquam enim per trium annorum decursum id unum sategisset, ut per Procuratores Regios, continuò ad Regis aulam stantes, consensum Regis evinceret. quo liceret sibi, ad Regiæ Majestatis Suae obsequium offerre filiam suam; tandem resolutionem adeptus de benevola Regis acceptatione, id maximo fastu luxuque attentavit. Tantoque cum splendore speciosissimam filiam suam ad aulam Regiam dimiserat, ut præter ea, quæ pellex corpre gestârat, ornamenta, omnemque fastus suppellectilem Camelorum quingenti deferre deberent; comitatus verò ejusdem esset duorum millium armigerorum copia. Confecto igitur per duos menses itinere, cum ad Regiam devenisset; non illico, sed post mensem ad Regis admissâ præsentiam, fastum pulchritudinemque uti secumtulerat, ita Regis admirationem atque amorem subito promerita erat cum tota familia sua.

En verò rectâ qui in domibus Regum sunt, aut alto Principum favori innituntur, *tolluntur in altum, ut lapsu graviore ruant.* Duos etenim post annos inconstantis humanæ gratiæ pœnas luit infortunatissimus Vice Rex, cum filiâ, totaque domo atque familiâ suâ. Idquæ ex levi solùm suspitione ab alijs Principibus Regi adversum eum delata; comprimis ab Armenorum Patriarcha Jacob; de quo alibi. Tenor porrò suspicionis erat, præfatum Vice Regem Sephi Guli Chan, peculiari occultâ quadam tractare intelligentiâ cum magno Turcarum Tyranno, atque aulâ ejusdem. Cum illicò Rex pristina omni benevolentia sejectâ, uni è centurionibus suis, nomine Saru Chan beg, in mandatis dedit, ut formato indignationis Regiæ decreto, junctus Vezirio seu Cancellario in Civitate Tauris residente (de quo supra mentionem fecimus) omni festinatione nominati Vice Regis adiret residentiam, eundemque ci-

E c

tra

tra tamen vitæ ademptionem, obrueret, atque catenis vinctum ignominiosè ad aulam deduceret; ipse item cum Vezirio sibi adjuncto, bona ejusdem omnia confiscarent, regiosque inter thesauros fideliter deferrent.

Actum est proinde ab his, quod à Rege sibi imperatum, juxta morem scilicet modumque Persis communem, quem & hic percipere, amicus non gravabitur Lector. Nempe, cum considerationis altioris Princeps, Regis indignationem, sine tamen capitis pœna, incurrit; minister ferens decretum indignationis Regium, sine ulla morâ, atque à nullo ministrorum aut aulicorum reo deservientium prohibendus, despoticè atque imperativè accedit eum, tapetes Persarum more solito, preciosos humi stratos, pedibus, ferratisque militaribus ocreis fœdat, atque conculcat, omnique solitâ amicabili inter Principes salutatione prætermisâ, Regis per decretum denunciat indignationem, inhibens omninò, nec vel loco se se moveat pronunciatus à Rege reus. Viso porrò Regis decreto Princeps indignationi subiectus, suum proprijs ipse manibus sibi cingulum è corpore dissolvit, ministroque Regio offert, quo suas jam sibi parato, à tergo liget manus, insinuans ita pro more, destinatus reus, non ultra cingulo se dignum militari, neque mereri dominium, quo fruitus erat per meram Regis gratiam; sed juxta justissimum ejusdem decretum, destinatis ignominijs, & placidis Regi pœnis prònum se subjacere. Tum verò ligatis ita ejusdem manibus decretum ei Regium, ab aliquo familiari suo prælegitur, ipseque ad pœnam juxta Regis arbitrium taxatam irrevocabili obligatione adstrictus habetur.

Quod si verò decretum de morte sit inferenda; reo dimidium quasi horæ spacium conceditur, ad præmittendam tunc lotionem atque orationem, quasi suorum sic acturo confessionem, atque pœnitentiam delictorum. Quibus porrò per-

actis

actis reus, suo se primo coram Rege, qui Deus in cœlis est, fecisse satisfactionem, contestatur, tum verò ut & Regi secundo suo, qui in terris est, suorum sustinere possit poenas delictorum, supplex flagitat, neq; recusare se ad Regis justissimam voluntatē omittere vitam, quam eidem habet debitissimam, si etiam haberet millenam. Itaque dicto vale amicis atque adstantibus, propria ipse spontè flexus sese carnificis obijcit ensi; qui decollati caput certis quibusdam & à subita corruptione præservantibus oblini unguentis, itaque oblitum & hastæ superimpositum, Regi deferitur, qui pro velle vel nolle suo illud coram quandoque videre desiderat, soletque. Tanta porrò est Persarum subiectio, atque promptitudo in Regem suum, ut ignoratâ etiam causâ, stante solâ ejus pro ratione voluntate, quodlibet mortis genus subire non tergiversentur: & neque patitur altitudo Majestatis judicia sua scrutinio ventilari subditorum, neque permittit submissionis promptitudo de justissima Regis voluntate uspiam dubitare.

Ubi autem Regis decretum capitis condescenderit poenâ, solam rei captivitatem, & bonorum suorum confiscationem demandans; non solum reus cingulum militare suum deponet, manibusque ligabitur; sed & vestimenta, quibus indutus fuerit, honestiora exuet, capitiq; suo vile Tulbantum, non coloratum, uti Persis in more est, sed album, uti Turcæ gerunt, in ignominiâ assumet, rudiq; & nigri coloris togâ indutus, mulo parvulo superinsidens, ac pendulis pedibus sub muli ventrē catenis ferreis colligatis, dextro verò brachio cepis ad collum ligato, multo opprobrio ad Regiam deducitur, atque pro graviore, minorive delicto, & Regis arbitrio, in arce Regiæ, vel alio quodam carcere, quorum per multos diversis in locis arctissimos habent, asservatur, liberandus quandoque, quidam verò inibi perpetuò juxta Regis placitum mancipandus.

Hoc porrò charitatis & humanitatis hujuscemodi captivo, mortis non reo, Persæ juxta legem moremque suum exhibent, ut dum in itinere est usque ad Regiam, omnes eundem invisere possint, inque suis domibus veluti Principem tractare, solutis quidem ex ipsius pedibus catenis, minimè vero cepis ex brachio dextro, neque mutatis captivitatis indumentis.

Ita igitur infortunatus evasit Sephiguli Chan, Regi cæteroquin tum titulo collatæ filiæ, tum alijs complurimis dilectissimus, suo ipse edoctus infortunio, cum omnibus suis, & precipuè filia, quam ignominiosè expelli Rex jussit è sua domu. Quo & plurimi vel hodie edocendi, quàm tremulo pede in Regum gratiâ sit incedendum. Est enim Regis animus favorum officina pariter & furorū. Quam item malè tutum sit fidelitate soli suo non stare Principi, & clandestinis intelligentijs extero Domino commisceri. In glacie stant, qui sic stant; facili indies casu collotenūs mergendi, si omnino non submergendi. Placeat hic obiter magnum Regis hoc in casu enumerari proventum. Equorum enim nominato à Vice Rege relictorum inveniebantur, quatuor, & ultra, millia; tria pariter, & ultra, millia Camelorum; tanta porrò peccuniarum quantitas, quæ quingentis camelis oneratis deferri debebat, relicto innumero preciosissimoque armorum genere, cæterâq; universâ & splendidissimâ suppellectile, cum vasis argenteis, aureisque seu omni demum substantiâ residuâ & incomparabili. Lapidum item preciosissimorum, rarissimarumq; unionum thesaurus erat prægrandis, aliaque tam virili quam muliebri accomoda ornamenta, copiarum quidem talis, qualis cæteroquin esse non poterat, nisi potentissimi tantummodo Regis. Unum, cætera inter, in cistâ quadam ferrea, magnum adinvenere clypeum, tanto gemmarum precio insertum, ut peritorum æstimatione florenorum etiam millionem excedere visus sit. Tantus deniq;

the-

thesaurus sub Fisco comperiebatur, ut supramemorati Ministri in eo exquirendo, conscribendo & registrando octo mensium dies insumpserint. Cùm econtra omni suo in opprobrio atque jactura Sephi guli, adhuc mentis tranquillitate, generositateque animi gauderet; constitutus etiã in carcere cum uno dilectissimo sibi filiolo, Mehri Hali nomine, in arce quadã extra Regiam Isfahan nullo non generosæ resignationis solamine abjectum, cor erigere conabatur; quã sanè ratione nedum Persarum mentes rapuit in admirationem, sed & omnis nationis indolem commovere posset ad imitationem. Enimverò & egomet in Persona captivo trinâ vice cum Superiorum licentia invisurus adfui, obligante me ad hoc gratitudine super beneficijs compluribus, quæ ipse ad petitionem, atque in gratiam meam benignissimè contulit nonnullis Episcopis, & Conventibus Christianorum in Armenia, cujus egerat Vice-Regem. Omni porrò vice, mirabar Principis tanti æquanimitem etiam in adversis, quã sanctum patientiæ prototypon in se se monstraverat quasi effigiatum, illud persæpè singultante quidem spiritu, hilari tamen animo erga Regem suum ingeminans, quod Job suum erga Dominum Creatorem. Mihi, inquebat, gratiosissimus Dominus & Rex meus Sciah bona illa, qualiacunque habui, omnia, ultra mea dederat merita, illa nunc rursus abstulit, ob mea demerita. Ejus igitur sancta & justa in me voluntas, suum sortitur finem; remanente suâ Deo & laude, quod majori in Regis conspectu gratiâ fruar, quã vitam adhuc mihi, cùm auferre potuisset, quippe post Deum sibi etiam consecratam, benignissimè concessit. Talis quidem nondum esse poterat spiritus in filio juvenilis; qui patrios inter lares mollihus nutritus, & libertate erat gavisus; is porrò de dura malesentiens captivitate, à patre quandoq; tentârat, sibi tandem interficere sese præstaret? quem verò ille increpans aiebat: Eccur nate dilectissime juvenili in-

ſipientiâ, atque animi vilitate ſeduceris, ut ſubinde perdere intendas honorem & ſinceram atque fidelem ſervitutem noſtram apud Regem gratioſiſſimum, Magnateſque noſtratum Perſarum? nempè omnimodâ etiam in adverſis fidelitate Miniſter quiſque ſervus, & cliens Regis, proindè & nos vel in carcere ad omne juſtiſſima volentis Domini mandatum tantum adſtricti ſumus, quantum vivimus. Vitam dum ille benigniſſimè largitus eſt nobis, volens nos carceris correptione pati; tu jam adverſa hæcce, quæ morte minora ſunt, ſufferre recuſes? Altus adhuc ſanguis etiam in carcere eſt, ut altam indolem, altiora meditari potentem alat. Quòd ſi imprudentem ultro tam ignavi animi juventutem ex te compererò, nullus patiar, ut temet occidas ipſe; ſed ego genitor uti ovem te in obſequium honoremque Regis noſtri, oblitus paterni amoris, ac ſanguinis, qui es, mei, inevitabili zelo, & furore maſtabo.

Colligat vel inde prudentiſſimus Lector, ab exemplo utiq; memorabili, quantâ per omnia devotione atque fidelitate Perſarum etiam Magnates ſuos ferantur erga Reges, ſi etiam hi, vel injuſtè, vel crudeliter in eoſdem agant. Inde & florida tanta eſt eorum Monarchia, toto nedum oriente, ſed & orbe celeberrima; quod formido, atque obedientia in ſubditis, quod potentia atque Majeſtas in Rege vigeat, quâ & hic & illi, communi particulare norunt anteponere bono, quod & naturæ ratio dictat.

Inter alia cæterum humanitatis atque juſtitiae munera, quorum præ alijs Orientis Dominis ſinceriores ſunt obſervatores, Perſarum Reges duo ſingulariter ſuos erga Miniſtros atque Magnates obſervant, dum capitis, vel carceris pœna ſunt puniendi. Primum eſt; Immunitas à pœnâ capitis: hanc enim quidam obtinent, ſive per merita propria, & generoſa pro Rege vel patria facinora, ſive ob merita antecellorum ſuorum:

his

his namq; aureis datur caracteribus exaratum inunitatis diploma Regium, tenore cujus per omnem eorum generationem, quocunque in crimine deprehensus quisque sit, capitis, mortisque pœna liber est, tametsi carceri, & confiscationi bonorū pro Regis, sive iusto, sive iniusto arbitrio obnoxius maneat.

Paucissimi autem inveniuntur totâ in Perside Magnates, qui tali fruuntur privilegio, quos inter specialis est moderni Regis primus Minister Sciech Hali Chan; ex titulo Hedima Dolue: qui quamvis multa cum familia sua universa perpeffus sit ab hoc Rege, eo comprimis, quod vinum abhorruisset bibere, ut alibi commemorabo; cum tamen hac prœmunitus esset immunitate, crudelem Solimanniensem, quem alias pridem degustans terram momordisset, semper evasit.

Secundùm, quod Persarum Reges in Magnatibus, quos capite puniunt observant, illud est; quod si dicti rei olim vel ex meritis, vel ex Regiâ gratiâ in quandam collocati sint dignitatem, cum vitâ, sive ex iusta, sive iniusta Regis indignatione fuerint privati, eorum dignitates, filij, nepotes, aut pronepotes conscendant, aliosve ad gradus sive superiores, sive inferiores pro Personarum qualitate ex Regis gratiâ collocentur, ne suorum antecessorum merita in se omnino vacua censeantur.

Hæc potissima sunt de Regibus; de quibus ultro sciendum occurrit: quod si in eorum propagatione linea deficiat masculina, ex genere Regis Scytharum tum sibi asciscere teneantur; id ob affinitatem, quam dicunt Regiam Persarum familiam sortitam esse cum familia Regia Scytharum, per Tamberlanum olim potentissimum Scytharum Regem. Cæterum usque nunc Reges non defecere propagatione, uti librorum monumenta testantur; mihi genealogiam Regum texere non incumbit. Vivit autem Solimannus modernus perquam felicissimus, gaudet filiis, & filiabus; unicum verò fratrem

trem suum ante annos sex, cum viginti annis plus duos natus esset, juvenis generosissimus formosissimufque, ad instigationem maximè primi sui moderni ministri luminibus orbari fecit; veritus forsan, ne sua paulatim adolescens ætate, dentes acuat in sceptrum, seque potentiori rabie è folio abstrudat.

Denique de sigillo Regum Persarum & hæc sit Lectori notitia perbrevis. Etenim tametsi non omnino eodem cum antiquis, nec tamen omninò alio ab illis moderni utuntur Persarum Reges insigni. Antiqui quippe solem tantum, moderni verò, & solem, & in ejus medio leonem gestant. Sole quidem Deum illi repræsentare, & sanguinem Regium, quem Sanctum & veluti in terris divinum, quia supremum, indicare autumant; moderni verò, huic significationi aliam addidere per leonem, quo Hali suum intelligunt, tanquam fortissimum & invincibilem Dei Machometique defensorem; quem proinde Sciri Chuda solent vocare, id est, Dei leonem.

Ast miseri, sol iste vester est, qui, cum ille justitiæ venerit, non dabit lumen suum; cum vobis nunc cum mendaciorum figmentorumque artifex infernalis divinitatis colore depingit resplendentem. Leo iste vester est, qui, cum ille de Tribu Juda aderit, cum aspide basilisco & dracone conculcatus jacebit, cum interim hac in mortali vita circuit quærens quem devoret; cui nos resistimus fortes in fide Christi: vos verò miserabili ignorantia ejusdem faucibus infidetis, justo Dei judicio non eripiendi, sed æternali furore atque rabie devorandi.



ARTICULUS XVI.

De Aulâ internâ, quæ est mulierum Regis Persarum, nec non de eorum Generali Zelotypia circa mulieres à virorum consortio abdicandas.

PRO fastu partim, partimque pro religionis observantia, tum antiquitus erat, tum & modo est populis Orientalibus, Christianis demptis, uxorū pluralitas, & copia concubinarum, quas proinde, summâ cautela & observantiâ custodire satagunt, per Eunuchos, ab alienâ virorum præsentia. Id quod comprimis à Persarum Regibus modernis præcæteris observatur. Hnde & his, & proceribus suis atque Magnatibus, duplex esse aula solet. Externa una est virorum frequentationi exposita, quæ in eorum Vernaculâ Merdane dicitur. Altera interna, quâ solæ recluduntur mulieres, vocantque illam juxta vernaculam suam Zenane, seu excellentiori vocabulo, Herem; quod significat domum secretam, sive absconditam, quippe, quam nemo virorum accedere ausit, nisi dominus ejusdem domus. Summâ proinde Zelotypia, sedulitate, ac circumspeditione, nedum Reges Persarum, illorumque Magnates, sed & plebæi suas solent ab omni virorum conversatione, imò & aspectu arcere uxores, adeo ut neque consanguineos eis colloqui, aut conversari permittant. Unde & fæminæ Persæ traducto mox septennio ætatis suæ, velo quodam albo per totum corpus suum à capite usque ad plantas, cooperiri debent, ad decrepitam etiam ætatem usque; quo & se se industriose involvere sciunt, ut solis oculis prospicere possint in viam, quâ cum domo forsan egrediuntur, incedere debent, nempe, cum de virorum suorum licentia ad convivia scilicet, aut nuptias amicorum consanguineorumve suorum, sive etiam

ad balnea, quæ semel in hebdomada frequentare solent, accedunt. Quod quidem de cæteris fœminis intelligendum, non verò de Regijs, de quibus alia infra. Solent autem has & similes conventiones, conversationesque semper inter se, & à viris segregatim habere; ubi tum cantant, saltant, ludunt, jocantur, diversaque curiositatis exercitia patrant; quædam verò earum industriofo atque acuto genio rythmos combinant, & cantilenas, tum sacras, tum alias amatorias, quas dum canunt, suavi nonnullæ instrumentorum harmonia alludunt, & omnis demùm generis lætitiis muliebres pertractant; in hortis, balneis, alijsque domesticis habitationibus, quas eis de industria adornañt & extruunt viri sui; sed & virtuosissimâ intendunt arte in laboribus diversis, huic sexui familiaribus. Nonnullæ pariter peritissimas se se assiduâ lectione reddunt, in historicis, moralibus, poëticis; & quascunque terendi temporis inventiones habere possunt, arcta eos clausura docet, & solitaria vivendi ratio. Ipsæ porrò hunc ipsum segregatim vivendi modum, nedum non odio habent, sed & probant; fatenturque honestam hanc hibi incarcerationem omninò esse competentem, quâ tum ipsæ ab insolenti alienorum insultu hortum honestatis & pudicitia suæ teneant obseptum, & mariti eorum de fidelitate integritateque suâ indubij conserventur: suum etenim agnoscunt sexû fluctuantem omninò, & de facili ad fragilitatem proclivem; miranturque tum ipsæ, tum viri Persæ, horrent imò audire de more Europæorum, tantam mulieribus in conversatione libertatem admittentium; quod & eorum multi omninò non credunt, dicentes: scire se Europæos sapientia & generositatis studiosos, nec videri sibi possibile, quam ratione claudicare in puncto tanti momenti possint: quippe quo honor & fama bona facili omninò periculo expositus esse creditur, imbecilli nempè muliere, & pro sexus sui conditione, inordinatè sæpiùs concupiscente. Ob-

stiteram

stiteram nonnunquam & ego ijs, concludens per nonnullas rationes, Europæas nationes ex indito sibi genio, hac fragilitate esse remotiores; asserens imò, jure Persas suas coërcere à libertate foeminas, quippe, quæ semper emptitiæ sunt, atque adeò mancipandæ; nemo quòd eorum ducat uxorem, quam certà non dote necessario donet, juxta eorum practicatum morem, quem usque adeò Europæi ut necessarium non respiciunt, atque hinc majorem suis mulieribus libertatem admittunt. Melius porrò, ij inquebant, esse, si mulieres sub ugo retentæ libertate priuentur omni, exteraque arceantur à conversatione, quippe, quibus nihil cogitare sit, consulereve de bello, politica, statu, religione, disciplina, arte, vel mercatura, alijsque negotijs altioribus, queis jugiter viri incumbere tenentur. Rebus proinde familiaribus, atque domesticis mulieres addictæ cùm sint ex genio suo, domi jure optimo mancipientur; tum verò & melius procuretur virorum complacentia suorum, & muliebris pudicitia saniori consilio certiorique servetur illæsa. Collimantes utique in illa Plutarchi verba: *Fœmina postquam nupserit, & corpus, & patrimonium, & libertatem, & voluntatem, seq̃, su. q̃ omnia mariti unius imperio & potestati subijcit; quamobrem si uxor aliud, quàm maritus, velle, aut aliud, quàm ille, amare audeat, non curiosam, aut amatricem, sed furem manifestariam appellabimus; non enim tantum damni viris fures dant, pecunias auferentes, quantum uxores animo ab illis alienantes.*

Tam denique sollicitè sexus custoditur muliebris tam inter Persas, quàm cæteros Machometanos, ut dum contrahunt matrimonia, vel sponsalia, ea non fiant per immediatum contrahentium consensum, sed parentum solum, consanguineorum atque amicorum fide & promissione conjunguntur aut desponsantur; quà ratione nec vir uxorem ducens, neque hæc maritum assumens mutuam habent certitudinem, de moribus

venustate & genio compartis suæ, præter eam, quam aliorum testimonio obtinuerunt. Unde complurima subinde oriri solent inconvenientia, rixæ atque infamix inter conjuges; quibus quidem rursùm evitandis, frivola & carnalitati accomoda Machometi Lex repudium subministravit, errorem pejorem etiam priore, unde inconvenientix inconvenientijs multiplicantur: neque enim ex repudio, neque ex poligamia, quam & maximè colunt, ullus seu mentis seu corporis fructus, aut debita, honestaque multiplicandæ speciei humanæ propagatio oriri potest. Major etenim in ipso rerum omnium principio ad multiplicationem hominum necessitas erat, atque nunc; cum tamen Deus infinitè sapiens naturæ author unam tantummodo hunc in finem Adamo creavit uxorem. Hæc, aliaque in faciem ipsdē quandoquē objeceram; sed & illud: qualiter longè plures inveniantur animæ Europæos inter, aliasque Christianas nationes, quæ unicâ tantum uxore, debita consensus reciprocatione, atque indissolubili amoris vinculo, in nomine Dei Domini sui, summâ cum tranquillitate ac felicitate mentis & corporis miseram hanc transigunt vitam, alter alterius onera portantes; quam sint apud Machometanos ipsos, qui pluribus, non utentes, sed abutentes uxoribus in nomine Machometi lurconum prototypi, per carnem volutantur & sanguinem, sæcundiores utique, & ad humanæ speciei multiplicationem vegetiores, si uni tantum consorti se alligarent. Id quod argumento clarissimo vel à Machometo ipsomet desumi possit; experientia enim constet, pluribus eundem commixtum esse uxoribus & concubinis, cum tamen exceptâ Fatma infami suâ filia, & uno filio, qui, ne forsan parente pejora patraret, in juventute mundo sublatus est, prolem aliam nullam legatur obtinuisse. Non igitur, persæpe inferebam, vobis à Machomet polygamia concessâ est ad dignam prolium multiplicationem,

tionem, sed ad mentis & corporis inquietudinem, rixas, litigia, & homicidia; prout & vosmetipsi toties conquerentes, de insolentiâ, perfidiâ, jugique dissensione mulierum vestrarum fateri tenemini, in vestram, & legis vestræ detestabilem omnino confusionem. Ast redeamus ad Herem, id est, aulam Regis interiorem, mulieribus propriam.

Norit itaque amicus Lector aulam hanc mulierum, tametsi ab omni virorum conversatione alienam, in his tamen, quæ jocorum atque recreationis sunt, curiosissimè imitari aulam virorum. Habent namque & illæ distributa inter se se officia, & proprium quælibet munus pro diversitate genij sui obire solent. Sed & inter eas singularem Rex habet venationis Præfectam, quæ destinatas sibi puellas rebus instruit venatorijs multa sanè experientiâ, quæ & falcones coram Rege gestare solent, cum is cum sua Herem, seu aulâ muliebri, per montes & sylvas, quas habet amænissimas, recreationis causâ oberrat. Habet & Rex eas inter, peritissimam armorum Præfectam, puellas suas armorum gestamine instruentem, quæ & cum comitatu Herem Regi adesse solent, cum sagitis, lanceis, atque sclopetis; quorum quidam omnium majorem dexteritatem obtinent ab Eunuchis, qui easdem rarioribus circa hæc artificijs imbuunt ad majorem Regis delectationem, atque solatium. Plures item ex eis sunt, quæ diversa musicalium instrumentorum genera, sicut & canendi suavissimam callent artem, quæ quidem omnes promiscuo nomine Regis cantatrices appellantur. His junguntur & peritissimæ suo in numero saltatrices. Cum quibus porro persæpè Rex, summo cum fastu atque splendore, equitare solet ad amænissimos montes, campos, hortosque, ubi & curiosas omnis generis illæ patrare in Regis solatium recreationes. Id tempus, quo non solum nullus mortalium masculini sexûs, præter Regem cum Eunuchis, recreationi adesse auit, sed neque ex lon-

ginquo, quæ tractantur spectare. Unde ubi Rex cum comitatu Herem tantisper intenderit dispacari, duos illico ante vel tres dies, supremus Eunuchorum Præfectus illum commonefacit Satrapam, qui Regis Sclopetarijs intendit, ut per hos quanto-cius injungat promulgari in civitate Regiam inhibitionem, quam Koruch vocant; quæ quidem hoc modo fieri assolet.

Tali, talive die Velinehmet, id est, Dominus gratiæ (sic Regem vocant) cum sua Herem mehrem, seu cum arcana sua & familiari domu exhibit ad hunc, illumve, quem & nominant, locum: illa igitur die vir quilibet debiti memor timoris atque tremoris, illam observare modestiam non omittat, quæ talis tantique Regis exitus tempore requiritur. Illo tunc die sexus masculini nemo septem enatus annos comparere audet, sive in civitate, sive in vicis aut vijs prope destinatum à Rege locum aut itineris viam, si etiam per unum milliare distent. Illo imò die manè summo omnes Persarum cujuscunque conditionis viri, qui domos suas distantes habent, etiam ad unum milliare à via, vel loco, quâ vel quo Rex incedet, illas solis mulieribus suis desertas relinquere debent, atque ad alia loca, vel domos amicorum magis dissitas se conferre, ita ut nullus sub poena capitis delitere deprehendatur, etiamsi foret primus Regis minister; hoc enim crimen læsæ Majestatis Suæ à Persarum Regibus habetur. Tantum porrò silentium undique observatur, ut terram esse desertam crederes. Sic porrò absentibus viris omnibus, mulieres juxta suam conditionem splendidissimè ornatae, in suæ curiositatis gratiam, & Regis honorem, exeunt obviam tali ejusdem comitatu; cumque Rex cum sua Herem excesserit, omnes promiscuè Persarum mulieres, summâ cum libertate, sepositoque, quo alias operiuntur velo, hinc atque inde solent per totam deambulare urbem, diversasq; patrare lætities, absq; eo, quòd videantur, impedianturne, sive à suis, sive alienis viris, quorum

rum sub Regis pœnâ maximâ in urbe nullus remanere valet. Unde & dies illa dicitur ijs, dies dominij, felicitatis, ac libertatis mulierum, carceris verò vel exilij potiùs virorum. Ad viam porrò illam, quâ Rex est transiturus, hinc & inde per totam stant sclopetarij Regis, ad unius distantiam milliarij, sparsim constituti, ita ut & illi Regis transitum non videant, & alios viros, ne ad eum videndum clam appropient, arcere possint: sunt & ante hos Eunuchi viæ Regiæ propinquiore, qui pariter sclopetis armati hinc inde circumeunt, tumenturque, ne vel ipsimet sclopetarij clam viæ appropinquent, & Regem cum comitatu suo contueri attentent. Rigorossissima porrò hæc inhibitiô, quâ viri suis abesse domibus tenentur, utcunque durabit à summo manè ad usque dimidium noctis, qua Rex cum suis revertitur, accensis facibus complurimisque id genus luminaribus, quæ ipsi jam Eunuchi in paratis habere solent. Tantum tempus est exilij virorum Persarum, neque civitatem neque domus suas inhabitare audentium.

Quod si contingat, Regem pro placito suo cum hac muliebri aulâ suâ longius instituere iter, tunc non solent equitare mulieres illæ; sed in cistis diversâ materie preciosa adornatis super Camelos devehî solent: ita quidem, ut duæ cistarum huiuscemodi uni imponantur Camelo, ex unâ una, alterâque ex parte altera; sicque cuilibet cistæ una insidens mulier maximam itineris sortiuntur commoditatem, mutuâque societate colloquentes, horas abbreviant, debitâ semper Eunuchorum custodiâ stipatæ, qui super equos armati ad latera comitantur eas. Vocantur porrò cistæ hæ, seu vehicula Persico idiomate Kegeve, suntque in forma usitatæ Europæis in terris lecticæ. Ast hanc præ cæteris maximam itinerandi commoditatem solæ Persarum mulieres sortiuntur; & quamvis iter huiuscemodi facere, commodissimum esset & viris, innata tamen iisdem generositas igna-

ignaviæ sibi pudoriq; duceret, alio quam equo iter facere animante. Cum autem infirmi sunt, æquiori ratione condescendunt, & absque virilis præjudicio generositatis Camelorum uti beneficio non verentur. Itineri cæteroquin nedum Regiæ, sed & Magnatum & Principum mulieres Camelos assumere valent, cum illo Kegeve.

Redeundo item ad aulam Regis interiorem Herem, quæ est mulierum, paucæ in eâ, pluresve, pro ejusdem velle, aut nolle, dantur; solentque Persarum Reges quandoq; plures, pauciores iterum alij conservare. Multitudinem cæteroquin pro fastu magis, atque excellentiâ suâ, quam pro libidinis temperie assumunt. Rex porrò modernus quingentas ultra sibi conduxit; quarum tamen aliquæ, gratiores tantum præ alijs eidem maritali vinculo junctæ agnoscuntur uxores, qualicunq; tandem matrimonio suo; filijque ab his tantummodo nati regali sceptro frui possunt. Ordo tamen, & inter hos observatur. Quævis etenim earundem prior luci filium ediderit, ut Regina habetur, idemque natus paterni jura obtinet Regni; quo porrò vivente nedum ex alijs nati spe carent, sceptrum futuris temporibus adipiscendi, sed & sedulò custoditi, perpetuò detinentur.

Porrò Regina alio frui non potest titulo, nisi quod nominetur Chafe, id est, specialis mulier Regis; hoc quidem, cum vitâ superstes est Regis mater, quæ sola antonomasticè dicitur Chatun, seu Domina: quâ quidem emortuâ Regis uxor Domina titulo gaudere potest. Regias cæteroquin inter mulieres, nobilitatis, sanguinis, aut familiæ antiquioris ordo usque adeo non curatur, præpositâ pulchritudine, venustate, & comitate morum: ut proinde Regis in aulâ sit adinvenire promiscuè, diversarum conditionum Regionumq; fæminas, Giorgionas maximè, Circhasas & Armenas. Qualiter & præsentis
geni-

genitrix Regis Persa est, vulgaris tamen conditionis; prout & status vilioris est altera ejusdem uxor Chasæ, Giorgiana: quam vis plures sint etiam Principum, Satraparumq; filia, Regiâ in aulâ eidem antepositâ. Id, quod Persæ pro dedecore ut sumant, tantum abest; quod singulare sibi refugium capiant, asserentes, nullum honorem nobilitatemq; pensandam in mulierum sexu, quæ non aliâ de causâ, nisi in Regis solatium sint assumptæ; totam ceterum pensandam auctoritatem in Regni eminentia, cujus porrò comparatione, nulla sit alia quæque nobilitas, sicut nullum est siderum lumen in Solis apparentia.

Hæc ubi de Regis aula muliebri, pio Lectori hæctenus disse-
rui, opus & esse censeo, eidem recensere; quonam modo eli-
gantur, atque ad Regis aulam hujuscemodi foeminæ deferantur.
Id quod & curiosâ brevitate recenserebo.

Quidam porrò Regis Eunuchorum Seniores, qui pluribus
annis eadem in aula curam habuere de mulieribus; quædam
item vetularum, quæ de iisdem longiori jam cura sunt probatio-
res, à Rege destinantur, mittunturque commisso iisdem decreto
inevitabili, maximoque militum comitatu ad omnes Regni o-
ras, in quibus & hi, mandante Regis edicto severè injungunt u-
niversis, Vice-Regibus, Principibus, Ministris, alijsque cujuscun-
que conditionis sint, Religionisque, etiam plebæis & rusticis, ut,
cæteroquin poenam capitis inevitabiliter incursum, suas proti-
nùs, si quas ætatis perfectæ habeant, filias, splendidissimè pro sta-
tûs sui conditione adornatas, ad conspectum suum adduccant,
censuræque pro Regis arbitrio sibi commissio subijciant. Has
proinde accurratissimè observant juxta artem peritiâq; suam,
quam habent singularissimam in dignoscendis moribus exter-
noque conspectu, unde & interiores virtutes, atque affectus ani-
mi autumari sciunt, quibus forsân mulieres, illi seu placere seu
displicere valeant Regi. Hoc porrò scrutinium, seu judicarium

morum examen, per tres dies summâ cum solertiâ atque attentissimi observant, ut omnem, utcunque fieri potest, in puellis quâ interiorem, quâ exteriorem genium percipiant. Cùm demùm vetulæ illæ omnes, atque Eunuchi dimissis cæteris quâdam meliores unanimiter approbaverint ut idoneas, Regiâque aulâ non indignas, easdem porrò retinent, parentibusque denunciant, aut denunciari faciunt, quatenus hi nedum sibi congratulentur, sed & juges Deo gratias persolvant, tum & comprimis pro Regis sui benignissimi incolumitate; tum verò & pro gratia sibi concessâ cœlitus, qua tales procreare potuerint filias, quæ pro Regis servitio dignæ sunt reputatæ, deputatæque. Quamvis non rarò harum parentes cordetenus contrarium sentiant, & magnâ mentis amaritudine ingemiscant, comprimis, cum Christiani fuerint, condolentes, deplorantesque, quod proles suæ modo usque adeò nefario in miserabilem atque perpetuam abducantur captivitatem, unde nec videre eas, neque audire de ijs ultra quidquam possint.

Hæc autem visitatio, omni sanè ratione tyrannica dicenda, post decem circiter, quandoque imò post quindecim annos juxta Regis libitum fieri, & iterari solet, duobus autem vix annis per omnes Regni partes transcendo perficitur: quâ etiam visitatione quandoque vix centum adinveniuntur puellæ, quæ destinatorum electorum & electricum arbitrio Regis dignæ gratiâ suscipiantur, tametsi sanguinis teneritudo toto oriente maximè vigere atque florere credatur in Persarum fœminis.

Cùm porrò sic electæ ad Regiam ducuntur Herem, anteq; Regis appareant oculis, per menses aliquot instruuntur, ac disciplinantur, qua ratione, modoq; primitus sese ad Regis præsentiam habere, quibusque eum obsequijs venerari, atque ejusdem sese ad alloquia, interrogationesque habere, & respondere oporteat: simili modo, qualiter, se coram Regis Matre, & ejusdem

ejusdem uxore primâ sistere, quo item modo aulicis sese vestibus induere atque ornare, & denique quomodo in balneis sese habere, dormire, comedere, & cum alijs debeant conversari.

Sic ergò per aliquot menses instructæ, magno tandem cum splendore adornatæ ducuntur ad Regis præsentiam; qui & ipse magno cum fastu ac Majestâte throno suo insidet Regio. Hunc posteaquam more sibi præscripto accedentes fuerint veneratæ, genibus tum flexis osculantur pedes ejus, atque illico erectæ ordinatim ad illius sese sistunt præsentiam; qui & tempore aliquanto pro libitu suo easdem coram satiùs intuetur, iisdemque tandem pro Regia munificentia suâ, preciosissima diversissimaque muliebria donat ornamenta, eorundemque plura & preciosiora quibusdam, quibusdam pauciora, juxta animi sui pondus & amoris inclinationem in illas.

Cæterum non solum præfato hoc modo puellæ ad Regis conducuntur servitium, sed & extra hæc tempora persæpe Magnates atque ministri majores, & altioris in toto Regno dignitatis, suas solent Regis ad obsequia speciosissimas deferre filias, easdemque sponte propria supplices etiam, & magnâ cum devotione, nec minori fastu adducunt, prout supramemoratus Vice Rex Armeniæ fecit.

Harum autem mulierum, sive quæ primò, sive quæ secundo modo ad Regis servitium ducuntur, quasdam quandoque pro suo libitu Rex in uxores dare solet quibusdam Magnatibus suis, qui & pro præstitâ sibi gratiâ Regem adorant, & has sibi commissas præ alijs uxoribus suis singulari suspiciunt veneratione atque obsequio. Sunt item eorundem nonnulli, qui scrupulis anguntur, verentes accessum aut copulam cum ijs, ratique eas esse consecratas eo Regis servitio. Has proinde domi uti reliquias atque Deas observant, magis, quam tanquam consortes pro thoro sibi concessas.

Erat porrò senex quidam Princeps Persarum, qui pulchram vel in senectute adamaverat sibi dominam, quam subinde in suam duxerat uxorem, volens porrò maritali eidem accessu commisceri, suamque persentiscens à senio frigiditatem, multo inde dolore, atque turbatione affligebatur: quam animi sui amaritudinem cùm posteris diebus quibusdam suis exposuisset amicis, hi debilitatem ejus non senio attribuère, sed magnæ Dei gratiæ, qui, ut insani ominabantur, singulariter hoc in casu dignatus sit impedire copulam, respiciens ejus animi sinceritatem, & fidelitatem erga Regem suum, in cujus olim servitio domina illa consecrata esset. Inaudiens hæc seniculus simplex, gratias desuper per quam maximas egerat amicis suis; sed & comprimis Deo, hoc sibi in casu usque adeo propitio, jubens illicò largas fieri suo nomine pauperibus elemosynas, immolariq; sacrificia benigno Numini, cujus arcano consilio prohibitus esset, ne tantum in actum infidelitatis suum erga Regem eaderet, per intentam commixtionem cum muliere, quæ sacratissimis aliquando Regis fuisset consecrata servitijs.

Ast redeundo ad muliebrem Regis Persarum aulam, sciat amicus Lector, majorem in eâ adinveniri luxum atque splendorem, quam in aulâ virili, plurisque illa cæteris paribus constat Regi, quam isthæc. Quotannis namque innumera materialiarum pro vestibus ornamentisque mulieribus copia ad Regis affertur expensas ex Europâ, Indiâ, & remotioribus Persidis locis; sicut & Turcia, alijsque mundi partibus, à destinatis certis quibusdam Regijs Mercatoribus, qui Gherech jarach nuncupantur, scilicet qui necessarijs incumbunt rebus, Regis servitio, quibus in dissitas qualque mundi partes mercimonix causa migrare incumbit, omneque rarum & preciosum ad Regis curiam deferre. Ex his porrò mercatoribus ad Europam non mittuntur, nisi Christiani, videlicet Armeno-Persæ, quos inter pri-
mus

mus ac celeberrimus est ille, qui Venetijs manet, nomine Gregorius Gherac, mihi non solum à longis annis notus, sed & singulari usque nunc amicitia propensus, qui à quindecim jam annis, tantum fideliter, quantum magnificè per Europæam exercet mercaturam sumptuosissimam, cum maximo suo com- modo, nec minori Regis sui beneplacito, cujus etiam fratri, totique familiæ ejus ante tres circiter annos me adhuc in Perside, Rex ob præstita sibi ab eo fidelissima servitia multas conferre dignatus est gratias; sed & singulariter jussit scribi litteras salutatorias, & recommendatitias hujus Mercatoris tanquam servi sui fidelissimi ad Serenissimam Venetorum Rempublicam; idque ob quandam litem, quâ præfatus Mercator Gregorius, cum Domino quodam Veneto intricabatur: hoc etenim Rex inaudiens ægrè tulit, asserens mirari se, quod, cum ipse cum suis adeò propensus sit in Christianos Principes eorumque subditos amicus, taliter tamen hi tractare non vereantur fidelissimum servum suum, & in causâ quidem, ut relatione constiterat, justâ. Litteræ porrò juxta Regis intentionem expeditæ missæ sunt à primo Ministro ad Reverendissimum P. Franciscum Piscopum Ordinis Prædicatorum, quem summo venerabantur honore tanquam summi Pontificis Romani Legatum, qui easdem exposito sibi illarum contento, & singulari Regis displicentiâ, requisitus erat, propriâ manu easdem subscribere, tum in majorem satisfactionis spem Regi conciliandam, tum etiam ad faciliorem & securiorem hujus causæ exitum pro præfato Gregorio Mercatore apud Rempublicam Venetam procurandum; quem & in finem missæ sunt à Civitate Gazbin, ubi tunc temporis Rex morabatur, ad Regiam Isfahan, ut pariter & subscribat Venerabilis P. Raphaël Capucinus, sic datæ & subscriptæ literæ, forinsecus singulari ornamento coopertæ, missæ sunt Venetias, adjuncto uno prædicti Gregorij filio in majorem negotiorum pertra-

standorum securitatem. Hæc porro occasionaliter dicta sunt de Regis Mercatoribus, quorum sanè mercimonias aula mulieris Persarum, magis quam virilis defatigat. Per spacium enim unius mensis integri, diebus singulis novis incedere debent vestibus, nec nisi finito mense eandem vestem repetere possunt, quo porro finito ordinatim uti mense priori iisdem induuntur. Die autem Nauruz, quâ Persarum incipit novus annus, omnia quæ præterito habuere anno, suis donant Eunuchis, ipsæ verò ex Regis munificentia novis indumentis, ornamentisque donantur. Aquâ porro rosaceâ, aliisque odoriferis unguentis, nedum in balneo, sed & omni tempore se se lavant atque inungunt, referuntque familiaribus Eunuchi, habitationes earundem, nedum mira suppellectile & ornamentorum varietate resplendere, sed & mirâ odoris fragrantia suavissimè redolere.

Pro quotidiano cæteroquin illarum servitio, magna servatur Eunuchorum copia, quæ numerum semper centenarium excedit, quorum quidem plerique nigerrimi sunt Æthyopes, pauci verò albi: omnes porro emptitij esse debent, & non ex Persis: eorumque aliqui in aula primo Regis Persarum castrantur, alij verò ex aulis aliorum Principum jam castrati adducuntur, Regique à magno Eunuchorum Præfecto coram statuuntur. Hi pariter Eunuchi splendidissimè incedunt, magnumque secum ferunt famulatû in foro exteriori, prout & ingentibus fruuntur divitijs, quas dono partim à Rege, partim ab ijs mulieribus sortiuntur, quarum sunt curatores in duodeno, ut supradixi, numero; dempta Regina, aliisque Regis uxoribus & matre, quarum cuique plures in servitia sunt destinati semper Eunuchi.

Hæc præfata & plura similia, quæ brevitatis causâ omitto, habent luxûs & fastûs mulieres Regum modernorum Persarum, sicuti & semper habuere mulieres Persarum antiquorum, quod luculenter tam sacris quam profanis historijs constat.

Cæterum modernorum mulieres Persarum, nedum diverso incedunt, à modo incedendi illarum, quæ erant antiquorum; sed & cum alijs aliarum nationum mulieribus semper differunt in modo vestiendi, seseque ornatu muliebri comendi; quem sanè curiosâ omninò sedulitate affectant præ cæteris Orientis mulieribus. Novi quolibet anno quidpiam ornamenti student excogitare, maximè circa caput, cujus miris in modis variare sciunt ornatum; & præterquam quod odoriferis diversis sese aquis sive unguentis lavent aut ungant, pulveribus etiam certis, aut coloribus pingere vultum solent. Lectori autem genuinum harum mulierum in aulâ Regis degentium modum incedendi exactè adeò, & pro captu describere non possum, visum enim, ut dixi, virorum illæ subterfugiuntur cautissimè. Habui tamen Venustissimæ cujusdam, & nobilissimæ Originale quoddam penes me, datum mihi in Regiâ Isfahan, à quodam ejus Eunuchò, sub titulo familiarioris notitiæ, cum magno tamen secreti sigillo, ob præfatam Persarum Zelotypiam, quâ non solum suas apparere mulieres non patiuntur, sed neque publicè in picturis ab alijs videri volunt. Quod si etiam pictores mulieres pingant, non tamen ita pingunt, ut certam cum aliquâ determinatâ habeant similitudinem, sed magis in abstracto curant exercere artem suam, quam gènuina similitudine determinatam quamvis mulierem concernere. Sunt tamen mulieres pictrices, quæ singulari quadam familiaritate requisitæ sive ab ipsismet mulieribus, sive ab earundem viris, aut parentibus exactas juxta artem suam exprimunt similitudines. Qua etiam ratione pictam illam sortitus sum cujusdam imaginem, in illius memoriam ab Eunuchò mihi communicatam, & ob singulariorem familiaritatem, quam habueram olim cum Parente ejus, cum supremus aulæ Regiæ præfectus esset, vir arte pariter liberali ac militari inclytus, & Christianis deditissimus, nunc verò defunctus.

Effigies porrò Domicellæ memoratæ picta erat super atramentario quodam, cujusmodi generis atramentaria Persæ pro more suo, curiositate, modoque singulari elaborant. Obtuleram curiositatis gratiâ atramentarium unâ cum exiguo hocce opusculo meo Augustissimæ Domicellarum omnium Dominae Imperatrici, felicissimè Imperantis Leopoldi Clementissimi, Inviçtissimiqûe Cæsaris Conjugi, ELEONORÆ THERE-SIÆ MAGDALENÆ, quam Deus in Longæva tempora, cum Augustissimo Consorte suo, Domino meo Clementissimo, pro votis omnium optatissimè vivere concedat.

Quoad ornamenta porrò, gerunt ad pectus preciosissimos uniones, ac rubinos, & adamantes, aut alterius speciei æstimatissimos, sicuti & his Persis abundat, lapides; quos & à pectore adusque cingulum ita ordinatè disponunt, ut veluti globuli aut noduli togam referantes appareant. Brachialia item, monilia, & murænulas aureas & preciosas gerunt: capillarumqûe in vertice cincinnos gratioso modo inflectunt. Virgines verò singulariter, omisso ornatu reliquo caput corona preciosa cingere solent, ut unionû gemmarumqûe fulgor stellarû jubar adæmuletur. Hæc sunt, quæ pro brevitate de mulierum incessu, amico exponere potui, & volui Lectori.

ARTICULUS XVII.

De Regum Persarum thesauro, eorumqûe divitijs, luxu, pompa & Majestate.

Politici thesaurum æstimant, quandam bonorum congregationem in cujusdam potestate consistam, sive per industriam, sive per fortunam. Et vero dubitare quis auit, quin Persarum Reges præ cæteris thesauro gaudeant ingentissimo. Etenim gens isthæc inclyta præ omnibus Orientis gentibus,

tibus, celebrioris semper erat industriæ atque fortunæ, unde nulla falli Lector fide poterit, si ditissimam omninò eandem crediderit: quippe quod antiquissimâ, opibusque totius Orientis abundantissima Persarum, sicut & opulentissimâ Saracenorum, seu Arabum gentibus feliciter debellatis, Neo-Persica gens armorum victoriâ bonorumque recuperatione incomparabilium sibi divitiarum cumulum aggregârit. De his vel potissimum temporibus cogitemus, quæ à regimine primi illius Habas adusque regimen Solimani præsentis omni fermè bellorum immunitate, & continuâ quasi pacis tranquillitate, aut certò fælici semper adversum hostes triumpho trāfacta connumerantur. Etenim quid est ærugo Regia etiam opulentissima auro argentoque; absumens æraria, nisi ipsimet splendidi per conflictus acinaces, qui nisi inimicorum sanguine tingantur victoriosi, ignominiam sibi cæteroquin, & ruinam patriæ adsciscunt. Ubi milites pro patria præliantes adverso Marte terram mordere coguntur, ipsa occisorum capita tineas agunt, & patriam in pulveres absumunt. Annè bellorum tempore, &, quod pejus est, expugnato hinc inde Regno, Regum æraria feriabuntur? Laborant utique, sed eo labore, qui infirmitatem sonat. Feliciter porrò per pacem, aut victoriam laborare multis jam contigit temporibus Persarum æraria Regum, unde omnis aulæ splendor, nulla non Regis Majestas, & universitas demum thesaurorum non potuit non evenire. Ego Lectoris curiositati vel in modico satisfacturus particularia quædam paucula subjungam.

Triplex igitur est modernorum Persidis Regum thesaurus. Primus quidem arcanior singulariorque in maximo quodam Aulæ Regiæ conclavi, quod quatuor clauditur ostijs, aureo, argenteo, æreo, demumque ferreo: cujus porrò claves thesauri, Rex ipsemet sollicitus asservat, nulli alteri unquam concedens. In hoc igitur omnia diversissimarum antiquitatum preciosissi-

ma, gratiosissimaque reconduntur in cistulis, capsulisvè ferreis singula singillatim reclusa; ubi & quædam reperiuntur reliquiæ ipsorum, imò etiam ut eorum nonnulli credunt, quædam sacratæ Christianorum reliquiæ. Sed & ibi Rex, ut ij tradunt, asservat quandam Christi vestem, quæ nonnullis creditur esse illa inconsutilis, sed absque fundamento: prout & ego Lectori eorum tantum, qui credunt, sentire refero, ut quidpiam autem veritatis non assero.

Secundus Regis thesaurus quatuor amplissimis conclavibus custoditur, divisus quidem inter se per validissimos muros, & ostia, quâ aurea, quâ ferrea. Primò quidem in conclavi sunt preciosissima Regis arma, cæteraque indumenta, & universi corporis ornamenta. In Secundò arma, indumenta, & ornamenta Ephæborum atque Eunuchorum Regali tantum servitio addictorum. Tertiò in conclavi preciosissima ephippia, & universi generis ornamenta equorum, qui Regis sunt, ac Ephæborum Eunuchorumq; ejus. Quartò denique in conclavi diversissimi est generis suppellex preciosissima aulæ omniumque palaciorum Regis.

Hujus porrò thesauri securitas, cujusdam prægrandis Regni Principis fidelitati committitur, qui subinde Nazir vocatur, id est oculatus; quippe sedulæ circumspeditioni obligatus circa dicta Regis bona, atque thesauros incomparabiles: de quo alibi dictum est.

Tertius thesaurus Regis Num̃orum est indicibilis, cujus custodia Eunuchi cujusdam nigri committitur fidei. Et hoc quidem, ut ipsi sentiunt, singulariter ex duplici ratione. Primò, quòd Eunuchorum fides censeatur incomparabilis, ut vel inde honor & pudicitia mulierum iisdem commendetur, quarum observatio magis Regem, atque pecunia premit. Qui ergo Regis, suarumque sunt custodes honoris, quod primarium est; non
uti.

utique indecenter aut incongruè custodes etiam divitiarum designantur, quæ consequuntur tantummodo ad Regis honorem, & Majestatem. Secundo, quod ipsi, utpotè Eunuchi, carnis non ita subjacentes imperio, subinde ob lasciviæ libertatem, commoditatemque prolium, aut sustentationem uxorum, in aviditatis & avaritiæ se se detrudi non patiantur captivitatem, ut vel ideo Regios aggressuri thesauros debeant, possintvè timeri. His proinde Regis thesaurarius Eunuchus, dum vivit, pro libitu suo circa omnia, quibus fruitur, bona disponere potest, nihil tamen testamento cuiquam legare potest, quod ei post mortem obtingeret: omnia etenim Regis bona fiunt. Sed & Thesaurarius iste in vita eo gaudet honore, quo cæteri in curia Persarum Principes, non tamen, ut Satrapæ. Vocatur autem Sahib Chezanei hamire: id est, Dominus thesauri Regis. Sub ejus porrò manibus & computu cadunt omnes ex universo Regno provenientes Regis redditus; prout & expensæ Regiæ ipsius executioni substant universæ. Non absimilis est denique muneris, atque in aulis Christianorum Principum esse solent Præsides Camerarum. Et dempto, quod collegium unum pro studiosis erexerit, cætera sat avidè in Regis conservat obsequium, atque emolumentum. Sortitus est ætate annos nonaginta, nomenque; illi proprium est Aga Chafur, id est, Acacia, quæ est candida sicut nix, suavissimum, sed acutissimum habet odorem, & ea Machumetani defunctis utuntur ipsorum, dum sepeliunt eos, ponentes ad nares, & aures illorum cum bombace, hac intentione, nè dæmon illis noceat; & colligitur ex quibusdā arboribus, quæ Persicè Kafur vocantur, quæ maximè crescunt in Perside in districtu cujusdam oppidi dicti pariter Kafur, ex frequentia illarum, quod est cis Civitatem Sciraz versùs sinum Persicum, & Lar. Vocant igitur illum nigerrimum Æthiopem hujus candidissimi floris nomine Persæ juxta morem ipsorum.

Sed & preciosorum lapidum nominibus eos appellare solent. Unde Persis nonnullus Eunuchorum dicitur, Aga Almaz : id est, Dñs Adamas. Quidam Aga Jacut : id est, Dñs Rubinus, Alius Aga Zumrut ; Dominus Smaragdus, &c. Sed & nominibus compellantur suaveolentium florum ; ut Aga Sumbul, Dominus Hyacinthus ; Aga Sufen, Dominus Liliū : item Aga Amber, seu Dominus Ambra ; aut Aga Balasan, Dominus Balsamus. Quibus & similibus, quemadmodum dixi, Persæ Eunuchis singularem complacentiam, eorumq̃ in Regem fidelitatem, aliarumque virtutum proprietates ijs inditas phrasi suâ canere volunt.

Accedit tribus his, alius Registhefaurus ; non, ut illi, in aula Regia, sed in civitatis Isfahan arce collocatus, & ingenti quodam palacio comprehensus. Ubi quidem tot diversa, curiosa & pretiosa armorum genera, Europæarum etiam, aliarumque quarumcunque nationum manibus confecta, ijsque pro more aliàs usitata, sunt reposita ; ut ex his vice subitâ ducentum militum millia juxta Regis obsequium valeant muniri. Hunc porrò locum ad visendum, ego cū Venerabili Patre Raphaële Cappucino, cum speciali & gratioso loci Præsidis cōsensu (quem ob eximias animi virtutes, & singularem erga Christi fideles devotionem Machometanum vix nominâro) semel subintravi, & postquam sedulâ oculorum & veloci lustratione duas consumpsissemus horas, dictum nobis erat, quartam nos neque partem omnium inibi contentorum vidisse.

Sed & pro maximo apud Persas thesauro habetur Bibliotheca Regis ; prouti & reverâ habenda est : utpote tam ingens, ut tractum quinque ingentium conclavium occupet ; diversissimisq̃ voluminibus, & manuscriptis vetustissimis, omnium Orientis nationum ; comprimis hebræorum, inter quæ fors inveniri posset scriptura sacra Esdræ Sacerdotis. Scatet item vo-

luminibus Chaldæorum, Syrorum, & Ægyptiorum: Arabum verò innumera ferè sunt omnium authorum, in diversis artibus & scientijs celeberrimorum. Græcorum pariter, Armenorum, Indorum, Scytharum, Turcarum, & Persarum antiquorum in vetusto caractere; modernorum vero in novo & moderno, infinitus penè est numerus. Auget horum precium, diversa, atque ornatissima, prouti more suo facere solent, librorum compactura. Tametsi autem thesaurus hicce, uti & cæteri, omni visu, laude, atque memoriâ dignissimi & ab ipsismet Persis habeantur; nescio tamen, quam occultâ ratione, & rigidissimo zelo, neque suos, neque præcipuè advenas, quorum ora etiam tanti operis laudem in terris exteris deprædicare possent, curiosissima hæc omnia, juxta & preciosissima videre non permittant, contra rationabilem Europæorum morem, qui vel advenis gratificaturi, quæ rariùs cæteroquin visenda sunt, absente periculo, humaniter exhibent visenda.

Unde ad hanc Regis Bibliothecâ rarissimus & difficillimus habetur accessus, etiam à Persarum Magnatibus, qui non nisi vel de speciali Regis gratiâ, vel de cautiori Primi Ministri permissione ingrediuntur. Qua secunda permissione magna cum mea satisfactione habui ego ingresum ad eam.

Denique & Majestatem suam, divitias, & omnem gloriæ luxum in alijs demonstrant Persarum Reges, unde non nisi thesauros indicibiles conjecturare licet. Primò quidem in maximâ Eunuchorum Ephæborumque copiâ. Secundò in multitudine atque diversitate officiorum, quibus ad Regiæ magnificentiae ostentationem diversi funguntur servi, quorum seriem paululum faveat recensere. Primus igitur vocatur Mehder, id est, ille, cujus est Regem induere, atque exuere, excepto Tulbanto, quod alterius est, qui subinde officio secundò fungitur, dictus Mendil Corcisi, seu custos Tulbanti Regij. Ter-

tius est Kilic-Corcisi, custos Regis acinacis. Quartus Chenger-Corcisi, custos Regis cultri, sive pugionis quem semper præciosissimè ornatum ad cingulum Rex gestat. Quintus Chemen-Corcisi, custos arcûs Regij. Sextus Sadak-Corcisi, custos Regis Turcaschi, seu melius Tircaschi: quod Persarum est vocabulum, qui id pronunciant ad significandum illud, quo jacula reconduntur. Septimus est Gida-Corcisi, seu custos Regis hastæ. Octavus Calcan-Corcisi, custos Regis clypei. Nonus Gheim-Corcisi, custos toracis Regis Bellicæ. Decimus Pehle-Corcisi, custos chirotecarum Regis. Undecimus Cekme-Corcisi custos ocrearum Regis. Duodecimus Basc-maccorcisi, custos calceorum Regis. Decimustertius Giam-Corcisci, custos poculi itinerarij, quo Rex vinum vel aquam in itinere libare solet. Decimusquartus Hazier-Corcisi, custos Epphipij equi Regij. Decimusquintus Gilau-Corcisi, equi Regij habenarum custos. Qui porrò sub pænâ capitis Universi omni sedulitate suis fungi officijs tenentur. Omnium verò principalissimus, & loco, & autoritate, est Mohurdar, seu, qui Regis habet sigillum.

Sunt porrò & altioris conditionis Ministri, quos inter primus censetur Sohbet Jafauli, ist est, Regis Mensæ Præses inspector, qui aureo nixus baculo attendere debet, ne indecentis quidpiam in Regis mensâ succedat. Secundus Scerbet Darbaschi, qui omnia Sciurbet, gratos nempe salutiferosque liquores, ac omnis generis confectio-num, & dulcium poculentorum varietatem sub curâ & dispensatione pro Rege obtinet. Tertius Scireci Basci, cujus est diligenti curâ providere, & curare de vinis mensæ Regis, quæ & in vasis vitreis sedulo conservari procurat. Quartus Cinigi Basci, qui scilicet omnia porcellanea mensæ Regiæ vasa, quæ quasi innumera sunt, curâ tenet; ad discrimen quinti, qui aurea atque argentea vasa mensalia,

lia, quæ quidem triginta millia creduntur, sub custodia habet. Sextus Haucidar Basci, custodiens omnia aromata odorifera & quæ ad ciborum Regiæ mensæ condimenta spectant. Septimus Sufraci Basci, custodiens cætera, quæ ad ornatum & complementum sunt mensæ Regiæ, cui & concredita sunt vasa universa cætera tam ærea, quam stannea. Octavus, Cesc-Nighir Basci, cujus est omnes cibos, aliaque omnia, antequam Regis apponantur mensæ, delibare, pro Majestatis securitate, cui nedum omnis veneni, sed & indebiti cujuscunque condimenti vel cibi periculum absit.

His accedunt diversa Satraparum, atque Principum ministeria, quorum in Articulum subsequentem differo narrationem. Unum adhuc pro lectoris curiositate in hujus Articuli coronidem annectens.

Inter alia denique specimina fastûs & luxûs Persarum Regis, id quoque connumerandum est, quod die qualibet novis uti soleat indumentis, à capite quidem usque ad calcem, ita, ut his, quibus semel fuerit indutus, aliâ non reinduatur vice, sed ea pro singulari gratiâ Principibus suis donet, qui ut reliquias observant, tanquam à Rege suo, quem sanctum habent: nec nisi in solennitatibus majoribus in honorem Regis ipsidem induti comparent. Ex hujuscemodi porrò vestibus Regijs, cum chlamyde argentea & Tulbant mihi à Rege pro singularissimâ gratiâ collatam, cum quâ & in obsequium Augustissimi Imperatoris nonnunquâ incesse, habeo, & in memoriâ largitoris, sedulus asservo. Quælibet porrò quotidiana vestium Regalium mutatio ad minùs mille imperialibus comparatur; cujus quidem tanti precij expensas sortitur ærarium Regis tantum ex annuâ contributione, quam deferre debent solius civitatis Regiæ Isfahan meretrices, quæ quidem in libro tributario Regis ultra viginti millia ut plurimùm notatæ inveniuntur. Sentiunt

unt verò Persæ, hanc à meretricibus exactiorem iustâ ratione pro Rege fieri. Peccunia enim (inquiunt) est, & precium honoris illarum, quem pro illo vendunt alienis: unde decet, ut peccunia honoraria sic injustè accepta, usu iusto applicetur in Regis honorem, & decentem vestium luxum persolvat indecens mulierum luxuria. Sed de his satis.

ARTICULUS XVIII.

De Satrapis, Principibus, atque Inclytis Persarum, Parthorum, & Medorum, nec non de eorum officijs, modoq; exercendi illa.

A Liqualem me horū tradidisse notitiam, legeris amice in articulo hujus mei opusculi 2. Ast exactiorem in præfenti aggredior.

Igitur & Persarum Politici veram hominis nobilitatem, nobilitatem, non tantum in parentum sanguine vel meritis consistere sentiunt, sed à personalibus individui virtutibus comprimis dimetiuntur. Neque (inquiunt) sufficit, nobilitatem antecedere hominem, puta in parentibus, sed magis sequatur eum, oportet, nempe per propria merita.

Sic porrò Persæ nobilitatem suam singulariter in duas dividunt classes. Prima quidem eorum est, qui suis defendunt, evēhantque Patriam armis, quorum nempe primus Rex ipse est, tum verò & cæteri de gente Ghizilbase supramemorata. Secunda illorum est, qui Patriæ calamo, doctrinaque & consilijis adstipulantur; quorum primi censentur duo loco citato memorati Pontifices, tum verò & ordine reliqui omnes in Gente Tat comprehensi. Porrò circa Primatem primæ classis nobilitatis Persicæ, Regem nempe, quæ diximus, satis superque pro
meâ

meâ brevitatis intentione dicta sunt. Jam verò & de reliquis hac in classe exactiorem notitiam capeſſat Lector amicus.

Primus ergo primâ in claſſe nobilitatis eſt, Hedima Dolue, qui nomen hoc fortitur, quod in eo collocetur Regiæ proſperitatis ſecuritas, fidelitaſq; eidem juratiſſima. Tam operoſo autem, & laudabiliſſimo titulo (quod utcunque quilibet Regis Miniſter facit) uſque adeo fidelitate, & generoſitate ſuâ cor- reſpondere ſatagit modernus Hedima Dolue, ut nullius non famam, maximamq; omnium poſt ſe trahat æſtimationem. Qui quidem proprio nomine Sciech AeilChan vocatur, vir non ſolùm omni præditus prudentiâ, ſagacitate, atque humanitate, ſed & omni temporum atque divitiarum felicitate donatus, anuum agens circiter ætatis octuageſimum.

Hic igitur inter cæteros primo fruitur nobilitatis honore atque officio, gaudetq; tribus virilis ætatis, grandisq; dignitatis liberis, quorum natu major quartus eſt Regis ſatrapa; minor Vice Rex Caramaniæ, minimus denique præclaris dotibus dives Patris æmulatur dexteritatem, ut & illius ſuo particeps evadat tempore fortunæ. Tametſi verò maximus hic: graviſſimusq; vir Hedimâ Dolue, proh dolor, levibus, inani- buſq; Machometi dogmatibus & nugis omninò deditus ſit, tamen, quo laude æquiſſimâ gaudet, illud eſt præ cæteris, quod Zelotiſſimus ſit juſtitiaæ amator, pauperumq; protector, ita ut Perſæ eum vocare ſoleant Medar hiran, videlicet, ſubſidium, ſeu refugium Perſidis. Eſt vir cæteroquin valde ſobrius, & pudicus, unâ contentus uxore, maximopere item fugiens convivia, & crapularum oſor. Vinum neque bibit, neque cuius ſaporis ſit, novit. Sciurbet, alioſq; precioſos liquores, quibus Perſæ delectari ſolent, nullatenus guſtat, ſolam tantummodo aquam libans. Tabaco, quod ore per fiſtulam hauritur, & cahuc, atque alijs, quæ à Perſis recreationis, &

consuetudinis causâ sumuntur, abstinere : omneque demum recreationi & carnali oblectamento suffragatur tempus & occasio, ut magis, meliusque curis ac negotijs sibi incumbendis, & Regem concernentibus, vacare queat. Qua etiam ratione ejusdem vigilantiae atque sedulitati maxima ingentis thesauri, ærario Regio comparati prosperitas, multo cum laudis fænore adscribitur. Est enim tanti viri fidelitati atque zelo, omnis Regis & Regni commissa prosperitas, tantaque auctoritas, ut omnia, quæ in Regis Curia proponuntur & expediuntur, eo mediante Ministro fiant, cumque decreta quædam Regis muniuntur sigillo, ejus quoque subscriptione in fine muniri debent, hoc modo;

Bendei der ghah hali il halia Hedima Dolue Sceich Ali.

Id est:

Cliens, & Captivus portæ illius, qui omnium sublimium sublimis est (scilicet Regis) securitas, aut fidelitas prosperitatis, Sciech Ali. Omissio titulo Chan, quod significat Principem, illique alias jure debetur. In his enim decretis ob debitam modestiam & reverentiam non ponitur, sed fidelissima tantum in Regem servitus indicatur.

Est autem hic tantorum vir consiliorum, proindeque & æstimationis apud Regem, ut solus ipse consilio eundem impedire valuerit, ne arma suscipiat adversum Othomannos, cum cateroquin Satrapæ omnes, atque Principes uno voto bellum suassissent in eundem, eo tempore, quo Turca cum Polonis bella gessisset. Porro Sceich Ali duo hæc industriè Regi ponebat, & ratione deducebat obstacula. Primò Sarmatorum dissensionem esse formidabilem, quippe illi Genti planè familiarem; Secundò ad arma suscipienda grandis requiri momenti ratio-

nes

nes & causas, uti & negotij pertractandi melior, quæ possibilis, oportunitas atque occasio: unde speraret præsentī meliorem, justiorem, aptioremq; rationem capeffendi arma obviam fore, si Rex ad utrumq; experiendum uno saltem anno ceptis adhuc supersedeat, & tum adversus hostem perpetuum commodius bella gerere valeat. Persuasit viri autoritas armorum quietem Regi, contra omnium consilia: dum verò expectaretur anni decursus, hoc non completo pax Polonorum cum Turcis audita est, neque consultum jam arbitrati sunt universim Persæ, bella cogitata exequi.

Hic pariter vir laudatissimus, plura colloquia, quæ in conclavi unâ cum bonæ memoriæ R. P. Piscopo Ord. Præd. amicaliter miscuit, mihi patefecit uti melius in suo referam loco. Lubenti quoque animo vir memoratus discursum capit de fidei rebus, quamvis de his ipse non ita verba facere amet, sed magis avidus sit audiendi, quippe quod doctrina & experientia sua politicis magis in artibus, ac Theologicis versata sit. In hujus item præsentīâ, illa à me seriò habita de Christi Domini Divinitate, & falsitate Machometi decertatio cum Regis Concionatore transacta est. Sed & ipse Sciech Ali persæpè mihi condoluerat, asserens amicaliter, permultum misereri se mei, quod fide Christi assumptâ non tantum sui demerear gratiam Regis, quæ alias singularissima erga me foret, sed & salute periclitatus à Deo recedam. Cùm Porro mihi talibus hic Machometi affecla condoluisset, ego pari eidem compassione condolui, eidemq; omni humanitate satisfacturus verba similia in eundem pariter detorsi. Hæc verò de Hedima Dolue satis.

Sex autem istum sequuntur Satrapæ, qui omnes uno quidem communi vocantur nomine Hercan Doluet, quasi prima principia, & fundamenta prosperitatis Regis. Sed diversis etiam singuli compellantur nominibus, juxta officiorum diversitatem,

Primus ergo horum post Hedima Dolue Satraparum, Corci-
 basci vocatur, id est, Regis custodum caput. Sunt enim aliqui
 milites, qui Corci, seu custodes vocantur, de quibus alijsque mi-
 litibus articulo sequenti. Atque hi milites curæ subjacent, im-
 perioque primi Satrapæ mox nominati, qui & abinde eorum
 caput dicitur. Vocaturque modernus proprio nomine Kelb Ali
 Sultan, agens quinquagesimum circiter ætatis annum, ex anti-
 quissima Persarum oriundus familia; vir pariter valde sobrius,
 humanus, nec usque adeò Machometicæ deditus superstitioni,
 quo minus saniori adhærere mavelit rationi. Secundus voca-
 tur Gular Agasi, id est, Dominus seu Administrator captivorum
 Regis; sub cujus imperio omnes sunt milites, qui Gul vocantur.
 Moderno nomen proprium est, Mansur Chan; estque vir nobi-
 lissimæ progeniei Giorgianæ, in anno ætatis circiter septuagesi-
 mo; qui porrò præter generositatem animi sui, fidem legemque;
 Machometanam non tantum, quam Bachum, Martemque se-
 quitur.

Tertius est Tufenkci Agasi, scilicet Dominus Sclopetario-
 rum Regis, Giorgianus equidem origine; qui, sicut & præce-
 dens Mansur Chan in pueritiâ coactus fuit Christo negare fi-
 dem. Vocabatur autem hic Tufenckci Agasi nomine proprio
 Keuchosfrou, idem ac, generosus Chosroës (quem, ante aliquos
 annos præsens Solimannus vino occupatus injustissimè capite
 plecti jussit) alias ipsi dilectissimus; ætate in quadragesimo, ju-
 stus cæteroquin, & religionis in pueritiâ amissæ adhuc magnus
 amator; maximus econtra Scytharum terror, ob singulares,
 quibus persæpè adversum eos triumpharat, victorias. Quar-
 tus est Mirschicher, nempè Princeps venationis Regis, qui &
 omnis venationum generis curam habet, cum omnibus hoc re-
 creationis genus appertinentibus, & hunc in finem Regi defer-
 ventibus; de quibus in Articulo de recreationibus plura. Pro-
 prium

prium autem hujus Satrapæ nomen est, Habas Culibech; filius est jam præfati primi Ministri, mihiq; cæteroquin familiaris, parenti tamen valde dissimilis circa superstitiones Machometanas, quas usque adeo non sectatur; excellentis autem nominis, ab excellentiâ venatoriæ artis, & sagittarum peritiâ, inter Persas habetur. Quintus est Mir-Achur, id est, Princeps stabuli Regis, in cujus providentiâ omnes sunt Regis equi, tum qui in Regia, tum qui in toto sunt regno, in multitudine maxima. Vocatur nomine proprio Firudinchā, estq; frater Germanus præfati primi Ministri, natu minor, cujus & qualitates atque virtutes æmulo studio prosequitur. Ultimus vocatur Divanbecghi, scilicet Princeps tribunalis Regis, qui ejus vices gerit circa justitiam, quæ Regem spectat: unde supplicationes, quæ Regi fiunt, huic Ministro traduntur, qui postea cum primo Ministro & Rege confert, quorum & dein sancita exequitur, suoq; sigillo judiciaria decreta munit, cum hac tamen v. g. subscriptione.

Bendi dercha sephiculi:

Id est:

Servus Porta sephiculi: quod est illius nomen proprium, & sine alio titulo ponitur, ad discrimen primi Ministri, qui cum aliquo titulo subscribit, ut supradictum. Cum porrò hic judicii Princeps æquitatis administratione suo defuerit officio, ad primum Ministrum patebit partibus appellatio, & si hic defuerit, etiam ad ipsummet Regem licebit.

His porrò sex Satrapis subjungitur aulæ Præfectus, qui Hefcigh Agisi vocatur. Vir pulcher & elegans aspectu, qui nunc est; melior insuper operibus, quibus multum prosequitur & fovet Christi fideles, eorumq; magno cum zelo causas agit. Proprio vocatur nomine Zeinel-Chā, suamq; originem ex anti-

quissima Armenorum ducit familia : cujus & figura videre est in Cehil Sutun, ubi in parte theatri dextra cum aureo baculo collocatur.

Sequuntur dein quatuor Principes, sive immediati Regis Ministri. Primus est Nazir, secundus Caznadar, tertius Mohur, dar, de quibus suis jam locis dictum. De quarto parumper loqui faveat, qui est Vachihe nivis, scilicet casuum scriptor. Est autem hujus officium, non solum casus, qui in aula, totaque succedunt Perside scribere; sed & elegantes componere epistolas, quas Persarum Rex amicitiae titulo alijs delegat Principibus, & Regibus, aut Mundi Monarchis. Praesens proprio vocatur nomine Mirze Mehemed Hufen, vir profecto valde affabilis, mitis, totaliter morali deditus Philosophiae, habitus à Persis pro facundiae & eloquentiae oraculo insigniori. De litteris porro Pontificis, quas Reverendissimus P. Piscopus Ordinis Praed. detulit, mihi sub secreti sigillo Princeps hic indicavit scriptotenens, similes nunquam prodixisse ex Persarum curia ante hac, tum quoad elegantiam, tum quoad extraordinarios titulos, quibus, ut inquebat, extra sphaeram Machometanismi summopere exaltatus sit à Rege Pontifex Romanorum.

Sequuntur hos Vice-Reges, quos Beghler Beghi vocant; id est, Principum Principes, qui universim in tota Persarum Monarchia 16. sunt. Quatuor in Herach majori, quae & Hircania dicitur apud quosdam, sive in Perside, uti Persae ipsimet volunt. Primus Beghler Beghi Ardavel. Secundus Lar & Cyropolis. Tertius Kirman sive Caramaniae. Quartus in Candahar versus Indos. Rursum duo in Parthia. Primus Herat versus Scythas. Secundus Mesced. Duo quoque in Chilan versus mare Caspium. Primus Mazandaran. Secundus Asdarabat. Duo pariter in Media. Primus Taurez. Secundus Ciors. In Chaldaea item versus Babylonem duo. Primus Loristan. Secundus Hamadan.

dan. Tres verò in Armenia majori. Primus Erevan. Secundus Sciamachi. Tertius Chenge; quæ Provinciæ ad Armeniam spectare censentur. Unus etiam in Giorgia Tifliz. Horum autem conditionis discrimen in multitudine aut paucitate tubarum cernitur, quas Charana vocant, & sonum valde horridum emittunt, ut nescio, in qua distantia loci audiantur, suntque dupliciter, etiam tripliciter novellæ majores in mole tubis Europæ, ad ciendum tamen in campo Martem alacriorem aptissimæ. Sed væ sufflanti eas de vitæ brevitate. Horum ergo Vice-Regum quidam septem tubas habet, quidam octo, alius novem, usque duodecim, & non ultra, qui verò duodecim charana habent, sex sunt. Primus Beghler Beghi majoris Armeniæ, qui ad confinia Turcarum residet, in civitate Erevan. Secundus, qui tuetur terras Indis confines, in civitate Candahar. Tertius, qui in confinibus Scytharum residet, in civitate Herat. Quartus, qui incursiones Arabum & Saracenorum prohibet in Loristan, quæ est in Chaldæa, cujus tamen residentia propria est antiqua illa Persarum Regia Susan, uti in articulo de civitatibus Persarum dicitur, modo quidem destructa, & non amplius illius, ut olim decoris. Quintus, qui in Medorum Metropoli Taurez residet, & vigilat adversum incursiones Curdorum, aliorumque populorum, qui sunt in Mesopotamia. Sextus tandem qui tuetur confinia Moscovitarum, Calamucorum, Tartarorum, Circaforum, aliorumque populorum, qui Caucasum in- & circumcolunt monte, atque ad maris littora Caspij habitant. Hic verò residet in civitate Sciamachi, cui quasi subjungitur Vice-Rex Giorgianorum Tifliz, qui Regnum defendit ex Maris Nigri parte à Turcarum, & aliorum incursione.

His sexdecim plures quoque subjacent Duces, quos simpliciter Chan vocant, & non Beghler Beghi, qui tametsi tubas habere audent, quatuor, quinque, vel sex, minimè tamen plures.

Sequ-

Sequuntur tum Principes, quos Sultan vocant, qui in aulis suis Charana seu tubas habere omninò non audent, sed sola tympana & buccinas.

Post hos sunt Chiliarchi, quos Minbaschi vocant: Centuriones, quos vocant Juzbaschi. Pariter & sequuntur eos nobiles Regis Captivi, sive mancipia aut servi, qui Sciah guli vocantur.

Tandem sunt milites, qui dicuntur custodes Regni, scilicet Corci. Qui omnes juxta conditionem suam nec Charana nec tympana, nec alia dominij instrumenta aut insignia habere solent.

Porrò unusquisque ex illis sexdecim Beghler beghi, id est, Principum Principibus, seu vice Regibus, juxta conditionem suam, plures, aut pauciores ex Chan, Sultan, Minbaschi, Juzbaschi, Sciah guli, & Corci, sub sua habet jurisdictione; ita quidem, ut illi, qui talibus fruuntur officijs & beneficijs, in districtu in quo ipse est Beghler beghi, suâ huic autoritate subjaceant, eumque, post Regem, ut immediatum agnoscere teneantur superiorem, & in bello sub illius auspicijs & insignibus arma gerere. Hæc de his, qui in primâ sunt nobilitatis classe.

De his vero, qui in classe secundâ sunt, qui nimirum Patriæ Doctrina calamoque inserviunt, & sunt de gente Tat, ex dictis patebit pariter & dicendis. Unum dicere singillatim necesse arbitror; videlicet, de duobus Persarum Pontificibus, atque judicibus eorum Ecclesiasticis, quorum autoritas & bona, quibus fruuntur in Regno, non à merâ Regis voluntate, illiusque liberâ pendent electione, sed gaudent ijs per jus & successionem quodammodo. Cæteri verò, & plerique illorum, cujuscunque conditionis sint, autoritatem, officia, & bona sua non jure successionis, & hæreditario, sed sola Regis autoritate obtinent. Porrò, tam qui per successionem privilegiatam, quam qui per immediatam & solam Regis autorita-

tem

tem suis sunt in officijs, debitè omnia & solertissimè administrant, parique fruuntur autoritate, sive qui per successionem, sive qui per Regis auctoritatem est in officio; redduntque fidelissimè, quæ sunt Regis, Regi; & quæ militum, militibus. Exemplum esto. Primus Vice-Rex Armeniæ, qui per electionem est, præter ea quæ de jure debentur Regis thesauro, & munera quæ quotannis in suæ servitutis contestationem Regi mittere tenetur, tertiam quoque reddituum suorum eidem dare debet partem, parem & sibi assumere, aliamque militibus distribuere, quos in promptu habere debet. Hujus porrò redditus ascendit summā circiter quinquaginta millium *Tuman*, quod genus quoddam pecuniarum est apud Persas, non in reali moneta, sed tantum in nomine, & computu; ita, ut unum *Tuman* sexdecim efficiant Europæorum imperiales.

Porrò tam qui eliguntur, quam qui per successionem subintrantes ad officia confirmantur, tria priùs coram Rege voverententur. Primò, se debitè observaturos constitutiones, Persarumque leges universas. Secundò, post Deum, Machomet, Hali, illiusq; filios & nepotes comprimis sese velle amare colere, timoreque revereri Persarum Reges. Tertiò, nullà se usuros Tyrannide contra Regis subditos suo dominio commissos, sed paternè clementer atque prudenter recturos & conservaturos, ut nulla contingat in statu suo rebellio, vitentur furta & latrocinia: & si alicui viatori per latrones bona diripiantur, teneri se ad eos inquirendos, atque auferendum ablata ab iisdem bona, aut de alijs latronum bonis viatori satisfacere: malefactores verò pro delicti qualitate vitâ plectere, & decapitare, aut palis perfodi, aliove mortis genere, ad aliornm terrorem interimere. Ex hac optimæ legis rigorosâ observantiâ contingit, quod in Perside longissima etiam itinera securissimè

transigi possint, magis, quam in Turciâ vel unum tantummodo milliare, cum hæc mera facta sit latronum spelunca.

Ad meliorem item subditorum conservationem, & Regni tranquillitatem sunt duo illi Vezirij, de quibus in Articulo secundo diximus, quod unus resideat in Taurez Mediæ Metropolitanâ; qui superintendit omnibus Provinciis quæ sunt à Civitate Regiâ versùs Turciam & mare Caspium, curans omninò, ne Regis subditi affligantur aut opprimantur per injustitiam tyrannidemue Principum, unde & subinde Provincias circuit, subditis tributa pro Regis emolumento auget, & quantum possibile est, pro eorum levamine minuit, terrarumq; fertilitatem, aut sterilitatem omninò sedulè perpendit, atque observat. Secundus verò residet in Cyropoli, seu Sciras, & non minori sedulitate superintendit omnibus Provinciis, quæ sunt à Civitate Regia versùs Indos, Scythas, sinumq; Persicum. Sicque debitâ nobilitatis atque officiorum distributione optimo sanè jure atque ordine sui obtinet augmentum atque tranquillitatem Regni. Cæterùm norit Lector amicus, quod famulorum incessus & distinctio, uti Europæis in more est, quam & Liviam vocant, non observetur à Magnatibus Persarum. Obligantur cæteroquin & Magnates excepto primo Ministro juxta vices suas Regis noctu custodire palacium, suis quibusdam de famulatu stipatis.

ARTICULUS XIX.

De raritate & pretiositate equorum, qui solent esse in Regis stabulis, ceteraq; Perside universim.

Nondum Regis aulam, Lector amice, deferendam duxi. Vel in stabulo pretiū adinveniemus. Noveris equidem, quod omnes nationes, quæ arma tractare solent, sedulò dili-

diligenterque colere soleant artem benè educandi, disciplinandi, conservandi; equos fortes & generosos; quippe qui, si boni sint, & ad amulim disciplinati, certò non solum militi plurimum in bello conducunt, sed & pacis tempore delectationem faciunt, splendoremque & honestatem nonnullam suo afferunt possessori. Unde alia inter monita sua magnus Persarum Habas Rex, illud suis voluerat inculcatum, ut, qui generosus honoratusque miles esse cupierit, magè satagat, curamque impendat bono & disciplinato equo, quam malo & inepto filio, cum ille militi sit in honorem, hic verò ei in contumeliam. Ponderabit vel inde Lector benèvolus, studium permagnum & diligentiam indefessam Persarum circa educationem conservationemque bonorum equorum, quos proinde & optimos pro sedulitatis suæ fœnore sortiuntur. Ut placeat curiositatis causâ breviter quædam de equorum diversitate, raritate & pretiositate, communis eorum, quæ in Regis sunt stabulis in civitate Isfahan differere. Et calamo quidem de facili explicare non possum magnificentiam & sumptuositatem ædificiorum, pluralitatemque ac vastitatem eorum, & equorum inibi consistentium raritatem per maximam.

Quanti porrò Persæ æstiment Regis equos, ex ridiculâ eorum quadam observatione perpendere poterit amicus Lector. Nam tantum æstimatione suâ equis Regijs tribuunt valorem, ut & ab his ipsa stabula sortiri sentiant dignitatem; præcipuè unum, quod vocatur Mase teuli, seu stabulum speciale, quod ab equorum inibi stantium pretiositate, ita æstimant, veneranturque Persæ, ut si quis, cujuscumque tandem criminis reus, ad illud fugâ sese receperit, hoc ipso ab omni aggressione & pœnâ immunis sit. Inveniuntur autem in hoc stabulo equi omninò rarissimi, formosissimi, mirabilis in corpore proceritatis, & elegantissimæ per omnia membra dispositionis, taliter,

ut non tam crederes massâ constare carnali, quam tenui super membrana artificiosissimi pictoris penicillo ad intuentium deceptionem esse depictos. Suntque generosissimi, atque ad cursum perquam velocissimi, raraque potissimum progenie æstimati, carissimoq; pretio habiti.

Sunt porrò accuratissimi Persæ in observatione generationis equorum, usque ad septimam generationem, tam ex parte maris, quam fæminæ generantium, quos dein singularissimè æstimare solent, caroque precio vendere, aut pro rarioribus xenijs offerre. Unde si quis apud eos publicè venundare vellet aliquem equum, sub titulo Kuheilân, quo nomine generosissimi, virtuosissimiq; equi in Perside compellantur; debet instrumento authentico & testibus fide dignis probare, hunc equum suum esse septimæ generationis, tam ex parte maris, quam fæminæ generantium: aliter, quod quærit, precium non obtinebit. Sunt autem & in rei serie æstimandi omninò huiusmodi equi, tum propter insignem corporis proceritatem, & membrorum formosissimam dispositionem, tum propter alias innatam sibi indolem rariorem, nempè ad velocissimè currendum, & salvandum dominos suos ab inimicis suis per extraordinariam & concitatissimam fugam. Possunt huiuscemodi equi per duos aut tres dies sustinere famem, & sitim, absque eo, quod generositate & viribus deficiant, aut suis officijs desistant. Possunt, & instante necessitate per mirabilem instinctum naturæ animadvertent, si quando domini sui periculis succumbere videntur inimicorum; tunc enim generosissimâ dexteritate, transibunt ingentia flumina, mirabili agilitate adversum etiam aquarum undas rapaces tranatare: Foveas cæteroquin, & rivulos considerabilis latitudinis absque difficultate transilient. Sed & id, quod equis hisce natura mirabiliter indidit, laudandum est, atque demirandum. Enim verò, quod si in bello
prius

prius acceperint vulnus, dominos tamen suos medio in conflictu non deserunt, sed curant eos deferre ad castra sua; ubi & aliquando statim, cum domini descenderint ex ipsorum dorso, cadunt emortui; aliquando verò curantur. Quod si illorum domini vulnerentur, benevolo id ipsum naturæ instinctu animadvertunt equi isti, curantq; omninò fugam arripere ad castra amica, nehi cadant sub manibus inimicorum suorum.

Plures & similes inditas sibi naturâ fortiuntur qualitates, dicti generosiores Persarum equi, quos proinde tanti æstimant, diliguntque; ita, ut nullus possit ex hoc equorum genere aliquem ducere extra Perfidem, ad Turcas, Indos, aut Scythas, sub capitis poena.

Plura quoque sunt genera equorum ordinaria apud Persas. Sunt autem omnes suâ laude dignissimi; quos inter aliqui quidem equi sunt rariores & cariores; hos Bedau, seu generosos vocant. Eorum porrò progenies habetur mixta ex equis gentis Turchman, de qua dictum est in fine Articuli quinti, qui & alias in toto Oriente sunt celebratissimi, & equis Arabum. Hoc ergò equorum genus commixtum multâ celebratur æstimatione in Perfide ab indita sibi generositate & fortitudine, pariterque ab indicibili corporis agilitate, cursusque celeritate ad fugam. Sunt & hi staturæ satis proceræ, & venustæ dispositionis omnium membrorum; specialesque naturâ fortiuntur virtutes. Unde signantur & hi quodam caractere singulari à Persis, sicut & equi supradicti, ut proinde nec isti sub poena pariter capitis, ad externos & barbaros populos deduci possint.

Habui & ego de hoc equorum genere unum haud ordinarium, mihi sub titulo specialis gratiæ oblatum dono in die S. Paschatis, Anno 1672. à primi Ministri filio natu majori, Regis quarto, Satrapâ, & Principe venationis, de quo in suo loco jam dictum est. De hoc igitur equo inter alios meos, uti decebat,

bat, specialiorem gerere curam solebam: cumque ex Perfide discessissem, mecum eundem duxi, ad ultimum usque Perfidis castellum Derbent, cum animo ducendi eundem ad partes hacc; nisi Mare Caspium magno mihi fuisset obstaculo atque incommodo. Cæterum cum hunc neque vendere decuisset, tametsi à pluribus rogatus essem, & aliundè Principis tam amati insignem hujuscemodi memoriam derelinquere necesse fuisset; equum illum coactus donavi Principi Arcis nominatæ, non tamen sine magni animi mei contristatione. Rufus illi color erat, & nomen Bergh, id est, fulmen: & reverâ in modo indolis equinæ fulmen erat, quoad furorem, agilitatem, velocitatem, & fortitudinem.

Aliud item est equorum genus celebre apud Persas, non quidem tantæ proceritatis, aut elegantis membrorum dispositionis, uti præfati; sed majoris in carne molis, & brevioris staturæ. Nesciunt hi fugam velocem, belloq; sunt quidem inepti, aptissimi e contra ad iter longum in brevi tempore commodius faciendum. Hujusmodi enim equo per diem unum homo poterit sine gravamine conficere iter milliarium germanicorum quindecim; quod equi naturaliter habeant modestum, sed longiori passu procedendi modum, quo dum leniter equidem vehunt, & incessanter æquali gressu pergunt, sine fastidio uterque longius iter perficiunt. His ergo Persæ in bello uti non solent, sed in venationibus, & recreationibus, comprimis autem in itinere, quod brevi tempore conficere amant, & commodè. Scythæ verò & Tartari in bello his utuntur, utpotè quibus aliud equorum deficit genus. Præcipui autem, & electissimi equorum istorum devehuntur ad Persas ab illis, qui, Tartari nempè, ac Scythæ eos Bach-mat vocant.

Celebratur & aliud apud Persas equorum genus, aliquali formâ non abinsimilium illis Alascia, qui tamen fortiores & velociores

lociores in cursu gressuque sunt: inde dicti Ciab-cun, seu apti ad incursiones. His majus indies iter perficitur, quàm supradictis, majori tamen incommoditate: quibus proinde ut plurimum cursores & tabellarij Persarum utuntur, unde & equi hi Ciapar vocantur.

Persarum cæterum omnesque Orientis equi, non subjacent infirmitatibus, quibus Europæi, unde faciliori negotio educantur & conservantur. Et hæc obiter sufficiant de Persarum equis, singulariter Regijs in stabulis Isfahan, quorum uti supradixi, curam habet quintus Regis Satrapa, cum tot stabularijs sibi hanc in curam subjectis. Quotannis autem magna multitudo illorum equorum ducitur ad Regis curiam, ubi nominatus Satrapa in nomine Regis dono distribuit eos Principibus, & Ministris aulicis, alijsve sub Regis servitio in aliqua dignitate aut officio constitutis: suntque equi omnes signati Regis signo. Modum habent Persæ singularem disciplinandi eos, non tamen ita perfectum ut Europæi: plures tamen ijsdem sunt libri, de arte disciplinandi, & signis eorum, unde indoles & dotes dignoscantur; vocantque hos libros Faras-nam, ut plurimum autem equis pro recreationibus utuntur Persæ. Obesi autem & prægrandes illi Europæis communes in Perside non visuntur, quin imò cum admiratione nonnullâ ab ijsdem viderentur.

ARTICULUS XX.

De Militia, & exercitibus Regis, totiusque Regni Persarum, illorumque qualitate, ac quantitate, nec non de modo, quo in armis exerceri solent.

Progredimur ex aulâ in campum, benevole Lector, post equos in stabulis visuri pariter & milites in exercitibus. Nuncupant autem Persæ in vernaculâ suâ militiam Spahigheri;

higheri; estque illa duplicis generis apud eos. Prima quidem militia est Regis, secunda Satraparum, Ministrorum, Vice Regum, Ducum, Principum, aliorumque, qui aliquo dominio Regni Provincijs, aut arcibus præsunt. Primæ porrò militiæ genus in tres dividitur species: quarum prima eorum est militum, qui Corci seu custodes Regni dicuntur; & horum in toto Regno numerus centum millium esse poterit; qui primo etiam, ut dictum est, subduntur Satrapæ, proinde & sub cura illius & Regia cancellariâ stipendia sumunt, quæ quidem pro uno infra septem Tuman esse non possunt. Hi quoque sunt milites per generationem aut successionem, ita ut mortuo parenti succedat filius, cum primi tamen Satrapæ consensu, & Regis confirmatione. Qua propter inveniuntur etiamnum plures Corci, qui ex modernorum Persarum Regno condito cingula militaria secundum generationis gestant successionem. Secunda Regiæ militiæ species est, eorum qui Gul appellantur, sive captivi aut Regis mancipia; atq; hi duplici classe subdividuntur. In prima sunt ij, qui verè emptitij sunt, ex populis Giorgianorum, Circasorum, Cosachorum, Calamucorum, Rutenorum, & alijs. In secunda autem ij, qui vel vi coacti, vel spontè ad ducti, Christi sanctam abnegarunt fidem, seque in Regis obsequium captivarunt, ut pessimi Armeni, vel pariter ij, qui suorum respuere servitia Dominorum, ad alienum Persarum Regem transeuntes, ut Tartari, Scythæ, Indi, Turcæ, & Turchmani; qui proinde in eorum infidelitatis honorem Sciahe Seven, scilicet Regis Persarum amatores nuncupantur. Unde hæc militum classis universim ex alienis, atque advenis, compressis vero & ex Giorgianis est; suntque omnes sub cura secundi Regis Satrapæ qui & Giorgianus est, ut dictum est in Articulo de Principibus. Militia autem hæc, quamvis in anti quitate & numero primæ cedat, non tamen in generositate, quâ

quâ est celebrior, neque honore & stipendio, utpote, quod qui ex militia Gul sunt, unus pro stipendio minus decem Tuman habere nequeat; atque successivè ad honores, Principatus, Ducatus, imò & Satrapatus gradatim juxta merita sua euehantur, ad quos tamen illi, qui Corci sunt, rarissimè pertingunt. Imò quamplurimi Gul, qui adhuc nondum sunt centuriones, Chiliarchi, aut Principes, talibus tamen fruuntur honoribus, atque divitijs, ut se illis æquiparare minimè deceat. Habent pariter omnem armorum experientiam, illaque dextrinè tractare norunt, ad discrimen eorum, qui Corci sunt, & non nisi jacula, frameas, & lanceas gestant, & nonnulli hodie etiam sclopeta; unde horum Gul supremus, secundus videlicet Regis Satrapa antonomasticè dicitur Spasalor, seu Princeps militiæ, quam & Persæ ut nobilissimam & generosissimam, nervum imò omnis Persici exercitus selectissimum agnoscunt. Tertia species primæ, quæ Regis est, militiæ ex ijs confurgit, qui ingentia in Regis defensionem sclopeta gestant.

Porrò milites hi præter sclopeta, quæ ingentis & longè majoris sunt molis, ac illa militum Europæorum, & solis brachijs gestantur absque alio fulcimento, prout & exploduntur, & frameas, alia nulla gerunt arma, dempto quod cultrum quilibet magnum palam ad cingulum gestet. Sed nec equos conscendunt; cum econtra tantæ sint naturâ agilitatis, ut per montes, colles, & valles quasi volare putentur, ex his subinde confurgit militia illa Persarum, quæ in Europa vocatur infanteria. Plerique eorum appellantur Geza eri, suntque ordinariè omnes ex Provincia Mazandara, quæ utcunque alere solet populum aptum, deditumque hujuscemodi professioni. Subduntur omnes tertio supramemorato Satrapæ, à quo proinde colligunt stipendia sua, quæ pro uno ad minùs quatuor Tuman erunt. Hos subsequuntur ij, qui curam gerunt tormentorum

bellicorum, illaque explodendi artem callent: unde Tobci dicuntur; quamvis, & eorū nonnulli Gebedar appellentur, ij nempe, qui curam armamentarij gerunt. Horum porrò militum in Regia Isfahan, & toto Regno, decem millia esse possunt: qui & nulli ex Satrapis subduntur, sed particulari cuidam Domino, qui Tobci Basci, & Getedarbasci dicitur (estque ille Dominus, amicus meus, qui me, Patremque Raphaëlem armaria lustrare Regis permisit) à quo & hi annuam suam sumunt mercedem, quæ minor octo Tuman esse non valet. Hæc igitur tria militum genera propria Regis dicuntur, sparsimque in Civitate Regia, & diversis Regni partibus morantur, & ab illius Domini propria cancellaria sua percipiunt salaria sub suprema cura primi Ministri, qui proinde secundus illorū vocatur Dominus. Demptis his, qui tribus subduntur alijs Satrapis, nempe Mirsci - cher Basci, de quo in sequenti Articulo melius, & Mirachur, & Diuan beghi, de quibus jam satis dictum est supra.

Secundum Persarum militiæ genus est, ut dixi, particularium, qui aliquo in Regno potiuntur dominio, atque Officio. Sed & hoc militiæ genus in duas dividitur species. Prima illorum est, qui dominis his sub titulo alicujus inserviunt nobilitatis, quique tam pacis quam belli tempore eis obsequia præstant, non ob annuam mercedem, sed ob officium stabile, quod suis fortè in dominijs præfati Domini eis committunt; unde tenentur Dominos suos honoratè undique comitari, eorundemque aulam pro majori dignitatis splendore frequentare. Hique milites dicuntur Agaioli Spahi, seu Domini milites, aut nobiles aulici, seu equites eorum, quibus modo præfato inserviunt. Talium autem militum (exempli gratiâ) quilibet ex illis primarijs sex Vice Regibus, centum saltem in suo Dominio aulaque sustentare debet; atque ita proportionem servatâ ij, qui sunt secundarij, Duces, Principes, Tribuni, & Centuriones:

nes: unusquisque plures paucioresve, juxta status & officij conditionem ac facultatem suam alere tenentur. Secunda verò species est militum, qui propriè servi appellantur, hoc vocabulo Nocher, quique pro annuâ inserviunt mercede, quæ tribus Tuman minor non erit. Et horum pariter illi primarij sex Vice Reges alere tenentur, quilibet viginti millia; alij verò pauciores juxta sui statûs conditionem, prout videlicet fuerint Vice Reges minores & secundarij, quique sunt Chan, vel Sultan, Minbaschi, aut Juzbaschi. Porro in belli tempore cuilibet horum, non vero primorum, militum duodenæ, tenentur eorum Domini, præter victum & vestitum, unum pariter præbere camelum ex suorum camelorum cateruis, ut hi dictorum militum, seu victualia, seu vestiaria, cæterave necessaria in farcinis valeant deportare. Currus etenim trahæ, aliaque similia Persis in more non sunt. Idem & Rex suis facit militibus: demptis ijs, qui tali jam funguntur officio, atque dominio, quo sufficienter supponuntur suis sibi que providere posse. Unde & ortum habet commune illud tritumque adagium, quod Regis milites plus comedant, quàm ipse Rex, eo quod major pars proventuum Regis & Procerum suorum in militum distribuatur sustentationem, quam sanè omni tempore & anno exactissimè Persæ universim curant. Ut verò prægrandes hi atque continui eorum pro militibus insumptus gratis non sint editi, minimè illos feriri patiuntur, sed continuo armorum exercitio juxta cujuslibet conditionem & militiæ statum obligant. Unde qui sunt Corci, sedulò se se exercere tenentur in publicis arenis atque campis, hunc ipsum in finem destinatis, sagittis jaciendis omnem exhibentes dexteritatem, tractandoque acinaci curvo, idque singulariter ex eo, quod, qui curviori utuntur framæâ quam Turcæ, eamque dexterè vibrare scierint, lethale se certò certius infligere vulnus sentiant. Eodem & modo conti-

nuo exercentur in clypeo & lanceâ; & prout demum peculiaria quilibet arma gerunt, juxta genus & speciem militiæ suæ. Sed & post omne triennium, omnes tam Regis quàm Principum milites juxta ordinem publicâ in arenâ, ceu essent in hostili conflictu, generale suæ virtutis experimentum edere tenentur coram his, qui ad hoc singulariter à Rege deputati fuerint. Generalem porrò hanc militum lustrationem Persæ San vocant, & quisquis eorum bona in hac ediderit generositatis suæ specimina, ei vel stipendium augetur, vel officium, quod contra fit in tepidis & inertibus. Debent autem & hac in lustratione quilibet pro dignitatis & facultatis suæ possibilitate splendidè vestiti comparere, omnemque tum in armis, tum in ornamentis quæ proprijs, quæ equinis pulchritudinem & decorem ut exhibeant, satagere: quod si secùs fecerint; puniuntur. Cæterùm hac in occasione luxûs & pompæ excellentiâ celebriores utcunque fuere, & sunt milites ij Regis, quos supra Gul nominavimus, ubi & eorundem exposuimus conditionem. Neque est in Oriente toto curiosius quid, splendidius, atque pomposius videri, quàm publica hæc Persicæ militiæ actio, maximè cum, uti nonnunquam, in Regis sit præsentia.

Verum inania hæc omnia & fucata sensit optimè Rex ille, exemplar mundi gloriæ & Majestatis, dum tandem sibi, alijsque; compatiens cecinit. (a) *Vanitas Vanitatum, & omnia vanitas.* Sed & simile quid sensissè putandus est moderni Persarum Regis Genitor Habas, cum enim suâ in juventute præventum sese sentiret laqueis mortis, amarissimè illacrimans suis inqueibat Satrapis atque Principibus. “Ubi nunc sunt thesauri mei? Ubi opes? Nunquid non me de hac mortis captivitate redimere poterint? Ubi nunc gloria & magnificentia dominij mei? Nunquid non illâ adversum hoc mortis genus defendar? Et vero vos quid facitis fidelissimi mei, potentissimiq; servi? Nunquid

(a) *Eccl. i. v. 2.*

“quid non ab hac factorum servitute me eruere poteritis? Ubi
 “tandem infinitus numerus & indicibilis copia splendidissimæ
 “militiæ fortissimorum Persarum, Parthorum, atque Medo-
 “rum? Nunquid non vel hi ex hujus inimici faucibus in liber-
 “tatem statuere queant? Cùmque omnes Satrapæ, Principes,
 & Indlyti Persarum totiusque Regni lacrimabundi cecidissent,
 ac proni in facies suas, dicentes: *en adsumus Rex potentissime*
atque amatissime. Ille respondit: “Quid facere potestis ô mise-
 “ri de me misero? Rex ultro vester non sum: non sum felicis-
 “simus, qui fui, Monarcha Orbis. Sum verò & esse debeo
 “miserrimus mortis captivus. Hæc dicens exspiravit, suam-
 que utique reddidit animam illi, cui dum viveret, animo deser-
 viera.

Hoc denique ex dictis notandum est, de potentiâ militiæ
 Persarum, quod aliorum orbis Principum vix aliqui observant;
 quod nempe omnes suos præfatos milites, eodem in amore, ho-
 nore, stipendio, atque officio esse permittant, tam pacis quam
 belli tempore: unde aliud inde Persis confurgit emolumentum,
 quòd si inimicorum fortè potentia clam adarmata subitò insur-
 rexerit, novos tunc ipsi non audeant conscribere exercitus,
 sed de ijs, quibus actu semper stipendia militaria Rex & Principes
 contribuunt, primæ paratos necessitati ociùs convocare pos-
 sunt. Quando porrò eos ad bella vocari contigerit, aut aliud
 munus, servitiumve Regis obire debent juxta vices suas, & supe-
 riorum suorum dispositionem, lubenti & hilari omne accedunt
 negotium animo, tum quod debito semper victu vestituque,
 tum verò & Regis & suorum Principum charitate non caritu-
 ros se norint: sed & decore sese adornant, quasi Deo ad aras
 devotionis sacrificium oblaturi. Itaque ex his militibus conti-
 nuò ad Regis servitium constitutis major aut minor copia pro
 periculosi belli diversitate, campos aggrediuntur, juxta dispo-

sitionem Præsidis militiæ. Primæ autem forsan adversum inimicorum phalanges subsistere non potenti, in promptu sunt ex omnibus Regni partibus copiæ auxiliares majores, quod si & hæ succumbant, maximus tandē confluit adversum inimicos exercitus. Quod si plūs nimio potente hostium manu periclitati fuerint, omnis illicò Regis subditi, cujuscunq; conditionis & status, etiam non conducti aut vocati, ex devotione in Religionem, patriam, & Regem debita, confluere tenentur, atque arma in defensionem assumere. Tum verò & ipse Rex militiæ Præses egreditur, exercitatisimamque suam, & selectissimam ducit phalangem sub certo quodam vexillo, quo Persæ dicunt, creduntq; Halli in bello usum esse, quod & cautissimè asservatur in primo Regis thesauro. Cùm illo itaque infinitâ penè stipatus subditorum suorum multitudine Rex campos aggreditur: vocanturq; talis illius ad bella accessus: Sciah Gheldi, id est; Rex venit. Ac si dicerent; Accedit nunc bella Pater atque Dominus victoriæ & triumphi, suorum terror, atque flagellum inimicorum. Recedere igitur hi cogentur cum timore, atque pudore à facie iræ ejus. Et revera hic ultimus Persarum conatus bellandi terribilis est, nec alius esse potest de facili, quam insuperabilis. Cæterùm rarissimè in Persarum annalibus legitur, eos ad hoc faciendum esse coactos: aliunde etenim terrori sunt vicinis quibusdam inimicis suis, comprimis Turcis, qui eos magis atque cæteros timent, non tam ob militum copiam, quàm ob innatam ipsis Persis generositatem & ferociam, tum ob dexterrimam eorundem præliandi artem, tum denique ob singularem, & exactissimum copiarum ordinem ac dispositionem: in quo præliandi genere Persæ omnes antecellunt Orientales, magisque ad Europæorum peritiam militarem accedunt.

Hæc tandem de Persarum militia breviter dicta sufficiant. Nunc relinquamus arenas sanguini expositas, alijsque in campis, quæ recreationis sunt, sectemur.

ARTICULUS XXI.

De recreationibus, & delicijs, quibus Reges Persarum fruuntur cum Proceribus suis.

Persarum Regibus, eorumque Magnatibus, qui aliquod in Regni districtibus sortiuntur Dominium, tria, honesta pariter atque deliciofa arridere solent recreationum genera præcipua. Primū est venationis, quā quidem habent triplicem, terrestrium nempe animantium, volatiliū & aquatiliū; quamvis hæc ultima usq; adeo illis in frequentationē non veniat; cum tamen maria, flumina, lacusq; sint, ubi piscium prægrandem invenire est multitudinem, atque raritatem, Persæque exactam habeant piscandi notitiam & artem. Cæterum sicut aridus est ijs naturâ humor, non aquis delectantur ut plurimum, sed terrestria venari, & volatilia omni dexteritate student. Animantium porro terrestri venationi expositorum multiplices sunt apud eos species, utpote Cervi, Dorcades, sylvestres capri, & Apri, quos quamvis non edant, eorum tamen venatione se recreant, iisdemque postmodum Christiani fruuntur, & renegati milites illorum. Ut autem hæc animantia Persæ venatores suæ subijciant artis dominio, non solum industria armorum, atque canum, sed & alijs laboribus quā sedulè defudant, curiosa imò, & lepida excogitant: quorum illud non minimum neque narratione indignum puto; quod Regis venatores eidem in majorem recreationis ansam patrare Regis speciali jussu quandoque solent. Enim verò hi, pridie quam Rex loca venationis accedat, inibi quandam veluti panis massam ex aromatibus herbisque nonnullis, & alijs simplicibus condimentis confectam (cujus quidem secretum sub capitis poenâ prodere non audent) animantibus in pabulum spargunt; quod cum

cùm & ijs gratum sit, imò odore è speluncis aut nemoris intricatioribus locis alliciat ad suavem atque odoriferam auram capiendam; ad comedendū pariter ea provocat, ut ita decepto ore, decipiantur & mente ac sensu animantia illa. Delirare etiam taliter incipiunt, ut spontè sese suis offerant persecutoribus, illisq; lepidissimum omninò spectaculum exhibeant. Dum enim suos per gyrum efficiunt saltus, tametsi rectam intendant fugam, per circulum seu inebriata ducuntur, tandemque ubi sint, nescia, cogente naturam arte ridiculosissimè mox cadunt, mox surgunt, mox aliquot passibus gradiuntur, rursus mox humi decidunt, ad instar omninò hominis vino crapulati. Tandem verò Rege spectaculi curiositate satiato abducuntur, & occiduntur.

Est quoque avis quædam, non nisi ipsissima omnis rapacitatis Magistra compellanda, quam Persæ Carciga vocant, & in asperissimis Caucaſi montis rupibus nidificat. Hanc quandoque Persæ, rarò veruntamen, disciplinâ venatoriâ ita rapinæ atque ferocitatis reddunt industriam; ut non solum omnis generis, & molis aggrediatur volatile, sed singulari modo cum cervis suam exercent ferociam atque rapacitatem. Viso etenim cervo Princeps Regiæ venationis, qui illam avim Regi proximus manu gestat, statim detecto ipsi capite, quod cæteroquin more aliarum avium venaticarum coopertum habet, eandem avolare facit; pulsisque forti stimulo equis, Rex omnisque ejus comitatus eandem insequuntur, venationis verò Princeps alta post avim voce inclamat, tum ad eam magis animandam, tum ad Regem magis recreandum: hisce & similibus verbis. Eja avis Velox & generosa, omnium volatu animoque Princeps, cui volatilia omnia, sed & terrestria in prædam sunt; Ageſis; en cervus tibi adest, generosè perge, illique fortiter dominare; tuâ ipsum duc virtute in Regis nostri obsequium, & complacenti-

centiam. Similibus inquam, dum Venationis Princeps incessanter inclamat, avis illa summo impetu & velocitate cursum prosequitur, pronaque ruens in cervi verticem, inter medium ejusdem cornuū sese collocat, unguibus & rostro eidem oculos discerpit, atque dilaniat, eruit imò; atque ita cursum eidem interdicat, doloreque languidum corruere facit. Cùm interim Rex cum comitatu suo, omnesque venationi præsentes veloci cursu subsequuntur; & ubi cervum adinvenerint, ocius ad spectaculum magis visendum equis exsiliunt, tamque venationis Princeps Mirsiher, quam Rex ipse cum omnibus circumstantibus aviculæ (cui naturâ quædam laudis & blanditiæ indita est aviditas) generositatem & velocitatem blandissimis verbis collaudant, & de obtentâ industriè victoriâ gratulantur. Porro Carciga, avis illa, quippe animal rapax & prædæ peravida, talibus non contenta blandimentis, ungues protinus tenet cervi oculis infixos, insidensque capiti ejus alas in cornua extendit, atque ita firmiter consistit, suæ veluti prædæ partem exigens; eandem imò sibi approprians. Unde ut eam quantocius deferat, crudæ eidem carnis buccella offenditur, quâ & inspectâ allicitur, deferens prædam, & ad Regis aut Mirsiher manum advolans. Hæc autem eidem buccella subito tunc ei non conceditur, donec post tempus aliquantulum hauserit aquæ, caloreque volatu & ferociâ excitatus ab eâ recesserit. Tum verò statim atque antea caput eidem contegunt subtili quodam corio ad hoc apato, ut ita nullo alio distracta objecto rapinæ sibi species semper habeat relictas, prædamque suam, quam cæca semper præstolatur, cùm rursùm viderit, avidius insequatur; prout & hunc in finem utcunque aves venatoriæ, etiam apud Europæos visum habent velamine obvolutum. Tandem verò Rex post horam prædæ captæ proprijs manibus eandem ad saturitatem pascit aviculam, continuusque lenocinijs eidem blanditur.

Magna quoque est oculorum animorumque delectatio Persis, in volatilium venatione, quippe quorum copia & diversitas in nulla orientis parte æqualiter invenitur, maximè cum Persia comprehendat majorem Armeniam & Giorgiam, quæ sanè Regionibus deputata veluti à naturâ stadia & venationum loca sunt, imò venatorum officinæ atque palæstræ jure merito dici possunt; sicut & Ghilan, & montes Isfahan singulariter venationibus animantium feracitate diversissimorum permultum favent. Videre autem singulariter est hisce in Regionibus omnimodam volatilium multitudinem, Perdicum, Cothurnicum, Turdorum, Phasianorum, Attagenum, aliarumque specierum complurimarum. Porro in partibus Armeniæ præcipuè in Provincia Sciahrur, tanta est cothurnicum copia, comprimis mensibus Augusto & Septembri, ut rustici laqueis & funiculis quibusdam, quos ex equorum conficiunt crinibus, mille quandoque & duo etiam millia in unâ capiant die, & vilissimo proinde precio venundent. Cumque in multo numero & quantitate emantur, complures sale eundiuntur, & pro hiemali tempore asseruantur. Sic & de Pernicibus; ex his enim viginti tradere solent rustici pro uno imperiali: quippe quod in copiâ, & de facili omnino hæc volatilia capiantur, de parvulis aviculis quasi nulla est cura. Redeamus autem ad scopum Venationis nostræ.

Aves igitur hujusemodi, venaticis canibus, sclopetis, & sagittis, alijsve rapinæ deditis avibus Persæ insequuntur, ut niso, falcone, & similibus, imò & retibus, ut plurimum cothurnicis avibus canibusque venantur. Canes enim ad hoc jam disciplinati agnoscunt Domini sui vocem, quâ illis ut plurimum dicere solet, Tab, Tab, id est: invenias, invenias. Quo verbo illi audito susque deque per montes & valles, per sata & segetes, per senticeta & fruticeta discurrunt inquirentes, eo sanè modo, quo canes Europæorum ad certam venatoris vocem id-

idipsum faciunt: itaque cum fecerint evolare volatilia, falcone aliâve prædatrice avi, equestres insequuntur; cumque hæc volatu in campis aut sylvis, eò abscefferit, ut videri non possit, pulsant quoddam tympaniolum, quod ad equi ephippium juxta statûs sui conditionem preciosissimè, ornatum gestant, cum quadam alâ, quæ alicujus avis est ejusdem speciei cum deperdita, quam habet ad sinistram ephippij appensam. Pulsans ergò sic tympanum, alamque manu gestans venationis Dominus altâ clamat voce: Cuh! Cuh! quod ad libitum est, nihil etiam apud Persas significans, nisi quod ad vocandas hujuscemodi aves deperditas assumptum sit. Eodem modo particularia avibus imponunt nomina. Atque ita avis audito ex longinquo nomine suo, sonoque tympani, deferit quantociùs prædam suam, tametsi eam habere subitò possit, habeatve; & sui sequuntur Domini vocem: quo & deprehenso, in manu illius, non verò aliorum, quamvis in venatione complurimi sint, residere solent. Res visu jucunda, & curiosa.

Porrò hujuscemodi aves in multiplici specie & copiâ servantur Regis ad servitia, sub cura illius Mirscicher, qui exceptis pluribus Ministris, viginti quoque sub se habet centuriones, qui omnes cum centenis viris suis die noctuque illarum vacant servitio, quæ numerum quandoque excedunt trecentarum. Singulari porrò curâ his invigilant Centuriones prædicti, qui & hoc super annua stipendia in gratiam habent; quòd recenseo.

Nempè cùm avium illarum aliquam advertunt seniò confectam, debita ultro non posse in Regis favorem præstare obsequia, vel etiam ab infirmitate, quæ sæpe solet contingere illis, sint redditæ ad labores & prædas ineptæ, dicti Centuriones suo supplicant à Principe Mirscicher, dicentes talem, quam proprio nomine etiam vocant, avim ampliùs ad Regis obsequia non valere, videri ergò dono mittendâ cuidam Principi, qui eam pro su-

scienda gratia Regia, & singularissimo munere suscipiat. Quod ubi Mirschicher insinuârit Regi, hic illicò eidẽ in mandatis facit, ut avis nominata Regio suo nomine huic illive mitratur Principi, uni quidem ex Beghler beghi, seu Vice-Regibus, quibus solis, non solum vestibus, sed & avibus à Rege donari, commune est, ad discrimen eorum, qui simpliciter sunt Chan, aut Sultan, quibus tantum vestium, non verò avium Regiarum munera conveniunt. Habito igitur Regis jussu Mirschicher, decretum ex Regia Cancellaria expediri ocius jubet, juxta certam, & pro hujusmodi expeditione jam usitatam formam; illud proinde uni ex suis centurionibus pro suo delectu committit, qui id ipsum gaudens ac venerabundus exosculatur, ponitq; sinu suo, donec die posterâ jussa exequatur. Tunc verò comitatu viginti aut triginta servorum equester abit cum amica sua, sollicito tendens itinere ad nominatum sibi Vice-Regem, cui amicam aviculam ut Regis deferat amico. Jam verò, priusquam illius residentiam ingrediatur, de suo eum commonefacit adventu, teneturque tum posterâ die Vice-Rex plures nobilium, aulicorumque suorum obviam eidem mittere, per eosdem de felici gratulabundus adventû. Dumque ingressum ita stipatus facit per Civitatem, omnes Vice-Regis Tubicines seu Charana incessanti tubarum sonitu tripudiant. donec ad destinatam sibi à Vice-Rege Centurio domum deveniat. Inde die sequenti suo, pariterque aulae Vice-Regiæ comitatu insigniori, tubarumque clangore permaximo accedit palacium Vice-Regis, gestans manu fortunæ avim (sic enim tunc illa vocari consuevit) qui, viso illo, loco surgit, perque aliquos eidem obviam venit passus, omni cum demissione Regis suspiciens gratiam, omninò sese favore hujuscemodi indignum palam edicens, latorique debitas omninò referens gratiarum actiones, & locum eidem exhibens competentem. Transacta tum confabulatione familiariori incipiunt fulgere

crateres & bachi pocula. Hunc insuper Regiæ gratiæ delatorem Vice-Rex per unius mensis decursum, nonnunquam & ultra, ut gratissimum omni laudis tractat hospitem & amicum, quem & dein quinque vel sex florenorum millibus donatum à se dimittit, sua Regi obsequia delaturum.

Sed quod rideas non tantum, verum & quod mireris Lector, est, de tanta Persarum in Regem suum observantiâ & devotione. Etenim, si quando etiam contigerit avim illam naturali, aut violentâ morte interire, sufficiet, aliquam ejus partem, & viliorē quidem, nempe caudam destinato Vice-Regi deferri, quam hic, prouti & latorem ejus tanti equidem æstimabit, parique honore & veneratione suscipiet, ac si vivam integramque avim suscepisset. Hæc brevis tibi amice de avibus Persarum.

Multiplicis etiam generis canes Rex alit venaticos, maximæ molis, & virtutis, si etiam in bruto indoles disciplinata virtus dici possit. Hi undique ex omnibus mundi partibusducuntur, mittunturve ad Regis aulam, in singularem munerum vices. Curam eorundem habet singularis Princeps, qui & in eorum servitia, quingentos viros alit; is porro vocatur Segh ban Basci, id est: caput eorum, qui Regis custodiunt canes. Disciplinatissimi sunt porro naturâ ij, & quidam naturâ ferocissimi, quidam verò arte ad ferociam & generositatem educati. Catenis jugiter detinentur, & quando Regis tentorium figitur in Campo, circum circa illud veluti Leones ligantur in magnam Persarum ferocitatis & superbiæ ostentationem: Aliquando etiam, secundum libitum furoris, qui Regis fors mentem occupat, jubet is Principes delicti reos, vel Leonibus, vel hujuscemodi canibus obijci, ut ita rebellis homo, rebellis bruti dentibus dilanietur.

Recreatur & Rex pariter multâ diversissimarum ferocissi-

marumque belluarum copiâ. Habet namque in aulâ suâ Regiâ Elephantes plures, quorum custodes Indi sunt, eos diversis lusibus ad oculorum curiositatem & Regis venerationem instruunt. Cum hæc animalia ad Regis ducuntur præsentiam, juxta quod disciplinati sunt, eidem exhibitura obsequia, splendidissimè comprimis ornantur, crocoque in facie pinguntur, & tintinnabula resonantia permulta iisdem appenduntur; hæc enim amant, ut Indi fatentur, qui naturam animantium hujusmodi per experientiam habent notam. Sic porro ornati omni- que vinculo liberi elephantes, ab Indis conscenduntur, & forcipe, aut malleo ferreo cuspidato, domantur, dirigunturque, volunt porro sic ab Indis Regi, prout & eorum vernaculâ corrigi. Domum porro ubi habitant Filchane dicunt Persice, id est, domum elephantum, estque locus permagnus, in diversa divisus habitacula, quorum quodlibet uni aptatum est. In hac etiam domo Rhinoceros est, seorsim tamen ab elephantibus; utpote iisdem insensissimus, suoque cornu, quod in fronte gestat, eorum ventrem ab infra dilaniare solet. Unum ante aliquos annos Persarum Regi modernus Scytharum dono misit Rex.

Accedunt Leones, qui omnes debito modo Regem ut vernerentur disciplinati sunt. Solent autem in Persarum solennitatibus curiosa ad Regis præsentiam exhiberi spectacula, dum supra dicta hujusmodi animantia cum Tauris, bovisque; sylvestribus & ferinis congregari permittuntur, ubi horribilis lucta visus contingit. Domus in quâ hæc nutriuntur & instruuntur vocatur Scir chane, id est domus Leonum, ingens omnino & ampla, ubi & aliæ diversi generis feræ servantur atque domantur, quæ ex Indiæ, Scythiæ, caucasiq; montis oris afferuntur. Horum autem omnium sicut & Elephantum custodes illi Mirseicher tanquam venerationis supremo Principi subduntur, & illi pervigil cura de omnibus.

Tan-

Tandem aliud recreationis genus est, quo Rex cum suis Regni Proceribus delectatur. Nempe quotannis à Principio mensis Julij usque ad finem Septembris suaviores in montanis inquirunt auras, in locis etiam quinque aut sex dierum itinere à Regiâ dissitis. Hujuscemodi enim loca dantur, quæ natura benignior omni amænitate, delicijsque, quæ limpidissimorum fontium, quæ pratorum floridissimorum, quæ denique venationibus, & universi generis recreationibus aptissimarum omninò occasionum locupletavit. Eò igitur Rex, cum internâ, externaque aulâ suâ, exercitu, omnique consilio sese confert, sub tentorijs præciosissimis amœnissimisque castris tres illos absumit non inaniter mentes; nundinis nempe forinsecus exercitijs, in campo & interioribus consilijs, aut consultationibus, gravioribusque negotijs neutiquam intermissis in Regia Cancellaria. Campi illius latitudo aut longitudo, quinque aliquando, quandoque & sex laucarum erit. Nocte ante omne tentorium aut castrum juxta cujuslibet Principis inhabitantis conditionem plures, aut pauciores appensas esse oportet faces, ita quod ad infimi castrum una saltem reluceat: vocanturque hujuscemodi faces Mesc-hel scilicet luminaria. Et hoc ob Regis recreationē, quâ etiam noctu vult delectari. Campus autem ille sic occupatus Hordu dicitur; magis tamen propriè Jailac, id est, campus, sive locus pascendi sese recreationibus. Hordu enim dicitur etiam de omni campo, in quo exercitus apparet. In quibusdam porrò campis aut locis, qui Jailac Regis vocantur, & sunt, inveniuntur palacia magnificentissimè constructa, & apparata, in quibus quandoque sub tecto, non rarò verò etiam sub tentorijs pro libitu Rex cum suis mulieribus & Eunuchis eligit habitare. Imò præfato ordine comitatuque virorum ac mulierum, viginti quandoque & ultra dierum capit iter, recreationis absolutâ gratiâ, maximèque id versùs Ghilan, quæ terra præter multiplicem

cem quam Subministrat venandi occasionem & copiam, abundat quoque diversis, ijsque rarioribus fructibus, ut sunt poma aurea, limones, &, qui Citrini dicuntur; sed & clima illud, ad Maris Caspij oras respiciens, adeo est ferax, ut vites uvis abundantissimas ferat, de quo alibi dicetur. Unde & in hujus Regni Civitatibus splendidissima complura Rex habet palatia, illud comprimis in Civitate Asciref, sanè nobilissima, totoque oriente delicicijs & raritatibus præstantissima, atque vel inde merito ut talis celebranda.

Cùm porrò Persarum gens, eorumque inprimis Rex, præ omnibus alijs Orientis Nationibus, magis inclinentur in delicias & curiositates, quibus animus recreatur humanus illisque Persis omninò abundet, placuit Lectori curioso plura afferre, de alijs, quæ præter hæc tria recreationum genera, Persæ in usu habent. Pro quo sit.

ARTICULUS XXII.

De alijs Persarum ludis & recreationibus.

DUO adhuc singularia sunt recreationum genera. Primum dicitur Sciatir Dovini, seu cursùs cursorum. Rex etenim præter cursores, qui postas equestres perficiunt, & Ciapar dicuntur, plures alios habet cursores pedestres, qui Sciatir vocantur: quod idem sonat, ac apud Europæos Lackey. Hi porrò ante Regis equum quibusdam vestimentis specialibus, arctioribus, & magis corpori adaptatis, ante Regis equum incedunt, atque ita in arte cursoriâ sunt exercitati, ut iter plurimorum milliarium unâ die conficere possint. Magister porrò, & Præfectus istorum, ubi quem expeditiorem talium cursorum animadverterit, Regem admonet, ut dignetur quantociùs artem ejusdam cursoriam experiri; tuncque ad Regis nutum
asti-

æstivo tempore per certum stadium viginti quatuor milliarium cursor tenebitur velocitatis agilitatisque specimen exhibere, quæ quidem milliaria continuo cursu, & absque quiete intermedia peragrabit. Illa porrò deputatâ ad cursum die primus Minister Regis edictum publicari curat, quo inhibetur, ne die illa ullus mercaturam, artemve aut quodcunque opificium exercere ausit; sed omnes indiscriminatum, plebæi, ac nobiles, Principes atque Satrapæ Cursoris interesse spectaculo non omitant. Hic igitur cursor illâ in die ex primo Regis palacio duodecies currere debet ad aliud palacium, quod distat à primo unâ leucâ, seu, ut Persæ dicunt, Aghaci; totiesque incessanter hacedem viâ ad primum illud palacium reverti, ut ita viginti quatuor vicibus emetiatur leucam illam, seu Aghaci. Numerant autem vices cursûs per sagittas. Cum enim primâ vice ex primo Regis palacio iter assumit, manu secum sagittam defert, quâ in palacio Regio secundo depositâ, inibi assumit aliam, quam ad primum reversus itidem deponit, aliamque assumit; donec duodecim sagittas ex primo ad secundum, rursumque duodecim ex secundo ad primum Regis palacium deportârît. Porrò iter hoc in ortu Solis osculatus primò Regis palacij limina inchoat, & serò circiter vespere horâ octava persolvit. Via cæterùm, per quam suo excercetur in cursu, splendidissimè à civibus adornari debet, tum in Regis honorem, tum in maiorem cursoris animi delectationē. Quem & in finem Satrapæ, Principes, omnesque Regis Proceres pedibus eum comitari tenentur, subalternatis tamen vicibus ab uno palacio ad aliud, animosè semper eidem aggratulantes, exhortantesque, ut virili constantiâ & sine tædio assumptum sibi faciat iter gloriosum, nullisque in Regis honorem, & suæ generositatis specimen viribus parcat. Quinimò & Persarum ipsimet Pontifices eundem accedunt, similibusque hortantur & animant solatorijs blandimentis. Ubi

autem Satrapæ Principes , Proceresque comitatu defatigati fuerint , eidem se sociant nobiles , post hos cives , & demùm post cives cæteri Regis aliorumque Dominorum servi cursorij , semper eundem ad strenuè currendum exhilarantes. Sed & in majus cursoris hujus solamen , & generositatis excitandæ medium , quotiescunque hic ex uno ad aliud palacium pervenit , sagittamque deponit , omnis generis musicalium instrumentorum plausu eundem salutant , & nullis non tripudiorum signis , laudumque titulis eidem aggratulantur. Denique die illâ cursor hic ab omnibus ut idolum colitur , & posterâ munificentissimè à Rege donatur , sed & aula tota , Civitas , omneque Regnum eidem munera defert , in majorem Regis honorem & complacentiam , suorumque laborum compensationem.

Solet autem , uti nec aliter esse potest , brevis hisce cursoribus esse vita : quantumque breviter , tantum & parcè vivere debent , & moderatissimè. Rex iste Solimannus inter plures unum excellentiorem omnibus habet , qui Hot hot vocatur ; id est , Upupa : & hoc ad imitationem Salamonis , qui , uti figmentis & mendacijs Machometi sui fidem habent , pro cursore habuerit hujuscemodi avim , utpote inter cæteras satis agilem , & velocem. Audivi etiam in hac Cæsarea Aula aliquos Dominos tales habuisse cursores.

Alia denique recreatione Rex fruitur in certamine Luctatorum qui plurimi sunt , & in peculiari Gymnasio , seu palæstrâ sub Magistro instructionem capiunt , luctatorijs continuò studio , & indefessis artibus insudantes. De his porrò habiturus Rex experimentum primò facit in mandatis Ministro , quatenus formato ex Regio nomine decreto in omnes Regni partes edictum faciat , ut sicubi locorum quisque viribus pollens , & luctatoriæ peritus artis inveniatur , accedat quantocius , si quidpiam de se præsumat , ad Regiam , suæque specimina fortitudinis cum Regis exhibeat

hibeat luctatore. Expectatur tum trium decursus mensium, quo Regiam accedere possint, qui aliquarum sese virium confidunt; veniuntque inter hoc temporis ex diversissimis populis & nationibus viri robustissimi, subinde etiam Turcæ. Proinde destinata juxta Regis libitum die, in Regia platea, omni spectante & confluente populo, facta prius debita Regi aspectanti Veneratione, & salutis deprecatione, congregiuntur Regij & advenæ Luctatores, nullis non viribus robustissimis invicem tentantes, & nudatis corporibus, relicto tantum circa femora corio quodam, tamdiu colluctantes bini & bini, donec illorum unus alium humo dejecerit; quique omnium victor evaserit, præ omnibus singularissimis à Rege muneribus donatur.

Curiosissima denique est ars inter Persas circa instruendos nedum homines, sed & animantia bruta; prout utique horum Lectori constabit: & ex eo etiam constare poterit, quod columbas quasdam ita edoceant, ut literas, ultra etiam unius mensis iter aliàs ab homine conficiendum, deportent tabellariæ feliciores. Neque de unius ad alterius amici domum missæ aberrabunt, sed literas, quas collo, ne volatu prohibeantur, certo modo ligatas habent, deferent securissimas, nullique alteri consignabunt, nisi ad quem datae sunt, qui & de adventu illius quantum sollicitus, tantum & certus præstolari poterit. Talis autem species columbarum maximè habetur ex Babylone luculentamque; facit de illis mentionem Petrus della Valle. Ego autem, hoc absque aliqua superstitione, aut magia fieri vix posse arbitror. Hæc de his pro brevitate operis tibi Lector amice sufficiant. De cæteris enim Persarum ludis dicere vel nihil, vel pauca plane haberem, & nullius singularis momenti: etenim de actibus comicis, aut saltatorijs palæstris, uti inter Europæos visu obtingit, ignorant ij; sed neque ludum

alium præter aleas, & ludum latrunculorum habent, quem quidem expertissimi & ingeniosissimi ludunt, dicuntque cum ab Indis, qui & frequentissimo tempore eo exercentur, esse inventum: chartifoliorum autem usus ignominiosus, pilarum, aut pyramidum eisdem ignotus omninò est.

Denique Persarum Reges suis etiam in aulis stultos & histriones habere solent, estque præsens moderni Regis, nomine Hagibenghi, versutissimus & callidissimus in facetijs suis, neque Regi etiam datâ occasione verbis parcens, & appositè, omnia inducens. Cujus hic enarrare facetias opus esse non duxi: adducam tamen unam, quâ Machometanos quandoque exceperat Legisperitos. Cum his etenim proficiscebatur in Julpha quandam Armenorum coloniam, de qua alibi; ubi hi Ecclesiam visitantes Christianorum, depictum in parietibus viderant Martyrium sancti Gregorij Illuminatoris Armenorum. Erat autem & inibi pictum, quâ ratione impij calidum plumbum adipem oleumque per infundibulum ei infunderent; quod quidem picturæ genus cum Legisperiti non intellexissent, jocose ex Hagibenghi sciscitabantur: Equis hic esset, quidve cum ipso homines inciperent, aut quodnam esset universæ picturæ figuratum? Is porrò respondit eis. Huic ut videtis omnia corporis interiora plumbo bulliente, adipe oleoque perfunduntur: stultus enim erat uti vos, qui Machometo vestro ita adhæretis, ut vinum, quod optimum est, bibere nolitis. Sed & mihi quandoque eidem obijcienti, Eccur Christianus esse nolit, cum Machometanos suos ita excipiat, respondit. Et ideò Christianus esse nolo, quod Machometo, qui omnem mihi concedit vivendi libertatem, servire non possim, atque inde minus Christo vestro, quem qui sequuntur, arduam vitam ducunt. Quibus & similibus patefacit, se non tam hominem esse amentem, quàm versutum & nequitiosum.

ARTICULUS XXIII.

De Convivijs Persarum.

Nobilitas Persarum convivijis maximè dedita est, epulisq; amicabilibus, adeò ut Proceres eorum, toto vix anno ter aut quater in ædibus proprijs edere soleant, sed alternatâ amicorum conversatione de domo in domum splendidissimè epulentur. Conviviorum autem solennitas ut plurimum noctis tempore celebrari solet, ut magis cænare semper dicantur. Ad horam igitur nonam vel decimam saltem, temporis matutini hospites in domo esse debebunt amici invitantis, seu in quo per ordinem sunt tractandi vices. Tunc autem si æstivū fuerit tempus, quilibet se vestibus exuit, & pro placito suo se recreandi, absque ulla adversitate vel fastidio, atque in cubiculo sibi soli parato vestes onerosas deponit, pariter & Tulbantum, servans autem semper birretum leve quidem, sed preciosum utcunque & coloratum, prouti more suo gestare solent. Ad vestimenta porrò custodienda, aliaque hospiti ministranda deputatur specialiter quisdam invitantis ephebus aut servus. Convivæ autem non sellis, sed humi resident, quæ tamen preciosis strata est tapetibus, & tenerioribus quandoque feltris, quorum certæ species carioris sunt precij ipsismet tapetibus. Latitudo illorum duas sese in ulnas, longitudo in triginta, & ultrò extendit. Ponuntur ergo prope muros in longitudinem, & super ea quædam lintea ejusdem longitudinis & latitudinis, albi coloris aut rubri, subtilissimè acu picta, nec non aureo & sericeo filo, diversissimisq; floribus atque aviculis, quæ Suzeni vocantur, intexta. Feltra porrò hujusmodi Technemed dicuntur. Super hæc tandem sunt pulvinaria preciosissimis è materijs, quibus hospites insidere solent. Porrò communiter in cænaculis

aut convivorum locis fons esse solet, aut piscina, lapidibus, & ut plurimum marmore excisa, circum circa verò, ut frequens Persarū mos est, vas florum, & aviculæ suavissimè canentes caveis suis reclusæ, nec non vasa quorundam liquorum dulcium, quos vel Persæ ipsi conficiunt, vel confectos ab Indis habent. Sic & pariter vasa aliquarum confectio-
num, quæ, prout & liquores supra memorati, juxta diversa condimenta, sive ex aromatibus, sive etiam ex preciosis lapidibus, diversos in corpore humano solent causare affectus, ut hilaritatem ad colloquia & risus, appetitum ad comedendum, aut etiam dormiendum, juxta quod fuerint in sumentibus humorum dispositiones. Sunt autem liquores & confectio-
nes hujuscemodi in vasis porcellaneis, inscriptis diversis eorum nominibus, ut pro diversitate hospites assumant.

Cæterum discursibus scientificis, moralibus, politicis, præcipuè verò Poëticis confabulationibus tempus consumunt donec meridies accedat, tuncq; paratur illis Jentaculum satis lautum, adjectis fructibus, alijsque dulcibus edulijs conplurimis. Absoluto illo sumunt Cahue, aut Ciai, quem liquorem ex herba Te conficiunt. Semper autem Tabacum & ante, & post prandium usque ad cænam sumunt, humaniori tamen, & gratiosiori modo quam Turcæ. Vitream enim quandam habent amphoram de industriâ hunc in finem paratam, quam aquâ proinde frigidâ implent, illique os occludunt laminâ quadam sphæricâ æreâ, argentea, vel aureâ, nonnunquam juxta Dominorum conditionem preciosissimè elaboratâ. Hæc porro lamina in medio est perforata, ut per illud foramen pertransire possit fistula quædam ærea, aliquantulum subtilis, quæ & demergatur usque in aquam amphorâ inclusam. Dictæ in fistulæ parte superiore vas quoddam latum est, habens os magnitudinis unius imperialis, preciosum pariter pro hominum conditione;

ditione; atque in eo tabacum ponitur humefactum, & super tabacum carbones igniti, utpote magis duraturi. In medietate autem fistulæ supradictæ, quæ propinqua est laminæ amphoram tegenti, est foramen quoddam, cui pariter alia ejusdem materiæ & valoris imponitur fistula longitudinis digiti unius. Ad hanc igitur fistulam imponitur cannula quædam Indica, & per illam trahitur fumus tabaci, malignos autem ejusdem humores trahit aqua amphoræ reclusa, ita ut hæc post quadrantem horæ, turbida & flava, bili imò non absimilis fiat, proindeque statim mutetur, & recens amphoræ imponatur. Hanc autem curiosam Persarum sagacitas adinvenit novitatem, perutili methodo, ne cerebrum grossiori tabaci evaporatione lædi contingat. Vocant porrò hoc instrumentū tabaci Gheilen, illoq; omnes Persæ cujusunque conditionis utuntur, omnes quasi etiam mulieres, quæ indiscriminatim, & sat avidè, quâ die, quâ noctu hauriūt. Unde tabaci usus etiam apud Persas vitium magis est, quàm medicina, aut recreatio. Cannula item illa, per quam tabaci fumus trahitur, duarum, quandoque & trium est longitudinis ulnarum, utunturque ea Persarum singulariter Nobiles atque Proceres ad pompam magis, quàm ad commodum. Quantus porrò tabaci sit in Perside usus vitiosè introductus, ex eo conjectura Lector amice, quod venditores illius in sola Regia Isfahan, viginti circiter millia Tuman Regi contribuere teneantur, omis- sis ijs, qui in alijs civitatibus, & provincijs totius Regni sunt copiosissimi, unde non potest non ingentia Regis ærarium sumere incrementa. Inde & conijcies quantitatem & abundantiam herbæ hujus, quæ & maximæ est diversitatis in hoc Regno, præcipuum autem genus illius vocatur Muchdari, quod folia habet tenerima, ad modum flavi serici laudabile antidotum adversus bilim & pituitam, crescitque solum in Chirman, sive Caramania, tabacum pulverizatum autem sumere per nares, non est in tan-
tum

tum usui Persis, nisi fors quibusdam, qui ab Europæis id didicerunt; qui & hoc ita pulverizatum vocant purunoti, seu remedium nasi; alterum autem quod fistula trahitur simpliciter Tambacu omnes nominant. Figuram instrumenti Lectori adjicio, ut melius ejus curiositati circa illud satisfiat.



Absumpto igitur tali jentaculo post meridiem liberum est hospitibus manere in conversatione, aut aliam sibi eligere recreationem. Quod si libeat quieti vacare, paratum cuilibet cubile, lectum, & famulum offerunt. Si verò horto deambulare, & ille pariter paratus erit. Mos etenim Persis est etiam plebæis, amœnissimos colere in ædibus suis hortos, non
tam

tam suæ & familiæ propriæ, quam hospitum & amicorum recreationis gratia, quos juxta placitum tractare amant, quin imò juxta patriæ morem ad id unicè tenentur, qui hospites invitare volunt. Quod si his balneum arrideat, ijs frigidum aut calidum pro libitu parant, sive in domo, sive propè illam, juxta invitantis conditionem & accomodationem. Si autem hospitibus placeat quodam ludo recreari, eo pro libitu possunt, absque tamen (quod sua dignum est laude) turpis umbrâ lucri, sic etenim ludere Persis omnino ignominiosum putatur. Tandem si lectione librorum delectentur, hos paratissimos habent, de historijs, antiquitatibus, Scientijs, moribus, & præcipuè Poësi, qua Persæ singulariter delectantur. Hos proinde peritus quidam Ephœbus, aut servus domini domûs, genibus flexis debita cum reverentia, & matura attentione prælegit, qua non minori hospites intendunt, sumendo per interim temporis Tabacum, Chave, aut Ciai, sive Te: aliquando vero & quædam puncta ex illis inter se controvertentes, diversasque colloctiones desuper amicabili modo pertractantes. Hoc autem conversationis genus Sohbet il Kitab, seu recreationē librorū appellant, arridetq; magis ac cæteræ recreationes avido eruditionis genio Persarū. Transactis porrò quatuor horis post meridiē, omnes relictis peculiaribus recreationibus, illud accedunt conclave, ubi jentaculum sumpserant; inibi que pariter paratur mensa, more dicto in terra, appositis recentibus fructibus, & liquoribus, cum butyraceo pane, & omnis generis odoriferis oleis, sanitati & hilaritati hominis conducentibus; resonante musicorum Choro, qui quidem diversi generis omnino, ac Europæi, instrumentis ludunt. Tunc porrò illi qui vinum bibere solent, suo sedent ordine distincti ab ijs, qui vino sunt abstemij. Incipiunt igitur antequam coenam sumant fortiter bachari, & græcari; absque ulla tamen propinatione aut salu-

tatione: unde eorum quilibet ab Ephœbo seu famulo in medio stante, cum aureo aut argenteo vase, juxta libitum suum libare petit, qui & ei pro libitu aureum vas, argenteumve vino infusum exhibet; ut proinde nemo alium ad potandum cogat, sed si qui ebrii, voluntariè tales efficiuntur.

Ubi tria mihi notanda occurrunt. Primùm; quod singulariter hæc natio inter cæteras omnes propinatione aut exhortatione ad haustum alijs consueta abstineat. Liberè ergo, & absque ullo titulo se se ingurgitant Persæ more sane bellicuarum, uti rectè prudentissimus Rex Habas, de quo supra Articulo de Regibus, Legato Hispanorum insinuârat. Relictis proinde cæremonijs, poculorum tot & tanta sumunt, quot & quanta possunt: donec sensibus destituantur, & ad lectos deportati ut cadavera jaceant, cum maxima rationabilis mentis nausea. Et hic quidem vitiosissimus potandi mos usu non aberat antiquis Persis, ut videre est apud Xenophontem, quibus tamen non erat cautum, sicut est modernis per Machometū. Ast tametsi cautum sit, non solùm illud quidam generosissimè bibunt, sed & in nonnullis libris suis ut plurimum commendant, nescio, quibus non encomijs & elogijs: quod præcipuè Poëtæ faciunt, qui plurima de vini generositate atque virtute canunt, & speciali nomine Tochter Rez, in suis celebrare solent libris, quod idem est, ac filia uvarum; apud Persas enim, sicut & apud Germanos Tochter / filiam sonat. Et hoc nomine solent appellare vinum ex quadam phrasi Poëtica ad discrimen nominis vulgaris illius, quo ordinariè illud vocant Sciarab, quò & nomine nuncupatur à Turcis.

Secundum quod occurrit, est, quod tametsi Machometi lex prohibeat universim omnibus suis potum vini, nihilominus plerique Persarum, comprimis qui sanioris esse mentis volunt, & sunt, sicut & ipsimet Reges atque Magnates eorum, utuntur lege illa

illa secundum placitum & commodum suum, & vino abstinere nolunt, imò illud ut amicabile conversationis medium agnoscunt, multumque pertractant. Cæterum tamen quandoque fit Regis inhibitio, ne ullus Persa sub capitis pœna vinum bibere ausit: quæ verò in Christianos Persidem inhabitantes non extenditur, & hæc prohibitio rigorosissimè à Persis observari solet. Unde colliget amicus Lector, quomodo Persæ magis sui Regis legem, quam Legislatoris Machometi sancita observent. Fit autem quandoquidem hujuscemodi à Rege prohibitio ex motivo politiæ ipsorum, aut instaurandi in Regno Regiminis, & magis sobriam militiæ institutionem, ut proinde Persæ non soleant de die plerumque bibere vinum, quippe quem serijs impendendum prudentissimè existimant; sed de nocte in cæna, quam quieti & recreationi aptiorem sentiunt.

Tertium notabile est, quod sint Persarum aliqui Prophetæ suis legi magis addicti: quàm ut servant seu potius servare credantur, & tamen vini fruantur delitijs, ridiculosum excogitarunt medium. Etenim postquam bene debachati fuerint, cessantes à vino jugiter ora manusque aquâ lavant, ut ita munden- tur ab infectione vini, & Machometicæ legis suæ rei non habeantur. Idem faciunt, cum gutta aliqua vini in vestimenta deciderit, quæ sedulo lavant ea in parte, ubi vinum ceciderit. Sentientes omninò per lotionem membrorum exteriorum sufficienter deleri prævaricationis maculam, & per aquæ lotionem ne dum corporis, sed & spiritûs sese tortiri munditiem, prout & alibi de hac eorum superstitione dictum est. Sunt ergo sepulchra dealbata intus foetentia & impura, de quibus jam olim Christus puritatis auctor dixerat. His Lectori notatu datis ad eorum pergamus Persarum conversationem, qui mutuam, vino tamen abstemij, colunt amicitiam.

Hi ergo qui magis Machometicæ dediti legi vinum non bibunt, quin & bibere abhorrent, bibunt præfatos liquores, quos Scerbet vocant, præfatasq; sumunt confecturas, in modum pilularum paratas, quas & Magiun nuncupant. Porro ut illorum spiritus excitentur, & hi tam animo quàm capite calefiant, omni studio satagunt, non minus atque ij, qui mero ingurgitantur; bibuntq; ideo liquorem quendam & sanitati valde noxium, & gustui omninò ingratum, quem Chocnar vocant: estq; succus radicis pomi granati mixtis alijs quibusdam aromatibus: & sicut Cahuc præparant illum cum aqua calida, eodemque modo sumunt. Succus autem niger est, ut ille, & par felli amarissimus. Sed & præter istum liquorem sumunt Opium tam in convivijis quàm extra, cui quidem ita assuescunt, ut vitiosum habitum assumentes, de die potiùs omittant panem, quam Opium, cujus & subinde integram dracham sumunt, unde quidem subitum & notabile corporis incommodum non sentiunt, nisi quod post aliquantulum temporis temulenti fiant & somnolenti, ut vulgaris etiam inter eos inde orta sit objectio, quâ invicem vocare solent Turiachi, seu opij sumptores, quod idem juxta eorum phrasim est, ac si sese temulentos dicerent. Cum interim insani illius esu, sese animosiores fieri, præter omnem rationem & propriam experientiam existiment, & ad omnia belli pericula generosiores evadere se credant. Cùm imò Turcarum tyrannus magnus bellū gesturus militū delectum facit, totum ferè Regnū opio exspoliatur in conciliandam militibus suis generositatem. Unde tam in Perside quàm Turcia largissimè abundantissimèq; seminatur papaver, ex quo fit opium. Et facilè crediderim, quod si etiam in aliquibus partibus Europæ, Germania nimirum & Italia coleretur papaver, haberetur utiq; opium perfectū, sine adulteratione artificiosa, quâ mercatores vitiant illud turpis lucri gratia, & sic vitiatum ex Asia minori, quæ non minus frigida est, ac ipsa Germania, in has partes afferunt, & divendunt.

Ho-

Homines igitur hi deperditi, ut hac in vita vinum fugiant, & ebrietatem ab illo, indecentēque actus inde orituros, spem suam refundentes in vitam alteram, in qua affluenter omnibus sint fruituri, epulisq; omnigenis, & pulcherrimarum (ut somniant) puellarum per Machometi gratiam conversationibus delectandi, sumunt hac in vita, quæ pejora efficiunt ipsis, quam vinum inordinatè sumptum. Ille enim liquor ex Choc nar, & ille Magiun ex opio taliter eorundem alterant mentem, speciesque perturbant, ut omninò stolidiores ineptioresq; magis disparata loquantur, quam mero ebrii; unde & ab his derideri solent, & ut plurimùm illudi: sine tamen ullâ verborum aut armorum offensione, quam (quod mirum est) ipsa sua in amentia singulariter cavent, ut quid barbarum & inhumanum. Omnia proinde dicta aut facta, joco & hilaritati vini adscribunt, succisve & liquoribus à se sumptis, omniaq; manent die illa & domu sepulta, nullâ factâ reminiscentiâ eorum sequenti die, aut alibi locorum, quæ successerant. Edicens porrò talia pro infami & infideli habetur viro, & defectus ex amentia mentis contingentes humanitate tegere nescio. Singulariter autem politicum hoc silentium observatur circa gesta in Regis mensa. Is enim subinde vino captus, hilarius cum Satrapis Proceribusq; jocatur suis, quæ indiscreto Regiam dedecere viderentur Majestatem, puta saltando cum suis Magnatibus, vel stando coram illis (quod Persarum Regibus insolitum est) aut poculum vini manibus propriis illis dando, aut jubendo ut inserviant mensæ, colluctationemve inter se habeant, visurus quisnam eorum fortitudine præstet; & jocoseria hujusmodi plura, quorum & ipse quædam pro vini audacia præstabit. Hæc inquam arctissimo tenentur secreto, rigidissimoq; sub capitis poena sigillata manent silentio. Unum factum præsentis Regis addiderim. Jusserat semel hic prout & ipse vino jussus erat, senem illum supra sæpius memoratū Sceich Ali

Chan, suū Hedima Dolue, unicum Machometicarum superstitionum asseclam, luctaretur quantocius cum Satarapa quodam. Ut porrò seniculus Monarchæ sui adimpleret iussa, æmulum aggressus luctâ cecidit. Rex autem generosiùs eundem allocutus inquiebat. Oportebit omninò, quòd, ut viribus polleas majoribus, vinum bibas, quod lac est leonum, leoninîsq; tandem viribus adarneris. Is autem respondit; malle se esse catum sine vino, & fidelem Machometo, Regi;q; suo, quam bibere vinum, & esse leonem, ac prævaricatorem. Quo audito Rex irâ præoccupatus iussit vinum capiti ejusdem superfundî, barbamque, quam candidissimam nutriebat, radi, tandemq; aulâ pelli, cum vetito ultra ne accederet: prout & pulsus erat, ultra non accedens, sed mensibus sex in continua Regis indignatione domi suæ detentus. Donec Regis mater supplex filio esset, recordaretur quantocius senectutis & fidelitatis Ministri sui; qui proinde in gratiam genitricis pristinos eundem susceperat in favores, habitumq; contulit officium, hoc tamen eidem protestatus. Tu equidem, qui talem pervenisti ad canitiem, ignorare ultra non ausis; quantæ bonitatis valorisq; sit generosus hic liquor. Putasne (inquiebat) te fors habiturum in paradiso, quod melius, aut nihil horum fuerit? etenim si hoc in vita prohibetur vobis (nota Lector, qualiter per ly *vobis* excipiat se Rex à legis observantia) vinum ut quid malum, quâ ratione licitum erit illic, ubi malum nullum permittitur? Porrò is Hedima Dolue, ut Regi complaceret, adpromisit, se iussâ & hic & ibi (utique in inferno apud Machometum suum) facturum. Quæ dum occasionaliter dixi ad scopum revertar, oportet. Hospites ergo illi, qui mero alijsq; liquoribus & confecturis utuntur, nullam non effunduntur in hilaritatem, magis ad id faciente jucundissimo musicalium instrumentorū sono, omisâq; omni, ut dictum est, cujuscunque offensione. Subinde autem, & ego ex amicitiae obligatione

tione adesse debebam hujuscemodi eorundem conversationi, & ubi fueram, sua in factione quilibet me habere conabatur. Qui verò ego juxta justum rationis dictamen adhæsi cui adhærendum judicavi, & sæpius quidem servatâ discretione cum his, qui vina libabant, conversabar, non nullamque socijs causaveram complacentiam. Deriserā cum his æmulos eorundem vini osores, eramq; argumentum adversum ipsos: ita, ut quibus adhæseram, dicerent. En compatriota & socius noster Europæos inter est educatus & eruditus, quibus longè præstantior est sapientia, ac nostra, vinumq; placet, ut melior & sanior sanitati liquor, qui & id ipsum ut quid potabile sanâ mente assumit. Factio igitur & secta vestra, nunquid non inanis, insana imò reputanda sit. His similibusq; jocis consumunt horas usq; ad cœnæ tempus, quæ in nona, aut minus decima noctis, plus minusve juxta anni tempora haberi solet. Tunc verò ablatâ mensâ primâ nova ponitur diversis referta cibus, quos simul & semel pro more suo per se deferunt, & paropsides semper habent cooperatas, aliquas quidem grandiores, ut vir ex culina portandis nullas non vires debeat adhibere. Ciborum porrò hujuscemodi, & minorum universim quadraginta, aut quinquaginta, nonnunquam verò pro hominum conditione, centum usq; optimo ordine in mensa collocantur, taliter quidem, ut paropsis una ex cibo solido, quem dicunt Pilau, secunda verò ex liquido, multiplicis generis apponantur hinc inde; assidentibus in medio juxta mensæ capacitatem, pluribus paucioribusve dapiferis, qui mediantibus Ephœbis ordinatim distribuunt cibos, eosq; cuilibet sigillatim. Antequam porrò cœnam hanc accedant, cuilibet hospitem apponuntur quatuor aut quinque porcellanea vasa minora, diversis herbis & aromatibus repleta lactucarum vice, suntq; in eorundem aliquibus, succi limonum, pomo granatorum, citrinorum, atq; similium, quos cochlearibus sumunt, quæ ex odoriferis lignis

nis facta sunt, pretiosa & elegantia, quibusq; tantum pro liquidis cibus utuntur. Sumunt autem succos hosce, ut appetitus sit ciborum expeditior, & digestio faciliior.

Porrò Persis in more est, dum comedūt, nihil bibere, sed ante: sicut & post, nihil nisi Cahue, aut Te, vel tabacū sumere, quæ omnia ad digestionē juvare, vinū verò stomacho jam cibus onerato obesse sentiunt. Porrò & antequam hæc sumant, finitis edulijs manus lavare solent, & ora, rosaceâ calefactâ aquâ, quam Ephœbi in promptu aut servi habebunt. Tunc item accedunt, qui prætiosa gestant thuribula suavi odoramentorum genere fragrantia. Factâ porrò lotione potu abstinent, solo, ut dictum, Chave, Te, & tabaco contenti. Tandem verò, qui primus hospitum est, assurgit gratias referens hospitanti, quod & cæteri juxta ordinem suum non omittunt. Quem porrò convivium facere proximè contingunt vices, supplex hortatur omnes, ut manè crastino in sua declinare dignentur habitacula, sumptuari pariter panem amicabilem, & mutuas capturi conversationis vices. Insinuant se tum quibus comoditas & placitum est veniendi. Quamvis & præter has invitationes prævias, alias invisentibus se juxta conditionem suam, astruere Persæ soleant epulas. Cùm servis autem & luminaribus, pluribus paucioribusve, postquam amicis hospitantibus valedixerint, discedunt. Cæterum æstivo tempore diversis quâ cibus quâ recreationibus fruuntur, quam hiemali; prout & diversis in hoc, quam verno, quod idem est de autumnali. Deniq; mulieres, non solum nullam possunt cum hospitibus habere conversationem, sed neque publicè ante eos apparere audent. Rarissimis imò vicibus mariti proprijs cum uxoribus edunt. Zelosissimi nempe hoc sunt in passu Persæ ut alibi dictum. Ut autem Lector selectiorem habeas de eorundem cibus, modoque comedendi notitiam, sequenti Articulo declarabo.

ARTICULUS VIGESIMUS QUARTUS.

*De cibis Persarum, modoque condiendi eos, sicut
& de solennitatibus convivialibus in cibis & men-
sa Regia.*

PRæter ciborum multitudinem, lautitiæque, ut dictum, singulares faciunt Persæ sumptus, ad condimentum, quod ex odoribus & aromatibus abundantissimè præstare solent; maximè ad condiendum cibum, quem Pilau vocant, quo & summopere delectantur. Et non abs re. Cibus enim substantiosus est, sanusque, fit ex riso, ita industriè, juscule carnis & butyro decoctus, ut & grana singillatim numerari possint, appareantque quasi cocta non essent. Unde hordeum hominis vocant, cæteros vero cibos & edulia paleam. Etenim, inquirunt, sicut equus delectamentum & saturitatem plenam non nisi per hordeum habet, ita & homo non nisi ex Riso seu Pilau decocto: Unde quamvis in convivijis suis lautissimi sint, & magis qualitatem quàm quantitatem ciborum observantes, rati potius illam esse congruam sanitati quàm hanc, magisque in ea monstrari magnificentiam & hospitalitatem, in quantitate verò non nisi vitiosam affectationem; licetque duplo plus insummant in convivijis quàm cæteræ nationes (nam excepto indicibili luxu fastuque eorum circa familiarium famulorumque incessum, equorum ornatum, domuumve structuram, & delitiosas earundem suppellectiles) est nihominùs frequens Conviviorum luxus, ita ut in his multa prodigaliter insummant, totam imò annuatim substantiam suam vix abire non faciant; unde Magnatum plerique etiam si ingentes habeant redditus, ut plurimum tamen sunt debitores, idque sibi in gloriam adscribunt non curantes multum de Mamona iniquitatis, nisi ut illa sibi faciant amicos, fruanturque cum eis.

Pp

Porro

Porro ad cibos redeundo, laudabilis sanè est confecturæ Pilau. Quando enim à paropside cooperculum ablatum fuerit, tam suavis inde evaporat odor, ut omnes spiritus mira cibi illis energia recreentur, & omnis appetitus, si etiam aliunde non sit excitetur. Cibus ergo hunc dum calidus est, comedunt una manu, dextra scilicet, sinistra semper libera, ut possint necessaria cætera eadem arripere. Porro manum qua comedunt ita implent, ut magnam cibi copiam ad os deferant, eaque veluti cochleari utantur, etiam Rex ipse eorum. Cumque comestioni finem imponunt, quantum possunt, implent cibo illo manum, totum simul & semel ore capientes: vocantque hanc ultimam sumptionem Sciach Tichefi, quod idem est ac pars, seu portio Regis: nempe quod sumant in obsequium ejus, cujus & gratia fatentur se habere ea, quibus frui sunt, quibusque amicos suos tractare possunt. Igitur eo fere modo comestioni suæ in Regis honorem finem imponunt, quomodo Germani potui suo in venerationem & benedictionem S. Joannis.

Cæterum cibus hunc diversimode condiunt, & pro condimentorum diversitate nominant. Cum enim coquitur cum gallinis; dicitur Tauch Pilau. Si cum pernicibus vocatur Keklik Pilau. Si cum columbis, dicitur Goghercin Pilau. Cum cothurnicibus, Beldircin Pilau, similiter si cum Phasianis, attagenibus, Turdis, anseribus, anatibus Gruibus, alijsque id Generis volatilibus paratus cibus iste; sicut & cum agniculis, coctus, dicitur Guzu Pilau: aut cum herbis odoriferis in jussulo ovinæ carnis dicitur Scivir Pilau: cum vuis passis, Chisc-misc Pilau: cum Sacharo & Croco pariter in jussulo ovinæ carnis, vocatur Sari Pilau, quod idem est ac flavus, seu Scecher Pilau, quod idem sonat ac sacharaceum risum. Jussulo autem carnis bovinæ aut bubulæ non coquunt eum. Cæterum parant & illum eum cerasorum Succo & fit coloris rubri, aliquantulum acer: vocantque eum Gulinar Pilau: aut cum fucu pomi Granati, & tunc pariter acer est, & niger. Alijs denique jam plurimis faciunt modis, estque singularis varietas & curiosa raritas visu, in Regis mensa de cibo isto, cum eam solemniter parari jubet. Sed
& con-

& condiunt illum, præter aromata & odores aqua rosacea cum jusculo delicatiori avicularum ad majorem ei addendam fragrantiam, & magna denique in ejus coctione requiritur industria. Unde & artem coquinam permulti æstimant Persæ. Potissima ergo vasorum copia diversis hujus generis Pilau erit repleta. Habent & vasa ad cibos argentea vel ærea, ita quidem deargentata, aut arte dealbata, ut vero æquiparari argento possint: Et hæc quidem vasa majora sunt. Plura cœtera minora utcunque etiam ex argento aut ære, pleraque tamen ex massa porcellanea: ex auro vero nihil nisi pocula & vasa, quæ vino inserviunt; & vasa seu Scutellas potius, quo sputa conijciunt. Sunt autem hujusmodi vasa seu Scutellæ majoris profunditatis, oris tamen minoris, tanti quidem, quantum sufficit ut homo in illud sputum conijcere possit. Porro tale vas quilibet hospes habebit ante se, ne in terram, quam utcunque prætiosè ornatam habent, exspuere cogatur. Unde & vocantur hujuscemodi vasa Tifildan seu exspuatoria.

Denique vasa hujuscemodi innumera in Regis aula omnino aurea sunt, & ingentia, cum operculis suis, sicut & omnia illa quibus cibi hospitibus tribuuntur, ex argento vel porcellana rarissima. Horum in curiosiorem notitiam faveat tibi lector amice consulere nobilissimum Romanorum peregrinum de apparatu mensæ Persarum Regum, quod quidem ita conscripsit ille, uti tanquam hospes & peregrinus facere poterat, & in illis circumstantijs viderat, in quibus primus Habas Regis mensam intuitus erat, non nisi sub castris & in peregrinatione, talique quidem tempore quo non tantum splendorem, fastum, & pompam exhibuere Reges, uti modo pro abundantia divitiarum suarum, quam sortiti sunt juxta annorum tranquillitatem & pacem, exhibere solent. Tu interim ex ungue leonem conijce, & quæ author iste de Regiæ mensæ fastu scribit bene pondera. Sic ergo in suo idiomate promit. (a)

(a) *Petrus De La Valle. pag. 535.*

Non alloggiarv' più il Rè vicino à quel colle, dove, dissi di haverlo trovato da principio: mà si era ritirato presso ad un giardino delle ultime case della Città. Qui vi in campagna aperta, mà vicino alle mura del giardino, havea teso un padiglione, di quelli che chiamano scervanli, cioè all' uso della Media: che sono di forma lunga, e tondeggianti nel cielo, quasi à guisa di gallerie. Di fuori, son di feltro; e perciò molto buoni à riparare, tanto il freddo, e la pioggia, quanto il caldo, & il sole. Questo del Rè era colorato à lista di trè colori; cioè, una lista cremesina, & una gialla; una cremesina, & una verde; e così sempre alternatamente: essendo le liste tanto larghe, quanto è largo il feltro. La sua lunghezza, mi parve, che fosse quanto un tiro di arco punto in bianco: però la lunghezza, e la larghezza, meglio la comprenderà VS. da quel che appresso dirò. Dentro à questo padiglione: che era strato tutto di finissimi tappeti, erano preparate in terra due mense, con tovaglie di broccato molto ricco; pari, e lunghe da un capo all' altro del padiglione, una da una parte, & una dall' altra della sua larghezza. Non erano preparate per cena: mà solo per trattenerfi à bere in conversatione: e però erano imbandite solo di cose à ciò à proposito: come frutti, pistacchi salati, cedri-voli, e simili galanterie da loro usate à questo effetto, messe in piatti grandi: una sola fila de' quali, mà molto spessi, e stretti insieme, ricopriva le tovaglie, i piatti erano tutti coperti: & al solito, d' oro, e d' argento: mà quelli d' argento erano pochi. Oltra de i piatti, v'erano per tutto sopra le mense, da una banda, cioè dalla parte di quei, che sedevano, una quantità di quei vasi coperti, che altre volte hò descritti, per mettervi dentro le scorze, e le immonditie; e dall' altra banda, una mano di caraffe, e di fiaschi, e d' altri vasi grandi di diverse

verse sorti, i quali, tanto quei di una parte, quanto quei dell'altra, erano pur molto spessi, e stretti insieme, disposti, e fra-
mezzati co' piatti grandi, con quest'ordine: un piatto, e due
vasi, e così sempre per tutto: Erano i vasi ancora tutti
d'oro, con alcuni pochi d'argento, à luogo, à luogo. Di più
di queste due mense, che erano stese, come hò detto, alle ban-
de del padiglione, occupando tutta la sua lunghezza; ve n'era
un'altra in mezzo, di simile lunghezza, larghezza, e con simili
tovaglie di broccato addobbata: è tanto lontana da amendue,
quanto da una parte, e dall'altra vi fosse luogo da passar gen-
te innanzi, & indietro per servir, cioè luogo per due persone
al pari. Questa terza mensa di mezzo, non era per seder vi i
convitati; mà per ornamenta, per tener vi il vino, i vasi
da bere, i lumi, & in somma per quello apparato, che noi
altri usiamo di far nelle credenze. Era però piena tutta da
capo à piedi d'una infinità di vasi grandi, e piccoli di di-
verse sorti, quasi tutti d'oro più belli di quell'altri, che stavano
nelle altre due mense, e tanto spessi, e stretti un con l'altro,
che la tovaglia non si vedeva punto. Vi erano candelieri
grandi, e di varie foggie, con lumi, i vasi grandi in forma,
quali di fiaschi, quali di boccali, quali di brocche da barbiere:
tutti veramente di manifattura semplice, e di poco buon di-
segno, che mi parve un peccato: e non sò se a-vuenga, per-
che i maestri di questi paesi non sappiano fargli meglio; ò per-
che il Rè non voglia spender, e perder denari nelle fatture:
poiche tiene questo tesoro, e se lo conduce sempre appresso, non
solo per ornamento della sua casa, e de' conviti: mà anco per
servirsene, se bisognasse in un'occasione, v'erano anche molti
bacili, pur d'ore, grandissimi, e pieni tutti di tazze da bere di
di-verse sorti, e di varie forme: Erano tante che in ogni
bacile ve ne era almanco una dozzina, & in tal'uno più di

venti. Trà l'altre cose più notabili, vi era un rinfrescatoio pieno di neve, e di fiaschi d'oro con vino nella neve in fresco, il qual rinfrescatoio, era di forma quadra, alquanto lunga, à guisa d'una cassetta, ovvero una cuna di miglor fattura, e disegno, che l'altre cose, con certi balustretti, & altri ornamenti galanti. Era pur tutto di oro, e tanto grande, che due buomini, credo che con difficoltà l'haverebbero alzato. Questo pezzo solo, senza i fiaschi, che v'erano dentro, il Padre F. Giovanni (qui fuit Carmelita, & fundator domus sue Religionis in Regia, & valdè fuit à Rege isto amatus, ut sepè illum voluerit habere sibi commensalem) & jo, lo stimammo di peso di vinti mila zecchini, poco più, ò manco, da che VS. potrà argomentare il valor di tutto il resto, havendo inteso, che un padiglione così lungo, era tutto pieno da capo à piedi, à trè ordini di cose così fatte. In capo alla già detta mensa di mezzo, dove erano le cose migliori, v'erano molti vasi, e tazze grandi da bere, in mille foggie strane, tutti giojellati: e particolarmente alcuni con quantità di diamanti, che rilucendo al lume delle candeie, apparivano non men belli alla vista, che ricchissimi. Il padiglione da una banda della lunghezza, cioè da quella, che guarda alla campagna, era tutto aperto dal mezzo in giù: di maniera che co' molti lumi accesi, che vi erano dentro (perche il convito fù di notte) assai di lontano si poteva goder la vista del bell' apparato, e scorger lo splendore dell'oro, e delle gioje. Dalla medesima banda del padiglione, è lontano alquanto, con lasciare in mezzo una larga strada: era tesa ancora in alto da una lunga, & ugual fila di tende aperte, cioè di quelle, che chiamano Sai-vàn, ò come più correttamente scrivono, e pronontiano i dotti, Saie-bàn, quasi ombraculi, e che non cuoprano, se non di sopra verso il cielo sostenute dalla parte di dietro, ch'era verso il padiglione

glione da molte baste altissime, e dalla parte di vån, ò di fuori, che inchina alquanto più bassa dalle corde appuntate, come si usa in terra. Questa fila di tende, non solo correa per lungo al pari del padiglione da capo à piedi: mà girava anche da piedi, abbracciando, per dir così, il padiglione da due parti, con la medesima distanza interposto: e le tende erano tutte uguali di altezza, e di lunghezza, e di bellissimi fogliami, come sogliono esser dentro i padiglioni Persiani di tela. Sotto à queste tende, che pur'erano strate in terra di tapeti, vi erano stese due altre lunghissime file di tovaglie di drappo di seta senza oro, e senza alcuno apparato sopra le tovaglie di vasi d'oro, ò d'argento, Et à queste due lunghissime mense, prima che comparisse il Rè, furono fatti sedere, e cenare, tutti gli hospiti, e convitati: imbandendo le mense, molto piene da capo à piedi di gran piatti d'argento, e d'oro, con piramidi altissime di piluo di varie sorti: cioè, bianco, nero, giallo, dolce; con specie, con carne, con polli, con uccellami, e simili altre vivande calde all'usanzu loro condite tutte regiamente secondo il lor costume. Fù portata la vivanda da i paggi, de' quali ne assiste va fuor delle tende una lunghissima fila in piedi, e senza moverli alcuni di loro dal suo luogo, facevano, come hò scritto altre volte, camminare i piatti fino alle mense, porgendosegli l'uno all'altro. Sopra le mense poi gli ponevano, Et accommodavano diversi altri paggi, che in mezzo alle mense trà l'una, e l'altra andavano camminando, e scorrendo dove bisognava, e di comandare ai paggi, e di far ufficio di scalchi, havevano pensiero alcuni seruidori de' più grandi del

Rè.

ARTICULUS VIGESIMUS QUINTUS.

De famosioribus Persidis Civitatibus, præcipuæ de Isfahan, nec non superbissimis ejus ædificijs, hortisque delitiosis.

QUam Persidis Regio, laudatissimis gaudeat civitatibus Pulcherrimisque adeo certum notumque lectori puto, ut singularia desuper referre, supervacaneum jure ducere possim. Ut tamen vel pauca commemorem, tres inter eas dicuntur Deril Saltanea, seu portæ Dominij, scilicet in quibus Rex ut absolutus Dominus residere potest soletque Prima harum est Isfahan, secunda Ghaziuin, tertia Taurez. Porro ante primum Habas solebant in Ghazuin residere Persarum Reges, donec præfatus Habas, uti erat vir omnis novitatis & curiositatis amator, monstrum imò prudentiæ & sagacitatis naturalis, deservit illam, regiamque in Isfahan sibi collocavit sedem; quidem illa præstantior, & præstantissima imò qua Climates benignitate, qua aquæ & aëris salubritate, situs amœnitæ, fructuum florumque varietate, terræ fecunditate & omni vinorum abundantia generosissimorum præstantissima. De ædificiorum in eo contentorum Magnificentia Elegantia atque splendore, nec non de hortorum amœnissimis delicijs, aquarum, fontium, & piscinarum jucunditatibus parum dixerim, quippe quod dictum sufficiat in his civitatem memoratam, omnes reliquas quantæcunque in toto Oriente sint elegantia, longè antecellere. Sed & Europæ civitates per multæ ei cedunt; neque videar exaggeratione plus nimio audaci verba facere, & civitatem multorum oculis non visam, veluti cæco colorem depingere, legatur quod acceptatissimus author refert, peregrinus ille Romanorum Petrus della valle, qui & exactè de incomparabili magnificentia & amœnitate civitatis hujus, suam prosequitur descriptionem. Parte prima Persidis pag. 46.

In quanto alla grandezza, quel solo che propriamente si chiama Sphaban, non farà manco di Napoli, ò molto poco: mà ci sono di più trè altri luoghi nuo-vi, fatti dal Rè in poca distanza Sphaban intorno. Uno è il no-vo Tauris habitato dalle genti trasportate da lui quà fin da Pauris: hora, tutta-via, non più nuo-vo Tauris, mà vuole il Rè, che si chiamì Abbàs Abàd: cioè, dal nome di lui, Bologna di Ab-bàs. L'altro è la nuo-va Ciòlfa: e son tutti christiani Armeni mercanti ricchi: e queste transportationi le hà fatte il Rè da più luoghi, per non lasciar quelle genti à i confini de Turchi con pericolo un giorno di perderle. Dove hà potuto nei confini hà desertato i paesi: e le genti le hà condotte quà nel centro del Regno, dando loro altre terre: con che si asicura di ha-verle per sempre, e viene à far più grande, ricca, e bella questa Città di Sphaban, la quale egli primo di tutti i Rè si hà eletta per Sede, & in essa per le continue fabriche, e spese, che ci fa, si vede, che hà posto ogni pensiero. Il terzo luogo vicino è quello, dove habitano i Gauri, cioè infedeli, idolatri: e l'animo del Rè, per quello, che già si vede, è, che tutti trè questi luoghi si uniscano con Ispabun, e si facciano uno, e ci si attende gagliardamente: e già la fabrica è tanto innanzi, che non molto ci manca, so-vuenendo egli quello bisogna di terra, e di denari per fabricare: e quando sia fornita sarà senza dubbio Sphaban più grande di giro, che Constantinopoli, benchè non così alte, perche si habita per lo più al piano del terreno: & in somma, per Levante, sono assai buone; mà sopra tutto i Bazari non possono esser migliori di di buonissima fabrica, grandi, in volta, eguali, e con ordine assai buono di architettura: sono anche assai molto pieni di robba d'ogni sorte, e molto ben disposti à luogo per qualsivoglia mercantia, con gran commodità di chi hà da comperare,

e far negotij. Ci è poi quantità grande chieruàan-seràì per forestieri di ogni sorte, e molto grandi, e di fabrica assai buona, Ornata, & in questi, da i quali si ca-va grossa entrata, mi par, che tanto il Rè, quanto i particolari pongano ogni loro studio, & artificio di fabrica. In particolare poi, non vi sono meschite, come quelle cinque ò sei fatte da Turchi in Constantinopoli: mà ci son ben due cose, che al mio parere, à tutte quelle di Constantinopoli, & à qualsivoglia della christianità, non solo possono paragonarsi, mà nel lor genere senza dubbio portano vantagio. Una di queste è il Meidàn, e piazza maggiore, innanzi al Palazzo Reale; lunga circa à seicento novanta passi dei miei, e larga intorno à ducento trenta, e tutta attorno attorno di un medesimo ordine di architettura, eguale, giusto, e non mai interrotto, nè da strade, nè da altro, fatto à portici grandi, e piani sotto di botteghe con diverse mercantie, disposte per ordine à luogo à luogo, e sopra con balconi, e finestre con mille ornamentini molto vaghi, la quale unione di architettura così grande comparisce tanto bene all'occhio, che, quantunque le case di piazza Navona siano fabriche più alte, e più ricche all'usanza nostra; nondimeno per la discordanza loro, e per altri particolari, che dirò del Meidàn di Sphabàn, jo ardisco di anteporlo alla stessa piazza Navona. Intorno al Meidàn, da tutte quattro le parti corre non lontano da i portici un grosso ri-vo di acqua, tirato ad arte dirittissimo con le sponde à filo: dentro al ri-vo, gita un passeggiatojo di pietra per la gente à piedi, assai pulito: e fuori del ri-vo verso i portici camina un'ordine spessissimo, & ugualissimo di alberi da verdura, che quando trà pochi giorni ha-veranno le foglie; credo che sarà la più bella vista del mondo. La piazza poi tutta in mezzo è coperta di scaglia minutissima, che è sempre asciutta: e per correre, e

giocar co' cavalli, non può esser migliore. La porta del Rè stà da una banda delle facciate lunghe, à due terzi della lunghezza, & à dire il vero, apparisce più tosto vaga all'uso loro, che magnifica. Poco più giù è la porta delle donne, mà non è ancor fornita. Incontro à quella del Rè, dall'altra parte è una Meschita con facciata, e cupola come usano, fatta di majoliche fine, dipinte in varij modi. Da capo, e da piedi, c'è da una banda un'altra gran meschita, che stà adesso in forsi: e dall'altra verso i Bazari, una bella prospettiva corrispondente con due loggie in alto sopra i portici, nelle quali la sera stanno sonando due mute di strumenti bellici, una alla Persiana, e l'altra alla Turchesca, che certo è bel sentire; e son tali, e tanti, che non ostante la grandezza della piazza, per tutto si odono assai ben rimbombare. L'altra cosa notabile di Sphàhan è una strada, che adesso è fuori della Città: mà quando questi quattro luoghi saranno insieme uniti, e fatto uno, come hò detto, sarà dentro, e giusto in mezzo di tutti quattro, molto à proposito. Questa strada è lunga due, ò trè miglia, e larga forse due volte quanto quella di Ponte Molle di Roma. Nel suo principio verso Sphàhan, ci è fabricata in Isola una piccola casa quadra piena tutta di balconi, e finestre, con pitture, & altri ornamenti; fatta solo per veder di là, e scuoprir d'alto tutta la sua lunghezza, & à questa casa ci si viene per un corridore del palazzo del Rè. Di quà, e di là della strada ci sono muri egualissimi diritti, e dentro a' muri giardini, li quali fin' à meza strada sono del Rè, e si tengono pubblici per chiunque vuole entrare à passeggiarci; e de' frutti ancora, che ce n'è infinità, con solo un poco di cortesia, che si dia al Giardiniero, ne può pigliar chi vuole. A luogo scompartite con ordine eguale una incontro all'altra, ci sono da tutte due le bande le porte di

questi giardini; mà vaga, e fatta solo per delitie, & per commodità di chi volesse mangiarci, ò cosa simile. Molte, e molte son queste case con facciate assai capricciose, e così ben compartite, e così ben corrispondenti una con l'altra à coppia à coppia, secondo che stanno incontro, che non si può veder cosa più gratiosa. Di più, di quà, e di là, tanto di fuori de' muri nella strada, quanto dentro ne' giardini ci sono ordini interrotti, & eguali di alberi spessissimi, che con la loro verdura fanno quel accompagnamento, che V.S. può pensare. Oltra di questo, à luogo à luogo, dove sono le case più belle, stan compartite in mezo peschiere grandissime di acqua in diverse forme stravaganti; mà tutte senza parapetto, e con l'acqua, che viene sin' al pavimento della strada, lasciando dalle bande ampio luogo da passare à piedi, & à cavallo. Queste peschiere, le fa un ri-vo grosse di acqua, che corre in mezo della strada per la sua lunghezza dentro un canale ben fabricato di pietre, & in molte delle peschiere, sorgono in alto schizzi di acqua, & in altre l'acqua con certe pendenze, fa cascate bellissime, che non si può veder cosa più vaga. Il pavimento della strada in mezo, e verso i muri alle bande, lo fanno di pietre, buone à i cavalli, & à gli huomini per caminarvi; mà di quà, e di là lasciano due spacij di pura terra, per seminarci varij fiori, che, quando sarà il tempo loro, renderanno odore, e vista bellissima. A mezo giusto della strada, si trova un fiume che la traversa, poco profondo, mà molto largo, di conditione assai stravagante, e differente da tutti gli altri fiumi, perche si raduna da diversi ri-vi, che calano dalle montagne vicine, e poi di nuovo divisosi in mille ri-vi, si perde per le campagne senza sboccar nel mare, nè altrove. Sopra questo fiume c'è un ponte tutto di fabrica

brica di matoni largo assai più di qualsivoglia di quelli di Roma, e lungo trè o quattro volte più dei nostri. E di una architettura stravagantissima, con certi portici alle bande, in cambio di sponde, molto alti; E in quelli ci son passeggiatoi sotto, e sopra, per la gente à piedi, coperti, e scoperti, assai belli: mà quello, che più mi piace, son certi passeggiatoi sotto al ponte al piano delle acque sù per certe pietre messe à posta, che attraversano gli archi, che son doppi, dove l'estate bisogna che sia delitia molto grande, per l'ombra, per lo fresco, e per lo mormorio dell'acque, alle quali, acciò che facciano maggior suono, e più bella vista hanno fatto un letto egualissimo di pietre in quel luogo un poco pendente, con che si fa una cascata non men bella à vedere, che gustosa à sentire. Di alberi, di case, di giardini, e di peschiere c'è solo questa differenza, che le case, e giardini alle bande, non son più del Rè, mà di diversi huomini grandi, che per ordine suo, e per bellezza del luogo le hanno à gara fabricate. Vá finalmente la strada à terminare in un grandissimo giardino, che si chiama Hazâr Gerib, e Gerib è una misura di terra, mille delle quali appunto il giardino ne contiene. Si chiama altrimenti il giardino (E hora la strada ancora, come jo sento) Ciabâr Bagh, che vuol dir quattro giardini; perche erano già qui vi quattro giardini, de quali si è fatto uno, che è quel grande in fine: e questi stanno come à gradi, uno un poco più alto dell'altro, di maniera che l'ultimo è più alto di tutti; mà per tutto si entra, e si va à cavallo commodamente. Non c'è altro nei giardini, che alberi spessissimi di frutti, piantati per ordine in fila, e tutti bassi con rami molto sparsi, che à cavallo, E à piedi si possono i frutti coglier con le mani; e son distinti, e compartiti à quadri grandi; cioè, un quadro tutti di fichi, un'altro tutto di peschi, e così tutti gli altri.

Questi

Questi giardini son del Rè; mà si tengono pur pubblici per chi ne vuole, e la quantità de frutti è tanto grande, che bastano, & avanzano per tutta la Città, che ci v'è spesso à passeggiare. Si vedono qui-vi viali per tra-verso, lunghi da ogni banda, quanto si può mirar con gli occhi: altri, per lo lungo della strada, guerniti di Cipressi. In fine poi nel più alto, ci è un grosso rivo di acqua, e di là un muro, che termina, e rinchiude tutto'l luogo. Di-verse altre strade, poi, che tra-versano questa grande in più luoghi in croce, se non tanto belle, poco manco: i ri-vi di acqua in tanta abbondanza, che vi coronano in mezo con continue file di alberi alle bande; & altre cose simili, che non occorre perder tempo à descriverle: in fatti conchiudo, che Giabàr Bagh è cosa Reale, e che hà molto del grande. Cedano pur con buona pace la strada del popolo di Roma, quella di poggio Reale di Napoli, quella fuori di Genova, e quella di Monreale di Palermo, perche questa di Spbahàn, senza altra passione, tutte le altre avvanza.

VI. Due altre cose hò vedute in questa Città, non maravigliose, ò stupende; mà per curiosità degne di esser raccontate. Una è, che alle stalle del Rè (che è una fabrica à parte di-visa, e lontana alquanto dal palazzo in altro luogo) ci è una torre, ò campanile, che vogliamo chiamarlo, di quella forma, rotonda, che usano i Machomettani alle loro Meschite, come altre volte credo di havergli descritti à VS. e quì alle stalle, che non sò, se ci sia Meschita, forse à simil uso, ò di far-vi luminarie, ò di chiamar-vi all'oratione deve servire. Basta, la sua curiosità è, ch'è fabricato tutto di fuori d'alto à basso di teste di capre salvatiche, e di altri animali selvaggi, che un Rè, ò parente del Rè, che lo fece, prese, & amazzò in una sola caccia generale.

Di

Di che, quantunque siano molte migliaja (che il Campanile è alto, e le teste son murate spessissime per ordine in fila una sopra l'altra, che tutte si toccano) non mi maraviglio; perche queste caccie grandi, come anche il Rè d'hoggi ne fa, durano più giorni, e ci si impiegano migliaja d'huomini in cacciare, e far uscir le fiere dalla sel-va. M^a è cosa capricciosissima à veder quel Campanile contante teste, e come, che sporgono in fuori: inditio in somma del naturale humor fantastico, e bizzarissimo di tutti i Persiani: frà i quali però non c'è hoggi alcuno, che di bizzaria, e di capricci, si agguagli al presente Rè; delle cui bizzare, & insieme sensate attioni (altre che quelle del Duca di Ossuna) potrebbero scri-ver libri molto alti, & un giorno, piacendo à Dio ne racconterò à V^{S.} più una à bocca. L'altra cosa notabile, che diceva di haver veduta, è il primo ingresso della Casa Reale; dove il Rè suol ricever gli Ambasciadori, gli Hospiti, e fare i suoi banchetti, e conversationi; dico al primo ingresso, perche il palazzo, dove propriamente habita, e vi-ve il Rè, stà lontano, molto dentro à i giardini; e là, conforme al costume di questi Principi Orientali, di rado vi v^a mai, ne vi entra alcuno: M^a, nella gran piazza del Meidàn sopra la porta della prima entrata (che si hà molto in veneratione è sopra una certa Soglia, che vi è di legno un poco alta, nessuno mette il piede: anzi in certe occasioni la baciano come cosa santa) vi è fabricato un casino, che, come dissi di sopra, nella sua prospetti-va, & in tutto il resto hà più del vago, che del grande. Si ascende in alto per una piccola scala lumaca, che ne anche mi piace, e sopra si trovano più piani, m^a ciascun di loro non consiste in altro, che in una saletta in mezo, & attorno attorno una quantità di piccoli camerini, verso la piazza, e

verso la parte opposta del giardino una mano di balconi al lor modo da sedere in terra, e goder la vista d'ogni intorno. I piani, & i camerini son tanti, e con tante passate d'uno nell'altro, che i custodi mi affermarono, che in tutta la Casa ci erano cinquecento porte, le quali però son piccole, come tutto il resto. La bellezza di questa Casa è, che tutti i muri d'alto à basso son lavorati d'oro, con miniature finissime di varij colori, e frà l'oro, & i colori in certi luoghi alcune graffiature sopra il muro bianco, che fanno effetto molto vago. Tanto più, che il muro, dove è bianco, incollato con certa spetie, non sò, se di gesso, ò di altra materia di tal sorte, che quì fanno, non solo è modo sodo, e liscio; mà è anche tanto lucente, che pare apunto un raso bianco; sopra il quale, non men lo scuro delle graffiature, che il lustro degli ori, il vago degli Azzuri oltramirini, e de gli altri colori accesi, & vivi, campeggia per estremo bene.

Sed & complura laudabilia de hac civitate Isphahan testatum exhibet At novus Athlas Mundi in tomo tertio, hæc ex relatione Holandorum persæpe eam frequentantium referens. Porro Herach Persia magna & nobilissima Provincia cujus hodie Metropolis est Isfahan, Regis Persarum ut plurimum aula, commercijs & annonæ copia, longè potantissima. Ambitus cum suburbijs creditur esse duodecim miliarium, alij quatuordecim esse ajunt, &c. Et quidem est quatuordecim & quindecim miliarium Italicorum de præsentì. Unde saltem conjecturare poterit lector de structura & magnitudine aliarum civitatum domumque Persidis, de quibus complurima recensere omitto. Duo autem sunt quæ moderno tempore consideratu digna, & proinde hic non omittenda censentur. Primum est Sahhad Abad, ideest: felicitatis Colonia: estque prope pontem illum, quem memoratus author describit è regione civitatis ad alteram fluminis, quod deinde per muros illius transit. Locus equidem sælicissimus & amœnissimus est, non

tantum ex naturæ benignitate, sed etiam ex arte structuræ, per quam in capite hujus coloniarum constructum est magnificum & elegantissimum Regis Palatium: in quo quidem tale est ædificij genus, quod ante illa quæ de Valle descripsit, longè laudes obtinet. Sunt & circum circa amœnissimi horti cum diversis fontibus, & multiplici aquarum scaturigine piscinis. Sunt autem & cubicula regia in superiori parte in quibus Rex esse & morari solet, fruiturque ibi omni totius civitatis & fluminis prospectu. Luxus item structuræ tantus est, tamque superbus, ut fenestræ palatij ex omni parte quâ se respiciunt, crates non ex ferro, sed ex argento puro habeant. Omisissis supellectili, & apparatus interioribus. Sequuntur dein Palatia & cubilia satraparum, Ministrorum, Principum, aliorumque Dominorum, qui sunt in actuali aulæ servitio; Sumptuosissimè omnia constructa cum hortis amœnissimis, qui vel maxime Persis arriident. Unum quidem majori pompa, atque aliud juxta conditionem suam exstructum est, prout & unum contra aliud cum amabili quadam æmulatione respicit. Erit autem ordo palatiorum in longitudine ultra duo miliaria Italica. In hac ergo felicitatis colonia Rex verno solet tempore habitare cum Magnatibus suis, & in qualibet nocte cænare in palatio unius ex illis. Sed & in eo manet à præfato tempore usque ad principium mensis Julij: quando dein pergit ad recreationes montium, ut alibi dictum. Unde in omnibus quatuor anni temporibus Rex mutat loca, juxta commodum recreationum quæ haberi possunt in ijs. Memoratum autem ædificium generosissimus Habas secundus Pater præsentis Regis exstrui curavit. Prope hanc felicitatis coloniam sita est colonia Armenorum, quos ex Armenia transmigra- re fecit primus ille Habas, ad majus novæ suæ residentiarum Isfahan ornamentum atque augmentum. Vocatur hæc colonia Giulpha estque inter hanc & illam intermedia via lata & longa à Petro della Valle optimè descripta. Et distinguitur à civitate Isfahan, sicut & illa Sahdet Abad per flumen. Estque ut formata civitas exhibens forinsecus fora plateas, officinas artificibus idoneas, prout & ab iisdem inhabitatas, independenter

ab Isfahan. Sunt & ædificia longe curiosiora & sumptuosiora quam quædam ex ijs quæ Persæ Magnates habent in Isfahan. Hi enim Domini qui sunt in Giulpha, ditissimi sunt, & maximas per plurimos factores in universum orbem exercent mercaturas, unde & ijs lucrum permagnum evenire debet, estque hæc natio Armena curiosa & gloriosa quo ad architecturas, cæterisque omnibus totius Orientis Armenis, imò etiam Persis in multis excellentior, prudentior, ditiorque. Colonia verò hæc Giulpha, non est immediate Regi subiecta, sed Matri ipsius: cui proinde quotannis quingenta tumam per Principem suum pro humilis Clientelæ munere deferri ejus incolæ faciunt. Peculiarem enim Principem habent, qui Calenter vocatur, alias etiam dictus Scehri-Iar, idest: Oritulator Civitatis. Qui proinde hujus Regini intendit in Gubernio politico & temporali. In spiritualibus vero Antistitem habent Archi-Episcopum quendam, qui & sumptuosum habet conventum cum pluribus Monachis & Doctoribus monasticam ducens vitam: & habens sexdecim sub cura sua Ecclesias quæ sunt in illa Giulpha: cujus proinde totum clerum & populum in spiritualibus dirigit. Sed & sub se habet conventum inibi existentem, Monialium quarundam, quæ ultra quinquaginta esse solent, & in nigris incedunt, sine clausura quidem, maxima tamen in austeritate, ad ædificationem etiam infidelium Persarum vivunt. Hæc porro Christianam exhibuere hospitalitatem, per annos aliquod memorato Patri Societatis Amato, donec fundaret domum Sociorum in Giulpha. Cæterum ille Colonia hujus superintendens seu Gubernator Calenter plurimis fruitur privilegijs. Primum est quod esse possit, imo debeat Christianus. Secundum quod possit sedere cum alijs Persarum Magnatibus in Regis mensa debitumque sibi in aula illius locum tenere. Et similia plura. Aliquando etiam ipse Rex in ejus domum devenire solet, & inibi cum suis convivari: quod quidem contingere solet infestivitate trium Regum, in qua memoratus Armenorum Archi-Episcopus Pontificalibus indutus cum toto suo Clero, delato crucis Sanctæ vexillo & luminaribus per multis cantantibus

cantatisque solemniter Evangelijis solet juxta morem Orientis benedicere aquam fluminis: ad quod proinde spectaculum Rex cum tota quasi civitate sua venire amat, tuncque ut dixi, in domo Principis memorati prandio assidere. Regi porro ingressuro palatium & ante liminaria ejus, totamque viam prætiosissimis stratam tapetibus parant, atque in majorem Regis honorem diversim pecunias dispergunt: quod quidem non solum Armeni, sed ipsimet Persæ facere solent, cum Rex de singulari gratia sua in domibus eorundem diversorium cœperit. Præfens autem Calenter Armenorum, unici viri respectu habitus est tam Persas inter, quàm Armenos, tum ob divitias quas possidet ingentes; quibusque par est cuilibet Persarum Satrapæ, tum proptet vitam exemplarem, doctrinamque insignem, in omnibus Armenicis, Persicis, Arabicis, Indicisque litteraturis. Erat pariter multum inclinatus fidei Catholicæ Romanæ, & nonnunquam circa sui totiusque civitatis Giulpha sibi conceditæ, cum eo unionem, humaniori jam persæpe conveneramus modo, estque nobis affinitas quædam. Magna autem DEI sunt judicia. Cum enim esset tantus, & omni respectu vir Excellentissimus, & sapientia illuminatissimus tandem à diabolo obcæcatus est, ut fidem negaret Christo ad Regis exhortationem. Obtulerat enim Regi rarissimum quendam adamantem, quem eidem detulit principalis quidam factor suus ex Indijs. Qui quidem lapis, quamvis, utpote non politus, rudis videretur, centum quinquaginta millibus imperialium constabat. Cujus porro Principis Magnificentiam & munificentiam cum Rex expertus esset, eum adhortabatur, oportere omnino ut fidem negaret suam, & Regia tunc munificentia ad majora provehatur ob munus tantum suæ oblatum Majestati. Renuit quidem primò vir saniori adhuc ratione ductus: ast serius eum Rex adhortatus est, deponeret quantocyus in suo conspectu, abjuraretque fidem, aut amitteret vitam. Quibus ille comminationibus animo dejectus, temporalem æternæ anteposuit vitæ, & fidem negavit Christo, adscriptus Machometi cœtui coram Rege adstantibus omnibus Magnatibus primoque Persarum Pontifice. Eo

usque porrò Satanicâ vir hic deceptus est perfidiâ, ut & post suam perditionem intenderit, imò & per quam fortiter tentârit meam. Innuerat enim me nesciente Regi, ut & is me ad hoc adigeret, quod quidem Rex eidem promiserat, sed DEO benigniter circa me disponente in tanto salutis æternæ negotio naufragium evasi: expertusque sum singularem Sanctæ Matris Ecclesiæ Romanæ benedictionem; sicut & in plurimis alijs fidei periculis, me Orphanum à Christo meo non derelictum. Memorata ergo in causa admonitus fui à Patre Raphaële, & à quodam tunc in Regia degente Anglorum agente, ut diabolicum hoc & Principis illius & Regis intentum evitare, ex quorum proinde consilio, DEOque sic disponente, tentationem evasi, relictisque omnibus cum uno solo servo sub medium noctis ex hac civitate auffugi, ac per incognita itinera in Provinciam Catholicam per spatium unius mensis me recepi: pro ut melius in suo loco. Ast hæc occasionaliter dicta sunt, utque ad Persidis civitates alias revertamur oportet.

Igitur & hic non omittam quædam edicere de celeberrima illa civitate Susa. Fuit & hæc veterum Persarum, licet non sit Regia modernorum, magnitudine tamen civitas ista Regiæ Isphahan non cedit, hodie quidem vocatur Susis, seu melius Susen: sumptumque est ejus nomen à flore lilio ut optimè etiam notavit Athenæus. Susan enim Persis idem est ac lili-um. Inde & hodie potentissima illa Provincia seu Regnum, Susistan dicitur, quæ vera Chaldæa est, quamque sibi miris modis subjugaverat primus Habas exindigentia Principum ejus. Est autem Susistan calidissima Regio, optimum tamen Regi militum alit, & districtu suo seu usque Babylonem extendit. Porro ejus districtus ex plaga Orientali occupatur, ipsa imò civitas Babylon vexatur ab indigenis Susistan quos Persæ Lor vocant, illi vero seipsos Cacti, ac si dicerent Chaldæi. A meridie verò occupatur ab Arabibus ex deserto. Unde Persæ facile etiam occupare possent Babylonem, & facilius illam conservare quàm Turcæ. Etenim deserti illi Arabum Principes sicut suam clam cum Persis ducunt correspondentiam, ita & cum plerisque ipsis Babylon

bylon Optimatibus. Quare Persæ se securos supponere possunt, imò & supponunt de illius recuperatione: quod quidem metuens Turca majorem militum Janizarorum in ejus conservationem extendit manum.

Alterum quod in præsentī dici potest, est quod subjungo, nempe Babylonem, quæ hodie dicitur Bagdad, modo non esse in pristina magnitudine, & sicut in situ antiquo: quamvis adhuc videantur rudera vetustatis. Sita est ergo pœnes fluvium Tygridem, qui Sciat hodie dicitur apud indigenos, in districtu autem illius versus Arabiam maximæ sunt sylvæ & fructiferæ, quarum & fructus communiter sunt dactyli, sic ab Europæis nominati. Ex his Babylonenses crematum conficere solent, cum terra sua ob nimiam siccitatem vinum non ferat. Sed & habentur alij diversi generis fructus, dulces omnino atque esui grati. Est & in Babylone quædam domus Patrum Cappucinatorum, quam Exteri & indigeni Christiani frequentare solent, cum propriam Ecclesiam non habeant:

ARTICULUS VIGESIMUS SEXTUS.

De terræ & Persidis Regionum modernarum natura, nec non de itinerandi modo quo quis ex Europa facilius in Persidem devenire possit.

Postquam in Articulo præcedenti brevissimè quædam de Persarum civitatibus diximus, jam de ipsa terra in qua hæ jacent, & Regionum qualitate paulisper differamus. Inveni quidem hodiernum Persarum Regnum, cum Provincijs populis, totaque natura sua luculenter descriptum à pluribus Europæis, taliter tamen tantum, qualiter hi poterant, secundum ea quæ aut per aliorum relationem aut per propriam licet exiguam experientiam habuerunt. Principalia tamen cum tetigerint, immorandum his ultra non censui, sed solummodo addendum, quod novi & curiosi pro lectoris beneplacito ad-
huc

huc dici potest. Porro inter alias mihi magis placet descriptio recentior ex novo Atlante, quæ cum pro operis raritate rarius habeatur, à me hic curioso lectori inseritur. Postquam igitur hic de populis, & quindecim potentissimis Provincijs & regnis, quæ hodie sunt sub Persarum conditione (tametsi addito Regno Scirvan, cui & Regnum Giorgianorum communiter adijcitur, faciant numerum sexdecim Provinciarum, quod quidem scriptor ille omisit, quibus Regnis sexdecim universim potentissimi vice Reges, ut alibi diximus, pro Regia Majestate præsident) plura retulisset, hæc subjungit. *Quid ergo tot Provinciae sint in hoc Regno, non mirum est qualitatibus cæli solique multum differre: Persia, inquit, Contaranus planissima est Regio, & valdè arida, in multis locis aqua salsa reperiuntur: frumenta & fructus aqua adminiculo abundanter proveniunt, ab utroque latere imminet montes fertilissimi, qui frumenti & fructuum copiam producant. Arboreos fructus habent maximo numero, nimirum poma, sed nostratibus minora. Persica mala vasta molis, præcocia cerasa, & similes fructus, præter fraga. Uvas habent plurimas & præstantissimas. E mari Cassio accipiunt haleces, Salmones, Sturiones, Trutas & alios pisces, tam sale conditos, quàm ad solem induratos. Gens Persarum est candido colore, & formosa, amictus simili fere turcico, Bellicosa est & robusta. Amat libros legere. Delectatur arte Poetica, scientijs artibusque speculativis excellit. Lingua Persarum pluribus Orientis partibus familiaris est.*

Sed quo ad fraga excusatum habeo authorem, & ipse Hollandos suos, qui forsitan retulere ei quæ ex parte tantum experti sunt in Perside. Coëterum in Regno supradicto scirvan, in copia inveniuntur, quæ quidem est ex principalioribus Persidis Provincijs, plurium aliorum comestibilium fructuum atque olerum ferax, quæ aut nunquam aut rarò producantur in Provincia Herach ubi est Regia, ab Hollandis per sinum Persicum frequentari solita. Sed & in memorata Regione copiosissimè crescunt sparagi ut Europæi vocant, in campis, taliter quidem, ut falcibus meti queant. Et quamvis hic indigeni velci non soleant, imò ut fructum comestibilem non agnoscant, nihilominus de ijs ego quibusdam Optimatibus notitiam feci, ita ut hodie

die copiose fruuntur. In Herach autem rarissimè videntur, nisi in Isfahan, ubi solent eos in hortis colere, sicut in Europa fit: maximè pro Regis delectatione qui avidè omnino eos comedit, maxime cum potum facit. Alio porrò modo sibi parari seu coqui jubet, nempe super craticula ad carbones affari, & Sale conspergi. Imò persæpe Principes aulæ ad ipsius præsentiam, sic eos assant, ut majus ei delectamentum faciant, maximè cum in hortis aut recreationibus sese detinet. Contigit ut ego quadam vice cum cæteris suis Ministris in horto quodam, qui Gennet Bagh dicitur, seu hortus paradisi, essem in ejus præsentia: benigno igitur juxta solitum me vultu respexit, sciscitans, num tales herbæ & in Europa haberentur; illiusque incolæ his vesci soleant? cui ego præstitis præstandis obsequijs & veneratione, respondi, haberi, & comedi ab Europæis. Rex porrò curiosus & hilaris modum comedendi indagavit, quem cum ei juxta quod in Europa vidi, exposuissem, alta juxta morem suum voce subridens inquiebat, non esse nec esse posse meliorem modum talibus vesci, quam sit modus ille, quo ipse vesceretur. Hæcque edicens, statim unum ex manu primi Ministri sui sic assatum sumpsit, atque ori imposuit, movendo caput & aggratulando sibi de cibo Regali suo: quem cum comedisset, potum illicò postulavit.

Sed non omittam & hic dicere de laudatissima, & fœcundissima hac Persidis Provincia, quod in quibusdam campis prope metropolim illius Sciamachi in tali multitudine terra proferrat flores illos, qui vulgariter Tulipani vocantur in Europa. Per tria etenim miliaria Germanica integra apparebit planities purpurata, & quibusdam etiam alijs diversi coloris inter mixta floribus, quo quid jucundius aut amœnius videri non possit alibi.

Cœterum vina generosissima magna in copia producuntur, non solum in præfata Provincia, sed etiam in Provincijs alijs Persiæ. Illud tamen quod crescit incivitate & districtu Sciraz, omnibus antefertur, quo subinde non solum Regis aula communiter utitur, sed & magna aviditate à magnatibus ejus bibi solet. Quod item vinum hæud rarò defertur à mercatoribus usque

usque in Indiam per sinum Persicum in amphoris aut flassconibus vitreis, quos bombace circumdant & cistis imponunt. Vinum equidem omnino Spiritosum est; cujus & laudem in audiens sagacissimus ille rerum indagator, Magnus Hetruriæ Dux commisit mercatoribus Armeno Persis, qui sub sua ditione artem exercebant, ut ex illo vino Sciraz sibi curarent afferri, pro ut allatum prudentissimus Princeps (ut ipsumet mihi mercatores & nonnulli Europæi retulerunt) cum exquisitissimis Europæ vinis comparans, his anteposuit. Colore atque sapore exquisitissima atque excellentissima Florentiæ vina antecedit, spiritositate autem virtute & duratione omnem sibi laudem vendicat, quippè quod diutius servari possit.

In hac etiam civitate Sciraz præ alijs Persidis locis, tametsi & in illis habeatur frequens copia rosarum, maxima tamen habetur, ita ut ingentes earum cumuli uti colles in foris jaceant, & secundum pondera vili tamen pretio divendantur. Inde odoriferas Persæ conficiunt aquas, quas copiosissime in vasis vitreis habent, & sicut vina deferunt mercatores ad Indos. Optimates imò illius Provinciæ pro luxu & recreatione in lectis suis eas copiosè dispergere solent, quod & idem cives nonnulli faciunt, atque ita noctu desuper cubare. Sed & mos hic est in alijs Persidis partibus, ubi rosæ abundantius crescunt.

Habetur & hac in civitate ejusdemque districtu multa pomorum aureorum, citrinorum, atque limonum abundantia, ut inde indigeni succum in copia sibi comparare soleant, qui & non solum tota in Perside communissimus est, sed etiam in Indiam aliasque partes ad sinum Persicum, ut vinum & rosacea aqua deferitur. Magis tamen habetur copia fructuum & succus illorum in Regno Ghilan versus mare Caspium, ubi integræ & permagnæ inveniuntur sylvæ talium fructuum feracissimæ, pro ut & aliorum, singulariter autem vuarum. Sed & magna est venationum commoditas in hac Provincia: ut proinde Persarum Reges haud rarò soleant hyemare aut hybernare ex Regia sua Isfahan in hisce partibus, tametsi per viginti dies ab ea distantibus. Ex hac etiam Provincia toti fere sit Persidi provisio
de

de riso seu oryza, & indigeni illius campis suis raro solent seminare frumenta, quod rarissime ijs in locis pane vescantur frumentitio, sed semper riso. Sed & hunc comedere non possunt conditum cum butyro aut carne, sicuti in alijs Persidis partibus comedere solent, ut in Articulo de cibis diximus: Clima enim istud non conducit ipsis, maximè maribus, qui proinde sunt valde macri, & tenues Fusciq; colore, non vero foeminæ. Quamvis & hac in regione viri vel ab ipsa corporis tenuitate, sagacioris ut plurimum ingenij inveniantur. Et quamvis Regio hæc non faveat in multis suis indigenis ob dispositionem climatis, nihilominus favet toti Asiæ majori, minori & Europæ, mediante indicibili abundantia & perfectione serici, quod abundantissimè his elargitur. Ex quo proinde Persarum Rex haud exiguæ considerationis proventus sortitur in Thesaurum suum.

De cœtero producitur sericum in nonnullis etiam Provincijs Persidis, uti in Ghenge & Schirvan: non tamen in tanta copia & perfectione, maxime sericum illud quod vocatur eorum vernacula Scerbasi: ex serico autem Persidis Angli & Hollandi juxta pacta sua certas assumunt quantitates à Regis mercatoribus, illudque per sinum Persicum & mare Indicum ad suos fines deportant. Sed & in Regia ex serico pretiosissimæ texuntur materiæ, quibus & aurum argentumque insuunt, quod & in alijs pluribus civitatibus fit, maximè in civitate Kascian: vocantque materias has invernacula sua zarbas; hujusmodi vix in Europa inveniri possunt. Porro quasi omnes illius cives hanc & vix aliam exercere artem solent, ut proinde materiæ hujusmodi in maxima copia habeantur apud eos, & toti Persidi, Turcis imò, Indis, Scythis & Moscovis per mercatores, qui frequentissimi sunt, fiat ex his provisio.

Sed & pretiosissimi plurimis in Persidis texuntur locis tapetes, maxime in Provincia Chorasán, ubi non solum Indigenæ solent pretiosè laborare insuendo aurum atque argentum bombici subtilissimæ, & serico pingendo, per texturam diversa florum, avium arborumque genera, quo curiosius, & elegantius pro domuum ornatu inveniri vix possit, verumetiam solent eas, quas con-

ficiunt materias, singulariter tapetes in pergrandi longitudine pro ingentibus Palatijs Magnatum, specialiter in Provincia Chorasān prout diximus habere.

Dicendo autem ultro de frumenti, aliorumque leguminum fertilitate, & diversorum potuum genere, illud forsan dolendum est, quod nec in Perside, neque in toto oriente nostro habeatur potus ille, quem Europæi Cerevisiam vocant. Hunc quidem orientales per libenter biberent, maximè qui vino abstemij sunt. Est enim liquor satis substantiosus, sobrietati, imò & sanitati (Cœteris tamen paribus loquendo) congruus: quamvis nonnulli Europæi non sine aliquo lepore fingant contra eam dicendo, esse à Dæmone inventam, qui ad imitationem Christi, non ex aqua vinum, sed hanc Cerevisiam confecerit.

Jam verò de populis Persidis dicendo, diversa sunt hominum genera, unde & optima, & selecta consurgit militia. Ex Provincijs enim calidis habentur à Persis milites Ducesque prudentissimi, maturi ad regimen bellicum. Ex Provincijs autem frigidis sortitur viros audaces, fortes, aptioresque incommoditatibus perferendis militaribus. Ex Provincijs verò, quæ medium tenent & temporati sunt climatis, temperatæ etiam fortiantur homines conditionis ad quodcunque officium obeundum: unde observationes has militares, quas circa genios nationum ad laudabilem habendam militiam docent Europææ militiæ periti, observant valde Persæ, suppeditante maximè omnis generis homines pergrandi illa totius orientis Monarchiæ amplitudine & vastitate, contra Turcarum rudis gentis morem, quæ non est ita disciplinata; & quamvis ab aliquo tempore ars Politica, & eruditio militaris apud eos pululare inceperit, hunc tamen perfectionis apicem non tetigit: unde ij adhuc artem suam bellicam non tam ex selecta Ducum & militum suorum, quam ex multitudine ponderant, quâ fortunam magis forsan coacturos sese credunt. Per multos tamen Apostatas, & renegatos Europæos, qui in dies ad eos confugiunt, sicut & longævâ bellorū experientiâ in dies artis suæ incrementa sumere videntur.

Militum porrò salaria æqualiter supra tetigi, modo de monetis

netis Persarum modica edicere liceat. Duo genera habent monetarum, quæ merè suppositoria. Primum est Tuman, de quo jam supra dixi; secundum dicitur Hazar dinar, & duorum florenorum computus erit. Eorum verò nummorum genera, quæ non suppositoria, sed in re sunt, primum est Besc-ligh, idemque valet ac medius Imperialis. Secundum autem Habasi dicitur, quod primus instituit Habas & medio fermè æquivalentiæ floreno. Tertium vocatur Sciahi, id est Regius nummus, eo quod eleemosynarius Regius ordinariè hanc pecuniam pauperibus distribuere solet; continetque duos cum dimidio Germanicos. Ij porro nummi ex bono argento sunt cum Regij nominis inscriptione. Sunt tandem oboli ærei, quorum decem unum faciunt ex præfatis Sciahi. Præter hos nummos de peregrinis aliorum non admittunt, sicut Turcæ admittunt non sine sæpe magno detrimento, & incommoditate commercij in suo dominio, exceptis aureis, qui ducuntur ex Europa per Mercatores, argenteos verò omnes destruunt, & in massam conflant, & in ipsorum nummorum præfatorum formam redigunt in diversis Civitatibus, & locis Regni; suntque maximoperè vigilantes, ut ne eorum monetæ falsificentur.

Auri porro, vel argenti fodinas defacto non habent nec fodiunt: quamvis in potentia habeant quibusdam in Regni sui locis. Dum enim artem nesciunt, vel nihil adinvenirent vel magis infumerent, quam lucrarentur. Unde de his non curant neque consulunt, cum aliunde satis abundanter habeant: tametsi ferrum & Æs in copia stannum verò nullatenus aut rarè habent. Lapidum pretiosorum autem fodinas, & singulariter illius habent, quem Fimze ipsi Persæ vocant, Europæi verò communiter Turchinum nuncupant. Hujus porro lapidis duplex est species in Perside. Prima quæ & magis existimatur, vocatur Nisciaburi, eo quod crescat in Civitate quadam Provinciæ Chorasani dicta Nisciabur, hujus tamen fodina hodie non exercetur à Persis timentibus ne totaliter ipsis deficiat pretiosus & singularis iste thesaurus: unde modo non ita abundanter inveniuntur Turchini hujus speciei in Perside sicut olim; quare an-

te aliquos annos haud exiguam fecit Rex provisionem ex illis in suo Thesauro, jussitque occludi illorum fodinam. Secunda dicitur Schebabechi ex loco ubi habetur, qui vocatur Schebabech estque prope præfatam Nischiabur, hujus itaque speciei jam copia habetur, & considerabilis molis inveniuntur Turchini ex ea præ alijs, qui hodie reperiuntur ex altera Specie; existimatione tamen illi his longè præcellunt; nam illis inest naturalis, germanusque Turchini color, non verò istis, qui magis virescunt, quam cerulescant; quare & faciliè suum amittunt ij colorem, non verò illi, qui ex Nischiabur sunt. Habent & Persæ margaritas ex Insula Behrin in sinu Persico sita, ex qua deinde per universum terrarum orbem hæc pretiosa divenditur gemma affluenter per Mercatores. Illæ tamen, quæ reperiuntur in expiscatione considerabilis molis, singularis rotunditatis, eximij candoris, serpantur pro Regis thesauro, cœteræ autem divenduntur. Tametsi & Mercatores quandoquidem tales deferant ex Perside Margaritas ad alias partes, id clanculum fit. Rex enim ex illis suas donare solet mulieres, quæ tamen clam deinde eas per suos Eunuchos vendunt Mercatoribus. Cœterum ad Regis thesaurum maximum annuatim fit emolumentum ex piscatione Margaritarum: quarum piscationis curiosum modum hic non omittam curioso meo Lectori paucis scribere.

Sic igitur Piscatio illarum instituitur. Cymba paratur, cuius in prora, & puppi saxa ingentia sunt alligata funibus nauticis. Postquam ad piscationis locum adventum est, projectis saxis firmatur navis: ibi è media Scapha alius funis demittitur: hisque rebus sic compositis urinator alligato ad pedes lapide se in aquas præcipitem dat, manticam ex humeris dependentem gestans, in hanc conchas à se collectas, abdit, quæ ubi repleta fuerit, abjecto lapide, quo pedes gravabantur, per funem illum è medio Cymbæ dependentem sursum emicat: ad hujusmodi capturam sæpe 300 naves conveniunt; præcipuè circa Insulam Bahrin navigationibus Mercatorum nobile. Dos enim Margaritis omnis in candore magnitudine, orbe, levore, pondere: haud sunt impares, intantum, ut nulli inveniantur duo indifcreti,

creti, unde nomen unionum teste Plinio Romanæ impofuere deliciæ.

Cœterum plurima & numerantur in Perfidis terra flumina, quorum nonnulla navigationi sunt fatis commoda, fed amnes fluuiosque præcipuos Perfidis his olim Lucanus descripferat verbis libro tertio.

*Quæque caput rapido tollit cum Tigride magnus
Euphrates, quos non di-verfis fontibus edit
Persis, & incertum tellus se misceat amnes,
Quod potius fit nomen aquis. Sed sparsus in agros
Fertilis Euphrates Phariæ vice fungitur undæ,
At Tigrim subito tellus absorbet hiatu,
Occultosque tegit cursus, rursusque renatum
Fonte novo flumen Pelagi non abnegat undis.*

Tandem in fine hujus Articuli satisfaciendum lectoris curiositati remanet mihi, de via, qua faciliè commodèque ex Europa in Persidem iri potest. Triplex via conceditur viatori ex Europa in Persidem. Una est, quæ fit per Oceanum & mare Indicum, terminaturque ad sinum Persicum, ubi est celebris portus Persarum Bender Habasi nominatus à suo fundatore, nimirum à primo Habas. Quo quamvis maximum undecunque fiat commercium, pessimum tamen & nocivum habet clima, maximè in æstate, quo tempore quasi nullus præcipue ex advenis adesse potest, sed ad quosdam se se montes conferunt. Cœterum sinus Persicus, sicut, & mare Caspium, non semper navigia patiuntur, nisi ex verno tempore usque ad autumnum. Hæc porro via ad Persidem valde longinqua & ardua est in se, nec nisi magna lucri cupiditas eo citat, aut citare potest Europæos: inde & mirabili studuerunt navigandi arti, & absque horrore singulari, pericula marium cum mercibus suis frequentant.

Alia est via per Moscoviam, non ita longinqua, attamen ardua, ita ut si non occurrat impedimentum, quale mihi ut alibi dicam

dicam, occurrit, poterit quis per quatuor ad summum aut quinque menses Viennâ Austriæ in Persidis terram devenire. Pericula porro huic itineri non aberunt, ob ignorantiam & imperitiam nautarum, per transitum maris Caspij: hi enim plerique ex Ghilan sunt, artis non adeo gnavi, nec nisi trita experientia, quæ pro fluctuum & ventorum varietate mentiri potest, diriguntur, cum interim crudele, & sævum mare sit, uti qui sæpius id experti, fatebuntur. Cæterum ipsorum peritior pro majori securitate navim dirigere solet, tenenturque interim, qui vehuntur, fortunæ magis & vento prospero, quam directoris arti confidere, & si habeatur ventus prosper per duos etiam dies ex Moscovitarum Hastarchan ad Persarum devenient Derbend. Si autem quis amicabiliter convenire sciverit cum quodam inibi Principe nomine Sciamchal, de quo alibi dicitur, vel eundem muneribus conciliare, is commode ex ultima arce Moscovitarum nomine Terch, quæ est post Hastarchan penes Persidem, poterit per quinque dies ad primam Persarum arcem, quæ Derbend dicitur pervenire, absque eo quod se exponat periculo maris. Consideratione tamen & circumspeditione opus erit viatori, ne decipiatur ab illo, maxime si viator Europæus sit, qui morem, linguam, & perfidiam ferocissimæ illius gentis de facili non advertere poterit: & sæpius accidere pluribus doli hujuscemodi, præcipuè illi Legato Oleario, de cujus internectione aliunde Lectori notum esse confido. Ego porro ob impedimentum, quod habueram ratione piæ memoriæ R.P. Piscopi, mei in itinere socij, cum eodem memet exposui incommoditati maris, cum alias mihi oblatum esset, securum per districtus præfati Principis iter, à Sultano seu Principe jam memoratæ arcis Derbendæ, cui, ut supra dixi, meum equum dilectum obtuli, utpote Principi mihi aliàs noto, & amico, qui & strictissimam habebat cum Principe Sciamchal correspondentiam.

Tertia in Persidem via est per Turciam, quæ equidem facilis esset & brevior, possetque viator per tres utcunque menses esse in Perside; quia tamen terra intermedia à Tyrannis inhabitatur, cavenda sunt incommoda, & pericula viatoribus, qui frequen-

frequentes pati possunt incurſiones latronum Turcicas inter turbas circumeuntium, & quæque adinvenerint, depopulantium. Hinc eſt, quod in pluribus locis diſtrictuum Turcicorum per plures dies vix inveniatur oppidum: Sed quaſi omnes inhabitatores, ad civitates confluunt, indequè tam ingentes & populoſæ ſunt apud eos. Ob tale ergo periculum viatores per Turciam pergentes, non ſolum ſolent proviſionem ſuam, ſuorumque ſiquæ habent, jumentorum, per plures dies penes ſe deferre, ſed etiam de bona ſibi ſocietate, aut conductû curare, quem in Turcarum vernacula vocant Karvan, & aliquando excedit numerum mille perſonarum una euntium, ad latrones abſterrendos. Securius ergo perlongum iter in Perſide, quam vel aliqua ſolum milliaria in Turcia, quæ jam pene in latronum ſpeluncam tranſijt, fieri poterit. Maxime autem peſſima Turcarum ſuſpicio, Europæis calumnias inferit, & pericula, vocantque incolæ hujus loci eos tranſeuntēs, exploratores Principum Chriſtianorum, miſſos ad Perſas in correſpondentiam adverſum Turcas. Hac etiam ratione detinuère injuſtiſſimè duos Patres miſſionarios, Carmelitas diſcalceatos, in Civitate Harzurum, quæ eſt prope Perſidem, dum & ego ex Turcia ibam in illam, quorum unus Germanus, alter Polonus erat. Ego porrò videns duram captivitatem eorum, curavi quantum potui verbis atque muneribus procurare eiſdem libertatem, notificando Barbaris ſtatum eorundem Religioſorum, & piſſimam vitam. Qui ita perſuaſi eos dimiſere, & optimi Religioſi deſideratæ reſtituti libertati, una mecum in Perſidem perrexerunt, ubi & unum ex illis nempe Polonum nomine Stanislaum adhuc viuum reliqui in Regia Iſfahan, qui ſummo cum zelo pientiſſimus Religioſus exercet munus miſſionarij, cum Perſis & Armenis idiomate Perſico, quod optimo modo poſſidet.

ARTICULUS VIGESIMUS SEPTIMUS.

*De Regnis & Populis Persidem circumjacentibus,
& quibusdam circa hos scitu dignis.*

EXtremas etiam Persidis partes lectori lubet describere. Habet ergo Persis versus Orientalem plagam, vicinam sibi Indiam Orientalem, quæ duorum subjacet principalium Dominorum dominio. Primus vocatur magnus Mogol: quem historici Orientalium tradunt suam ducere generationem ab illo potentissimo Scytharum Rege Thamerlano, quem dicunt inter alia Orientis Regna & hoc Indorum occupavisse, suosque illius effecisse hæredes, qui & præsentis Reges sunt, communiter Mogol dicti. Notandum autem quod apud Indos omnes ex alijs Regionibus advenæ, maximè ex Perside & Scythia, dicantur Mogol, quod idem est ac adventitij, qui ne dum nomine, sed & moribus & colore ab Indis differunt, quippe quod hi aliquantulum nigri, illi vero albi & candidioris coloris sint omnino. Et cum primus & maximè adventitius tam more, quam colore, & Religione, fuerit & sit ipsorum Rex, utpote Scythia origine, ideo vocatur magnus Mogol: Et pluris æstimantur in India illi, qui sunt Mogol, quam qui nati sunt Indi, eo vel maximè quod plerique Mogol ex Perside sint.

Notandum pariter, quod quamvis iste Mogol cum plerisque sui Regni proceribus, & his qui aliquod ministerium aut officium exercere habent in regno, sequatur persidam, foetidamque Machometi legem, nihilominus totum illius regnum quo ad subditos, & nonnullos Principes (qui Ragi vocantur) idola colit. In istius Mogol curia, sicut & pariter Magnatum suorum, trita est lingua Persica, & Scriptura, ita ut omnia decreta, litteræ, instrumenta judicialia, quæ in curijs aut cancellarijs expediuntur, Persico idiomate & caractere exarentur. Lingua autem propria eorum, quæ est omnino diversa à Persica, sicut & illius caracteres, recta linea scribitur, ordine quo latina, & non inverso, sicuti vernaculas suas scribunt Arabes, Persæ,

ſæ, & Turcæ. Hæc autem lingua in uſu eſt apud eorum ci-
ves, mercatores, & plebejos qui utcunque Perſicam ignorant
linguam. Cœterum tametſi & linguam Perſicam magnus Mo-
gol cum ſuis amet & ſectetur, ob ejus ſuavitatem & ſœcundita-
tem, quam habet inter omnia Orientis idiomatica, ut proinde
& in aula ſua plurimos Perſarum doctiſſimos atque celeberrimos
viros & Poëtæ ſuſtentet; nihilominus Sectam Perſarum non
ſequitur in fide Machometi, ſed Turcicam: Ac proinde hic Mo-
gol cum ſuis, Sunni & Ciahar Jari vocatur, ſicut Turcæ, prout
alibi dictum eſt.

Eſt item magnus hic Mogol potentior extenſivè ipſomet
Perſarum Rege, tum quo ad divitias, tum quo ad populorum
multitudinem, tum denique quo ad regni vaſtitatem. Non ta-
men intenſive, ideſt quo ad vires, artemque præliandi. Unde
quando ſurgit adverſum Perſas bella geſturus, ut plurimum
quinque aut ſex centum millia ſecum ſuſcitât in campum, cum
contra Perſa octoginta aut ad ſummum centum millia aſſumens
eidem obviet, & utcunque de eo triumphet. Porrò Indi pu-
gnant adverſum Perſas cum maximo Elephantum conductu,
quos in copia habent, & ita erudiunt, ut audita voce tubæ vel
tympani bellici, ſummo cum furore hoſtiles aggrediantur phalan-
ges, & cum ſuis proboscidibus maximam ſtragem faciant, ali-
quando imò, cum hujusmodi animantia ijs in partibus ferociſ-
ſima & fortiſſima ſint, equum una cum viro deiſciant. Aſt no-
runt jam Perſæ modum reſiſtendi furori illorum, illiſque non
ſolum per tormenta bellica, quæ valde formidant, obviant, ve-
rum etiam acinace, quo curviore dexterrimè uti ſolent, abſcin-
dunt aut ſaltem graviter vulnerant proboscidēs eorum.

Omnis ut plurimum exercitus eorum pedeſter eſt, & pro-
ut eum vocant Europæi Infanteria; nempe quod rariffime in-
veniantur equi boni apud Indos, & non niſi apud eorum Re-
gem, & Magnates, qui ſumma cum cautela & induſtria adduci
eos ſibi ex Perſide curant. Sclopetis, & tormentis bellicis uti
non ſolent, niſi ſagittis, framea, lanceis, & ſimilibus.

Jam vero ad Regiam Mogol magni revertamur, quæ Eghra

dicitur; estque maxima & populosissima, ultra Regiam etiam Persarum Isfahan, tametsi non ita bene disposita, neque adeo temperati climatis. In hac ergo Regia Mogol una est domus Reverendorum PP. Capucinatorum, quibus non solum liberum est inibi manere, sed & palam Indis prædicare, qui æthnici sunt, non vero his, qui Machometani. Dicunt enim melius esse quod idololatræ adorent Christum, quam Idola. Et in tempore Patris modo regnantis Regis, nomine Ourangh Sciah, Patres præfati plurima patnaverunt bona in Domino, erantque unice dilecti & honorati ab eo, qualiter tamen non ita eis afficitur Rex modernus, utpote omnino deditus superstitionis Arabum documentis; sicut nuper anni erant quinque, quod id mihi scriptum erat ab uno amico Christiano in Indijs habitante.

Secundus vero Indorum Dominus, qui etiam ut Rex Indiæ dominatur, & est Rex Haidar Abad, qui quamvis quo ad ditionem dominij sui non sit ita potens, ut primus, nihilominus par esse illi minime dubitat in divitijs. Civitas enim Regia Haidar Abad toto penè Oriente est celeberrima, habetur ut fodina omnis pretiositatis: ita ut excepto Smaragdo, omnesque quasi cæteri lapides pretiosi in montibus hujus civitatis producantur; maxime vero adamas, qui permultus est in monte quodam prope civitatem præfatam. Hunc porro sicut & cæteros montes, ubi sunt Rubini, Topacij, Amethistæ, Chrisoliti, & diversa alia genera, fidelissime ministri Regij militesque die & noctu custodiunt: soletque terra montium illorum juxta mensuram quandam vendi mercatoribus, qui illa in civitate innumeri inveniuntur ex omni gente & natione, præcipue ex Armenis Persidis. Hi proinde suam tentant fortunam, atque cum Regijs ministris componunt pro certa terræ quantitate juxta mensuram deputata, quam subinde triginta, subinde quadraginta, nonnunquam etiam centum millibus imperialium & ultra persolvunt; juxta quod sibi terræ magis vel minus feracis quantitatem aut qualitatem delegerint. Porro quandoque hi mercatores juxta fortunæ vicissitudinem adinveniunt de pretiosis lapidibus plus vel minus, quam propterea expenderint.

Rex

Rex autem Haidar Abad, Machomet etiam sequitur perfidiam, sectæ tamen Persarum adhærens; unde & cum his magnam habet correspondentiam, & idioma Persicum in sua aula, curijs & tribunalibus non minùs familiare ac Mogol habet. Cœterum & hujus cives, mercatores, alijque, qui quasi omnes sunt idololatræ, sicut subditi Mogol, vernacula Indica loquuntur. In hujus etiam Regia sunt PP. Capucini, quorum & Ecclesiam sedulo frequentant mercatores Christiani. Sed & in hoc Regno sepulchrum est S. Thomæ Apostoli in civitate Meliapur. Solent autem hi Indi admittere transmigrationem animarum de corpore in corpus juxta opinionem antiquorum Philosophorum. Et quamvis controversia esse soleat de hujus opinionis origine, & antiquitate, atque à nonnullis magis sollicitè indagetur, quisnam antiquorum primus opinionem hanc Indos edocuerit, id ego ut extra meum scopum pertractare non suscipio. Hoc notum esto Lectori, quosdam hanc transmigrationis sententiam adscribere Pythagoræ, quem proinde Indi pro Deo colunt, sub nomine Brahma, quamvis antiquæ historiæ negent Pythagoram apud Indos fuisse. Ego cœterum hanc Indorum perfidiam non adeo miror: cum etiam plures populi, maxime gentiles, veri DEI cognitione destituti, in plurima absurda, perversa credulitate devenerint, & maximam imò Deorum pluralitatem crediderint; quos proinde non solum plurificarunt, in Saturnos, Joves, Hercules, &c. sed & hos ipsos credidêre multiplices. Sic Cicero sex nominat Hercules, Marcus Varro quadraginta tres, pro ut & idem trecentos numerat Joves. Cœterum Indi stultæ huic suæ de transmigratione animarum opinioni ita adhærent, ut cum viderint animal quoddam, canem, carum, aut equum, præ alijs excellere, sive in dexteritate disciplinata, sive in naturali lepore aut comitate, dicant credantque habere animam rationalem. Stultissimum quid de hujusmodi perfidia enarrabo, à mercatore quodam Armeno mihi narratum. In civitate Bairanpur Princeps Indus erat, equum habens Persicum excellentem & elegantem; hunc cum vidisset magnus quidam mercator Indus Idololatra, tanto equi captus est amore,

re, ut Principi indicaverit illi, velle se quidquid desiderarit pro illo equo persolvere. Phantasticabatur enim, animam Patris sui defuncti transmigrasse in illum equum. Princeps porro oblata sibi magna pecuniæ quantitate ei equum dedit, quem cum stultus idololatra obtinuisset, illico in fronte & pedibus exosculatus est, veneratusque in bestia illa Parentem suum. Quod si infani homines, Europæos viderent canes, disciplinatos ad omnia nugarum genera, omnes sibi Parentes, Fratres aut Sorores adsciscerent. Habent inter alia, quod animantia illa occidi non patiantur, quæ solent etiam hominibus nocere, uti sunt serpentes, Scorpiones & similia. Mures imò, pulices aliaque minutissima occidere peccatum verentur. Unde Indi Machometani hos Indos Idololatras vexare solent, deferentes eis gallinam, aut avim, sed maxime bovem aut vaccam (quæ animantia hi Idololatræ maxima reverentia & amore prosequuntur, ita ut quando his juramentum datur, per bovem detur:) & quando Indi Machometani pecunias ab iisdem obtinere per fraudem volunt, fingunt se velle hujusmodi animal ante domus illorum mactare: tuncque stolidi illi lacrymabundi hos deprecantur, ne grande hoc piaculum committant, promittentes eisdem dare omnem de pecunia satisfactionem. Sicque etiam vexatione pecunias ab his Idololattris Indis, frivolo dolo exigere possunt Machometani.

Dicti pariter Idolorum cultores Indi, omni die hyeme æquè ac æstate bina vice corpus lavare solent, mane scilicet atque vespere. Sed & mane tingunt frontem croco, ambasque aures in partibus exterioribus, nonnunquam & aliquas vestium partes, imò & Tulbantum: quod quidem se facere asserunt in honorem DEI sui, cui placeat talis color. Idola vero sua diversis modis atque figuris ridiculosis habere solent. Norunt etiam aliqua, obscurè tamen de primis Parentibus Adam & Eva; sicut & de diluvio Noë.

Ubi culpanda occurrit insania Phantastici cujusdam hominis, qui etiam præAdamitas, seu homines ante Adamum viuentes fuisse edocuit: desumpto hoc ex quodam numero, quem asserit

asserit se vidisse in aliquibus Indorum antiquissimis Epitaphijs, quiquè numerus excefferit illum, quem alias nostri fideles, imò & infidèles Machometani, & Judæi habent in calculando annos creationis mundi. Sed nugatorium est adinventum suum, neque alia ratione improbandum, nisi quod vel ille numerum à se visum rectâ non intellexerit; vel etiam humanus computus maximè de primorum annorum serie, ex ignorantia cœlestium motuum fallere potens, aliquid assignarit, unde humanitùs certitudo haberi non potest.

Pariter Indi hi dediti sunt Astrologiæ Judiciariæ. Suos item comburunt mortuos. Et cum maritus alicujus mulieris mortuus fuerit non poterit ultra nubere uxor: quâ econtra mortuâ maritus aliam ducere uxorem potest. Contingit autem quod multoties mortuo marito, dumque cadaver ejus rogo imponitur, pariter se se & uxor ei obijciat, atque ob mariti sui amorem, se se flammis absumi velit. Talem autem generositatis actum comprimis laudant, & longævâ memoriâ celebrant inter se. Summoperè etiam vinum abhorrent.

Inveniuntur quoque apud istos aliqui Religiosi (tametsi nulli sint,) qui in aliquo templo ipsorum coram Idolorum sacerdote vovent & jurant privatam ducere vitam, eamque modo certo: v. g. ita ut post duos dies non nisi semel comedant, aut post decem annos nonnisi semel loquantur, quem imo terminum usque ad vigesimum annum extendunt: item quod semper uno in pede sistere velint, etsi aliquantulum dormire debuerint, nonnisi super cartam extentam inniti velint, quibus & similibus stultis martyrijs, sese inaniter afficiunt, & stultè Deos suos ad sanæ mentis derisum colunt. Quod si quis eorum promissum suum usque ad finem deduxerit, pro Sancto habetur, & quasi miraculorum patrator adoratur. Vidi porrò ego Indorum hujuscemodi unum in Perside apud mercatores, cum quo & idiomate Persico loquebar, neque aliud homo hic, sicut & omnes sortis suæ nisi de Idolis suis, illorumque origine enarrare poterant.

Sunt quoque plures Principes particulares, post Regnum
hujus

hujus Regis versus Chinam, & Japoniam, qui omnes Idolorum cultui deserviunt. Præcipuè autem est Regnum unum sat potens dictum Scehrinou. Hoc in Regno moris est supremum Dominum sibi habere mulierem, quæ in pace & bello omnia ut Rex administret. Qua & emortua alia rursus eligitur Regina, quæ semper absque marito universi Regni negotia pro sua sagacitate & potentia disponat. Hoc quoque in Regno Patres Capucini aditum habent, & honore atque veneratione habentur apud incolas ejus, ob suam vivendi austeritatem. Imò uti referunt mercatores Armeni Persidis Regina hæc mulier nonnunquam colloquia habet cum Patribus memoratis.

Ex meridie porrò Persis habet sinum Persicum, qui terminat mare Indicum, & Arabiam sælicem, inde maxima commercia cum Persis fiunt.

Ex septentrione verò, sunt Scythæ & Tartari majores, qui se usque Chinam extendunt, quod item Regnum ante aliquot annos jam occupaverunt, nunc tamen rursus eo pulsi. Fuitque talis expulsionis causa principalis Persarum Rex, ad quem post Tartarorum invasionem miserant Chineses per mare solennem legatum cum diversis muneribus, & inter alia prætiosissimis vasis porcellaneis prægrandis quantitatis, ut pretium illorum transcenderet sex centum millia Imperialium. Qui proinde Legatus petita obtinuit, & promissionem à Persarum Rege muneribus extorsit, scilicet, quod ejusdem potentia Tartari, Chineses Regnum deferere, & vel solis Regis Persarum minis, ad tuendum Regnum proprium reverti tenerentur. Cæterum hi nostri Orientis Barbari vastissimum habent Regnum, tamen non est totum inhabitatum, imò plures ejusdem partes desertæ sunt. Producentur autem in quibusdam hujus Regni locis diversa aromata preciosa, singulariter etiam Rhæbarbarum, & herba Te, Muscum, Ambra & similia: sicut & preciosissimus ille lapis Carbunculus, in quodam monte prope Regiam Balch nominato ab indigenis Bedeschani, ex quo subinde vocatur apud illos lapis iste Lehh Bedeschani; curiosa tamen est experientia, ut referunt Scythæ, aut Ozbech hodie dicti, de inventione hujus

jus lapidis. Inveniuntur enim inibi quidam grandioris molis lapides albi, qui dum rumpuntur album rursus intra se lapidem habent: sed & hunc contundunt, inveniuntque in illo veluti in membranula subrubea obvolutas quasi quasdam sanguinis guttulas coagulatas. Sed dum lapis ille albus interior confringitur, illico membrana illa lapidescit, & absque ulteriori politione, aut arte tunc nobilissimos carbunculi emittit radios. Cœterum rarissimè inveniuntur hic lapides, qui considerabilis sint magnitudinis, quamvis eo in monte trecenti continuè detineantur Regis operarij. Ante aliquos annos tamen repertus est hujusmodi lapis, quem multo precio habuerunt Scythæ, ob magnitudinem, quam satis considerabilem habuit, quem modernus Scytharum Rex suo gestat Tulbanto; pro memoria, quod in suo tempore adinventus sit. Hoc & in monte invenitur lapis ille ab orientalibus Lagiverd dictus, in Europa verò Lazarus. Cœterum inveniuntur etiam apud Scythas lapides illi, qui Turchini dicuntur, in quodam monte propè pariter Civitatem Balch, distant tamen per aliqua milliaria, nomine Orgheng; propè quem montem & videntur quædam rudera alicujus ingentissimi, superbissimique Palatij; ex quo, dum quis distans est, diversorum audit animalium vocem excepta hominis, & Galli; & hoc causari à diabolicis spiritibus, tradunt ipsimet Scythæ, sed cur, quomodo, & quando sit hoc inibi causatum ignorant dicere.

In hujus item Regni Regia, quæ Balch dicitur, climate adeo fruuntur temperato, ut omnis generis fructibus, vitibus etiam & vino uti in Perside gaudeant. Sequuntur autem homines isti Machometi superstitiones majori & frequentiori zelo quam Persæ & Turcæ, quamvis horum non vero illorum sectæ adhærreant, unde & Persas hæreticos in fide Machometi vocare solent. Colitur & apud eos lingua Persica, sicut in Europa Latina, præter ipsorum vernaculam Scythicam, quæ est Turcica, rudior tamen illa, qua Persæ & Turcæ loquuntur; hi enim illam Arabica & Persica ornatior & politior reddidère. Sunt populi Christianis infensissimi, quamvis & olim Christi

ſti Sancta Religio, tempore Caſani eorum Regis, inter eos floruerit, per piſſimam Riſſimam filiam Regis Armeniæ minoris, qui illam coactus ei dedit in uxorem, & per illud miraculum portentofum baptiſmatis, perduxit ad Chriſti fidem Caſanum, ut diſſertè refert Sanctus Antoninus Archiepiſcopus Florentinus.

Iſti porrò Barbari ſemper intendunt gaudere eminentia ſuper Perſas, Indos, & Turcas, ex eo quod ipſorum Thamerlanus hic olim dominio præfuerit. Sæpè ſolent prælia incipere cum Perſis, qui tamen ita ut plurimum contra eos triumpharunt, ut nihil de illorum inſultibus curent. Neque in congreſſu adverſum eos alijs utuntur armis, niſi illis, quibus & iſti ſolent uti Tartari Præcopenſes, qui ſunt coloniæ ab illis provenientes, ſuis ergo incurſionibus, populi hi nonniſi ſagittis & frameis utuntur, & habent equos naturæ ipſorum accomodos, nempe in ſufferendis omnibus laboribus, frigore, æſtu, fame, ſiti, per plures etiam dies. Ipſi porrò & in campo & domi ſordidè vivunt, & miſero amiſtu incedunt. Cùm in bello ſitiunt, & aquam vel ob terræ ariditatem, vel ſuam ob incuriam in promptu non habent, inſtrumento ferreo incidunt venas equis, indeque ſanguinem pro potu ſumunt. Carnes item equinas pro delitijs edunt, ſicut & equarum lac delitioſiſſimè bibunt; ita ut in nuptijs & ſolemnitatibus Magnates ipſorum ut plurimum unum vel duos juxta ſuam conditionem occidere ſoleant equos in epulas convivis parandas. Denique Barbari omnino populi ſunt, rudes & turpes, vultûs omnino deformis, candidi tamen, & fortiſſimi ſunt.

His autem Scythiſ proximi ſunt Chalamuchi, qui adhuc barbariores, & abjectiores ſunt præſatis. In ſylvis & campis ſub tentorijs habitant, ſeminare aut metere ignorant, proinde & neſciunt quid panis ſit, niſi cum accedunt ad civitates & oppida Moſcovitarum, quibus & illorum Princeps qui vocatur Heiuchæ, inſervit cum debita mercede. In illorum ditione ſolent & habitare, & per hos Moſcovi valdè ſolent vexare Tartaros Præcopenſes, utpote quibus hi ſunt inſenſiſſimi inimici. Veſcuntur carnibus ovium, boum, & equorum,

rum, quorum maximam habent copiam: Sed & lacticinijs fruntur. Pauperes autem herbas & radices aliaque quæ venatione in campis aut sylvis obtinere possunt, edunt. Omnes cœteroquin indiscriminatim & sine ulla exceptione edere audent solentque omne genus animantium, canes, feles, mures, lupos, urfos, lacertas, & similia quæ vel cogitata nauseam parant homini cultiori: quod id ipsum & Princeps eorum facere ausit. Is porro, excepto dominio, quod habet per successionem, est similis & par cœteris in victu & amictu; ipsius econtra uxor splendidè incedit cum ancillis suis. Solent autem mulieres illorum æque bene equos conscendere, & prælia adire ac viri. Sed & tenetur eorum Princeps præstare juramentum Zaro Moscovitarum de servanda fidelitate, & obedientia, ita ut ad illius jussu, & casu necessitatis pro eo in campum sistere teneatur exercitum suum, qui ascendit ad numerum quadraginta millium. Ipsi autem quotannis Moscovi mittunt munera & pecunias, sicut & Magnatibus suis. Hanc porrò functionem præstanti juramentum oculatus vidi sub civitate Hasc-tarchan, die vigesima octava mensis Decembris 1676. Ubi duo Principes Moscovitarum cum suis Magnatibus, militibus, vexillis, tympanis atque tormentis bellicis memorato obviam ière Principi Calamucorum, qui equidem cum decem millibus militum advenerat. Hic porro Princeps hoc etiam in actu solemnī, tam quo ad equi ornamenta, quam quo ad vestimenta propria cœteris suis consimilis erat, gestans in capite Byretum ordinarium ex pelle ovina, sicut & vestem exteriorem ex hujusmodi pelle: ad latus autem frameam cum turgascio ferens. Porro Calamuc quorum exercitus ex una, ex alia parte Moscovitarum erat, ipse vero Princeps à Principibus Moscovorum sub castrum quoddam ad hunc finem paratum perductus, transactis pro more cœremonijs, emisit juramentum fidelitatis, & obedientiæ Zaro Moscovorum more suo, scilicet per caput & vitam bovis, quem adorant & venerantur. Unde patet amico lectori, coincidere cum idololatria & perfidia sua Calamucorum populos cum ijs Indis, de quibus supra mentionem fecimus. Post igitur ridiculum

culum hoc juramentum incepere in unum bibere crematum, mulsu, vinu, cerevisiam, & omnem diffundi in lætitiā universi Magnates in salutem Zari Moscovorum; quam etiam ad lætitiā me vocarant, cui curiositatis gratia paulisper aderam, & multis illorum precibus haustu satisfacere debebam. Die porro sequenti miserant Moscovi Principes sui nomine Zari munera complura memorato Calamucorum Principi, in signum benevolæ acceptationis juramenti præstiti.

Hi etiam Calamuci pro quinque, sex, aut octo imperialibus divendunt, imò quod turpius est, pro re vilissima, V.G. portione tabaci, cujus usus ipsis frequens est, aut nova veste, quantumvis exigua, tradunt filios & filias suas Moscovis, ea animi facilitate, ac si pullos gallinarum divenderent. Hæc de his & de alijs supra memoratis populis pro brevitate sufficienter dicta sint, cum & aliunde Lector luculentam habeat notitiā.

Post hos autem sunt quidam populi, qui Leghzi vocantur aut Daghis tanni, idest montani, quod partibus inhabitent montis Caucasi, quem Albuzdaghi vocant. His pariter populis quidam dominantur Principes, quorum primus vocatur Sciam Chal, residetque in quadam amœnissima civitate dicta Turchu, quæ sita est in colle quodam ad littus maris Caspij. Princeps autem memoratus, sicut & cœteri, pro absoluto Domino suo agnoscunt Persarum Regem, cui proinde & militia sua deserviunt, & invicem quotannis pro Regia munificentia muneribus donantur. Omnes sequuntur Machometi fidem juxta sectam tamen Turcarum, & non Persarum, unde etiam Sunni vocantur. Propriam habent linguam, sæpè tamen Turcica utuntur, rudi licet modo; sicut & in scribendo Turcico utuntur caractere. Populi licet ferocissimi, humaniores tamen, Scythi & Calamuchi: magicis equidem hi populi sunt dediti superstitionibus, solentque ut supradicti, proles suas vili quovis pretio divendere. Cœterum sylvæ Regionis istorum populorum omnibus omnis generis fructibus abundant, præcipue uvis, unde vinu album in copia habetur. Habent denique hi populi suis in confinibus castellu illud celebre quod Derbend dicitur

citur, ubi Persarum Princeps residet, de quo supra. Horum populorum Provinciam esse illam censeo, quam antiqui vocarunt Mangiana, & eam consistam esse ad Taurum, sive Caucasum montem, ingentibusque sylvestribus vitibus maximè abundare dixerunt.

Confines his sunt populi qui vocantur Circasij, quorum aliqui sunt Christiani, alij capras & arbores antiquas pro Numinibus adorant. Aliqui denique Machometo juxta sectam Turcarum adhærent. Plerique illorum Dominio subsunt Moscovis, illisque militia deserviunt, montis autem Caucasi partem incolunt. Est Gens præfatis omnibus docilior, vultu & corpore venustior: unde captivi, qui ex ea ducuntur, magni æstimantur tam apud Persas quam Turca ob corporis venustatem, & Genij docilitatem, & innatam ijs fidelitatem. Hi quamvis diverfam habeant linguam, non tamen proprios characteres, neque tam libris, quam suorum successoria traditione antiquorum sese in politica & Religione dirigunt, exceptis his qui Christiani sunt, aut Machometani.

Ex alia parte versus mare nigrum Hyberi sunt Orientales, vulgo Giorgiani: ex quibus populis olim erant Amazones. Plures ei præsunt Principes, duo tamen sunt principales. Primus Bascia Ciuch, tributarius Ottomannis, Christianus tamen cum omnibus suis in ritu Græcorum. Secundus residens in Tiflitz metropoli Hybericæ, tributarius Persarum Regi, & ejusdem sectæ cum nonnullis Magnatibus suis, quamvis & horum nonnulli, sicut & omnes ejus subditi Christiani sint in ritu Græcorum. & Armenorum. Inibi & residet eorum Patriarcha, qui fit per electionem Principis & populi, & confirmatur à Patriarcha Constantinopolitano. Modernus Patriarcha, Patruelis præsentis Principis renegati, probus est, & in unionem cum Romana Ecclesia propensus, de qua jam olim in præsentis serio contulit cum Patribus Cappucinis, quorum nunc aliqui sunt in præfata civitate, omni populo amati. De dono Principis crexerunt Ecclesiam, ubi & juvenes ac pueros Christiana imbuunt pietate. De hac domo dicetur & alibi. Memoratus Patriarcha intentionem suam & piæ memoriæ Patri Piscopo, & mihi, per Superiorem PP.

Cappucinorum aliquando indicari fecit, cujus tamen executio fuit impedita, quod magnus quidam Princeps Nepos ejus recenter rebellis factus esset Persarum Regi, atque ad Turcas confugisset: unde tota Giorgia susque deque steterat ob timorem Regis Persarum: ut proinde eundem Patriarcham ad hoc negotium pertractandum accedere non possemus. Indicari tamen eidem per P. Cappucinum fecimus, fore ut saltem unus nostrum, peractis ad sedem Apostolicam negotijs nostris, revertatur in Persidem, tuncque pacifice circa hoc convenire possimus. Patriarcha vero Armenorum Jacob, per prædictum P. Cappucinum indicavit ei qualiter Pontifici Romanorum, eorundemque Imperatori Augustissimo de ejus in fidem orthodoxam propensione scripserat. Viget ab hinc & hodie (ut nullus dubito) optima hos inter Patriarchas correspondentia, nedum quo ad Politicam, sed & Religionis unitatem conciliandam. Multa per hos sperari messis potest, modo sint operariorum etiam plures: quos Paterfamilias cœlestis pro sui nominis gloria Sanctæque Romanæ Ecclesiæ benignissimè subministret. Porro hoc in Regno, tempore Constantini Magni florere cœpit Christi fides, per unam Christianam & Sanctam Ancillam, ut Nicephorus Calistus cœterique qua Græci qua Latini aut Armeni Scriptores habent. Sunt tamen ritus Græci, tametsi non Græci idiomatis, nec Armeni, prout & singulares characteres habent. Populus in toto Oriente venustior est & bellicosior, intulitque non nullam persæpe Persis stragem, donec tandem colla eorundem jugo coacti submississent. Vivunt cœteroquin hodie in multis privilegijs & immunitatibus, quo ad Religionem & Politicam, nisi quod semper Princeps eorum Machometanus esse debeat, è Gorgianorum tamen populis natus. Poterit Persarum Rex tempore belli ex hoc regno solum sexaginta millia militum convocare, qui, ut alibi diximus, selectissimam faciunt militiam. Horum etiam metu quidam Vezirius dissuasit Magno Turcæ, antequam Polonos aggrederetur, non esse hodie incipiendum cum Persis, uti exploratores in Persidem detulêre.

Sunt & hoc in Regno plurimi Armeni, qui principatibus
&

& officijs fruuntur: speraturque multum emolumentum ex occulta correspondentiâ harum dictarum Christianarum nationum, contra Machometi perfidiam. Conqueruntur autem, sicut & mihi condolenti conquesti sunt, carere se brachio potentioris cujusdam Principis Christiani sibi vicini, cujus patrocinio & auxiliatrice manu rumpere possent vincula durissimæ servitutis. Die porro noctuque non efficiunt excogitare media in hunc finem suum, quæ Deus ter Optimus ipsdem pro sua gloria largiatur. Cœterum arctissima dogmata sua Christiana, licet in Schismate constituti, observant: glorianturque de potentissimis Christianis Principibus contra infideles.

Versus tandem Occidentem Persæ Armenos habent, de quibus singulariter Articulo sequenti. Post hos sunt insensissimi eorum inimici Turcæ, de quorum nota perfidia, & abjectissima origine nihil dicendum, quod notum non sit. Hi sunt populi Persidem circumjacentes, illique inimici insensissimi, ex omnibus quatuor plagis mundi. Unde Persæ Hali suum singulariter miraculosum existimant, quod Regnum suum inter tot undiq; inimicos constitutum, adhuc in gloria ad omnium inimicorum terrorem conservet. Objeceram porro quandoque ijs, qualiter Hali, qui sibi nequam fuit eisdem bonus esse non potuerit, & perperam Patriæ Pater miraculosus habeatur, qui porro non minus suæ adhæserant opinioni; sed incomparabili fidelitati zeloque suorum Ministrorum esse attribuendum, quam sedulè suum Regem, ejusque tuentur Regnum.

Cœterum data Occasione hic de Turcis non omitam curioso edicere lectori aliquid notatu dignum, quomodo nimirum isti insensissimi inimici Christiani nominis adversum Christianos opinantur, unde unanimiter in templis suis orare solent, Hala Kaier Lere birlich vermesin. Id est: infidelibus (quos nequissimi Christianos putant) unionem seu pacem Deus non det. Nempe ab his ultimum formidantes exterminium, quod & ijs favente Deo contingat. Fatentur enim Barbari, cogendos se quandoque à potentia infidelium (nempe Christianorum) ut deferant Regnum suum, quod opinione sua per Machometi

gratiam obtinuere, rursusque ad Arabiam Prophetæ sui Patriam, tanquam ultimum terminum confugere debeant. Quod Deus faxit, ut Sancta Dei Ecclesia optatis gaudijs decantare valeat cum Zacharia: (a) *Salutem ex inimicis nostris.* Item: (b) *Per viscera misericordiae Dei nostri, in quibus visitavit nos Oriens ex alto.* Interim prohi dolor! Impediunt hi nefarij amicabilem Christianorum Principum correspondentiam, atque utinam nonnullorum sibi non attraherent animos, unde Christianorum sanguis prodigaliter funditur. Cum aliunde infensissimus Tyrannus ad ostium jam stet Europæ, & pestifero veneno infectus per pascua fidelium serpat draco metuendus. Quæ igitur huic esse poterit statûs sive Politici, sive Religiosi ratio observanda? inquirunt enim: uti à Barbarorum Magnatibus nonnunquam audivi non gustaturos se mortem, donec cum Machometi vexillo (quod se adhuc habere gloriantur in thesauro Tyranni sui reconditum) aggrediantur Romam, quam vocant Kizill alma, idest: pomum rubrum sive aureum: collimantes ad pomum deauratum stupendæ fabrefactum in cacumine pinaculi Ecclesiæ D. Petri: indeque Romanum Pontificem cum suis in captivitatem abducant. Cæterum cum temporibus hisce Ottomanorum potentia in statu decretionis sit, ut qui ante sexcenta millia militum ad campos mittere faciliè poterant, ut constat ex historijs, hodie vero cum difficultate trecenta millia erigant: quis non cogitabit facilius fore negotij, si Principes Christiani fideliter sibi adunati convenirent, ut debellaretur fortiter, triumphareturque feliciter adversum Christi nominis inimicos, atque ita recuperaretur imperium illud, quo in tantum Christiani olim Imperatores gloriati sunt. Maxime cum & plurimi Turcarum subditi Christiani sint, qui avidè jugiterque desiderant, sperant, & machinantur sui liberationem, & perfidissimi Tyranni exterminium, quod per arma Christianorum Europæ Principum Deus concedat. Quod autem hoc non fiat, & quod sic hodie à Principibus Christianis in casu talis tantique ipsorum perfidi inimici negligatur regula illa belli omnibus jam communis gentibus, ad defendendum scilicet, ad offendendum, Barbari, ut dixi, adscribunt effica-

(a) *Luce 1. v. 71.* (b) *Ibid. v. 78.*

ciæ

ciæ orationis suæ, nec non prudentiæ ac sagacitati suæ gentis: ut & aliud habeant adagium: *Osmanni Dausciani Haraba lie Aular:* idest: Ottomanni capiunt sive venantur lepores in curribus; collimantes ad ignominiam Christianorum, quos armorum virtute in copia subdunt captivitati, ac proinde ut lepores timidos gregatim in curribus abducant. Ast hæc sunt, quæ prudens lector justè mecum deplores.

Perfida porrò hæc Orientis nostri gens Turcica, Tyrannos suos appellare solet *Chunkar*; quod nomen compositum. *Perficum* est turpe sonans, aptum tamen Barbaræ conditioni, quæ nullo digna est honore. Idem proinde significat ac sanguinem faciens, seu sanguinis effusor, quod utique nefario Tyranno rectè adscribitur, & per antonomasiam. Nec Imperator vocandus est, uti & sui eum non vocant, quod justas imperandi leges conculcet, & inhumano fastu ac superbia, humanitatis jura pessundet. Per excellentiam ergo magnus Tyrannus est, & jure talis nuncupatur à pluribus, prout & eum persæpe nominavi in hoc opusculo. Quamvis Persæ simpliciter illum vocare soleant Sultanum. Coeterum relictis modernis Authoribus curiosus Lector meliorem, uberioremque habere poterit etiam notitiam apud Nicephorum Calistum lib.8. cap.30. qualis sit Turcica gens, & unde sit oriunda; ubi & nonnulla habentur notatu digna de origine Ungarorum.

Sed tandem omittendum non censeo, quin aliquid annuam in hoc meo opusculo curioso Lectori de populo illo olim in Oriente nostro, Deo electo, & hominibus venerabili, nempe Judæorum, omnibus cujuscunque fidei populis nunc exoso: id utique in pœnam enormis sceleris, quo Christum DEI filium affecere. Hinc sentiunt, quod eis prædixerat Moyses vigesimo octavo Deuteronomij, maledictiones suas: non ultra habituri ut olim ex captivitate Ægyptiaca, Babylonica, & Persica liberationem. Detestabilior enim est captivitas eorum moderna ablato eis omni dominio & sacerdotio publico: Quamvis hæc ex concessione quorundam, ast sine splendore, aut ordine singulari exercent. Inveniuntur & horum nonnulli in partibus Persidis,

majo-

majori, quam alibi miseria afflicti: adeo, ut si quis eorum ad fidem Machometanam transire voluerit, prius Christi fidei nomen dare debeat, juxta Machometi, ut dicunt infideles, constitutionem. Nihilominus hi semper Messiam expectant suum: & credidēre advenisse quondam, ut mihi eorum narravit quispian nomine Jacobus, quem in itinere cum P. Piscopo in confinibus Moscovitarum inveneram, qui & petijt à nobis duci in fines Christianorum ut baptizaretur. Tale is de socio suo narraverat factum. Ex civitate Smirnenfi socium habuerat, disciplinatum singulariter in Hæbraicis libris, à quodam Rabbi seniori Judæorum in Jerusalem. Porro Rabbinas animadvertens vivacitatem Ingenij in discipulo, stulta ambitione proposuit omnibus Judæis in diversis mundi partibus indicare, habere Messiam se pro discipulo, quem & omnes mundo advenisse gaudebant, atque ad visendum eum, multi catervis confluerant. Audito copioso Judæorum confluxu, jussit Turcarum Vezirius adduci à Judæis Messiam eorum, quem cum non sine magna lætitia & spe conversionis Vezirij adduxissent, is eum interrogaverat, Messias ne esset? is respondit, utique. Jussit ergo Vezirius afferri quantotius mortuum recenter aliquem, quem suscitaret, quippe quod hæc miracula crederet propria Messæ, cujuscemodi & Christum, quem Christiani & Machometani verum Messiam agnoscunt, patrasse nosset. Judæus ergo suam confusionem & Tyranni veritus rabiem, illico se Messiam esse negarat, fidemque Turcis dederat. Cui in remunerationem, sicut ineffabilem Judæis confusionem Vezirius eum Kapuci fecit, idest: unum janitorum palatij sui Domini, jubense ei nomen Mustapha: quem & hoc officio & nomine & vita adhuc potiri intellexi in jugem hujus perfidæ & pertinacissimæ gentis Judaicæ confusionem. Sed de his hic satis. Modo & breviter dicamus de alijs populis, qui circumjacent, & subjacent Persarum Dominio.

ARTICULUS VIGESIMUS OCTAVUS.

De Armenia & Incolarum ejus ritu, ac Patriarchis Præfidentibus.

ARmeniâ regionum antiquissima putatur, fortiturque nomen suum ab Aram, ut quidam putant, filio Sem, & Nepote Noë, de quibus in scriptura Sacra Aram & Armenia idem significant, nempe altitudinem. Unde & in Armeniæ montibus Arca Noë quievit. Porro montem illum determinate Berosus Chaldæus apud Josephum lib. primo vocat montem Cordiorum. Sunt aut Cordij, qui & Curdij hodie dicuntur, populi Armeniæ versus Mesopotamiam Christiani promiscuè tametsi Principes eorum Machometani, juxta Ottomannorum sectam, atque in eorundem dominio. Peculiari idiomate loquuntur, diverso quidem à Turcarum, sed non absimili à Persarum lingua. Bellicosi sunt, sed furtis magis dediti, sicut Arabes: ut eorum quis magis gloriari, & ut militem sese jactare ausit, qui plura furta audacior comiserit. Proinde hi populi continuas prædas & furta exercent ex parte Mesopotamiæ, sicut & Arabes ex Syriæ in Dominio Turcarum.

Memorato autem in monte tradit author præfatus, suo tempore ex ruderibus arcæ Noë adhuc bytumen esse abrasum, in morborum remedium. Cæterum memorabilia arcæ hujus superfuissè tradunt Armenorum historici usq; ad tempus Simonis Episcopi, qui Episcopus Mispinensis Mesopotamiæ erat, de quo & traditur, per concessionem sibi ob vitæ sanctitatem à Deo licuissè conscendere cacumen montis hujus ubi arca steterat, cum mons aliunde naturæ viribus vix conscendi possit; multis id tentantibus jam Regibus. Sentiunt ergo nonnulli Episcopum hunc consimilem parti memoratæ detulisse, illamque cum pristina arcæ parte collocasse in eodem loco, sicut & inibi curasse construi sacellum sumptuosissimum, in inferiori quadam amœnissima montis hujus regione versus celebratissimum flumen,

cui nomen Araxis, ubi populorum nonnulla consolatio confluentium esset. Contuleram me nonnunquam cum præsentè Armenorum Patriarcha ad locum illum, capeſcendæ vernali tempore recreationis gratiæ: poteſtque ex ſumma loci amœnitate ferventior homini excitari de Paradifo terreſtri cogitatio, ſed proh dolor! ſacellum dictum memoratas reliquias amplius non habet, quas forſan temporum injuriæ abſumpſere aut bel-lorum.

Vocatur & mons iſte ab alijs Barin; ab Armenis vero vul-gariter Maſis: & in libris eorum Ararat, ſicut & communiter ab Hebræis, Græcis, & Latinis vocari ſolet. Denique à Tur-cis dicitur Agridaghi. Sublimiſſimum autem hunc eſſe montem inde patet, quod in diſtancia quadraginta milliarium opti-mè adhuc appareat ſumitas ejus & hieme & æſtate nivibus cooperta: quæ ſi quando diſſolvuntur, tanto impetu ſtre-pituque ruunt formidabili, ut iſ per decem milliaria au-diatur. Cadunt & tunc vermes nivei coloris, longitudinis ſubinde trium, miniuſvè ulnarum, utique ex nivibus longo tempore jacentibus & putreſactis generati. Vix verò ſolem ex-periuntur, & in aquas reſolvuntur. Invenitur & hoc in mon-te cryſtallum pretioſiſſimum, utique generatum ex glacie ſoli-diſſimâ virtute ſolis. Sed & hoc mirum mons habet iſte, quod pars ejus verſus orientem ſita, omninò ſit arida, atque horrida, & ob peſtilentiam aëris, & aquarum, quæ à ſerpentibus, Dra-conibus, alijsque animantibus venenofis copioſè ibi habitanti-bus inficiuntur, omninò hominibus inhabitabilis. Referunt porrò Armenorum Hiſtoriographi, quod Reges eorum ante adven-tum Chriſti Salvatoris, maximam habuerint coloniam, ubi in-pœnam habitare fecerant eos, qui ſceleſti rebelles, & criminis rei erant. Nunc non niſi quædam rudera viſuntur. Reges etenim amplexi Chriſti fidem ſalutarem, mitiùs caſtigarunt ſuos, ut vel inde colonia illa fieret inculta, & deſolata: redeun-tibus inibi detentis ſacroque baptiſmate tinctis in flumine Ara-xis. Pars porrò illa quæ verſus eſt Occidentem amœnitate ſua Idæa equidem paradifi videtur: aluitur dicto flumine Araxis, ſcatet-

scatetque fontibus lymphidissimis, omnique florum, herbarum, arborum, fructuumque juxta temporum diversitatem, & animantium quadrupedum volatilium, & natatilium copia abundans. Est & hic oppidum antiquissimum ad decursum dicti fluminis, quod vocatur Nachori Armenicè; idest prima plantatio. Dicuntque antiquis ex traditionibus Armeni, primam vuarum plantationem à Noë factam, ibidemque inebriatum esse. Vinum enim generosissimum est albi coloris, & utique tunc temporis generosius adhuc fuerit, ob majorem vigorem terræ in eo tempore ut facilius Noë inebriaretur. Montis denique hujus circuitus universim esse poterit quindecim Germanicorum miliarium.

Sed & putantur ex Armenia venisse primi illi homines in campum Senaar, ad ædificandam turrem Babel: de quo videri poterit Ferrerius in Commentarijs super Genesim. Cœterum ex sublimitate & antiquitate Regionis hujus non irrationabiliter exaltarunt scriptores per multi nationem Armenorum, eorundemque terram, maxime etiam quod in eo Deus elegerit conservare & salvum facere genus humanum, illudque cum cæteris animantibus, cum cœtera omnia diluvio devastata essent, in terram Armenorum collocare. Unde & ipsi gentem terramque suam conservatricem propagatricem, matremque appellant cœterarum. Neque carent Armeni linguæ antiquitate: etenim facta etiam confusione Babel vocabula Armenica manserunt in integritate sua, uti asserunt ex traditione Genitoris & Patriarchæ sui, scilicet Aram filij Sem. Cujus & conjectura ex quibusdam nominibus civitatum & locorum, quæ usque hodie Armeni per antiquissimam traditionem se habere ex Aram asserunt. Cujusmodi est nomen Civitatis Erevan quod Armenicè idem significat, ac quæ apparent: eo quod hic post quadraginta dies Noë cum suis in summitate montis versus quem ex parte occidentali prope residentiam Patriarchæ Armenorum dicta Civitas sita est, apparuerit. Nomen pariter Civitatis olim residentię Archiepiscoporum Catholicorum, ut alibi dicetur, quæ & sita est propè montem, & vocatur Nachseivan: quod significat in Ar-

menica lingua edificationem primam: tradunt enim Persarum primam hanc civitatem esse à Noë ædificatam atque inhabitatam: quam postmodum Nepos ejus Aram Armenico vocabulo appellavit Nachscivan. Item nomen Oppidi supra dicti, in quo Noë plantavit vineam: nomine Nachuri. Ex his ergo & similibus vocabulis probant Armenorum linguam esse antiquissimam: & habere illam sicut fuit ipsis tradita ab eorum primo Fundatore, Genitore, & Patriarcha Aram, quæ aliunde copiosissima & sæcundissima est, inculta tamen ob defectum studiorum.

Scribunt Armeni more Latinorum & Græcorum, non vero inverso, more Arabum Persarum aut Turcarum. Triginta septem habent Alphabeti litteras, quod non habent aliæ Orientis vel Occidentis linguæ exceptis Moscovis, Rutenis, & nonnullis nationibus Indiarum inde & forsitan Armeni facilius præ cæteris asperas aliarum nationum pronuntiationes assument, quod sui idiomatis litteræ multiplices linguam reddant expetitiorem. Cæterum Armenica in se lingua, & advenis non adeo difficilis est sicut cæteræ Orientales.

Denique tantæ est amœnitatis Armenia, ut non solum Armenorum, sed & Græcorum Latinorumque Scriptores opinati sint, paradysum in eo constitum esse. Tantæ est amplitudinis ut in majorem & minorem dividatur, quarum & cuilibet præsidebat potentissimus Rex, sicut & de bellis accerrime habitis cum Græcorum Romanorumque populis constat: cujusmodi singulariter gessit Tygranis ille major, qui per quadraginta annos, cum potentissimo Romanorum Senatu vibravit acinaces; sicut & de illo linguarum Oraculo, & salutaris Theriacæ inventore, Mithridate Tygranis Genero constat, qui Pontum regebat Euxinum.

Habuit & tempore, quo Christi floruit fides, Reges potentissimos acerrimè adversum Romanorum Tyrannos dimicantes: inter alios contra Maximinum Imperatorem Christiano nomini infensissimum. Quorum sic memoriam facit Nicephorus Callistus. (a) *Bellum insuper Maximino ab Armenis illatum, qui antea Socij*

(a) *Lib. 7. cap. 28. Eccles. Hist.*

Roma-

Romanorum fuerant. Belli causa erat Christiana fides & Religio. Quod enim homines inducere, atque persuadere illis voluit, ut, quem Christo præstabant, Idolis cultum offerrent, ex amicis hostes eos habuit. Quamala omnia eodem tempore coacervata, Tyranni audaciam furoremque contra Divinum Numen conceptum, satis coarguerunt. Et quum per jactantiam gloriose, eo quod Christianos persequeretur, atque Idolorum cultum propagari studeret, sibi polliceretur non famem, non pestem, non bellum Imperij sui ditionem invasurum esse: clades ea confestim cumolata, quum ineptam jactantiam & audaciam ejus represserunt Armeni &c.

Magnam igitur Armenorum potentiam, sicut & zelum in Christi fidem luculentius videndum habebit curiosus lector in primo Tomo reconciliationis Ecclesiæ Armenæ cum Romanâ, conscripto à Doctissimo Patre Clemente Galano, Ordinis Regularium Divi Cajetani, & olim per plures annos in Armenia atque Giorgia zelotissimo Missionario Apostolico: qui & in alijs duobus Tomis complura de antiquissima hac & nobilissima Orientis natione differit. Ubi & Armenorum à Gremio Sanctæ Ecclesiæ recessum, atque ad inania dogmata conversionem commemorat. Habuit porrò Armenia Sanctissimum Fidei zelotem Gregorium, primum Episcopum nationis suæ, qui & crebris miraculis confirmavit Christi salutarem fidem, olim jam à Sanctis Apostolis Bartholomæo & Thadæo prædicatam, & sanguineis characteribus Armeniæ inscriptam: quorum & Apostolorum martyrij loca hodie tam à Christianis, quàm ab Infidelibus promiscue coluntur, & donantur; ubi & ædificata sunt Tempia sacra ac sumptuosa ab antiquis Regibus Armenorum. Sunt & inibi Monasteria Monachorum Armenorum, quorum singulis singuli præfunt Episcopi Armeni, sub jurisdictione Patriarchæ majoris. Quæ quidem loca & ego devotionis causa invisens, non sine cordis amaritudine desolatam deslevi Christianitatem.

Porrò halucinantur qui putant, Gregorium hunc, tametsi miraculis clarissimus fuerit, fuisse illum Thaumaturgum olim Episcopum NeoCæsareæ. Hic enim post illum floruit, fidemque sanctam rursus abolitam in Armenia iste regnante Teridate crudelissimo Rege, induxit ac propagavit; ut inde communiter cele-

celebretur Sanctus iste tam ab Armenis, quàm à Græcis, & Latinis Gregorius illuminator Armenorum; cujus caput & hodie pluribus coruscat miraculis Neapoli in quodam Monasterio Monialium; & sub Imperio Constantini Magni, ad quem una cum Teridate jam converso eum venisse tradit Nicephorus Calistus lib. 8. cap. 5. ubi sic habet. *Sunt qui Gregorium una cum Teridate ad Imperatorem Magnum Constantinum venisse tradunt, eumque tam miranda, & inopinata audientem magnopere letatum fuisse, & Gregorium ipsum totius ejus regionis Episcopum ordinatum eò misisse. Gregorius igitur Teridatis suffragio comprobatus, quum Idolorum Fana ibi evertit, tum Christo sacra templa erexit, & miraculis præcipuis universam gentem ad fidem nostram redactam baptizavit, atque ad Servatorem Christum reduxit: & paulò ante hæc sic & ibidem disserit de isto vivo Christi Martyre Gregorio. Cum enim Gregorius ille, qui edendis miraculis clarus fuit multa à Teridate propter Christum passus, & post multas, variasque malorum species ad quatuordecim fovea tenosa, & caliginosa (quæ etiam hodie extat, cum quodam sumptuosissimo templo, & conventu Armenorum, & Armenicè Chor virab dicitur) inclusus esset, Teridatis ipse ejus gentis Princeps, cum domo sua tota, & cum optimatibus divina ira est expertus: ad vitam enim, & simul formam porcorum redacti seipsos devorabant. Cæterum ex fovea illa extractus Divus Gregorius uno signo omnibus Christum colere persuasit: & suilla forma, atque vita liberatos, institutum nostrum complecti coëgit, delubra eis construxit. sacra arcani, & mystici (hic satis notandum, occurrit hæreticis hodiernis in ipsorum confusionem de antiquissimo usu celebrandi sacrificium altaris) sacrificij celebravit, & novis miraculis incolas demones ex ea regione exturbavit.*

Sed & Armenorum Historici tradunt Gregorium illum sanctum cum Teridate fuisse Romæ magna quoque cum copia exercitus & Optimatum ejus, ad Constantinum Magnum, & summum Pontificem Romanum Sylvestrum; ab eodemque fuisse constitutum & confirmatum Episcopum gentis suæ. Inde & nonnunquam objiciebam eis ut validum argumentum, non esse eos ultra Genuinos filios Gregorij illuminatoris sui quod hic acceperit authoritatem à Romano Pontifice, illique totalem perpetuam-

tuamque præstiterit obedientiam, à quo è contra ipsi (puta Schismatici) recedant, unumque gremium Sanctæ Ecclesiæ non agnoscant: ut de ijs verificetur, quod dicitur (a) *qui fodit foveam incidet in eam, & qui dissipat sepem, mordebit eum coluber.* Machometus enim coluber est, qui Orientem vix medicabili vulnere infecit, dum populus sepem unitatis Christianæ ausus est dissipare. Unde miseram conditionem & inopinatam vestram captivitatem (inquebam) non absque ratione ploravit Magnus atque Sanctissimus ille Patriarcha & Propheta vester Nersès, sicut alter Jeremias suam veritati rebellem gentem, alterius misera captivitate afflictam. Qui & Nersès aliunde vos recte asseruit sperare non posse salutem nisi à Romanis, à quorum sinu perperam recessistis: qui tandem invincibili potentia sua & sapientia cœlesti dissipabunt nubes & caligines eorum ac Tyrannidis ex Oriente vestro, restituentque pristinum splendorem suum quo tempore felici Constantini Magni, cœterorumque pijsimorum Romanorum Imperatorum refulsit. Hæc & plura alia prophetico spiritu predixit Nersès, de plurimis Orientis à fide Orthodoxa aberrantibus nationibus, sicut & plurima de origine invasionisque obscurissimæ Turcarum gentis in terras Orientales Christianorum: uti curiosus Lector videre poterit in tomo primo memorati P. Galani: quæ hic brevitatis causa omiserim. Plurima cœteroquin ab eo dicta jam verificata sunt: unum restat implendum in consolationem gentis hujus: nempe liberatio à dura Machometi captivitate per Romanorum potentiam & benevolentiam. Vos ergo inquebam tum juxta Prophetiam creditis, vos potentia & benevolentia Romanorum liberandos, ut quid non benevola unione eosdem prævenitis vobisque obsequijs vestris, quæ revera debetis, eos obligatis abijcienties ea quæ Schisma sonent, & ut erronea ab ijs reiiciuntur. Frivolis ad hæc uti solent responsionibus, qui suis detinentur erroribus: afferentes mihi non nunquam, tunc se velle uniri cum Romanis circa dogmata fidei, ubi adimpleta fuerit prophetia à Romanis circa liberationem suam; quam & brevi sperent adimplendam.

(a) *Ecclesiæ cap. 10. vers. 8.*

dam. Corvina igitur voce procrastinant conversionem suam: non curantes momentum unde & hodie beata sibi dependet æternitas. Cœterum complurimi perdocti tam sæculares quàm Ecclesiastici eorum secum occulto sentiunt, fatenturque, sicut & non possunt non sentire atque fateri, volutari se pertinaciter in erroribus, & sancto Christi gremio rebelles esse: id quod & ex libris suis, & traditionibus Sanctorum Patrum, qua suorum, qua Græcorum luculenter desumere possunt. Hos inter primus est ipsorum Magnus & Venerabilis Patriarcha Jacob, à suis magnæ sanctitatis & pietatis vir habitus, octoginta annorum circiter ætatis suæ, virium vero robore, quo juveni triginta annorum par est plurimos adhuc sperans annos, nihilque adhuc fatalis omnimoda sibi canitie edicente. Is porro jocosæ certamine à quodam Persa Armeniæ vice Rege coactus est suum in Christum Zelum demonstrare. Innuebat enim ei Vice Rex ut dum ipse in honorem sui Machometi, Patriarcha biberet in honorem Christi, visuri sic cuinam Propheta longiorem præstiturus sit assistentiam. Inijt certamen Patriarcha, & Vice Regem Machometanum ut cadaver sepultum lecto dereliquit, Patriarcha rursus ad fratres suos pro sacris in templo orationibus persolvendis abscedente. Qui & postero mane accedens Vice Regem jocosæ simul & seriè eidem condolebat: illud asserens. Vos certè Persæ & omnes omnino Machometani nullo sane negotio nobiscum Christianis efficere quidpiam possetis, nisi esset ira Dei nostri, qui corripit nos propter mala nostra, & in delictorum poenam sub vestris manibus humiliat. Est cœteroquin Patriarcha hic infensissimus Machometanis, sentiens se morte non habiturum, donec bello sub crucis Christi vexillo into triumphum faciat adversum eos; confidens de robore & multitudine fortissimæ gentis suæ, solumque sperans auxiliatrices manus, seu assistentiam benevolam Romanorum, juxta Prophetiam Antecessoris sui Nerses: sicque velle se renovare amicitiam, quam pij sanctique Antecessores Armeni benevolentissima unitate cum Romanis habuere. Sed & bonæ hujus opinionis suæ specimen dederat in tempore Alexandri septimi, mediante quodam Religioso

ligioso sacri Ordinis Prædicatorum, R. P. Paulo Piromali, natione Italo, & Catholicæ in Armenia majori Provinciæ olim. Archi-Episcopo: sicut & tempore Clementis noni: quos ipse Pontifices benevolis litteris ac salutationibus venerabatur, qui & donarijs singularibus paternam eidem benevolentiam vicissim exhibuere. Cœterum tametsi præfatus Reverendissimus P. Piromali alijque Religiosi diversa, tentârint; sine tamen successu desiderati finis.

Tandem vero misericors Deus ad octo annorum labores exiguæ personæ meæ, cor ejus suaviter & fortiter attingere dignatus est, ut senex venerabilis cum omni mentis humilitate & contritione, emiserit Professionem sanctæ orthodoxæ Romanæque fidei in manibus bonæ memoriæ Reverendissimi P. Piscopi Ord. Prædicatorum: præsentē quoque ejusdem socio Religioso, nomine Raymundo, Neapolitano. Is ergo omnes errores Schismatis sui, quos ego in Armenica lingua interpretabar, sigillatim detestatus, atque inde à præfato Patre Piscopo tanquam missionario Apostolico ab excommunicationis vinculo absolutus, tactis Sacrosanctis Dei Evangelijs adpromisit perpetuam obedientiam summo Pontifici Romano, ut Universalis Ecclesiæ capiti & legitimo Divi Petri Principis Apostolorum Successori.

Et hæc sancta negotiatio nostra fiebat in Sede Patriarchali illius, quæ dicitur Ec-miazin, mense Aprili anno salutis nostræ 1676. Dies erat Jovis: & sane; qua grandis hæc Jovis victima imolabatur ad aras fidei sanctæ, mane circa horam nonam. Hujus & ingenuæ professionis suæ ulteriorem Romanis exhibiturus attestationem manu propria scripsit ad Eminentissimum Dominum Cardinalem Altirium, tanquam sacre Congregationis de propaganda fide Præfectum, & Cardinalem Patronum: sicut & ipsummet Clementem X. aliosque quosdam Principes Catholicos litteras, inserens me, Patremque Piscopum, tanquam suæ mentis, statusque præsentis, & professionis exactæ oculatos testes. Ponderet nunc Lector benevolus, quid gaudiorum ego, & Patriarcha, ille de statu suo, & ego de labore meo, quem & hoc in casu per multos annos & in alijs occasio-

nibus ad honorem Dei Creatoris, & Salvatoris mei Christi, sanctæque Matris Ecclesiæ Romanæ gloriam, non sine magnis dæmonis, ejusque sequacium contradictionibus & persecutionibus, favente tamen Dei gratia feliciter superatis exantlavi, nancisci possimus. Ut & memoratus Patriarcha in litteris ad Augustissimum Imperatorem datis hæc de persona exigua mea ponere non dubitârit. *Qui (ait) per multos annos nobiscum conversatus, & proprijs oculis suis quidditatem (notet hunc terminum prudens Lector) nostram vidit & scivit, & cum eximia laude floruit inter infideles: Qui igitur omnia nostra arcana patefaciet Majestati vestra.* Has ergo ad Augustissimum Inviictissimumque Romanorum Imperatorem LEOPOLDUM exaratas mihi soli tradidit, ut ego tanquam ipsi intimus, omnisque ejus intentionis gnarus clementissimis Augustissimæ dictæ Majestatis manibus consignarem: sicut & debitissimâ cum veneratione eidem sacratissimæ Majestati obtuli, præsentem R.P. Piscopo: ubi & oretenus proin-terim breviter quædam retuli circa mentem & statum, qua supra-dicti Patriarchæ suæq; gentis, quâ totius Christianitatis in Perside.

Sed & de zelo Patriarchæ memorati in Sancta Christianorum Dogmata quidpiam saveat recensere. In Gallia hæreticorum nonnulli ejus Ecclesiam, quæ in Perside est, diffamaverant coram Galliarum Rege, famosis edentes libris qualiter Christiani Armeni, qui sunt in Perside, secum in rebus fidei præcipue quoad Sacramentum Eucharistiæ, & non realem præsentiam Corporis Christi sub speciebus Sacramentalibus convenirent contra universalem Romanæ Ecclesiæ doctrinam. Quod idem Rex inaudiens per Legatum suum tunc ad portam Ottomanorum existentem, à Patriarcha Jacob existente pariter in eadem tunc ob quædam jurisdictionis suæ negotia, inquiri fecit. Is ergo nedum verbis ad Legatum, sed & eruditissimis litteris ad Galliæ hæreticos responsa dedit, qualia forsan ex Regis sui jussu etiam ab Ecclesijs, quæ erant in Regia Persidis Isphahan, desideraverat Legatus. Prima igitur occasione Patriarcha zelosissimus expeditivit litteras ad me, sicut & Episcopos ac Optimates Armenorum illorum, qui in Perside existunt, prout & Lega-

Legatus expediverat ad P. Raphaelem. Conveneram his habitis illico Archiepiscopum David, aliosque Episcopos & Doctores Armenorum, congregarique fecimus principales nationis, quibus litteras de illata ab hæreticis Occidentis calumnia relegimus. Dissertissimè vero dein ac eruditissime adversum inventores responsum est, ita ut litteræ, sicut nobis relatum est, confusionem reprobis pepererint Hæreticis Galliarum haud exigua, nonnullisque corda contriverint, ut amplecterentur Romanam Catholicam veritatem. Hic proinde casus absimilis non est illi, qui acciderat Alexandrinis eorumque Patriarchæ Gerasimo: dum enim hic provocatus ad amplectendam sectam Calvinii per Oratores Hollandos Antonium Siberum & Cornelium Hagium, taliter cum suis respondit, licet schismaticus esset, & Romanæ etiam Ecclesiæ non unitus, ac si esset quidam Auctor classicus Romanus, ut & hodie stent in confusionem litteræ hæreticis, eorundemque figmentum ac errorem demonstrent: quos & habet Leo Allatius Græco & Latino celeberrimus orbi inter scriptores moderni temporis: cujus & affluentis doctrinæ ego quandoque Romæ existens particeps eram. Unde liquet Lectori, quod hæretici occidentis ij sint, de quibus Propheta (a) *Os habent & non loquentur: oculos habent & non videbunt. Aures habent & non audient*; loquuntur enim de Christiana veritate gutturre alieno.

Eligunt autem Armeni Patriarchas suos in Conventu Archiepiscoporum, Episcoporum, & Procerum nationis suæ absque scrutinio quidem, aliove sortis modo. Tum vero & electus consecratur ab Archiepiscopis magna solennitate plurimisque caeremonijs juxta rituale suum: posterisque diebus ad thronum Patriarchalem in Patriarchali Ecclesia conscendere faciunt, sessionemque in functionibus Ecclesiasticis sibi propriam capere. Requiritur tamen & assensus Persarum Regis, ad quem obtinendum multi quandoque fiunt sumptus. Habet autem hujusmodi Patriarcha jurisdictionem in omnes Ecclesiasticos & sæculares Armenos quo ad spiritualia non solum in hos qui in Persi-

Y y 2

de,

(a) *Psal. 113. v. 13. & 14.*

de, sed & plures qui in Turcia sunt. Quamvis præter Patriarcham hunc tres etiam alij sint. Unus in Dominio Persarum, cujus residentia vocatur Canzasar: duo verò alij sub jurisdictione Turcarum, quorum unus residet in Civitate Sis, olim residentia Regum minoris Armeniæ: estque in Cilicia, quæ fuit Patria Divi Pauli Doctoris gentium, & inter Provincias minoris Armeniæ numeratur. Alter vero in quodam conventu nomine Achtamar, fundato in Insula quadam celebratissima maximi illius lacus in Turcarum Persarumque confinio, qui Geographis latinis Giochus dicitur. Quilibet horum ut patet districtus & Provincias peculiariter sibi habet definitos, quæ non modica ijs est contradictionis & altercationis ansa.

Familiaris autem ipsis divisionis, & scissuræ objeceram persæpe non esse aliam causam nisi divisionem & scissuram cum Ecclesia universali, qua temerarij resistunt Romano Pontifici, unde & cum suis quotidiano experimento affligantur, atque ab infidelibus arduo jugo torqueantur. Cœterum proventus jurisdictionis & curæ, præter eleemosynas annuales, sunt & ex oleo Chrismatæ, quod Patriarcharum quilibet in Ecclesia sua magna quidem solemnitate, sed non minori conficit superstitione, subditis tum sibi Episcopis & ministris cum certa quantitate concedens, determinatamque & non modicam exigens pecuniam.

Constans cœteroque & sua laude non indignus est animus Christianorum simplicium Orientis, qui, præterquam quod diris vexentur modis per Tyrannidem infidelium; à Pastoribus suis Ecclesiasticis, discolis utcunque & sana doctrina carentibus magnas patiuntur tributorum exactiones; quas tamen obsequio maximo tolerant, ijsque cum veneratione deferunt: ad exemplum pluribus fidelibus Europæ, quibus, non ut illis, terra lacte & melle manans favet.

Residentia denique primi Armenorum Patriarchæ, scilicet Jacobi Armenicè dicitur Ec-miazin idest, descensio unigeniti. Dicunt enim Armeni unigenitum Dei apparuisse in loco illo S. Gregorio oranti, in cujus sanctam memoriam à Teridate Rege

con

construam Ecclesiam, & à factò nominatam. In medio autem Ecclesiæ locus apparitionis est sub majori cupula, & vocatur Sandaramet: usque modo pretiosissimè adornatus, & tam à fidelibus quam infidelibus multa veneratione frequentatus. Antiquissima proinde Ecclesia est, sumptuosa, grandis ampla, & sublimis, ex ingentibus lapidibus constructa: Turcicè dicta Ucikilise: idest: tres Ecclesiæ: sunt enim ex utroque latere illius alia quædam: non quidem contiguæ, ita tamen vicinæ ut vix unum horæ quadrantem iter ab una ad aliam absumat. Sunt in honorem sanctarum Virginum & Martyrum Gajanæ & Ripsimæ eodem tempore sumptuosissimè pariter erectæ à pietissimo Teridate, qui una cum suis, in construendis templis, cœnobijs, Monasterijsque pro commoditate fidelium, singularissimus erat: ut si quis invisens diversa majoris & minoris Armeniæ loca, videre voluerit, reperiet montes, colles, valles & campos promiscuè ornatissimos olim fuisse his ædificijs, & non modico flore odorem suavitatis Christi fideles ex Armenia cœlum usque spirasse. Nunc proh dolor Machometana persecutione ad desolationem omnia devenêre. Cœterum Civitas quædam est majoris Armeniæ nunc in confinibus Persarum atque Turcarum, & vix duobus diebus distans à Patriarchæ Jacobi residentia, Ec-miazin, quæ civitas Ani dicitur, unde & oriunda est familia mea Bedik, ut suo loco dicam, vastissima est, & qua artis pulchritudine, qua situs amœnitate, qua demum aëris temperie, terræ fœcunditate, & aquarum fluminumque frequentia optabilis. Hac in civitate actu mille inveniuntur & unum templum Christo dicata, apparentque ceu recenter essent exstructa, unde considerabit lector civitatis vastitatem. Nescio ergo apud quam Christiani orbis nationem tantus Christi fuerit cultus sicut olim apud Armenorum gentem: prout & specialem memorata de civitate mentionem facit nominatus P. Galanus in primo tomo operis sui. Cœterum illam nunc nemo inhabitat, nisi Pastores quidam æstivo tempore greges suos inibi pascentes: ut nec quidem infidelis lacrymis abstinere valeat super ejus desolatione: cujus quidem sicut

&

& aliorum sacrorum locorum ac civitatum Armeniæ, destructio, non tam Persis Machometanis, quam Turcis tribuenda est, quod hi præ illis immitiores sint, & inhumaniores, de industria insidiantes sacris locis: cum econtra Persæ in his quandoque suas persolvant orationes, dicentesque loca esse sacra, & Deo dicata, nec officere, quod à Christianis fuerint possessa, aut erecta. Unde & Amurathes Turcarum invasurus Persarum Regnum, volensque habitare in residentia Patriarchæ Armenorum supra memorati, jussit inter alia, ut in templo Patriarchali sui ligarentur equi tanquam in stabulo abjecto. Persæ verò cum eos Barbaros abegissent, auxiliantibus Armenis, ad jussum Regis Sephi, locum à perfidis profanatum & infectum, purgare debuerunt, rursusque Patriarchæ consignare: ubi & ipse cum suis more solito victoriæ grates Deo summo reddidit.

Denique Patriarcha Ec-miazin inter alios titulos ordinarie sibi adscribit, esse se Catholicum omnium Armenorum, Patremque venerabilem eorundem, quod alij tres præsumere non audent. Item esse se Patriarcham Vaghar Sciapad, quæ fuit olim celebratissima & vastissima civitas, capiens sexaginta millè Judæorum domus: olimque ordinaria Regum majori Armeniæ residentia, sicut & Patriarcharum; unde & hodie isti se nominant. Suntque tres illæ Ecclesiæ in situ civitatis illius: exceptis quibus, & uno oppido Armenorum, quod donavit Pater istius Regis Habas moderno Patriarchæ Jacob, nihil aliud vestigij illius ingentissimæ civitatis apparet, sed solo æquata est, imputatâ destructione Thamerlano suisque barbaris scythis, in odium fidei, ut tradunt Armeni. Denique ritus Ecclesiasticus Armenorum differt à ritibus Græcorum & Latinorum: celebrant tamen in azymo sicut Latini, Uxorem antequam fiant Sacerdotes aut Diaconi ducere debent: sique ijs moriatur Uxor in Sacerdotij tempore, aliam ducere non possunt, nisi Sacerdotio deponantur, & ignominiose à Laicis haberi velint. Quando porro Sacerdotes ab Episcopis juxta ritus & ceremonias suas in Ecclesijs consecrantur; consecrantur quasi pariter mulieres eorum in domibus ab alio quodam Sacerdote ab Episcopo deputato,

tato, sub lectione plurium ex Evangelijs, Apostolis, & Prophetis, benedicente eas semper & Sponsas appellante ministri Regis cœlestis, qui Christus est. Idque in præsentia cœterarum Sacerdotissarum, Diaconissarum, aliarumque mulierum totius Cleri, pluriumque sæcularium: à quibus & diversimode induuntur, exuunturque; & præsente Sacerdote coram cruce omnes earum actiones & functiones benedicente, quatuor vix horis absolvunt negotium suum. Manent porro mulieres Sacerdotissæ sic benedictæ vestibibus suis per diem solemnitatis indutæ in domibus suis, quadraginta etiam dein diebus nemini loquentes, sed pro dignitate sua Deo grâtiâs agentes, quod idem maximè in cibi & potus abstinentia observant mariti earum Sacerdotes, in Ecclesijs detenti. Donec tandem curiosis denuò cæremonijs suas adducant in domus proprias. Quando Item Armenorum Sacerdotes celebrant sacrum uno prius abstinent mense à thoro, ad dignos sese tanto Sacramento reddendos. Die verò celebrationis orantes in Ecclesijs detinentur, carnibus non vescuntur, neque vinum bibunt, sed aquam cum lacticiuijs sumunt. Pariter cum vices celebrandi cuidam finiuntur, abstinent à thoro per septimanam sequentem, ob recentem Sacramenti memoriam. Unde non nisi bis vel ter in anno celebrant, hoc prætextu, quod matrimoniali addicti sint jugo, sese prohibente, quo magis digne tractare Sacramentum possint. Qualem porro hoc in jugo suo, quod utique tale est & intollerabile, sentiant hi consolationem animi, & spiritus devotionem: ai ponderabis Lector: qui scies, providè ad vitanda hujusmodi inconvenientia statuissè sanctissimam Romanam Ecclesiam, & usque hodie velle, ut corporis puritati astricti sint, Sacerdotes Dei, qui puritatis est Author, & omni dignissimo servitio coli desiderat.

Jejunia Armenis in anno plura sunt: adeo ut per medietatem illius jejurent, neque piscibus etiam vesci soliti, neque vinum bibere. Quantumcunque latrent hæretici contra longemitio rem jejunandi modum Romanorum. Cœtera pariter habent Sacramenta, dempto quod est extremæ unctionis; hoc enim

enim non nisi post mortem ex grassa ignorantia conferunt. Observant usum Sacrificiorum sicut Judæi contra legem novi Testamenti, cui unicum & sufficientissimum erat sacrificium JESU Christi cruentum in cruce, alterumque incruentum in sacrificio missæ. Sed inter principaliores errores Armenorum est error Monophysitarum, qui duas in Christo Domino negabant naturas, quamvis asserant, eum esse perfectum Deum & perfectum hominem: Unde quandoque talem hujus nostræ gentis alias deplorandam ignorantiam ridebam, sicut olim riserat doctissimus ille Diaconus, & Referendarius Georgius Pisides his jambicis versibus Joannem Philoponum Philosophum Alexandrinum, & præcipuum Monophysitam, satis lepidè sic differens cum illo.

ψκφίξεται θάττομ μίαν τε καὶ μίαν
 εἰ, γὰρ μίαν τε καὶ μίαν λέγεις μίαν
 γέλως τ' λεχθῆμ γίγνεται καὶ παιδοῖς.

*Unam atque mox unam lapillo computat:
 At unam, & unam fortè si unam dixeris,
 Pueri vel ipsi tale dictum riserint.*

Profiteris, inquit, Philosophone Philosophorum omnium laboriosissime, & sapientissime duas naturas in verbo unitas esse: unam divinitatis & unam humanitatis. Si ergò duas naturas in eo convenisse dicis, quomodo duas rursus in unam contrahis? una namque, & una, due sunt, non una. Itaque si quis in eadem subjecta re, duo quadam predicando indicet, eaque rursus in unum redigat, ridendum se merito præbeat. Hæc ille. Sed & ante ipsum contra hunc Monophysitarum errorem Sanctissimè scripserat Gregorius Theologus, utpote Nazianzenus lib. de Divinitate ad Evagrium Monachum, nec non Leontius Monachus vir pietate, & doctrinà eximius, & quam plurimi secuti sunt eos moderni Authores.

Adhærent pariter nostri Armeni errori Theopaschitarum, qui temerè addere voluerunt illi Hymno ter Sancto aliquid perter id, quod didicerat ab Angelis puer ille miraculosè ad cælum elatus è medio populi Constantinopolitani, Deum enixè supplicantis

plicantis propter ingentem illum terræmotum, qui successerat civitati imperante Theodosio juniore; qui igitur puer sic Angelos canentes audiverat. *Sanctus Deus, Sanctus fortis, Sanctus immortalis*. Theopaschitæ verò hunc Angelicum Hymnum non Sanctissimæ Triadi volentes accomodare, sed Incarnato Verbo accinnere satagentes, accessione additioneque aliena corrumpere ausi sunt dicendo: *Sanctus immortalis, qui crucifixus est pro nobis*, ac si immortalis Dei natura morti esset obnoxia. Hujus autem erroris primus Author censetur Petrus Cnapheus, quem fuit sequutus Severus dictus Acephalus; hos tandem Jacobus Syrus, à quo sunt nominati Jacobitæ in Syria, fuit & cognominatus Jacobus iste Zanzalus, eo quod valde obscurus esset sanguine, & nullius dignitatis & gloriæ vir, studens tamen maximopere erroribus Euthychetis, Dioschori, Cnaphei, Severique, summus evasit apud suos Syros errorum Doctor, quos & in illis imbuere diligenter operam dedit; à quibus Syris postmodum fuerunt nostri corrupti Armeni; sicut & Ægyptij Christiani, qui Cophiti dicuntur, nec non vastissimum Imperium Æthiopum, qui alias vulgo Abissini, & Pretigiani nuacupantur, fuit, & est infectum erroribus hujus Zanzali Jacobi, quem proinde nostri Armeni, Syri, Cophti, & Æthiopes unanimiter sequuntur, & venerantur.

Cæterum hos aliosque hujus gentis errores sacrificiorum, maximè superstitiones curiosus videre poterit lector apud sæpe memoratum P. Galanum, hic enim singillatim omnes recenset errores, eosque singulari rejicit doctrina, relictis tamen his, qui perperam huic imponuntur nationi, sicut jejuna pro cane, & similia ludicra, quæ mera Græcorum sunt figmenta contra Armenos: quare hic recensere illos esset mihi satis operosum, & extra meum Scopum. Sed dicere hoc unicum haud nefas erit, quod tum in prædictis, tum in alijs erroribus, fermè Armenorum omnes detineantur magis ex quadam crassa ignorantia, quam ex formali malitia ob studiorum defectum nempe; prout mecum discurens hic Viennæ de nostri orientis schismaticorum erroribus sapienter, & cum commiseratione animadverterat hunc notabilem in illis defectum sapiens piusque

ille Cæsareus Minister Comes Bernardus Martiniz Bohemiæ Prorex: addens, quod hujusmodi schismatici sapientiæ vel maxime lumine sint destituti, quia nimirum spiritum sanctum (à quo sapientiæ donum procedit) à Patre Filioque procedere negant: quapropter plures illorum hodiè illuminati à Missionarum doctrina priscis jam abstinere erroribus; utinam & omnes omnibus abstinerent erroribus, essetque illis unus Pastor, & unum ovile, sicut in illis aureis seculis in quibus aurea libertas orthodoxæ veritatis cum aureo Sceptro ingentis Dominij ita floruerat apud hanc orientis famosissimam, & Potentissimam gentem, ut meritò pro decore & defensore Christianæ pietatis, Majestatisque fuerit olim in oriente habita.

Dicendum tandem de Armenis quod ex quo suum de perdididerint Imperium plerique illorum dispersim ad omnes mundi plagas peragrantur, mercimonij potissimum gratia, quod hodiè ad excellentiam exercere videntur: nulla etenim natio est hodiè, quæ sit ita universalis quoad loca, & objecta mercaturæ per mare terramque, sicut Armena. Hujus porrò honesti exercitij subsidio, suæ gentis suæque Christianæ religionis decus honestatemvè tueri conantur infideles inter, quibus subduntur: hinc & est, quod præ cæteris orientis Christianis nationibus majori fruatur commoditate, honore & libertate natio Armena apud orientis Tyrannos; in cujus proinde honorem, & favorem talis Machometanis sancita ex lex ut exceptis Armenis, omnes cæteri Christiani ex quacunque natione, & gente, possint, & debeant mancipari. Sed hæc breviter dicta sint satis de hac celebratissima natione, cum & aliunde luculentissima habeatur mentio, & narratio de illa apud Modernos, & vetustissimos Græcorum & Latinorum Authores, nec non apud antiquum Theatrum humanæ vitæ, ubi potissimum videre est de antiqua hujus antiquissimæ gentis benevolentia erga

Alemanos.

ARTI-

ARTICULUS VIGESIMUS NONUS.

De Provinciâ Catholicâ Naxivan, quæ est in Armenia Majori, sub curâ spirituali Reverendorum Patrum Ordinis S. Dominici, nec non de domibus & Conventibus aliarum Sacrarum Religionum sub ditione Persarum.

TAndem, pro majori me tibi consolatione scripturum confidere ausim, amice pieque Lector, dum Christi Sanctam & Orthodoxam Religionem etiam sub Persarum & infidelium Dominio vigere palam fecero. Habet nempe & illud inter cœtera laudis elogium Ecclesia DEI sancta, quod nedum una, sed & Universalis sit: ac Catholica. universale respiciens objectum ultimumque communem omnibus fidelibus finem: cum cœteroquin sectæ cœteræ particulares respiciant magis fines, honores, divitias, vivendi libertatem &c. Cœterum DEVS prima & universalissima veritas, non hujus tantum vel illius est populi; sed omnium ut inquiebat Augustinus (a) generalia item fides hæc sancta, & Ecclesia sacratissima tradit præcepta ad omnium universaliter mores instaurandos & vitia extirpanda. Denique & universalis est in homines, quibus præcepta statuit, ut dicit Boëtius (b) non uni tantum genti, sed omnibus documenta fidei proponens. Unde in Isaia dicitur de ea (c) *mibi curvabitur omne genu & confitebitur omnis lingua.* Quod quidem, teste S. Thoma super Boëtium (d) *per fidem & Christianam Religionem impletur*, ipsa enim fidelis Ecclesia colligitur ex omni tribu & lingua, ex omni populo & natione, ut dicitur in Apocal. (e) nec illi est differentia de sexu & conditione. In Christo enim *JESU non est masculus & femina, Gentilis & Judæus, circumciso & præputium* (f) *nec servus nec liber*, (g) ut proinde omnes in unum confluant nationes, & sancta Christi

Z z 2

fides

(a) 12. Confess. cap. 25. (b) In principio de trinit. (c)

(d) Opus. 70. (e) Cap. 5. (f) Ad Colof. 3. (g) Ad Gallat. 3.

fides extendatur usque ad terminos terræ. Ut meritò subdat S. Doctor loco citato. *Meritò Catholica Ecclesia notatur utpotè cujuslibet conditionis hominibus recepta.* Cui pariter aliæ sectæ vel hæreses gloriari non possunt, prout id ipsum pulchrè expressit Augustinus (a) dicens: *tenet me in Ecclesia ipsum Catholica nomen, quod non sine causa inter tam multas hæreses, sic ista Ecclesia obtinuit, ut cum omnes hæretici se Catholicos dici velint, quarenti tamen peregrino alicui, ubi ad Ecclesiam Catholicam conveniatur, nullus hæreticorum Basilicam suam vel domum audeat ostendere.* Et alibi, (b) *singula hæreses in multis gentibus, ubi Catholica est, non inveniuntur, hæc autem quæ ubique est, etiam ubi illa non sunt invenitur.* Denique brevissimè omnia, quæ hætenùs diximus alibi complectitur. (c) *Ecclesia totum mundum possidet & quæcunque congregatio cujuslibet hæresis in angulis sedet.* Cæteræque namque congregationes hæreticorum, ut idem S. Doctor alibi docuit, comparantur farmentis præcisis, quæ, uti cadunt dum præscinduntur, ibi manent, cum cætus ille qui est vera Ecclesia, tanquàm vitis vivat, & ubique palmites suos extendat. Latius quædam de his Cardinalis Turrecremata. (d) Igitur *anathema* ei dicitur (cum Augustino loquor) *quisquis annunciat Ecclesiam præter communem omnium gentium.* (e) Nam *diversorum hæreticorum idcò Ecclesia non dicuntur, quia per loca ac suas quasque Provincias continentur, hæc verò nempe Catholica, à solis ortu usque ad occasum unius fidei splendore diffunditur.* (f) Hac ergò universalitate suâ etiam sese in Persidem extendit ac Armeniam Ecclesia Christi sancta. Et tamen in his plures Provinciæ turpiter sint schismate scissæ, plures tamen sancto gremio rursùm adunatæ, atque orthodoxam fidem amplexæ sunt: idque ad jugem singulariter prædicationem Fratrum Sacri Ordinis Divi Dominici, licet & illæ vel bonorum Pastorum defectu, vel temporum & bellorum injuria, vel schismatum grassante pestiferâ lue, more canino subindè ad vomitum reversæ sunt, erroribus pristinis denuò involutæ. Cœterum

(a) *Lib. cont. Episc. fundament. cap. 4.* (b) *Lib. de unit. Eccles. cont. Donat.* (c) *Lib. 4. de Symb. cap. 10.* (d) *Lib. 1. sum. cap. 13.* (e) *Epist. 48.* (f) *Tract. de Symb.*

terùm illebata stat hodiè una illarum Provinciarum sub cura vigili memoratorum Patrum ab annis jam trecentis & ultrà sub orthodoxæ Ecclesiæ crucigero militans vexillo. Singularis est hæc rosa tot inter spinas schismatum & vitiorum, hoc imò ipso cœlis fragrantior, quod fætido infidelium aloë & schismaticorum livore non tam inficiatur, quàm suavior reddatur. Sortitur solationem suam, quod refugium habeat, uti tenellus infans ad gremium maternum sacrosanctæ Ecclesiæ Romanæ, quæ nullo non lacte sanctarum adhortationum eandem fovère curat, ut alibi dicam.

Hæc porrò Provincia quò ad districtum suum principalem, ubi & maximè floret nervus unitatis Catholicæ vocatur Alingia; in communi autem & universaliter dicitur Provincia Naxivanensis, eò quod residentia Archiepiscopi fuerit in civitate Naxivan, de qua alibi diximus. Erat enim sive olim Metropolis Provinciæ hujus; Undè & hoc nomen sortita est: tametsi hodiè nec unica in illa civitate domus sit catholica propter mutua atque acerrima bella Persas inter & Turcas circa eam. Undè Archiepiscopus modo juxta mandatum Sanctæ Sedis pro interim residet in oppido quodam principaliori Provinciæ quod Abaraner dicitur, de quo infra.

Decem igitur inveniuntur oppida hujus Provinciæ, non tamen tota & totaliter (proh dohlor) Catholicæ fidei adhærentia, sed promiscuè Catholici mixti sunt infidelibus & schismaticis. Quod uti nostri Catholici perhibent factum est ob magnam persecutionem, qua perfidus quidam Supremus Regis Persarum Sciah Ismael Minister in eos grassabatur. Concesserat Rex memoratus ad instantiam Romani Pontificis decem illis oppidis, quæ sub jurisdictione Ecclesiæ Romanæ erant, privilegia & favores complurimos, ea imò à contributione annua immunia declarans, retinente præfato suo perfido Ministro. Qui proinde mortuo Ismaële Rege & regnante filio ejus, rursùm exigere permisit jus regium tributorum ab illa Provincia: idque non solum pro annis currentibus, sed etiam illis quibus ex Régis antecessoris privilegio immunia erant. Tyrannico porrò
exi-

exigendi modo multi ob imbecillitatem & pauperiem, defectu-
que illius, qui eorum coram Rege causam ageret, eo adacti sunt,
ut Christo fidem negarent : quibusdam tamen majori zelo fer-
ventibus, sanctamque Religionem minimè deferentibus, qui
vendidè omnia, quæ possidebant, ut satisfacerent Tyranno,
malentes in pauperie servare fidem & vitam, quàm in perfidia
vivere & sua possidere. Atque hinc est quod nullum sit oppi-
dum Provinciæ hujus, cui promiscuè non sint admixti infide-
les: aliqua imò quasi totaliter Mahumetana sunt, ut in ijs vix
una vel altera inveniatur domus catholica. Hoc tamen mirum
est, & singularem DEI gratiam & providentiam relucere facit,
quod etiam ijs in oppidis semper fidelium Unitas sit observata,
& retenta una Ecclesia, cum uno conventu sub cura PP. Domi-
nicorum. Cœterum & grandem jacturam passa esset hæc pro-
vincia Catholica, nisi mea persona exigua cum Reverendissimo
P. Piscopo, ut alibi Lector habebit, pluribus sese defatigasset &
interposuisset.

Serpit cæteroquin indies magis Machometi pestis perversæ
legis toxico omnia inficiens. Maximè pestifero quodam sanc-
to, cujusdam Persarum Pseudolegis latoris, nomine Himam Ge-
fer, qui unus erat ex duodecim antesignanis Persarum in lege
Machometi descendantibus ex perfida progenie Hali ut alibi di-
ctum est. Hic enim Pseudopoliticus, cupiens sectam Hali, quæ
alias persecutionibus exponebatur, magis propagari ac stabiliri
apud Persas, ubi tunc temporis plurimi erant Judæi, æthnici
& maximè Christiani; sanxit, ut quisquis ex aliena secta fieret Ma-
chometanus in secta Hali, possit jure possidere omnia bona suo-
rum consanguineorum, & affinium usque ad septimam genera-
tionem.

Undè ponderandum est Lectori, quantum diabolica lex
hæc turpis lucri & interesse gratiâ damni fecerit Christianitati,
quâ Catholicæ quâ Schismaticæ, quæ prout & hodiè facit. Cœ-
terum tam malefana lex hæc est Præfati Gefer, ut etiam eam
tanquam Tyrannicam rejiciant Turcæ, & tametsi Machometani
sint, adversum eam, tanquam omnes humanitatis in Christia-

nos leges excedentem detestentur, & minimè observent: prout & eadem ratione complures Persarum saniori mente reiiciunt, tametsi omninò abrogare non possint. Ubi proinde Romanorum Pontifex cæterique Christianorum Principes fidei Catholicæ defensores, vellent introducere florem Catholicismi majoris in hac Provincia, curare necesse erit per Legatos aut Oratores suos in aula Persarum Regum, ut grex Christi paupercula illa, ab arduo hoc jugo aliquantulum alleviaretur, prouti forsàn fieri posset per stratagema quoddam politicum, uti consului cum Jurisperitis Persarum. Cæterum parvula illa Christianitas, quam ut pupillam oculi Omnipotens per hæc sæcula conservavit, in medio Orientis ad gloriam Ecclesiæ suæ, difficulter subsistere poterit, utpotè non valens resistere dictæ exactioni Tyrannicæ, sicut antea restitit: opibus enim deficientibus, & omni vix non alimento per iniquam hanc legem sibi substracto, non poterit non exhausta contabescere: quod Omnipotens avertere satagat.

Habent autem & aliam legem Persæ dictâ posteriorem, quam uti credunt subsequenter temporibus adinvenère, magis ut dictam pallient Tyrannidem, quæ nimis notabiliter apparebat in illa lege Gefer, quam propter alium aliquem finem; quam tamen equidem & Turcæ non admittunt. Quæ scilicet jubet ut si quis Christianus aut alterius sectæ, postquam fuerit factus Machometanus & circumcissus, accesserit unum ex memoratis supra duobus Pontificibus, protestatusque fuerit, non posse se legem servare Machometi, sed pristinam velle agere fidem, tantisper ei libertas permittatur, ut liberè & publicè colore possit eam, quem & in finem ex Pontificia cancellaria decretum ei expediatur, quod *Msal* vocant, cujus & in confirmationem additur ei aliud ex cancellaria regia cum regio sigillo, quod vocant *Hemr*. Hoc tamen pacto, ut talis imposterum vocari debeat *Murted*, id est desertor veræ fidei sive Apostata eorum. Hac proinde lege, quamvis talis posset forsàn resarcire damnum fidei quam amiserat, non tamen ita facile resarcire poterit damna, quæ consanguineis & affinibus adhærens Machometo intulerat, depopulando eos & exspoliando tyrannicè
bonis

bonis suis. Undè perfida & astuta Persarum Machometana gens, magis sibi lucrifacit per primam in Christianis, quam perdat per secundam suam legem in illis. Plures enim illorum inducit fatali quasi necessitate & intolerabili tyrannide ad amplectendam suam perfidiam, quæ quidem turpis lucri & interesse adacquirendi, spem & ansam proponit ijs, qui conscientix firmitate non adeò pollent, & aliundè pauperie opprimuntur: undè proindè fit, quòd tales sic sanctam fidem negantes, & Machometi perfidiam assumentes, Mammonæ adhæreant iniquitatis, rarò rursùm cogitantes de infelicissimo statu perfidiæ, in quo sunt; undè & pauciores eorum ad sanctam fidem redeunt.

Atq; ita ne totaliter Tyrannis appareat intolerabilis; secundam hanc invenère legem Machometani, ut Christianis pateret reditus ad fidem suam, ad quem Deus eos rarius stimulat, qui semel gratiæ suæ rebelles erant. Plura alia sunt, quæ tyrannica politia, Machometani hi machicantur, ad fidem Christi suis in terris diminuendam, imò & funditus extirpandam, suam, verò sectam pestiferam totaliter introducendam. Quæ quidem omnia tibi recensere lector longioris esset negotij. Tu ergo ex hoc, quod nunc recensui, tanquam ex ungue horribili metire sævissimum leonem, pauperculam in Christianitatem omninò absumentam, imò uno rictu deglutiendam avidissimam. Coëterùm alià viâ singularis Christi gratia suis assistit, median-
tibus etiam infidelibus ipsismet; dum (utique sic disponente DEO) Principes & Magnates Persarum plerique, & utcunque illorum Reges non sunt ita ex corde dediti memoratis perfidis legibus & universim Machometanismo, ut alibi diximus: undè aliquale Christiani pauperculi habent levamen.

Porro Catholica supradicta Provincia Naxivan, ut constat ex prima parte Constitutionum Capitulorum generalium Sacri Ordinis Prædicatorum, in lucem recenter anno 1655. Romæ editarum à Parte Vincentio Maria Fontana ejusdem Ordinis, fundata est in tertio decimo sæculo: ubi ita habetur: *in Armenia tertio decimo reparata salutis sæculo ordinem nostrum tanquam lignum fructiferum secus decursus aquarum divina gratia, ut fructum daret in tempo-*

tempore suo, à celesti agricola plantatum fuisse, ex generalis Capituli apud Trevirim anno 1266. celebrati actis ita elucet. Concedimus Provincia Hispania unam domum in Regno Portugalia &c. Item Terra Sancta unam ad petitionem Regis Armenia (Nota hic pietatem & zelum Regum Armenorum, uti & ego in præcedenti Articulo notavi) in Armenia. Prosequitur idem Author. Cum autem nostrorum cœnobio, divina assistente gratia indies auferentur, plurimi ex schismaticis, alijsque à via veritatis aberrantibus Prædicatorum operâ ad Ecclesiæ gremium convolarent; Joannes Papa 22. B. F. Bartholomæum Parvum Bononiensem illic Episcopum transmisit, ubi divini Verbi prædicatione, vite exemplo atque miraculorum testimonio maximam illorum populorum multitudinem ad Christi ovile reduxit.

De hac quoque Provincia Naxivan luculentam facit narrationem supramemoratus P. Galanus Theatinus, in tomo primo: ubi & habet unam Epistolam verè memorabilem, cujusdam Sancti Patris Magistri Armeni, nomine Joannis Chirnacensis. Qui fuit primus & zelosissimus Procurator Unionis suæ Gentis cum Sanctâ Sede Romanâ; uti satis liquet ex suâ prædicta Epistolâ, quam in Armenico legeram Idiomate apud Armenos; prout & eam reperi in latino, apud præfatum Patrem Galanum.

Possẽm hic, tibi amice Lector, recensere quæpiam ex illa, quæ mirabilem tibi ostenderent pietatis energiam, & zelum suâ laude dignissimum, quo memoratus vir, in Sanctæ fidei & Orthodoxæ Ecclesiæ gloriam indefessus exarsit. Brevitatis vero causâ his liceat superfedere. Memoratur cœteroquin & ibi, qualiter Papa Joannes præfatus, juxta commissionem datam Petro à Divino oraculo. *Et tu aliquando conversus confirma fratres tuos:* plures prædicationis Ministros destinârunt ad omnes schismaticorum nationes. Ex his autem fuere aliqui missi ab eo cum literis ad Dominum Constantinum Cæsariensem, tunc temporis Patriarcham Armenorum, & ad eorundem Regem Oscanum, qui porrò cum Episcopis, Præsulibus, & Principibus Regni sui in unum convocatis celebrârunt Concilium de unionem cum Ecclesiâ Romanâ: quo & peracto unanimiter totam promissere obedientiam Pontifici Romano.

Jam verò ad oppida deveniamus, quæ modo extant in hac Provincia Catholica: quorum quidem decem esse diximus. Eorum igitur antiquitate primum est Chirna; unde oriundus erat præfatus Magister Joannes, in quo & celebratum est primum Concilium de unione. Cæterum duæ tantum adhuc inibi sunt Catholicorum domus; reliquæ verò omnes, ultra centum & sexaginta ab infidelibus possidentur. Extat tamen inibi antiquissimus quidam Conventus, cum suo templo dicato Deiparæ Assumptæ: ubi inter plura Beatorum corpora jacet corpus supranominati B. Bartholomæi Parvi, sub quodam altari ei dicato, plurimis indies coruscans miraculis, præcipuè quoad pulveres sepulchri, qui jugiter per aliquod foramen ligneo quodam cochleari magno inde extrahuntur, & tam fidelibus quàm infidelibus promiscuè dispensantur in diversissimarum infirmitatum remedium, terrâ tamen nunquam deficiente, sed eadem semper apparente, qualis & quanta ante trecentos annos fuerat. Sunt autem hoc in Conventu, quandoque duo, quandoque tres, subinde etiam plures Religiosi Dominicani cum quibusdam Clericis, ægrè victitantes, & annum Regi tributum pendentes, quod subinde ultra centum Imperiales extenditur, cum cæteroquin tenui fruantur redditu ex quibusdam campis, vineis, & hortis, quos miselli Religiosi in rusticorum societate personaliter colunt, proprijs manibus laborantes. Et hic quidem rudis vivendi modus communis est in hac Provincia cæteris etiam aliorum Conventuum Religiosis. Nihilominus præfati Religiosi incunctanter Regios deferunt census, auxiliantibus in id nonnullis eleemosynis fidelium & infidelium, qui indiscriminatim utriusque sexûs & conditionis ex diversis etiam dissitisque locis jugiter solent, & devotè confluere ad dicta sacra limina Templi Dominæ Nostræ Sanctissimæ D. Virginis Assumptæ: adeo quidem, ut nonnulli nudis pedibus cum fletu & planctu accedant, flexisque genibus devotissimè exosculentur limina sacra; ubi & diversissimas obtinent gratias à Domina Nostra Sanctissima per intercessionem B. Bartholomæi inibi sepulci. Sed & mulieres infidelium, quod mirum est, & singulare visu, cum

hoc in templo sunt, & Sacerdos ante altare Deiparæ lecto Evangelio aspergit aquâ benedictâ exponens illicò reliquias sacras ad exosculandum, incipiunt magno clamore, fletu, & planctu, prostratis capitibus in terram fortiter percutere pectora sua dicendo in turcicalingua: *Hei Meiren Ana sen hiremb heile bene.* id est *O Maria Mater tu miserearis mei.* Quando item sunt ante altare cum viris suis non audent oculos levare, nec sacram contueri Imaginem, dicentes indignas se esse, ut talem divinam intueantur Dominam, verentesque ne hujuscemodi proterviâ suâ illius incurrant indignationem.

Sciat hic ultrà Amicus Lector, quod Sacratissimæ hujus nomen Dominæ, Armenicè dictum Ghensaper, idest vitam ferens (eo quod Christum Dominum, qui vita nostra est, peperit genitrix sanctissima) ita tremendum & venerandum sit apud omnes fideles, imò quod mirum est etiam infideles, cujuscunque tandem sexus sint, sive hujus Provinciæ Naxivan sive aliarum; ut illi qui non expertus personaliter est, & multa plurimæ venerationis Exempla hic adducibilia legeret, incredibile omninò videretur.

Cœterum templum hoc cum Conventu est extra oppidum Chirna super collem quendam; suntque quidem plurima antiquitate destructa, favente tamen Deo pristino statui restituenda. Sunt nihilominus præfati Religiosi cum modica suppellectili sua sicut & Ecclesia securi omninò ab incurfione prædonum, latronum & infidelium, præcipuè militum. Eadem securitate gaudent campi, vineæ, hortique eorum, ita, ut tempore fructuum, diu noctuque sine custodia manere possint & absque Conventûs Prioris (quem infideles *Kesisc-bab* id est Sacerdotem Patrem nominant) licentiâ sine, multa pœna sibi multifarijs & occultis modis obveniente, intrare non præsumant. Protegit enim singulariter Domina cœli Religiosum hunc Conventum, cujus & protectionis exempla plurima ab infidelibus ipsismet audiui, nempe Persarum Sacerdotibus, qui Malah vocantur; qui maximè ingenuè & confidenter de sacratissima hac virgine loquebantur & loquuntur; imò cum eis de ipsa sermo est, illamque nominant,

dicere solent. *humeti hazir Olsun*. Id est: illius gratia aut benedictio sit nobis semper præsens. In quiunt enim verò potentem hanc esse apud Deum, suisque avis & abavis mirabilia plurima collata esse per intercessionem ejus, & imò defactò conferri.

Porrò quod oculis vidi, & experientia comperi in gloriam sanctissimæ Dominæ, sanctissimè operantis, recensere non omitam; Undè videris devotè Lector nedum in Europa sed & nostro in Oriente portenta patrari per Deiparam sacratissimam. Antè quinque circiter annos mense Septembri mulier quædam aurifabri Armeni ex oppido Sciorot Uxor, habens puerulum duorum annorum detentum infirmitate nulli mortalium dignoscendâ, quâ diu noctûque incessanter fleret, voto vovit ducere filiolum ad limina Dominæ nostræ Ghenfaper, duobus quidem miliaribus ab oppido præfato distantia. Porrò cum limina dicta accessisset (probante utique Deo confidentiam pauperulæ voventis) illa non statim petiti sui consecuta est exitum: Undè desperabunda domum redijt, & sagam quandam incantatricem pro filij incolumitate est deprecata. Hæc illicò dexterum pueri brachium quibusdam ligaminibus obvolverat pariterque & collum: & sumens bonam pecuniarum retributionem infantuli sanitatem parentibus repromisit; absque tamen veritatis eventus etenim more solito puer utrobique flere non desistebat. Manè igitur sequentis diei, dum jugiter ploraret tenellus & mater multa pro filiolo sollicitudine lassâ tantisper inciperet dormire, propè tamen filium; illicò sese senserat â somno excitari, videbatque stantem antè se Matronam similem sanctissimæ Ghenfaper, quam & audivit increpare incredulitatem, quâ de gratia cœlesti diffidisset, accedens ad sagam cujus nulla esset sanandi virtus. Porrò mulier facti sui pœnitens procidit antè faciem Dominæ apparentis, quæ & illicò eam jussit rumpere quanto-tius ligamina ex brachio pueri, illudque sicut & frontem signavit crucis signo, demonstrans ei non sagam, sed se sanitatis esse procuratricem. Statim ergò evanuit infirmitas, evanescente & visione gratissima; â quo & tempore puer omni fletu absti-nuit. Mater verò visionem & factum subito marito exposuit,
omnes

omnesque vicinos & amicos convocavit, demonstrans eis ad oculum quæ per gratiam sanctissimæ Ghensæper in filio suo obtinuerat. Sed & sequenti die cum familia tota, & cognatione plurimisque utriusque sexûs personis ex præfato oppido candelas & munera detulere ad sancta dictæ Dominæ limina. Eram & ego in illa die casualiter existens memorato in Conventu cum socijs quibusdam & amicis, devotionis gratiâ primùm, dein, verò & visitandi R. Patris Prioris, viri Christianâ modestia & pietate laudatissimi, mihique multis titutis clarissimi Amici Dominici Chosc-cascen: Ubi tam innumeram ex utroque sexu turbam oculatus intuebar, ex oppido illo Sciorot advenientem, omniaque mihi à dicti Conventus Priore narrata sunt: qui & infidem mihi magis faciendam, pueruli matrem ad me vocari fecit, quâ præ gaudijs lacrymabundâ, mihique facti seriem fufius recensente, filiolus, quem ulnis gestabat, sponte propriâ extendit manum cruce signatam, imò veluti horâ recentissimâ ferro incisam, quod item ejusdem magnitudinis signum in fronte gestabat. Cum porrò tenello manum de industria compressissem, experturus, sentiretne cicatricum dolores, is nihil prorsus persentiscens, sed illicò subridens, manum suam, nescio an in humanitatis assuetudinem à matre edoctus, an sub illius horæ momentum à Deo Inspiratus, protenderat ad os meum, innuens veluti, ut signa sacrosancta deoscularer, quæ & tenerrimâ plenus consolatione, quâ in manibus, qua in fronte deosculabar. Plura & ego, & omnes Christo verè fideles inibi existentes, vel eo confluentes vidimus, & videre possumus, quæ in ansam sint, vel ab experimento contradicendi schismaticis ac infidelibus, laudandique Deum in Sanctis suis, & Virgine Deipara.

Nec minus mirum quidpiam expertus eram; quod contigerat ante quatuor circiter annos cum hortulano quodam dicti Conventus Ghensæper, Nomine Kelb Hali Machometano ex eodem oppido Chirna; Significat autem Kelb Hali, idem, ac Canis Hali: Nesciunt enim superstitiosi Persæ, quibus nominibus insanam suam in Hali devotionem exprimere possint, diversissimis indiscriminatim suis nominibus appellantes, ut modo canes

Hali,

Hali, modò captivos Hali, &c. vocare soleant. Præfatus igitur Kelb Hali Hortulanus, quædam consecerat scopas pro memorato Conventu & Ecclesia, ex certis quibuldam virgultis ibi in horto crescentibus; duas autem ex illis absque Prioris scitu domum suam deportavit; quò cum venisset inconsideratus acceperat ex ijs festucam minutulam ad suos purgandum dentes: quam porrò cum applicasset illicò sanissimus, quem eâ tetigerat dens, procidit in manum ejus. Cùm illicò posterâ die peccatum infidelitatis suæ super Conventus Ghensaber bonis, tametsi esset minimum, confessurus, accessit Conventus Priorem cum Uxore sua, & quasi reliquias in sinu suo scopas uterque amplexi ad pedes Prioris eadem diè provolvebantur, illachrymantes super reatu aviditatis suæ: prout & Kelb Hali in pœnam sibimet injunxerat, promiseratque Conventui, in hortis ac vineis omni absque mercede per triennium inservire; quod & opere præstitit. Lepidum hoc est Lector Amice, indè tamen tibi dignoscendum, quâ etiam ratione infideles, sanctissimam dicti Conventus & Ecclesiæ Patronam vereantur, ut mirificam.

Cœterùm & indignus ego expertus sum Dominæ gratiosissimæ sanctissimæque Dei Genitricis in Ghensaber favorem inevidentissimo periculo, cui exponebar in flumine Araxis reversus ex aula cujusdam Medorum Principis, apud quem ad instantiam bonæ memoriæ R. Patris Piscopi circa quandam litem, quam Princeps memoratus cum Catholicis nostris habuerat, componendam, per duas septimanas laboraveram, & ab eodem benignè omninò & gratiosè acceptus Deo dante composui, quod per triginta & ultrò annos dissensionem inter hos fecerat, donatus insuper ab eodem cum discederem, singulari quodam equo Turcomanico. Captatâ ergò ab eo discedendi veniâ, lætus super negotio composito ad Provinciam nostram Catholicam Naxivan trium dierum itinere à Principis residentia, quæ Magu vocatur, estque in confinio Turcarum, distantem properaveram. Confisus in Deo & sanctissima Deiparâ in Ghensaber, dein & fidelitate servorum meorum, quorum in comitatu quatuor habueram, renui militum comitatum, quem quidem Princeps spontè.

te & benignè obtulerat, referens pro oblato favore gratias, illiusque memor, melius esse multa etiam pati, quàm discretionis virtute abuti, cum his maximè qui sublimioris conditionis sunt. Iter ergò aggressus adusque horam noctis octavam consumpsi, tempore quod tunc erat autumnali, absque ullâ quidem equorum morâ. Evenerat tunc occasio invocandi misericordiam Dei intercessionemque Divæ Virginis in Ghensaber. Sicut enim velle Poëta latino notum est, *Æraxis indignatur pontem*, quod & rei demonstrat veritas, siquidem dum intumescit viatores in scaphis & cymbis flumen illud pertranseunt, cum aliunde homo equester imò & pedester idipsum transire possit, si modo transeundi ambages norit cæteroquin equidem periclitaturus; prout & mihi contigit. Cùm enim ad fluminis, littus devenissem & Sol jam occidisset, neutrà verò fluminis parte Viator quidam apparuisset, manifesto exponebamur latronum Medorum periculo, quippè non potentes dignoscere ordinariam viam, quâ cum societate aliquorum veneramus, quamque Ghecit vocant. Videbam & servos timere ingressum aquarum, sed tandem animo firmato conscendebam equum nuperimè mihi à Principe oblatum, & flumen intrare tentabam. In medio ergò fluminis in profundam equus decedit foveam, ut vix capite videretur; conatus quidem & maximè illa sese è voragine erigere, impotens autem ob ingentem aquarum impetum circularem.

Videns porrò equum jam penè defatigatum, ego capitis vertigine tactus, non nisi opem implorare divinam novi humanâ omni destitutus. Altâ igitur voce trinâque vice DEI auxilium & Sanctissimæ Matris in Ghensaber invocavi: cùm ecce repente equus in passus meliores erectus, securus me ad desideratum littus deduxit; servis dein meis meo de periculo edoctis, aliudque sibi iter per ambages eligentibus, itaque ad littus devenientibus. Hoc & alijs in periculis Sanctissimæ MARIÆ in Ghensaber auxilio suffultus vixi, & usque vivo, quibus uti multis infidelium persecutionibus expositus elapsis temporibus indigui, ita & his suo tempore exponendis indigebo. Neque putes Amicæ Lector particularem hanc meam esse devotionem, de qua alij
exteri

exteri non sciant: stimulum enim & tibi devotionis in hanc Virginem Ghensaber subministrabit pietas quorundam Europæorum, qui sacris muneribus eo demissis eandem colunt: pro uti nuper antè quatuor circiter annos missus est à Serenissima & pientissima Hispaniarum Indiarumque Regina Maria Anna soror Potentissimi Romanorum Imperatoris LEOPOLDI semper Augusti, Calix elegantissimus cum patena, & duabus ampullis pretiosis, & pientissima quadam Eleëmofyna, per R. Patrem Thomam Tatumensem S. Dominici Religiosum ex Provincia ipsa Naxivan: quæ & ulterius nedum quòdā Conventum memoratum, sed & quòdā novem cæteros obligata manet, prouti & Roma confirmabit, ob singularissima beneficia accepta, ex pietate & clementia Principum Austriacorum in domo Hispanica: quibus inter infideles & schismaticos Christi populus hætenus est sustentatus, potissimum autem ante 20. & aliquot annos Provincia hæc Naxivan tot debitis immersa erat, ut nedum agri & vineæ fideium, sed & res sacræ Conventuum & templorum in pignore essent apud schismaticos & infideles, adeò ut etiam Religiosi Sacerdotes in agris & vineis pro pari mercede cum alijs operarijs laborare cogerentur, ne & Ecclesiastico officio cedere, & vitâ interire eos contingeret. Donec tandem duo eorum Seniores atque Zelosiores, unus nomine P. Jacobus ex oppido Ghezugh, alter P. Antonius ex Abragunis, videntes indies Provinciam declinare, suoque non multum interitu abesse, illuminati à Deo, & confisi in pietate Europæorum, præcipuè Austriacorum, sese contulère in Europam, indeque ad aulam felicissimæ recordationis Regis Catholici Philippi Quarti, cui per supplices litteras omnem desolatæ Christianitatis miseriam exposuère. Rex verò prudentissimus, majorem Româ de statu eorundem Religiosorum certitudinem habere cupijt, quâ dein habitâ, ut meliorem pauperculis satisfactionem daret, concessit ut cum navigio suo, *Flota* ut Europæi vocant, irent ad Indiam occidentalem, ubi utpotè præmuniti favore & gratia Regis, intra breve temporis spacium haud ordinarias sibi comparaverant Eleëmofynas. His ergò mediantibus, non solum Provincia dicta ex

duro debitorum jugo redempta est, paratis sexdecim millibus Imperialium ad creditorum manus depositis; sed & prudentissimè Venetijs actum, ut fructu annuo totidem quasi pecuniarum Provincia ea frui possit, in aliqualem sustentationem, & tributum commodius Regi persolvendum. Hi quoque refarciunt Conventum Abaraner, ubi residet Archiepiscopus, insumentes quatuor millia imperialium. In oppido pariter Ciahuc ex fundamentis erexere sumptuosissimam & amplissimam Ecclesiam sub nomine S. Joannis Baptistæ, adjectis in memoriam insignibus nominati Regis Catholici, perpulchram quidem, cum cupula altissima, ita ut per quinque Germanica milliaria appareat in planitie Naxivan. Et tametsi multæ obstarent contradictiones infidelium, Schismaticorumque, indefesso tamen conatu laborabant, octo quidem imperialium millia pro structuræ complemento insumentes, quæ cœteroquin in Europa quinquaginta millium Imperialium sumptibus vix ad finem perducipossent. Sed & eleëmofynas plures applicarunt prædicti Religiosi; ut sacram sibi, cujus egentissimi erant, suppellectilem compararent. Undè ut dicebam Provincia hæc Naxivan ingenuè fateri debet; sicuti & fatetur obligationem suam, quam & Roma confirmat, erga sacratissimos & clementissimos Principes Austriæ in domo Hispanica. Quos veluti cynosuras in necessitatibus suscipiunt atque Omnipotentem pro eorundem perpetua incolumitate perenni devotione deprecantur. Jam verò ad alia hujus provinciæ oppida post illud Chirna deveniamus.

Est ergò hac in Provincia aliud quoddam oppidum nomine Abaraner, in quo & est conventus satis amplus cum Ecclesia quadam. Residet in illo Archiepiscopus cum familia sua; ubi & subindè decem, quandoque quindecim aut viginti Patres cum nonnullis Novitijs atque Laicis degunt. Trecentæ sunt circiter hoc in oppido Catholicorum domus, in harum quibusdam viginti, quindecim, aut decem, ad minus verò quinque animæ inveniuntur, unde oppidum hoc maximâ multitudine Catholicorum, præ omnibus alijs gloriatur. Est autem proh dolor Ecclesia illorum omnino antiqua & incapax recipiendi totum popu-

lum diebus festis plurima cum devotione eo confluentem. Sperant verò Incolæ Religiosi suis temporibus eam ampliare auxiliatrice liberalitate & munificentia Principum Europæorum. Fundata cœteroquin & erecta est sub nomine S. Jacobi Majoris Apostoli, quamvis hodiè sub nomine omnium Sanctorum vulgò celebretur. Exceptis item trecentis Catholicorum domibus sunt & sexaginta domus Machometanorum, qui veluti tineæ rodunt, & Christi fidem supplantare student.

Aliud est oppidum Abragunis, ubi pariter Conventus stat cum Ecclesia sub nomine S. Georgij, quatuor subindè, quandoque & plures, cum quibusdam Clericis morantur inibi Patres, Sacramenta administrantes Catholicis, quorum multitudo ad septuaginta domos sese extendere poterit, admixtis circiter quadraginta domibus Machometanorum promiscuè & Schismaticorum. Et propè hoc oppidum quidem conventus est Schismaticorum superbissimus sub nomine S. Joannis Baptistæ, ubi & residet quidam eorum Archi-Episcopus maximæ Jurisdictionis; præsens quidem, Deo sint Laudes, Catholicus omnino est, Sanctæque fidei professionem emisit Romæ tempore Alexandri septimi. Nomen illi est Arachiel, qui & multâ amicitia ac familiaritate mihi notus est, intendimusque unâ, favente quondam Deo in augmentum Catholicæ fidei & orthodoxæ Ecclesiæ sanctæ gloriam, complura optima fabricare. His succedit oppidum Chosgascen, pulcherrimi sitûs & eminentiæ: estque in illo pariter Conven- RR. PP. dictorum, qui inibi cum quibusdam Clericis vivunt eo numero, ut in Conventu Abragunis, prout & Catholicorum domus in eodem fermè numero sunt, admixtis tantum viginti Machometanorum domibus. Ecclesia oppidi hujus ad Conventum sita D. Stephano Proto-Martyri est dicata.

Rursùm & est oppidum Saltagh, ubi parvula quidem Ecclesia est sub nomine item S. Georgij: non verò inibi Conventus est formalis cum Religiosis suis: nec nisi quinque Catholicorum Domus, in uno & eodem ambitu cum Ecclesia existentes. Administrantur his Sacramenta à Parocho Abaraner, quod per unum circiter distat milliare.

Hæc autem prænumerata quinque oppida Catholica in unico sunt districtu Alingiae ut supra dictum situ pulcherrimo, & optimâ aëris temperie, Ubi & omne genus fructuum in copia habetur, speciale quoddam pyrorum, quod Malaci vocant. Pollent pyra hæc magnitudine ordinariâ, coloris autem ab amœnitate rarilaudem sortiuntur: alba enim & rubicunda sunt; odorisque suavis & dulcissimi saporis: una cum cortice ori imposita liquefiunt ut sacarum, cum aliundè, humana solertia per annum integrum valeant asservari, manentia tunc eo in vigore, acsi recenter arboribus essent decerptæ; prout & sic asservata transportantur nonnunquam ad Principes & Regem bombaci involuta cistisque reclusa, generosa item, & diversi coloris præstantissima producit vina terra districtus hujus.

Idem pariter districtus generosissimorum est ferax vinorum: ubi & arx quædam visitur miræ & artis & naturalis structuræ in summitate cujusdam montis non adeo lati, altissimi tamen; & per totam undique planitiem eminentis, sub custodia militari cujusdam Principis Naxivan. Est & alius mons præruptus è regione illius montis cum intermediatione cujusdam fluvij, quem montem Christiani Bolu-Machometani vero Jelanlu vocant, ubi colitur memoria decem millium Martyrum, quos ibi à Tyrannis interfectos tradunt; quò & solenni processione Catholici nostri, imò & infideles ipsi, quotannis ex quinque oppidis in festo Sanctissimæ Trinitatis, cum magnâ victus provisione confluent, assumentes secum Sacerdotem, qui sacra celebret, inique tribus diebus & noctibus suæ devotioni jugiter incumbunt. Unam porrò tantum habet viam mons iste, arduam & circumflexam, quam pedester vix quatuor peraget horis. Unde tempore imminentis periculi inimicorum ad hunc montem incolæ illorum locorum confugiunt, ubi & salvi manent; prout contigit, dum Turca bellum in Persas moveret, qui in hac terra, cum in ejus confinibus sit, immediatus erat, in spacio nempe quinque dierum. Sed & in eo monte fontes naturali scaturigine profiliunt. Venationis diversa genera institui possunt, Caprarum maximè sylvestrium, & Pernicum: prout inibi & ego

non rarò hoc recreationis genere me distrahebam. Floribus & herbis mons est abundantissimus, qualis vix erit Europæ locus. Singulariter unâ pollet herbâ, quæ aliquid habet formam absynthij: non tamen sic alta crescit; tam suavis cœteroquin odoris, ac si optimi moschi odorem quis caperet: unde & hoc nomine ab incolis appellatur. Hujus porro herbæ satis raræ & pretiosæ, sicut & peregrinorum quorundam florum herbarumque, curiositatis gratiâ mecum detuleram semina & cepas: sed negligentes servi in itinere Moscoviæ deperdidere. Cœterum in hac Provincia, sicut & in cœteris Persarum dominio hodiè subjectis, exceptis Ghilan, & Mazandaran, & his, quæ sunt Indos versùs, solent esse frigora illa, & nives, sicut in Austria, majores tamen calores; infirmitates verò quæ sunt in Austria, alijsque Europæ partibus rarissimè, aut nullatenus videntur in illis, præcipuè Podagra, & chyragra, harum enim infirmitatum nomen etiam ignotum Persis est; non verò Turcis, qui proinde Podagram solent Ekabur zehmeti nuncupare, scilicet Magnatum fastidium sive infirmitatem; quibus & pestis familiarissima est, Persis verò rarissima, & hoc forsan ob regionum ipsorum nimiam salubritatem, vel potius ob cautum, mundumque servandi easdem modum. Sed revertamur ad principalem hujus articuli scopum, à quo occasionaliter recessimus, nimirum ad alia oppida hujus nostræ Catholicæ Provinciæ.

Aliâ quinque igitur adhuc sunt oppida Catholica, nedum à prædictis quinque sed & à se invicem multum distantibus. Primum illorum vocatur Ciahuc, ubi est sumptuosa illa Ecclesia S. Joannis Baptistæ cum Conventu quodam satis amplo, degentibus inibi quinque, sex, quandòque verò & pluribus RR. PP. cum Clericis suis: ducentæ circiter domus Catholicæ esse possunt, & centum Machometanorum promiscuè & schismaticorum. Distat autem oppidum hoc sex miliaribus germanicis ab Alingia.

Secundum est oppidum sciah-punis: ubi pariter Conventus est cum Ecclesia dicata Deiparæ; subindè tribus aut quatuor Religiosis unâ cum Clericis inhabitantibus. Domus Catholico-

rum quadraginta esse possunt, Cæteræ verò Machometanorum ultrà centum erunt.

Tertium est oppidum Characus: exiguum valdè, amœnissimi tamen sitûs. Est & inibi Ecclesia parvula vetustissima, ligno fabrefacta, unaque domus ubi morari possit unus vel alter pater Sacramenta Catholicis ministraturus, qui se ad quinque vel sex domus extendunt; quotidem pariter domus sunt schismaticorum. Optimum copiosissimumque fit mel hoc in oppido, distatque illud à Ciahuc duobus germanicis, ab Alingia octo milliaribus. Sciah-punis cæterum tantum distante ab Alingia quantum Ciahuc.

Quartum porro oppidum valdè distans est, tam ab his quàm ab Alingia, milliaribus nempe germanicis viginti; & vocatur Ghezugh, est omninò in Confinibus Turcarum ex parte Medorum, & in illo visuntur quinque tametsi desolatæ Ecclesiæ, quarum tamen una utcunq̃ue stat, frequentaturque à Catholicis, qui tamen exigui sunt numero, nempe quinquaginta plus minùs, in septem domibus dispersi. Est & inibi domus quædam, ubi unus ut plurimum, aut duo degunt Patres Sacramentorum ministratores, solis eleëmofynis Catholicorum Provinciæ suæ victitantes. Nihil enim agrorum aut vinearum habent ut Religiosi cæterorum Conventuum. Ut proindè multum appareat divinæ benignitatis providentiæ conservantis paucos hosce Catholicos in loco usque adeò desolato, perque tot bellorum turbines Persas inter & Turcas inibi agitados; prout & continuò Turcarum vix quatuormilliarium distantium incurfibus expositi sunt, usque adeò infecuri, ut neque ipsimet Persæ his in partibus fidant commorari. Constantissimi tamen in fide Christiani pauperculi possident Regionem antiquorum suorum, suæque Religioni sanctæ addictissimi parum curant miserijs ali, barbarorum Tyranidi indies exponi, laboribus continuis fatigari; confidentes in mirabili Dei omnipotentis assistentia cujus & signum manifestum habent, argumentumque non inane, quod inter tot persecutionum bellorumq̃; procellas, & omnis generis adversitatum tempestates nullus hujus oppidi fidelis usque modò Christianam & Catholicam fidem

com-

compertus sit abnegasse. Eram & egobinâ inibi vice ad eosdem personaliter consolandum. Semel quidem componens, de qua supra mentionem feci, litem, quam habuit Medorum Princeps quoad agros quosdam cum pauperculis Christianis memoratis. Quærebam & non rarò his meis in visitationibus, quam ratione tali in solitudine locoque adeò periculoso morari possint? ipsi verò non absque consolatione mea ædificationeque singulari gratiam Dei & benedictionem, precesque Sanctæ Matris Ecclesiæ Orthodoxæ Romanæ allegabant; quibus se unicè credere, atque in ijs sperare se, asscurabant, victuros ad interim in afflictione suâ, soloque cœli solamine contentos.

Tandem oppidum ultimum vocatur Ghanzagh, ubi non nisi una domus est Catholica, cæteræ verò Machometanæ. Est autem in illo Ecclesia quædam Virgini Deiparæ dicata, quæ & miranda quædam etiam Schismaticis & infidelibus patrasse visa est. Duo item in domo quadam præfatæ Ecclesiæ vicina degunt Religiosi Provinciæ nomine, ad servandum decus honorem atque possessionem Christianorum, fidemque Orthodoxam, quæ olim his in partibus floruerat, quantum possibile est, conservandam. Distat autem oppidum hocce duodecim miliaribus Germanicis.

Cæterùm hac de Provincia duo sunt scienda. Primum; linguam Armenicam, præ Turcicâ, Persicâque inibi esse usitatam, qua & sacra, divinaque omnia officia peragunt, prout & cæteros ejus idiomatis Catholicos libros legunt. Præterquam quod Latinos & Italicos habeant complures, quamvis eos solum intelligant Patres ij, qui in partibus Europæis studuere; non enim linguarum aliunde studium his in locis viget, ob infidelium tyrannidem. Observant Calendarium antiquum, quod vetustis à temporibus traditum habent: obsequentes cæteroquin in omnibus Ecclesiæ Sanctæ Romanæ, ejusdemque Pontifici Sanctissimo. Sunt de reliquo homines feruidi, & observantissimi, comprimis jejuniorum, ultra etiam ea, quæ nunc præscribit Romana Ecclesia suis, sequentes in hoc rigidum jejunandi modum suorum antiquorum, & aliorum modernorum in Oriente Christianorum,

quo-

quorum nonnulli pro devotione suâ, imò & Religiosi eorum ex obligatione, per totum annum non nisi oleribus, leguminibus, piscibus, rarissimè verò carnibus vescuntur, prout singulariter faciunt Religiosi Basiliani Giorgianorum, Moscovitarum, cæterarumque Nationum de ritù Græco. Rideant nunc in occidente Christianos Ecclesiæ Orthodoxæ heredici gulosi, quasi jejunia denuò sint inventa, contra quæ justè observent suam de carniū esu consuetudinem, culpabuntur de nimia carnis indulgentiâ ab illis etiam, qui in finibus Orientis remotissimis habitant. Ego interim lepidi cujusdam dicti, mihi in Germania narrati recordor, quò obviârît hæretico Monachus quidam Carthusianus. Is, cum sibi hæreticus objecisset: mirari se, quod monachis pauperes toties victitarent piscibus, & tamen in pisces non convertantur; respondit, mirari equidem se, eos, nempe hæreticos, toties comedere porcos, nèc tamen converti in illos.

Secundum scitu est, quod exceptis duobus illis diffitis oppidis Ghezugh, & Ganzagh, cætera omnia octo vocentur Chas, id est, specialiter, & immediatè Regis jurisdictioni subiecta. Nullus enim peculiaris Persarum Princeps in ea quidpiam juris habet, uti olim, cum Tyrannica in Christianos afflictio grassaretur. Hanc porrò specialem immunitatis gratiam obtinuit à Rege Pater ille Antoninus Tani, captâ oportuniissimâ occasione in temporibus Generosissimi Habas Genitoris Regis moderni, ut alibi insinuavimus. Cæterùm hoc immunitatis privilegio ex persuasione quorundam vel malignantium, vel ignorantium minùs prudenter adhibito & applicato Christianis nostris à memorato Patre, ortæ dein sunt tribulationes diversæ, persecutionesque, in misellos agitatae, quas ego sæpiusculè duce Deo conatus sum, unâ cum R. P. Piscopo sedare, & magis suo tempore auxiliantibus superis, sedandas spero.

Denique & in alijs Persidis locis Catholici inveniuntur: maximè Armeni, Giorgiani, & nonnulli etiam Persæ, tametsi hi clam delitescant. Dantur & Religiosorum domus in Isfahan, ut alibi dictum, Augustinianorum nempe, Carmelitarum discalceatorum, Cappucinatorum, & Societatis Patrum. Habent etiam
domum

domum in Sciraz præfati PP. Carmelitæ; prouti pariter PP. Capucini in Taurez, quam eis paucos ante annos Persarum ejusdem Civitatis Vezirius Imirze Hibrahim erexit, ad petitionem cujusdam ejusdem Ordinis Patris Galli, nomine Gabrielis viri nedum apud Vezirium præfatum, sed & omnem populum laudatissimi, cui & Vezirius ipse duos filios suos latinis litteris commiserat imbuendos; estque usquè modo memoratis Cappucinis Patribus addictissimus; adeo quidem, ut eis ad suas, cum infirmæ essent mulieres, accessum concederet sub comitatù Eunuchorum. Cumque ei alij objecissent; eccur contra Persarum morem id admitteret? replicavit: legerent quantociùs Christianorum Evangelia, ubi inter alia Eunuchorum genera, unum ponitur eorum, qui se ipsosmet(a) castraverunt propter Regnum Dei, quibus proinde necessitate urgente aditus ad mulieres non sit abnegandus. In hujus porro Principis verè humani & omni laude digni tutelam ego & P. Piscopus curavimus commendari à Rege dictam nostram Provinciam catholicam, ut alibi dicitur.

Habent & RR. PP. Cappucini in Tiffliz Giorgianorum domum, cujus omnes incolæ Itali sunt, sub immediatâ protectione Sanctæ Congregationis de propagandâ fide, à qua & aluntur. Cæteri verò Religiosi promiscuè in cæteris prædictis domibus diversarum sunt nationum Europæarum, à quibus & subsidia sumunt, ne torqueantur exactionibus infidelium & Schismaticorum, sed libere vacare possint vocationi suæ. Singulariter porrò missionarij benevolentiam infidelium & schismaticorum ijs in partibus sibi conciliare possunt, qui medicinam callent, quâ etiam ratione RR. PP. Cappucini plurimum æstimantur, utpote arte illa præ cæteris Religiosis excellentes. Cæterum habetur & aliqua missio RR. Patrum Theatinorum in quadam Provincia memoratæ Giorgiæ dicta Migrelia, qui, uti & cæteri omnium Ordinum Religiosi, proprijs juxta statuta sua incedunt vestimentis, libereque exercent Ecclesiastica officia sua.

Procuranda tandem & esset in Civitate Erevan Armeniæ Metropoli domus quædam seu Gymnasium Ethicæ ac Politicæ; cum enim ibi sit residentia Patriarchalis, non inanis inde

fructus sperari posset. Est & in mediterraneo Persarum Turcarumque: unde & ex India, Scythia, & Moscovia, per Constantinopolim Viennam usque certiora & recentiora haberi nova possent. Tentaverat hujus foundationem ante annos aliquot, cum dicto P. Gabriele, nobilissimus quidam Armeno Persa, nomine Azaria Avach, ex Erevan oriundus, Romanæ & Orthodoxæ fidei defensor zelosissimus, mihiq; amicus per dilectus, quondam & Romæ in Studio Collega. Sed heu! nedum bona est impedita intentio, verum & ipse infidelium & Schismaticorum persecutiones imò & à tota sua cognatione plures est passus, curavit tamen pientissima Mater Ecclesia sancta per litteras coram Persarum Rege de persecutione injustè ei factâ, ad quas & Rex omnem ei satisfactionem obtulerat; is verò ex Christiana pietate mansuetiori se modo persecutoribus reconciliavit. At suo tempore favente Deo ad effectum perducere hoc sanctum opus confido. Tu interim, amice Lector, audi, quantæ Persas inter, tu, tuæque nationes Europæ sint æstimationis.

ARTICULUS TRIGESIMUS.

De opinionine, quam Persæ habent de alijs nationibus, & ipsi de se; nec non de Summo Pontifice Romano, illiusque Ecclesiastico Regimine.

PLaceat etiamnùm Lectori amico, ut dum plurima de Persarum gente & natione, alijsque eos circumjacentibus populis, disservi, tandem & proferam, quid ipsi de alijs mundi nationibus sentiant, & edicant. Cum enim secundùm Gentium Doctorem unusquisque in suo sensu abundet; certè singulariter eo Persæ abundant, quo alia de sese, aliæque rursus de alijs sentiunt populis. Solos namque se incomparabiles, reliquos omnes comparationi obnoxios & censuræ arbitrantur. Hinc Indorum Gentem dicunt effæminatam, timidam, inermem. Scytharum barbaram. Turcarum rusticanam. Arabum furem. Armenorum, & Giorgianorum indocilem, atque

que in rebelliones proclivem. Moscovitarum incultam. Polonorum bellicosam. Gallorum rixosam. Hispanorum nobilem. Italorum sapientem. Anglorum politam. Hollandorum mercantilem. Suam verò Gentem & nationem omne transcendere prædicatum sentiunt, terramque suam juxta astrologorum suorum sensum centrum mundi appellant. Dum verò propriæ causæ benevoli nimium judices esse volunt, manifestam suam ambitionem produnt. Cum cæteroquin Europæi terras utcunque optimè dimensi, omniumque climatum & nationum situs, incolas, & mores quam optimè gnari omnimodam de Persarum genio & conditione notitiam habeant. Prout & nonnunquam objeceram eis, qualiter melius Europæi sciant mores, proprietates, terramque Persarum, quam ipsimet Persæ norint: id, quod eorum probent opera perinsignia. Quod equidem plures qui sanioris essent mentis, lubenti mihi animo admittebant, imò promiscuè totus Oriens testatur; ut commune sit, tritumque adagium illud Turcicum

Hegem Birgozli, Frengih ichi gozli, osmani Chor.

Id est.

Europæis sunt bini oculi, sapientes & perspicaces; Persæ Monoculi sunt, puta sapientes, non verò totaliter. Turcæ autem omnino cæci.

Dictum equidem & verum, & prudens, tametsi etiam ex ore Plebis simplicis audiatur.

Cæterum, Persas omnibus Orientis populis, sapientiores, prudentiores, politiores, affabilioreque esse, ut notum est, etiam ab Europæo eisdem concedatur, oportet. Comprimis enim in conversationibus singularissimâ pollent totius personæ affabilitate, omnem vultu spirant serenitatem, gestuumque nulla non modestia, & sermonum circumspectione utuntur. Hospitalitatem, etiam in exteros quam maximè colunt, dicuntque Hospitem à Deo esse, qualiscunque tandem Regionis & Religionis fuerit: ut illud apud eos in animum transferat, quo dicunt.

Hafah

Hifah bi dini Chud, Mufa bidini Chud.

Id est:

Christus fit pro suis fidelibus, & Moyses pro suis.

Nos enim (inquiunt) curare non habemus de veritate aut falsitate fidei hospitum nostrorum: quod ipsi cum Deo viderint: interest autem, ut honore atque humanâ affabilitate prosequamur eos, tanquam rationales Dei creaturas, nobisque similes. Cœterum si quid infidelitatis in ipsis est, à Dæmone est: nos propter id, quod à Deo habent, eisdem amore prosequimur, prout & humanitatis lege tenemur.

Hinc est, nunquam Persas offendi, aut sanè rarissimè, in disputationibus, & discursibus, quas quomodolibet quis habuerit contra Machometum, illiusque legem. Facit enim (dicunt) adversarius noster, quod suum est; nos equidem & quod nostrum, faciamus, defendendo, & adhærendo ei, quam sectamur, fidei. Unde promiscuè licitum est apud eos, disputare non solum de scientificis, sed etiam de rebus fidei: quod imò & ipsis gratum est, ad discrimen aliorum Machometanorum, qui de disputationibus audire renuunt: cùm è conversò Persæ se in hoc à brutis animantibus, & benè, asserant distinguere. Unde & diversarum tot Religionum Patres, ac Religiosos suis in terris habitare permittunt.

Unum scitu dignum Lectori referam de Machometanis Persis, cujus quidem & ipsimet, non nisi qui cujusdam doctrinæ sunt, notitiam habent, prout & id cœteri aliarum sectarum Machometani ignorant. Docent ergò Persæ in scholis suis, atque ut Articulum fidei ex Machometi libris eruunt, quod verus Machometanus servare teneatur **تغيا واجب است** Teghia vagib heft: idest, mutationem, alterationem, aut fictionem in legis observare: ita, ut, dato casu, quo quis eorum in manus inciderit infidelium, cogaturque ab illis maledicere Machometo, & ejusdem ut perfidam detestari legem, cœteroquin vitâ bonisque periclitaturus; possit tunc, imò & teneatur in vitæ, bonorumque conservationem, fidem abjurare Prophetæ suo.

Subridens nonnunquam dicebam. Vos pulchrè pro commoditate vestrà legem observatis & fidem, atque ingenuè vestro ad unguem adhæretis Prophetæ & Deo : qui præfertis temporalem æternæ vitæ, & transitoria bona fortunæ, perpetuæ beatitudinis gloriæ. Utique, replicabant, hoc enim nos Machomet ipse docet, quamvis hoc ejus secretum & politicam ignorent cœteri rudes, & ingenio hebetes Machometani, sicut & inculta plebs nostratum. Ironicè ergò subjungebam. Vos consequenter ad sensum facitis Machometi, qui, si quid in mundo vos boni docuit, illud unicum docuit, ut temporalem vitam ejusque voluptates conservare satageretis, uti & ipse vobis in exemplum sategerat. Hæc itaque deferere propter illum, erit facere contra illum. Hanc ergò Pseudopolitiam dum ex Pseudoprophetæ sui lege eruunt Persarum Doctores, Legisperiti, Proceres atque Reges, conjiciendum erit Lectori, quam fides eorum ad fictam magis inclinet politiam, & commodum pro placito vivendi modum.

Jam verò de Romano Pontifice quid sentiant, audiamus. Vulgò ab ijs immortalis putatur; bombyce vel gossipio involutum à Christianis conservari eum dicunt, esseque eundem adhuc, qui fuit, dum Christi fides Romæ inciperet, duraturumque usque ad extremum judicij diem, tuncque unà cùm Christo Machometi fidem amplexaturum, & abjecto cœlibatu utrumque ex dicti Prophetæ sui progenie uxorem sibi assumpturos. Sed & hanc immortalitatis gratiam, insani dicunt, donatam esse Pontifici nostro, in gratiam Hali, qui, dum viveret, ei amicus erat, atque promiserat, non eum moriturum. Eccur verò Hali vester sanctitate suâ eum ad fidem Machometi non convertit? cur bonis operibus sibimet ipsi hanc immortalitatem non vendicavit? sibi ergo & Pontifici nostro nedum non amicus, sed & crudelis erat.

Cæterum, quod miror, non solum plebs Persarum rudis & inculta, sed & nonnulli Magnates frivolæ huic innituntur opinioni. Quare liceat hic narrare, quidpiam de Vice-Rege Sciamachi nomine Mansur Kan. Is cum duo PP. Ordinis Prædicatorum Armeno Persæ ante aliquos annos deferentes Regis Persarum litteras ad Romanum Pontificem Romanorumque Imperatorem, ad se devenis-

sent

sent, sciscitabatur ab eis revertentibus, an Romanorum viderint Pontificem? qui ei responderant, vidisse se utique. Quibus ille. Felices vos, qui vidistis eum, cui tanto jam tempore divinâ gratiâ vivere concessum est, qui & victurus est, quoadusque mundus durârit per intercessionem & gratiam Prophetæ nostri Hali. Patres porrò eidem retulêre, Papam, ad quem Regias detulissent litteras (qui erat Clemens IX.) jam vitâ functum esse, sêque responsionem ad litteras delatas â successore ejus (qui Clemens X. erat) accepisse. Vice Rex autem, magis se inquiebat credere libris suis, qui docent Romanorum Pontificem nunquam moriturum quàm aliorum relationibus, & memoratorum sibi præsentium Patrum testimonijs. Vesanam hanc opinionem Persarum introduxit menti corrupta Machometi doctrina, qui proindè perpetuitatem Pontificis Romani usque ad extremum judicij diem rectè non intelligunt, quod in successione multorum salvetur, non verò in temporali & continuata vita particularis sîndividui. Cæterùm saniores quidam & doctiores Persæ, quibus major est notitia de historijs Arabum, Judæorum, & Christianorum, nec non de Concilijs in Oriente celebratis longè aliter sentiunt de Romano Pontifice: quem proindè vocant Giah Niscing hesret hisah, id est, locum tenentem Christi Domini: cujus & veram legitimamque credunt authoritatem in omnes Christi fideles. Sentiunt pariter Monarchiam & dominium ejus esse ita superexcellens omnia alia Christianorum dominia, ut jure merito vocari possit **محمد و ما عاظم السلاطين العسوي** id est Dominus major omnibus Regibus Christianis. Sed & sentiunt dominium Romani Pontificis ita prudenter fundatum & erectum esse, ut ipsimet tametsi Machometani, hoc illi dignum tribuant elogium **حاي حالتين** quod idem est, ac circumscribens aut continens utrumque statum, spiritualement scilicet & corporalem, temporalem & æternum. Sic saniores Persæ de Romano Pontifice & Monarchia ejus prudentissimè sentiunt: quantumcunque (in suam magis confusionem, effræni linguâ in Romani Pontificis Majestatem sanctitatem atque authoritatem, quam etiam infideles respiciunt obbla-

oblaterent hæretici. Hi non ad sapientissimum Gravinam Ord: Prædicatorum, non ad Bellarminum laudatissimum Societatis Jesu, neque alios insignissimos quosque Doctores & Controversiarum ventilatores; sed ad ipsosmet Machometanos Persas abire possunt, edocendi vel ab istis, quantæ utilitatis & excellentiæ sit habere Monarchiam sub uno capite, quam quidem ipsi infideles se, habere gloriantur per Hali & successores ejus Christianos verò per Christum & ejusdem vicarios Pontifices Romanos. Accedant & perversi Hæretici Judæorum Synagogas ubi, audiente eos Monarchiam maximè coluisse in illis, dum illis sategerint unum præesse supremum Caput, & Pontificem, non sine speciali divino nutu. Accedant item Paganos, qui in suorum Idolorum cultu unius supremam venerati sunt, & venerantur auctoritatem. Cæterùm mihi non plura dicere incumbit hic contra hos temporis nostri Hæreticos, *qui sunt inimici crucis Christi, (a) quorum finis interitus, quorum Deus venier est:* aptius verò Christiano sentiendum cum Hipponenfi Præfule Augustino, qui quandoque dicere confidebat, *se non credidisse Evangelij, si non fuissent ab Ecclesia Romana acceptata.* Vel cum magno illo Polonorum Cancellario, qui sensit, *melius in gremio Ecclesiæ sanctæ mori, quàm ab initio nasci, & satius esse non nasci, quàm in ea non mori.*

Persæ ergò de Monarchia Pontificis Romani sentiunt, quod de nullius alterius dominio. Etenim cum Jurisdictione & potestate spiritali, in tot se regna provincias & nationes omnetque mundi cardines extendat, non obstante hominum, linguarum, morumque diversitate, quæ omnia in unum finem superiorem sapientissimè dirigit: meritò (inquiunt) excellentior præ cæteris habenda est, quæ & proinde sejiçiori præ cæteris encomio celebratur, utpotè **جامع نشائين** id est congregans seu habens gustum & saporem utriusque felicitatis corporalis & spiritalis, temporalis & æternæ. Quâ tamen felicitate sua, dum ipso in culmine excellentiæ constitit Romanorum Pontifex Dei Servorum se servum pronâ submissione compellat, originemque suam annulo & nomine Piscatoris declarat: quod Monarchæ cæteri vel omninò

(a) Philip. 3. v. 18, 19.

non faciunt, vel tali saltem humilitate Majestatem suam deprimere nolunt. Quantum non primò sentirent ingenui Persæ si oculis contuerentur gloriosam illam Purpuratorum seriem, salutis animarum ac Sanctæ Christi fidei ampliandæ & stabiliendæ ita jugiter intendentium, & ex officio obligatorum ut jure merito Christiani orbis Cardines dicantur. Quid si Archi-Episcopos, Episcopos, Præfules, Abbates, Canonicos, & Universam Ecclesiasticam Hierarchiam cernerent? Quid si Monachorum Religiosorumque ordinum sub exactissimis vivendi regulis congregatorum, zelum & disciplinam? de quibus eorumque sacro, & felici instituto, olim sic edixerat Magnus ille Cæsariensis Doctor Basilus in Epist. ad Chironem. *In hac solitudine dego, in qua Dominum versasus est, hic est quercum Mambre illa, hic ad Calum ferens scala. Hic Angelorum Castra à Jacobo conspecta, hic solitudo, in qua populus purificatus legem accepit, & sic in promissionis terra Deum vidit. Hic Mons Carmeli, in quo commorans Helias Deo placuit.* Quid si Virginum Deo Sacrarum arctam Custodiam? Quid si in vallibus & montibus oberrantium & delitentium Eremitarum Vitam, jejunia, nuditates, omnemque castigationis austeritatem? Quibus dum omnibus unum Romanum Pontificem ad usque extremos mundi Angulos cælesti doctrina & sapientia præesse exactius nòssent Persæ, divinius quidpiam de illius dominio sentirent adversum Hæreticos & modernitæporis Atheistas, qui ut Carnis indulgeant libertati, negant illum qui spiritum domare potest doctrinâ sanâ & eruditione cælesti.

Sed & non exiguam causabat admirationem Persis, cum amicabiliter subindè exposuissim eis continuam per tot sæcula Romanorum Pontificum Successionem, quæ & modo felicissimè continuatur, per Sanctissimum Patrem Innocentium Undecimum, Divi Petri Naviculam afflante Dei Spiritu optatissimè gubernantem, & numerum seriemque 236. summorum Pontificum condecorantem. Mirabantur & non rarò cum successionem hanc usque ad sæculi consummationem continuandam fore assererem: quod etiam S. Augustinus testatum reliquit dicens *tenet ab ipsa sede Petri Apostoli, cui pascendas oves post resurrectionem Dominus*

minus commendavit usque ad presentem Episcopum, successio Sacerdotum. Cum usque ad Augustini tempora quadraginta numerati essent Pontifices, serie eorundem continua adusque sæculi consumationem protrahendâ. Quantumcunque oggiant ut plurimum. Apostatæ & Hæresiarchæ cum sequacibus suis, quibus probare legitimam Pontificum continuationem incumbit ex professo Theologis; prout horum innumera penè est, & optimis fundamentis roborata cohors.

Denique quod Persæ eorumque Reges Romanorum Pontificem magni habeant, indè forsan & esse potest, quod Reges antiquorum Persarum, utpotè humaniores alijs Tyrannis, majorem servârint amicitiam cum Pontificibus antiqui testamenti, eorumque synagoga Hierosolymitana, & populo Judaico olim Deo electo. Ut proindè & Reges modernorum Persarum singulari humanitate, amicitia & respectu prosequantur Pontifices novi testamenti, populumque Christo dicatum. Quid verò de Romanis Imperatoribus Persæ sentiant, mox dicemus. Sit igitur.

ARTICULUS TRIGESIMUS PRIMUS.

De opinione & conceptu, quem habent Persæ de Romanorum Imperatore, magnaque & antiquissima Alemannorum gente.

HAbent nonnullam Persæ de Imperio Romano ejusdemque origine notitiam, prout & de Romanorum Imperatore. Vetustissimi enim & eruditissimi eorum Authores tradunt qualiter Pontifex Romanus diviserit Imperium ab Orientalibus ob Græcorum perfidiam: qualiterque constituti sint Electores Romanorum Imperatorum in Germania. Quæ quidem omnia tametsi fusè tractentur ab Europæis, breviter, enucleatim tamen, narrantur & à Persis. Vocant autem Romanorum Imperatorem. فيسر روم

Sed & antiquissimam Romanorum Germanorum gentem agnoscunt quorum originem, & districtum hîc enarrare longius & extra scopum foret. Quamvis & de his exactam notitiam eruditissimi Persarum tractent Historiographi atque Geographi: qui & singulariter vocant Germaniam & Germanum Aleman, superaddentes huic termino singulare quoddam naturalis Germanorum genij encomium dicendo, Aleman Heli himan id est Gens Alemana, Gens fidei aut fidelis seu sincera. Atque in hoc quidem rectè sentiunt Persæ sinceram charitatem & affectum Germanorum indicantes, quâ hi præ cæteris veluti Fratres adinvicem feruntur: indè & ortum esse judico, quod in Alemanorum natione frequentissimæ communissimæque sint fraternitates, quas in vernacula vocant *Brüderschafft*. Quamvis & alij putent Germanos dictos à Germinando, quod hæc natio fecundissima & populosissima sit, alij denique, maxime qui Germanorum eorumque linguæ originem non à Latinis, sed ab indigenis esse dicunt, eos Germanos vocitent ab insigni eorum fortitudine, & planè virili robore, ita ut Germani idem sint ac *Sarmannen*. Mihi Persarum opinio arridet, & Germanorum genio favet, neque de exacta origine, aut determinatione Alemanorum disputo, qui solummodò Persarum de hac gente opinionem refero, ijsque hoc in passu adhæreo, qui dicto elogio suo singularem illam & laudatissimam ac quasi fraternam charitatem Germanorum exprimere volunt. Quo & collimare puto Latinos, dum Alemanos Germanos appellant, quasi à fraterno charitatis vinculo, & uterinâ connexionem.

Hæc obiter & brevitatis causâ dicta sunt: in confirmationem autem optimâ Persarum de Germanis opinione testabuntur, qui ijs in terris sive, ut Legati, sive etiam ut peregrini se detinebant, quorum testimonia vel viva, vel scripta satis superque habere poterit amicus Lector. Quid vero singillatim de Romanis Imperatoribus sentiant, experti sunt vel Romanorum Imperatores antiqui, cum quibus promiscuè amicitias quasi domesticas inière Persarum Reges, ut crebrioribus etiam Legationibus ac muneribus invicem inviserent. Quod doleo, maximum

ximum est, non haberi in Perside, aut universo Oriente nostro disertissimos eloquentissimosque illos Historicos & Annalistas, qui de Romanorum Imperatorum felicissimè gestis, tot tantaque enucleatiùs omnia conscripsêre. Unum imò magis ploro, non haberi in Perside portentosa illa, & nullo calamo silenda, quia omni titulo præclarissima facinora, vel eorum tantummodo Imperatorum Augustissimorum, quos cœlitùs benedicta, & ut omnium testantur ora, divinitùs erecta & conservata hætenus Serenissima Domus Austriaca sceptris tantis dignissimos genuit, & aptavit. Ut porrò & mihi inclyta Domus Augustissimæ sit memoria, & dignissimæ laudis amplius deveniat de tantis Imperatoribus thema in Persidem, vel per quoddam, si DEUS concesserit, hujus exigui opusculi mei exemplar, noto, & typis repeto, quod pridem disertissimus Orator Caspar Scoppius, fusâ panegyri coram Clemente Octavo Sanctissimo Romanorum Pontifice in Nuptijs Philippi Tertij Hispaniarum & Indiarum Regis, atque Alberti Archiducis Austriæ succinctè complexus est.

Primum (inquit) ea est familiæ Austriæ dignitas & majestas ut ab omnibus cæteris meritò coli & observari, à Te etiam Beatissime Pater & Sede Apostolica ornari quotidie & omnia Paternæ charitatis ac benevolentiae signa experiri debeat. Non enim potentior, non illustrior hoc sæculo Domus in orbe Christiano fulget, ut verè quod de Julia olim Horatius cecinit, meritissimo suo de hac dici debeat.

*Micat inter omnes
Austrium sidus, velut inter ignes
Luna minores.*

Floret enim ut jam à pluribus annis, ita nunc temporis in summo honorum ac dignitatum culmine posita, resulgetque ut coronis sceptrisque Imperatorijs Augustis decem, octo Regijs: sic etiam imaginibus, atque in Ducibus Augustorum seu Imperatorum decem Augustarum duabus; Regum octo, Regnorum sexdecim referta est, Archiducum, aliorum Principum imagines, tias,

ras, circulos aureos & gemmatus hic longum esset recensere. Re-
volvas annales veteres quosvis & Genealogias Principum Chri-
stianorum omnium examines licet; nunquam tamen tot in una
stirpe sublimia Imperia; tot Diademata; tot Sceptra, atque in hac
una reperies, quam multis ab hinc annis Cuspinianus scripsit ex
unica Habsburgensium Familia quinquaginta septem masculos
Principes vel Cæsares, vel Reges, vel Archiduces, Duces aut Co-
mites produxisse, & in qua Romanum Imperium per sex Augustos
ultrâ hominum memoriam & sæculum integrum continuatum vi-
demus. Quid reperiri poterit rarius, excellentius, aut illustrius?

Frivolum ac leve est exemplum, si hæc consideres, quod Pli-
nius, ut stupendum scæminæ scælicitatis miraculum adducit:
una, inquit, scæminarum in omni ævo Lampedo Lacedemonia
refertur, quæ Regis filia, Regis uxor, Regis mater fuit. Plura
profectò & majora decora inter Principes Austriades reperies.
Longè etenim Læcenam illam Lampedona excellit Elisabetha
Poloniæ Regina, quæ Imperatoris Cæsaris ac Regis filia & neptis,
Regis Soror, Regis uxor, Regum quatuor mater & denique
Regis Avia fuit: nimirum nata ex Alberto II. Imperatore Bo-
hemix & Vngariæ Rege, fratrem Ladislaum Vngariæ & Bo-
hemix Regem; Maritum Casimirum Poloniæ Regem & filios
protulit Regis Vngariæ Bohemixque Joannem, Albertum, Vla-
dislaum, Alexandrum, & Sigismundum: addatur & Frideri-
cus V. filius, qui ad Cardinalatum Regiæ parem quippe digni-
tatem evectus est. Avia quidem fuit Ludovici Bohemix &
Vngariæ Regis. Quid ista felicitate felicius, aut nobilitate no-
bilius? fulget tamen nunc etiam temporis unica Phœnix cla-
rissimæ atque omnium virtutum dotibus præstantissimæ Heroi-
næ Mariæ Majestas, duæ proavum Maximilianum I. Cæsarem
& Philippum I. Regem Catholicum Avum habuit; quæ Caro-
lum Quintum Patrem, Ferdinandum Patrum Imperatores Cæ-
sares Augustos vidit & Amittas Reginas quatuor. Ipsa Maximi-
liani Secundi Imperatoris Cæsaris Augusti uxor, Philippi Se-
cundi Regis Catholici Soror, Rudolphi Secundi Imperatoris
Regis Vngariæ & Bohemix, & duarum Reginarum, unius in
Ddd 2 Hispa-

Hispania, alterius in Gallia mater, & hujus etiam ipsius Regis Catholici Avia effecta.

Tanta nimirum decora, tam rara fecunditatis exempla in ea domo reperiri oportuit, quæ barbaram Ottomanicæ potentix rabiem à cervicibus nostirs depellere deberet.

Potentia quoque ejusdem familiæ tanta est; ut quam Romani Imperij magnitudinem cum stupore quodam omnium sæculorum homines admirati fuerunt, si cum hac comparetur, ludus, jocusque penè videri debeat. Habent enim Austriaci Novum duntaxat orbem seu Americam, quæ sola reliquas tres mundi partes Asiam, Africam & Europam magnitudine adæquat, ac proinde Romano illo Imperio (etiam cùm in flore suo stetit) multo major existit: sed insuper magnam etiam ipsius Romani Imperij & reliqui orbis partem possidet. Ut enim de Gloriosissimo Romanorum Imperatore Rudolpho nihil dicam, qui cum hodierno Imperio florentissima Vngariæ, Bohemiæ & Croatiæ Regna, multosque Principatus conjunxit: quis nescit magnum Hispaniarum Regem Philippum nostrum Tertium, quatuordecim quidem in Hispania Regna continuare & sublimia Lusitanix sceptrum ad Indos usque protendere, tum Neapolitanum quoque Siciliæ, Sardinix, & Majoricæ & Minoricæ Regna, maximamque Italiæ hujus partem sceptrum ejus agnoscere: Burgundiam verò & illum Provinciarum ocellum ac delicias Belgiam scilicet; sive inferiorem Germaniam Principibus pluribus luxuriantem & cuivis Regno minimè posthabendam serenissimo huic Archiduci Alberto subjectam esse? frustra igitur sunt, & cum ipsi se fallunt, tum in similem errorem alios inducunt, qui vel Macedonicum Alexandri Magni, vel Assyrium, vel Persicum, vel quæ posterioribus sæculis emerferunt, Ottomanorum sive Turcicum, Sophorum, Tartarorum aliorumque Imperia cum hoc Austriaco comparare audent. Tantum enim ab est ut illud æquiparent? ut singula contrà quoddam illius quasi centrum sive punctum constituere videantur.

Adeo enim quod de Roma Ovidius scripsit:

Gentibus est alijs tellus data limite certo

Roma-

Romanis spatium est Urbis & Orbis item.

Vere nos & multò verius de Austriaco Imperio pronuntiare possumus.

Regibus est alijs tellus data limite certo

Imperij spatium est Austrij & orbis item.

Nolumus tamen Pater Beatissime, ut hæc ipsorum nobilitas Augusta & stupendum humanæ Majestatis ac potentiæ exemplar quicquam laudis habeat, nisi ea omnia CHRISTI semper & sanctæ Apostolicæ sedis auctoritati gloriæque fuerunt ancillata, nisi eo semper animo Austriaci fuerunt, ut non minus Ecclesiæ, quàm sibi Provincias suas parere & subjectas esse cuperent: nisi Alberti fuerunt, qui Hæresis Hussiticæ propugnatores in divini nominis Gloriam, & ad conservandam sedis hujus auctoritatem, compescerent: nisi Fridericos ea dedit familia; qui Germanos ad eandem Hussi hæresin inclinantes in obedientia Ecclesiæ conservarent, qui schismata de hujus sedis occupatione per violentiam quorundam nata tollerent, qui Auctoritatem Apostolicam perperam usurpantes vel eumentes in ordinem redigerent; nisi etiam Caroli ex ea memorantur, qui Turcarum impetus Ecclesiæ Catholicæ bono eluderent & reprimerent, qui Germaniæ Regulos ingenti militum numero Hæresin suam tueri contententes, mirabiliter compescerent; qui religionis denique Catholicæ amore Vale rebus mundanis dicto & Imperio abdicati divinis meditationibus immorarentur: nisi Philippi inde sunt exorti, qui novos mundos sanctæ huic sedi subjugarent: qui denique Hæreticorum odio, eorumque extirpandorum ardore suas ipsi segetes urere, & pulcherrimis Belgij urbibus hostile aratrum imprimere nunquam recusarunt; nisi postremò hodieque Austriaci omne suum studium & industriam in eo collocant, ut omni è Regnorum suorum finibus Hæresi exulante cuncti jussa sedis Apostolicæ capeffant.

Hæc Scoppius. Quæ profecto omnia hoc nostro tempore in gloriosissimo LEOPOLDO Imperatore divinis planè Auspicijs electo, novis, maximisque incrementis aucta sunt, optatissimoque eventu confirmata.

Hæc

Hæc si Persæ in notitia habuerint, plura, ultra multa quæ sentiunt, certò certius senserint, de sacratissimis Romanorum Imperatoribus, à sacratissimâ Austriacâ domo procedentibus. Enimverò si tantam cum antecessoribus, qui Romano præerant Imperio, habuere amicitiam, & insignem de ijs opinionem, quantum non habere debebunt de his, qui eosdem virtutibus, etiam tentati excedunt, zelo, licet afflicti superant, victorijs, etsi posthuma præcurrunt, Religione tametsi ab hæreticis vallati transcendunt, & nullum suis parem patiuntur meritis apicem elogiorum. Quantum non hoc solatij sit misellis Christianis in Armenia, sparsimque in Perside existentibus, dum ponderârint, quam non virtute laudabili, atque avito zelo hodierni Romanorum Imperatores correspondeant Antecessoribus suis Orientis imperatoribus Christianis, cum quorum nonnullis fama & memoria celeberrimis, quales sunt Justinus senior, Justinianus, & Justinus junior, in stipite gloriosissimo Romanæ familiæ Anicianæ conveniunt, ut disertissimè fundalissimeque probantem legi quendam Reverendissimum Dominum Joannem Seifridum Wratislaviensem celeberrimi Ordinis Cisterciensis, in Monasterio Claræ vallis Austriæ, vulgo Zwethal dicto dignissimum Abbatem, cujus altissimum ingenij apicem, & raram in rerum indagatione prudentiam solertiamque in arbore Anicianâ, prout vocat opus suum in 7. libros divisum, Aug. Romanorum Imperatori Matthiæ dedicatum non absque consolatione simul, & admiratione summâ ponderavi. Nempe sic pietate, justitiâ, & æquitate nunquam non florere Romanorum Imperatores, ut neget splendorem fulgoremque soli, qui non tribuit laudem his, quorum sedes in hoc folio erat. De illis antiquis Imperatoribus legi (a) Zonaram (b) Cyrillum (c) Evagrium (d) & Nicephorum Calistum. Illorum brevitatis gratia verba non referam: hujus verò vel aliqua, comprimis de Optimo Justino Romanorum Imperatore Augustissimo & pientissimo, cui Serenissima Domus Austriaca Aniciano in stipite felicissimâ progenie

(a) *Annal. tom. 4.* (b) *In Vit. S. Saba.* (c) *Lib. 5. cap. 19.* (d) *Lib. 17. Eccl. hist.*

nie juncta est, placuit & in meam, & multorum memoriam & consolationem hoc meo inferere libello. Commemorat enim laudatissimus scriptor, qua ratione divinâ largiente gratiâ post Anastasium Orientis Imperium obtinuerit Justinus; his Verbis (a) *Ubi verò Anastasius ad infima concessit judicia Paneni Mensis, qui apud Romanos Julius dicitur, die nono Justinus Patriam Thraciam habens, purpuram sumpsit, ordine Aulicorum, Dux à custodibus corporis Imperatoris, quibus præsuerat, præter omnem spem Princeps declaratus.* Alibi vero (b) celebrat ea quæ primo anno Imperij sui Justinus hic pro defensione Ecclesiæ Catholicæ patrârit, & contra Adversarios Synodi Chalcedonenfis. *Per quos (id est Hæreticos & Hæresiarchas) nugamenta multa adversus Ecclesiam sunt inducta, & populus in innumerabiles opiniones divisus. Sed enim Imperator fidelissimus primo anno sui Imperij severum commercitas petulantias verborum lubrificantis penas pendere, linguamque ejus radicitus exscindere jussit.* Succedens huic Imperio Patricius maximus Dux ille Justinianus Sororis ipsius Justini filius, ut idem habet cap. 7. lib. citati, quam egerit memorabilia scribit, comparans eum pientissimo Constantino Magno. (c) *Inquit ergo. Princeps etenim iste (videlicet Justinianus) tanto in Christum pietatis ardore flagrasse, ab eis, qui res illius memoria posteritatis mandârunt, dicitur, quanto alius, qui ante Imperium tenuerunt, nemo, ter maximo illo Constantino excepto. Quo & regnante pientissimo Orientis nostri Cæsare ad Christi salutarem fidem potentissimus Persarum Rex Chosrues conversus dicitur, ab eodem Nicephoro. (d) Parum sit, quod objici posset, Justinianum adhæsisse hæresi Aphrotodocitarum, qui indiscretâ reverentia negabant Christo passiones naturæ humanæ necessariò annexas, ut sitim, famem, languorem, excrementa, &c. Ab hoc enim errore excusatum eundem habet Sacra & æcumenica Synodus sexta in suâ præfatione, adscribens non malæ ejus voluntati, & pertinatiæ, quæ ad formalem requiritur hæresim, sed plus nimix devotioni, pioque affectui, quem superabundanter ostendere connabatur in Nomen JESU salvatoris nostri: unde eum omni pœnâ immunem, beataque* quie-

(a) *Ibid.* (b) *Ibid.*, e. 2. (c) *Cap. 29. ejusdem lib.* (d) *Cap. 17. ejusdem libri.*

quiete obdormientem agnovit Ecclesia, illiusque piam memoriam annuali solennitate celebrari concessit, ut idem refert Calistus. (a)

Sed & succedens Justinus Junior, Sororis Justiniani filius quam laudabiliter pro Dei Ecclesiâ, & Orthodoxæ fidei defensione egerit, extirpando hæreses, & dissipando dissentientium errores, in eodem Calisto reperiet amicus Lector: ego unicum Justinii Junioris scriptum, quod quantum sedulè inquisivi, tantum & lætanter adinveni in sæpe laudato Nicephoro (b) referam, unde omnis regendi prudentia atque potentia, omnis in fidem zelus & constantia, ut sole dies clarissimus effulgebit. Justinus enim dictum derepentè compositum, ad Christianos ditionis suæ omnes misit, ut nihil in Ecclesijs novarent: sed antiquis Patrum decretis insistentes, rectè divinum Numen colerent atque adorarent. Scriptum de fide hæc fuit verbis conceptum.

*Justini scriptum de fide Christiana, &
Concordia ejusdem.*

IN nomine Domini nostri JESU CHRISTI DEI nostri. Imperator Cæsar Flavius Justinus, fidelis in CHRISTO, Clemens, Maximus, Beneficus, Almanicus, Gotthicus, Germanicus, Anticus, Francicus, Herulicus, Gepidicus, Pius, Fœlix, Gloriosus, Victor triumphator, semper colendus Augustus. Pacem meam do vobis, inquit Dominus CHRISTUS, verus DEUS noster: Pacem meam relinquo vobis. Idem promulgat hominibus omnibus. Id verò aliud non est, quam ut in eum credentes, in unam & eandem Ecclesiam conveniant, consentientes quidem animis in recta Christianorum sententia, averfantes autem eos, qui contraria dicunt, aut opinantur. Primaria namque salus hominibus omnibus constituta est, ipsa rectæ fidei confessio. Quapropter & nos Evangelica præcepta, & Sanctorum Patrum sacram

(a) Cap. 31. lib. 17. (b) Cap. 35. eodem lib.

crum Symbolum siue doctrinam confectantes, ut ad unam eandemque Ecclesiam & sententiam simul accedant, omnes cohortamur, credentes in Patrem, & Filium, & Spiritum Sanctum, Trinitatem ὁμοούσιον consubstantialiam, Deitatem siue naturam & substantiam verbo & re ipsa unam. Unam etiam virtutem & potestatem & ἐνέργειαν, hoc est, efficaciam in tribus subsistentijs seu personis profitentes, (in quas baptizati sumus, in quas credidimus, & quibus professione addicti sumus. Unitatem siquidem in Trinitate, & Trinitatem in Unitate adoramus, distinctionem simul & unionem, præter opinionem omnem, habentem. Unitatem quidem secundum Substantiam, siue Deitatem, Trinitatem verò secundum proprietates siue subsistentias seu Personas. Distinguitur namque indistinctè, ut ita dicamus: & conjungitur distinctè: siquidem unum est in tribus ipsa Deitas. Et tria in quibus Deitas est, seu, quod certius dicitur, quæ Deitas sunt, unum.) DEUM Patrem, DEUM Filium, DEUM Spiritum Sanctum, quum persona quæque per seipsam spectatur, mentis ipsius sensu, quæ in segregabilia sunt segregante: DEUM tria hæc simul mentis acumine intellecta, propter eundem motum & naturam eandem. Quandoquidem peropus est, & unum DEUM profiteri, & tres subsistentias siue proprietates prædicare. Confitemur verò ipsum Unigenitum Filium DEI, DEUM Verbum, ante sæcula quidem, & absque tempore ex Patre genitum, non factum. In extremis autem diebus, propter nos, & propter nostram salutem, descendisse de Cœlis: & incarnatum ex Spiritu Sancto, & Domina nostra Sancta gloriosa DEI Genitrice & semper Virgine MARIA, & ex ipsa natum esse. Qui est Patri & Spiritui Sancto æqualis. Non enim quartæ & incarnatæ unius ex Sancta Trinitate DEI VERBI personæ accessionem suscepit Trinitas Sancta, sed est unus & idem Dominus Noster JESUS CHRISTUS consubstantialis Patri & DEO juxta divinitatem, & idem consubstantialis nobis secundum humanitatem, passioni obnoxius carne, & passionis idem expers in Divinitate. Namque non alium DEUM VERBUM quod miracula edidit, &

aliud quod passum est, novimus: verum unum & eundem. confitemur Dominum Nostrium JESUM CHRISTUM DEI Verbum incarnatum, & perfectè hominem factum: nec non unius & ejusdem miracula simul & passiones, quas voluntariè carne sustinuit, propter nostram salutem. Non enim homo aliquis se ipsum pro nobis tradidit: sed ipse DEUS VERBUM immutabili modo homo factus, spontaneam simul passionem, & mortem pro nobis carne subjicit. Atque dum DEUM ipsum esse confitemur, non inficiamur, eum etiam hominem esse, & hominem ipsum confitentes, DEUM ipsum quoque esse non negamus. Proinde unum & eundem ex utraque Divinitatis scilicet & humanitatis natura compositum profitentes, Dominum Nostrium JESUM CHRISTUM, unione confusionem non inducimus. Non enim quod secundum nos homo factus est, propterea DEUS esse desinet. Neque sanè quòd DEUS natura est, & in eum similitudo nostræ naturæ non cadit, propterea homo esse negabitur: verum quemadmodum in humanitate DEUS, ita nihilominus in sublimitate Deitatis homo permanet: utrumque verò in eodem est, & unus DEUS simul & Homo, ipse Emanuel. Porro eundem confitentes in divinitate perfectum, atque etiam in humanitate perfectum, ex quibus etiam compositus est, divisionem aut sectionem in partes, una ejus composita subsistentia, non inducimus. Differentiam verò naturarum, quam unio non tollit, indicamus. Nam neque natura divina in humanam est versa, neque humana natura in divinam mutata. Intelligentiæ autem acie utramque considerante, & potius utraque in propriæ naturæ fine & ratione existente, factam quidem unionem dicimus, secundum subsistentiam: ipsa verò secundum subsistentiam unio ostendit DEUM VERBUM, hoc est, ex tribus Deitatis subsistentijs, subsistentiam unam, non præexistenti homini unitam esse, sed eam in utero Dominæ nostræ Sanctæ & Gloriosæ DEI Genitricis, semperquè Virginis Mariæ, sibi ipsi ex ea condidiss. in propria subsistentia carnem nobis *ὁμοσπου* consubstantialem, & eisdem perpeffionibus per omnia obnoxiam absque peccato, anima

anima rationali & intellectualem animatam. In ipsa namque subsistentiam habuit, & homo factus est. Et est unus atque idem Dominus noster JESUS CHRISTUS, qui cum Patre & Spiritu Sancto conglorificatur. Cæterum ineffabilem ejus unionem considerantes, rectè naturam unam DEI VERBI incarnatam carne, quæ anima rationali & intellectualem est animata, profiteamur. Rursum differentiam naturarum contemplantes, eas duas esse dicimus, divisionem nullam inducentes. Utraque enim natura in eo est. Unde unum & eundem profiteamur CHRISTUM: unum Filium, unam Personam, unam Subsistentiam, DEUM simul & hominem. Omnes verò qui aliter vel senserunt, vel sentiunt, Anathemati subijcimus, alienos eos esse à sancta DEI Catholica & Apostolica Ecclesia judicantes. Itaque quum recta à Sanctis Patribus nobis prædita dogmata sic prædicentur, universos vos ut in unam & eandem Catholicam & Apostolicam Ecclesiam conveniatis, hortamur, seu potius rogamus. Non enim grave nobis est, quamvis in fastigio Imperij collocati simus, Christianorum omnium consensionis atque unionis gratia, ejusmodi verbis uti: ut una ab omnibus laus & glorificatio tribuatur DEO Magno, & Servatori nostro JESU CHRISTO. De cætero autem, ne quis causam aut occasionem ullam de personis aut syllabis (sive fidei formulis) per intestina dissidia contendendi capiet, quoniam ad unam & eandem rectam fidem & sententiam syllabæ (seu formulæ) producunt consuetudinis & status ejus, qui hucusque in sancta DEI Catholica & Apostolica Ecclesia obtinuit, & per omnia citra innovationem aliquam firmus stabilisque deinceps in tempus omne permanebit.

Edictum hoc omnes ubique Episcopi & Sacerdotes Catholici comprobârunt, rectè promulgatum esse dicentes. Qui verò se ab Ecclesia segregaverant, in schismate & dissidio persistentes, haudquaquam cum ea uniri voluerunt: non aliam quidem ob causam, quàm quòd ad finem scripti disertis verbis adpositum, esset, etiam temporibus futuris professionem fidei talem absque rebus novis stabilem conservatum iri.

Hæc sunt quæ de nostris etiam lectissimis & pientissimis Orientis Imperatoribus memoranda censui, quibus, ut dictum, Aniciano stipite junguntur Augustissimi de domo Habsburgica Imperatores, nec tam junguntur, quam æmula virtute & Religionis zelo pares esse contendunt; prout suis in litteris ad Augustissimum & Clementissimum LEOPOLDUM confidit memoratus Armenorum Patriarcha Jacob, ut supra in Art: de Armeniâ dictum. Ubi post alia ad Augustissimum Imperatorem hæc ad rem nostram apta habet. *Vos enim estis nostra laus, atque gloria, & per vos gloriamur inter infideles Gentes; & oculi nostri sperant in vobis, ut inveniatur modus liberandi nos ab arumnis nostris.* Unde subdit. *Dignum & justum est, in memoriam vocare pietatem & Clementiam antiquorum Vestrorum* (nota amice Lector) *quam habebant erga Christi membra, zelum erga fidem Orthodoxam, & charitatem erga afflictos fideles &c.* En suggerit Vir optimus convenientiam, in zelo & pietate modernorum & antiquorum Imperatorum, qui omnes non nisi propensissimâ benevolentia in afflictorum Christianorum solamen desudabant: prout singulariter de antiquis Orientis Cæsaribus, Armenorum Græcorumque testantur Historiographi, maximè de Justino Juniore præfati sacrosancti decreti Promulgatore. Hujus enim antecessorum tempore jam Armenia minor data erat ditioni Romanorum, major verò Dominio Persarum, regnante Sapore: unde hujus incolæ nominati sunt Persarmeni, quo & hodie nomine gaudent. Qui qualiter ingravescente jugo Persarum, Ethnicorumque perarduo, ad pietatem clementiamque Justinii per oratores confugerint, liquet ex memorato Nicephoro (a) ubi sic habet. *Persarmeni inquam isti, quod graviter à Persis affligerentur, legesque suas transgredi vi compellerentur, clam ad Justinum Oratores miserunt, ut sub ditionem Romanorum reciperentur, precantes, quò liberè absque molestiâ sacros ritus pro Religionis consuetudine Deo peragere possent. Justinus preces eorum comprobavit, pactis conventis quibusdam ab ipso interpositis, quæ etiam jure jurando confirmavit.*

Hæc inquam sunt, quæ afflictis in Armeniâ & Perside Christianis consolationi sunt, & esse possunt. Et sanè nullo non me

perfusum gaudio sensi; dum memorati pientissimi Justini Orientis nostri Imperatoris scriptum fidei zelo plenissimum, atque Augustissimi Romanorum Imperatoris avitam in uno stipite gloriosissimo laudatissimæ Romanæ familiæ Anicianæ cum tribus illis zelosissimis Orientis nostri Imperatoribus convenientiam, post singularissimum studium & diligentiam, continuumque in evoluendis, pluribus, diversisque voluminibus, Græcorum, Latinorum, Armenorum, Persarum, atque Arabum, in diversis Bibliothecis, faventibus tamen Superis adinveni. Multa sanè quâ mihi, quâ Christianis Orientis mei materia est gaudiorum. Dum enim illi antiquissimi Orientis nostri Imperatores nullo non fervore, zelo, & æquanimitate pro sanctâ fide, hæresumque extirpatione stetissent, non est, quod tam virtute, quàm sanguine omnes Augustissimæ Domûs Austriacæ proles sacratissimas, cum supradictis convenientiam habuisse dubitemus; quippè cùm & scriptorum volumina, & omnis hominum sit plenâ memoria, quod pari zelo atque fervore, pari constantiâ & pietate, majori imò fortitudine & æquanimite antiquissimi quique, & moderni Austriadæ pro fide sanctâ decertârint, pro Christiano populo leges & jura stabilierint, hæreses extirparint, omnique Dei gloriæ, Ecclesiæque ejusdem sanctæ emolumento fructificantes, ad usque hodiernam felicissimè virentem frondem perdurârint, atque perdurent, LEOPOLDUM, plus mille titulis nullâ facundâ ad satietatem excogitandis Augustissimum. Magna mihi gaudiorum materies, qui Orientem atque Occidentem, familiâ Anicianâ gloriosissimâ, & avitâ virtutum successione in his & illis Imperatoribus pientissimis conjunctos reperi. Fruatur ergo delicijs suis cum sacro Ordine suo Reverendissimus ille Cisterciensis, qui dum in Bibliothecâ Monasterij, sanctæ Crucis, reperisset Epistolas quasdam Rudolphi Primi manuscriptas, in sacri Cisterciensium Ordinis laudem, tanto superflusus est gaudio, ut ad eundem dicere ausus sit (a) *Crede mihi Matthia Imperator optimè, majori exulto latitiâ ob repertas has Epistolas, quàm si reperissem annulum illum ex anro, quod Magi obtulerunt Christo, fabrefactum*

(a) *In dedicatione.*

factum. Fruar & ego, omnisque Oriens Christianus, de illo Justinii zelosissimo fidei scripto, & feliciter indagatâ modernorum Augustissimorum Austriadum Occidentalium cum illis Orientalibus avitam cognationem: dicamque ego nullius culpæ veritus. Crede mihi LEOPOLDE Imperator optimè, majori exulto lætitiâ ob repertum illud Justinii scriptum, tuamque & omnium Austriadum cum pientissimis Orientis nostri Imperatoribus avitam progeniem, & in vetustissimo Romano stipite quâ virtute, quâ cognatione convenientiam, quàm si reperissem annulum illum, ex auxo quod Magi obtulerunt Christo, fabrefactum. Illud proindè de annulo hic aptum ingeminans.

*Annule, non unum quem sacra palatia servans
Maraello acceptum pulcher Apollo refert.*

Hoc ergo scriptum, utpote partum mentis pientissimi cuiusdam Orientis nostri Cæsaris, & talem quidem, qui meritò Lectorem benevolum ad ulteriorem excitare valeat devotionem, atque admirationem, huic opusculo inferere volui, ut dum Austriacorum Principum in fidem & Religionem generosissimum pientissimumque zelum, in Dei & Universalis Ecclesiæ servitia animum promptissimum, quispiam considerârit, avitam miretur successionem virtutum, & cognatam pietate convenientiam Imperatorum Austriadum, dictorumque Orientis nostri. Idem enim tentare, idem fortiter agere, idem arduè perpeti, idem feliciter ab antiquissimis atque avitis temporibus semper statuisse, imò nunquam non opere exhibuisse omnes Principes Austriadas, fusim memoratus recensuit Scoppius. Undè sanè nedum tua Lector amice, sed & mea & omnis Christiani Orientis consolatio oriatur.

Plura cæteroquin ubi Amicus Lector indagare voluerit, qualiter Augustissimi Imperatores è domo Austriaca zelosissime fidelissimeque corresponderint feruori ac pietati Christianæ Antiquorum suorum in Imperio antecessorum, quamque plura optima in sanctæ fidei & Ecclesiæ stabilimentum, non minùs ac ij perpetrarint, consulat Reverendum P. Gabrielem Buceleni Saceri Ordinis Benedictorum in sua historia, seu notitia Genealogica

gica Germaniæ. Vbi in part. 3. fol. 21, Principes Austriacos disertè comparat, ut fratres, juxta illud Abrahami Lothum obtestantis. *Ne quas sit jurgium inter me & te, & inter pastores meos & Pastores tuos: fratres enim sumus. Ecce universa terra coram te est: recede à me obsecro. Si ad sinistram jeris, ego dexteram tenebo: si tu ad dextram ejeris, ego ad sinistram pergami.* (a) Qui fanè pacis Amor Numini commendans Principes Austriacos in solido Abrahami voto, huic non absimiliter illos beavit, & tanta terrarum spacia illis propria voluit, juxta illud Veritatis. *Beati mihi quoniam ipsi possidebunt terram.* Quam inquit felicitatem & beatitudinem, toto cœlo diversissimæ ignorare non possunt nationes, esse propriam Austriacorum.

Hæc denique sunt, quæ in meritissimam laudem Augustissimorum Cæsarum, atque in meam totiusque desolati Orientis Christiani consolationem, imò & in majorem ipsismet inibi infidelibus æstimationem conciliandam, huic meo opusculo infervi, exoptans ut iste palam, quocunque devenerit, quod fidelissimè juxta veritatem sensi, confidenter eloquatur, & usque ad extremas mundi oras, quæ calamo confidi securus, & imperterritus exclamet, verificeturque de me in gloriam Augustissimorum Cæsarum, comprimis LEOPOLDI felicissimè regnantis, Domini mei Clementissimi, illud:

Trans ego tellurem, trans altis audiar undas:

Et calami vox est magna futura mei,

(2) Genes. c. 12.



ARTICULUS TRIGESIMUS SECUNDUS.

Quomodo & qualiter Persæ exterarum Nationum excipiant Legatos, nec non de Reverendissimo Patre Magistro Francisco Piscopo Ord: Præd: Neapolitano, Persarum Regis Solimani ad Sanctam Sedem Legato.

QUod restare videbatur in opere, est, qualiter exterarum Nationum Legati à Persis excipiantur, quod hoc Articulo recensendum aggredior.

Quatuor ergò in legatione quadam observant Persæ, fors juxta considerationem quatuor causarum. Primo ergò considerant illum, illiusque conditionem, qui legationem mittit; tanquam causam efficientem. Siqui ergò à pluribus alijs Machometanis mittantur Legati, ut Turcis, Indis, Scythis, Arabibus & alijs, primum dant locum Legato Turcarum, dein Indorum, tunc Scytharum, & consequenter juxta ordinem aliorum Legatis. Qua etiam ratione Turcæ Persarum Legatos cæteris Machometanis anteponunt.

Inter Legatos verò Principum Christianorum primo Persæ venerantur loco eos, qui à sancta Sede & Pontifice Romano sunt delegati; dein eos, qui ab Imperatoribus Romanis, ac consequenter cæteros, juxta statum & conditionem, aut Dominium suorum Principalium.

Secundò considerant conditionem mores & qualitates ejus, qui Legati officio fungitur; tanquam causam formalem: quòd in Legato nobilitas morum, & sagacitatis excellentia, prudentiæ, generositatis, & liberalitatis promptitudo, sint conditiones veluti co-honestantes, & formam decentiæ inducentes ad legationem honorificam. Sunt enim in horum duorum punctorum advertentia sagaces omninò, & zelosi Persæ, illud utcunque scrutantes, quo fors ipsorum Majestas eludatur, aut vilipendatur ab exteris

Tertiò tanquam causam materialem considerant munera sibi missa. An & ejus qui mittit, & ejus cui hæc mittuntur Majestate non sint indigna? an item ab ipsomet offerantur Legato; an verò à Principali per Legatum?

Quartò tandem, ut causam finalem considerant scopum & intentionem delegantis & delegati, sedulo perscrutantes, an legatio facta sit de procuranda pace, bello, amicitia denuò facienda, confirmanda, aut de confœderatione armorum, sive cujusunque interesse statûs quâ politici, quâ Religionis.

In his inquam, ut omnia solerter expiscentur, subtilissimi sunt Persæ, & nullas non machinantur inventiones: ut proinde & ei, qui legatione apud eos fungitur, quatuor potissimum judicio meo sint observanda. Primò competens statui suo & Principalis sui, incedendi fastus, & vestimentorum ornatus, qui tamen & modestus esse debet, nec ita affectatus, ut magis videatur fieri in sui apud Persas ostentationem, quam repræsentandam gloriam, & conditionem Principis sui: hujuscemodi enim ambitionem vilipendunt. Secundò debita observetur gravitas necesse est, minimè affectata, sed omni sale affabilitatis condita, quam permagni habent, multumque æstimant Persæ: qui & in hac, prout in alijs multis, assimilari videntur Hispanis. Quare Persæ Orientis nostri Hispani vocari possunt. Parùm item curant de longioribus cæremonijs cœteros inter Europæos consuetis, maximè detectione capitis, quæ eis omninò in more non est, imò pro dedecore habetur. Tertiò cavere oportebit ultro-neam loquacitatem, præstabitque magis vigilanter audire; quò facilius expiscari poterit, cujusnam conceptus sint credentiales litteræ Principis sui in mente Regis & Principum ejus: poteritque adhibitâ, diligentia & sagacitate fidelis Interpretis, propriaque prudentiâ competenti modo urgere media pro negotij sui expeditione necessaria: discretâ denique cum ijs, quibus expeditio incumbit, conversatione multa, sub secreti tamen sigillo, sibi palam fieri, poterit procurare. Quartò denique teneat medium inter prodigalitatem & avaritiam, sitque generosè liberalis, etiam erga Persas illos, qui aliquod ei sive in itinere, sive in aula ex-

hibuère obsequium, singulariter autem erga Principes ac Ministros Regios, quibus præstabit promissum facere, & consideratis considerandis dona aliqua mittere pro conditione & statu personæ, officijque qualitate.

Etenim urbanitatis, benevolentiae, & munificentiae officijs obligari comprimis amat docilis natura Persarum. Medium pariter Legatus teneat inter audaciam & ignaviam, cum vel maximè loquitur coram Rege: non enim ita barbara est gens Persarum, sicuti Turcarum atque aliorum; ut proindè quis debeat audacter omninò & protervè ijs respondere, sicuti horum intolerabili superbiæ. Affabilitate enim quadam, ac rariori quidem quàm Reges quàm Principes obviant Legatis exteris, ut proindè his ansa non sit, sive timore animo cadendi, sive verborum audaciâ plus nimîa sese jactandi. Caveat autem, ut indiscretè sic verbis stet pro Regione & Religione gloriaque Principis sui, ut contemnere Legatus videatur, quæ Religionis, statûs, & gloriæ sunt Persarum. Quibus sapienter observatis Legatus, maximè Europæus, nullum non amorem conciliabit apud Regem & Principes quâ sibi, quâ singulariter Principali suo.

Modus autem excipiendi Legatos exterarum Nationum, utcunque talis à Persis observatur. Antequam Legatus Regis aulam accedat, student omnes Proceres & Principes habere notitiam, à quo mittatur, cujusque conditionis ac statûs sit Legatus accessurus. Tum verò & cogitant, quâ ratione, modove eum excipere deceat. Pro conditione ergò ejus & Principalis sui, disponunt ei palatium seu domicilium quoddam Regium, aut alterius Principis particularis, quod & juxta decentiam inhabitaturo tapetijs adornant & sternunt, pretiosioribus minùsve pretiosis. Antequam porrò Legatus civitatem ingreditur Regiam, obvius ei ad aliqua milliaria cum servis suis nonnullisque Nobilibus aulicis mittitur Meh-mandar-Basci: idest caput sive Princeps eorum, qui curam gerunt de hospitibus advenisque. Vocatur præsens Minister nomine proprio Jusup Begh, scilicet, Dominus Joseph. Vir usque adeò sagax & affabilis, ut omne urbanitatis atque humanitatis officium, quod
abun-

abundanter cujuscunque Regionis & Religionis hospiti, comprimis Europæo exhibet, magis ex innata indole, ac naturali affabilitate, quàm ex obligatione officij sui, atque de industria præstare videatur. Sed & solent ut plurimum ad hoc officij genus eligere, quos norunt majori humanitate præditos, atque Hospitibus benevolè excipiendis aptiores. Hic ergò Minister Legatum advenientem debita cum solemnitate salutatum, ad paratum ei deducit hospitium. Quo ubi devenerit Legatus, illâ immediatâ die deputatus præfati Meh-mandar Basci Minister paratam Legati Procuratori numerat pecuniam pro victu quotidiano: quæ pro Legato minimæ conditionis erit medius Tuman, juxta personarum verò majorem vel minorem excellentiam, quandoque tres quandòque sex, subindè & duodecim. Continet autem Tuman unus ut alibi dictum sexdecim Imperiales.

Coeterùm audientias coram Rege, in promptu & ita subitò Legati habere non solent: nisi forsân advenerint tempore sollemnitatis Nouruz, dum scilicet incipit novus annus eorundem: de qua solennitate supra diximus. Tunc enim citissimè & promptissimè ad Regis audientiam admittuntur Legati. Sed & sub hoc temporis de quocunque advena lætantur & gratulantur Persæ, faventque ijs, ut fruantur felicissimâ Regis præsentia, participesque evadant sollemnitatis & lætitiæ tantæ.

Et sanè videbunt tunc Legati exteri fastum & divitias Regis incomparabiles. Ubi enim Rex dicta in solennitate sedet, circumcirca visu erunt tapetia ornatissima auro, & argento, imò & gemmis pretiosissimè conferta, qualiter equidem & pavimentum stratum erit: quod proindè præter Regem, & quem hic ad se vocârit, nemo calcare, aut pede contingere ausit. Sed nec â Rege vocatus diu ibi stare poterit, minùs sedere, sed ad suum illicò locum revertatur oportet. Est autem spacium hoc majestofum, atque oculis gratissimum, satis longum atque amplum, ut quidpiam magis delitiosum vix æstimari possit. Videntur pariter ante Regem hinc indè & circumcirca complures diversissimorum lapidum & gemmarum cumuli & congeries, eo ferè mo-

do, quæ cerasa & legumina cumulatim poni solent, quod non exiguam videnti causat admirationem. Undè Legati qui ex quacunque mundi parte accedunt ad Persarum aulam, pro celebriori & velociori negotiorum suorum expeditione, ac delitiosa experientia rerum diligenter tempus illud observare solent.

Cùm ergo diè à Rege præscripto Legatus ad audientiam fuerit admittendus, summo mane accedit ejus habitaculum. Mehmandar-Basci, dinumeransque singillatim omnia munera Regi deferenda, unumquodque committit civi cuidam splendide induto portandum, etiamsi quid minimum sit: siquæ autem sunt munera majora, plures civium simul uniti portare debent. Omnibus ergò juxta ordinem dispositis, Mehmandar-Basci, cum suis nonnullisque Regis Aulicis, magnò fastu & pompa equester antecedit, quem dein sequuntur cives munera deferentes, unus quidem post alium, & pedestres, quos debito ornatu & decore subsequitur Legatus cum suis. Et hoc quidem avidi gloriæ amatores Persæ facere solent, ut undique audiatur magnificentia & benevolentia illius Principis vel Monarchæ, qui Legatum talibus muneribus ad Aulam Regis dimisit. Id, quod & Moscovitæ facere solent; forsàn à Persis edocti.

Porrò cùm facta esset celeberrima illa & sumptuosissima legatio Hispanorum ad Regem Habas per Legatum Dominum Garciam, cujus supra articulo de Regibus meminimus; munera deferre debuerunt quingenti, & ultra homines, demptis ultra his, quæ in Camelis reliquerat Legatus in Isfahan. Cùm enim venisset, hac in Civitate Regem non adinvenerat, quippè quoddam hic in Gazuin tunc temporis habitasset; quo & memoratus Dominus Garcia, cum muneribus ijs saltem, quæ commodiori modo deportari poterant, se se conferre debuit, relictis cæteris, quæ nonnisi camelis deportari potuerunt. Et hanc quidem legationem singularissimè extollunt Persæ, asserentes non fieri mentionem in historijs suis, quod alteri cuidam Legato tanta humanitas & benevolentia ab ullo Persarum Rege exhibita sit, quantam huic Domino Garcia Rex Habas exhibuit. Non enim ad illum introducendum in Gazwin tantum

tum obviam miserat Mehmandar-Basci, aliosque magnæ conditionis Principes & Ministros aulæ, cum maxima pompa fastuque; sed & eundem sic splendide introductum benevolentissimus excepit. Appropinquant sibi pronus ipse surrexit, & obviam ivit, demumque supra Legatum Turcicum, qui & tunc in Aula erat sessionem capere fecit.

Quando autem in Isfahan perveniunt ad portam illam laudatissimam palatij Regij, quæ vocatur Alakapi, id est sublimis porta, cujusque limina nemo calcare audet, sed omnes venerari tenentur excepto Rege, tunc illico Mehmadar-Basci descendit equo cum suis, acceditque Legatum, adjuvans eum pariter ad descensum: tandemque ordinata processione gradiuntur ante Legatum, qui munera deferunt, donec conscendat altissimam illam & superbissimam Regis habitationem, super sublimem portam illam, de qua ego obiter supra, & fusim Petrus de la Valle in sua peregrinatione. (a) Cùm porrò Legatus ad portam est, obviam ei venit Mareschallus Aulicus multo vestimentorum ornatu, tenensque eum ex brachio dextro, ducit magna cum gravitate ad Regis præsentiam: ubi Legatus inclinans, præviamque præstans Regi venerationem, quam is movendo aliquallyter caput suum se acceptare indicat, deponit credentiales sibi commissas, dein verò & ordinatè munera omnia, quæ nomine Principalis sui Regi sunt offerenda.

At verò ordinariè non solet prima vice respondere Rex ad petita, nisi quod uno alterove gratulationis verbo, & hoc quidem mediante primo Ministro suo, eundem faciat salutari. Accidit autem præter ordinem & consuetudinem Regum Persarum, si horum quispiam alicui Legato oretenus & in persona propria immediatè loquatur: potestque Legatus hujuscemodi nihil non boni & grati ominari, omneque indè benevolentix Regix judicium sumere; prouti hac singulari gratiâ extra omnem spem potitus est Reverendissimus Pater Piscopus Ordinis Prædicatorum, cum primam sortiretur audientiam coram Rege.

Itaque tenens ex brachio dextro Legatum Mareschallus
rursùm

(a) 1. part. Persid. edit. Venet. pag. 46.

rursùm deducit ad locum, & sedem ei designatam ac competentem, quæ est post primum Ministrum aut primum Satrapam, secundum, tertium, aut omnes sex Satrapas, juxta conditionem suam. Sedent autem & in Persarum Aula Legati more illius patriæ, complicatis pedibus, uti Persæ prandio vel cœnæ accumbunt. Excipiuntur ab hoc sedendi modo Europæi legati; quibus more Patriæ suæ sedere concessum est, in parvis saltem sellulis. Quod quidem privilegium eis concessit magnus Habas, motus lepido quodam, & curiositatis causâ hic recensendo facto.

Contigerat enim, Europæum quendam Legatum, cùm Regis mensæ assedisset, non potuisse Persarum sedendi modum continuare: unde coactus suos ad medium mensæ extenderat pedes: de quo cum Rex maximè admiratus interrogari curâisset, & cur indecentem hunc actum committendo in confusio-nem staret Europæis, cæteroquin humanioribus? Respondit Legatus, scire se equidem, quid modestiæ & humanitatis in mensa Regia requireretur; fulciri se tamen Europæorum adagio, quo dicunt; *necessitas non habet legem*: quod & congruum rationis dictamini putet, atque ab omni etiam sapientissimo Persa admittendum. Coactum ergò se esse, & non temeritate ductum, ut pedes extenderet, quippè quos ità complicatos gestare & humo insidere ad longum tempus, sibi non tantùm grave, sed & impossibile sensisset. Jusserat ergo ille Rex prudentissimus afferri ei sellam, ut commodiùs pro suo modo sederet: quo & à tempore Europæis in sella residere conceditur. Undè liqueat Amico Lectori, Persarum Reges solere Legatos nedum ad audientiam, sed & mensam suam comprimis Europæos admittere. Quod idem & alij Magnates exteris Legatis post datam à Rege audientiam in testimonium urbanitatis & humanitatis suæ præstare solent.

Solent tandem Persæ Legatos omnes, cujusunque Regionis aut Religionis, omni benevolentia pertractare, omnesque gratias & humanitatis officia ipsdem abundanter exhibere, in quibus cœteræ Nationes magis paræ sunt. Idque non solum

pro tempore, quo Legati apud eos morantur in Aula Regia, sed & omni in itinere universi dominij & districtus eorum. Porro ut magis gratiosa hospitalitas & munificentia Persarum erga Legatos benevolo innotescat Lectori, recentissimum quoddam, sæpè forsan obiter auditum, nunquam verò enucleatim notificatum afferam exemplum de piæ memoriæ Reverendissimo Patre Piscopo, qui ante paucos annos humanissimè susceptus est ab hodierno Persarum Rege Solimano tanquam Legatus Pontificis Romani: atque ab eodem Rege remissus ut Legatus ad eandem sanctam Sedem.

Erat vir ille Neapolitanus sanguine, doctrinâ famâque clarissimus, & in Religione Sancta Prædicatorum emeritus, Missionarius Sanctæ Sedis Apostolicæ zelosissimus, scientissimus, ac prudentissimus. Hunc, cum magna dedisset specimina virtutis eximiæ in omni ministerio suo, quocunque locorum qualicumque fungeretur officio, cum nonnullis Ordinis Prædicatorum Religiosis deputârat beatæ memoriæ Alexander Septimus, delegâratque tanquam Præfectum Missionis in Tartariam Præcopensem. Ubi porro Pater optimus accusabatur à perfido quodam Græco Schismatico, quod explorator esset ab Europæis missus, unde captivus abductus est ad Chan Tartarorum: non nisi post annum à dura captivitate Barbarorum liberatus cum suis, ad instantiam Regis Polonorum Joannis Casimiri, qui & eundem sic liberatum, cum quodam internuntio suo rursus remisit ad memoratum Chan, quorundam negotiorum Regni sui apud eundem petractandorum causâ. Peractis his feliciter, reversus est vir optimus ad Regem præfatum, qui uti exigebat decentia, Regijs suis eundem litteris commendavit, remisitque Romam: ubi ei ob merita sibi comparata oblatum erat à Sancta Sede Episcopatus, quem tamen renuens humilis Religiosus Urbe secessit, & ad suum Conventum Sanitatis dictum Neapolim demigravit.

Novissimis porro diebus gubernante Ecclesiam feliciter Clemente Decimo, etsi totus podagricus atque infirmus, in meritum tamen obedientiæ, ob urgentissima negocia, quibus pertractan-

tractandis unicus reputabatur idoneus, rursus dimissus est in Armeniam Majorem à Sancta Religione sua, ut Vicarius Generalis, Visitator, & Commissarius Provinciæ Catholicæ Naxivan, atque à Sancta Sede ut Missionarius, non sine singularibus facultatibus, privilegijs, & benedictionibus, quibus Missionarij hujusmodi extraordinarij frui solent: commissis insuper sibi litteris ad Patriarcham Armenorum Jacob, mandatoque, ut rarâ prudentiâ, discretâque virtute expiscari satageret illius intentionem, quantum imò posset, dirigeret erga Sanctam Sedem Apostolicam. Qualem porrò vir hic laudatissimus ultra omnem spem uberrimum produxerit fructum memorato in Patriarcha, me quidem sedulò mediante, atque cooperante, indicatum supra in articulo de Armenia.

Sic igitur Vir optimus à sua Religione & Sede Sancta delegatus, per Turciam iter faciens, devenit tandem in Provinciam nostram Catholicam Naxivan, mense Decembris: quo & ego tunc temporis recenter adveneram, postquam nimirum Regiam Isfahan deserui, ut darem locum iræ & indignationi injustæ Regis, qui, ut supra memini, ad instantiam cujusdam perfidi amici mei, atque affinis, Christo renegati, adversum me mala moliebatur, ut equidem de fide Christi adulterarer, atque Machometi perfidiam amplecterer: quod DEUS Ter Optimus gratiâ suâ impedire dignatus est, volensque me forsan ad ulteriora servare sibi, liberavit de manibus inimicorum, & de omni expectatione plebis Machometanæ. Eram ergo sub id temporis adventus memorati Patris Piscopi degens in oppido principali illius provinciæ Naxivan, quod Abaraner dicitur, cum felicitis recordationis Reverendissimo Domino Matthæo, dictæ Provinciæ Archiepiscopo, ubi unâ præstolabamur adventum duorum Reverendorum Patrum Ord. Præd. P. Azariæ, & Patris Antonij Nazarij (qui successit in locum Patris Gregorij) quos miseramus cum regis licentiâ, ut deferrent litteras quasdam Regias ad Pontificem Romanorum, Romanorumque Imperatorem, & nonnullos Principes Christianos. Tertius enim annus evolvebatur, quo expediti à nobis discesserant: ut proindè avidissimi,

diffimi, & D. Archiepiscopus, & ego super eorum adventu speraremus, audituri responsionem Principum, de quorum favore nostra expedire negotia, pro Christianitate illius Provinciæ, nullis non votis cupiveramus. Sed & aula Regia eos præstolabatur, quatenus horum relatione dirigere se posset circa belli consilium, quod contra Turcas assumere moliebantur: tametsi his adventantibus Patribus nihil responsionis aptæ pro scopo suo obtinuerint; de quo hic mihi nihil dicendum. Advenerat igitur P. Piscopus, ad quem sequenti die Reverendissimus Archiepiscopus, & ego accessimus, de felici ejus adventu congratulaturi

Qui porrò præmissâ nobis veneratione cautè loquebatur cum Archiepiscopo, & singulariter perpauca mecum, ratus infidelem me esse Persam, quem antea personaliter non noverat. Quamvis famam mei, notitiamque ex aliorum dictis habuerit. Undè & ex Archiepiscopo sciscitabatur de me, annè adhuc multum Regiam inhabitem, aulamve frequentem? quomodo item, & quando posset litteras ad me dirigere? Cum illico Archiepiscopus subridens, digito me eidem monstraverat, asserens: Dominus hic, utpotè recenter ad nos ex aula veniens, in hunc finem poterit suadere, consiliumque dare. Statim ergo per interpretem suum, memoratus P. Piscopus mecum loqui voluit, & ignorans mei inquisivit, num notitia mihi sit de quodam Petro Bedick? Iterum autem subjunxit Archiepiscopus: nullo opus esse interprete, quod is, cum quo loqueretur, aliqualis sit intelligentiæ in idiomate italico: quo & delitiosè conversabamur aliquanto tempore, donec Pater optimus mei notitiam obtineret. Postquam autem me nosset, indicavit optare se, convenire me secretiori in conclavi: prout & fecit sequenti die in Ecclesia S. Georgij, in oppido Saltagh, quod per unum distat milliare italicum ab Abaraner, ibi postquam obtulisset Deo missæ sacrificium, conveniens me gratias agebat Deo, quod sperare nunc posset perfecturum se ea, quæ sibi tum à sua Religione sancta, tum à sede Apostolica haberet commissa; cum nempè personam obtinuisset meam actu his in partibus, quam non sperasset existen-

stentem, à quo & instructionem capere possit, tùm praxis, tùm Theoriæ ad conversationem cum populo alieno, & cui aliàs commoratus non esset. Sed & hæc atque similia prima occasione sibi data de persona mea scripserat Romam ad Reverendissimum Patrem suum Generalem Roccoberti, Sacramque congregationem de propaganda. Ego porro debitâ Christianâ humilitate & modestiâ respondebam; plus eum de me vel fama audisse, vel propriâ opinione concepisse, quam in me sit: qui tamen Duce Deo Omnipotente, quantum potuerim, cooperari eidem velim, ut omnia quæ pro Dei honore intendit, & forsân plura, datâ qualibet possibilitate, succedant in partibus his, tùm apud Catholicos nostros, cum quibus principaliter agere deberet, tùm etiam apud schismaticos & infideles, aulamque Regiam, si necesse fuerit: prout & successu temporis id præstatne non intermisseram, ut ex infradicendis patebit. Nec enim (inquebam ei) alium in finem, Pater optime, absumo dies juventutis meæ tot in amaris peregrinationibus, quibus veluti continuè aberro Armeniam passim atque Persidem, nil cunctatus quod inter pericula, contradictiones, insultusque tùm infidelium, tùm schismaticorum, Amicorum imò & Consanguineorum meorum, Genitricis vel maximè, vix tutus evadere possim. Hæc enim, uti satis notum est in hisce partibus, ex quo audivit me esse jam in Perside, dum ipsa commoraretur sub Imperio Turcarum, nullo non modo sollicitaverat mentem meam, maternos multis precibus intexens affectus, ut hunc meum vivendi modum pronus abijcerem, & seposito cælibatû, cum unicus restarem, familiæ Bedick curarem propagationem, statumque matrimonialem arriperem, si non apud se ob tyrannidem Turcarum saltem, in Perside apud consanguineos. Plurimis se hunc in finem fatigabat litteris, excogitans diversissimos modos, quibus hæ securius ad manus meas devenirent. Quin & alias litteras misit præcipuè nominato Principi Armenorum Persidis mihi affini; & Christo renegato, de quo supra: cui insuper per fideles internuntios, haud exiguos sumptus & deposita, me nesciente deferri fecit ut is omnino mutaret mentem meam, & vivendi modum, nec parcat possibi-

sibili medio aut sumptui, curæ seu industriæ. Is porro, antequam etiam fidem abnegaret, trium annorum spatio, in quodam sumptuosissimo suo palatio, me honorificentissimè ut hospitem habuit, atque ut Amicum benevolentissimè pertractavit, nec non ab omnibus suis magno honore affici fecit, quam diu essem in Regia Isfahan ob sanctum illum finem, quem exequi tunc sperabam cum illo, nempe unionem Armenorum Isfahan cum Dei Ecclesia: illo tamen postmodum cæcutiente & Machometanæ perfidiæ adhærente, ut supra dixi, fuit interruptus. Hoc inquam in Tempore homo ille nullis non modis sollicitaverat me ad id, quod per ipsum Mater intendebat: nec tantum per se id agebat versutus, sed etiam per Religiosos & Episcopos Armenos, imo & per nostros Patres qui sunt in Isfahan: singulariter autem per plures Persarum Magnates, per quos mihi promitti fecit, procuraturum se quanto citius, si suæ adhæream intentioni, ut deferantur ex Turcia, non solum omnia mobilia materna usque in Isfahan, quibus pro statu conjugali ut necessarijs, tanquam quidem legitimus & unicus hæres perfruerer, sed etiam velle me authenticis scriptis & de Regis testimonio, suorum, qui penè innumeri sunt, thesaurorum constituere hæredem unicum; cum nulla prole beatus esset, tametsi diebus jam sat maturus. Quod quidem verum est: ego verò de substantia nec ejus, neque Matris adoptavi. Si enim hic corpore moriatur (cum in anima mortuus jam sit) omnium bonorum suorum Regem fieri Hæredem pati debbit, poteritque objici illi, sicut & sæpius ipsi per litteras objeci: *stulte hac nocte animam tuam repetunt à te: qua autem parasti cujus erunt?* atque illud. *Quid prodest homini si mundum universum lucretur, anima verò sua detrimentum patiatur.* Nec ego fucatis persuasionibus & promissionibus, tametsi efficacissimè mihi factis, à sano sensu aberrabam, fortiter & suaviter adjutus divinâ gratia, confidensque in benedictione maternâ sanctæ atque Universalis Christi fidelium Matris Ecclesiæ Romanæ, ac intercessione Sanctorum: quâ fiduciâ fultus has, & similes occasiones persecutionum, & blandimentorum

debita cum generositate superavi, altiora sperans à Domino Deo, in quem credo firmiter sancta fide Catholica Romana. Hæc igitur, & similia de me in Perside, quæ occasionaliter tibi dixi, me aliunde melius nota esse possunt, maximè à prefato D. Archiepiscopo nostro.

Hic enim audiens me in talibus circumstantijs, atque periculis, veluti ovem unicam inter lupos trepidare, tanquam zelusus Pastor & Pater, omnibus Religiosis, & sæcularibus Catholicis Provinciæ nostræ sedulò injunxit, ut unanimiter pro me DEUM Omnipotentem deprecarentur, mihique ab eo solidam in sancta fide Catholica obtinerent confirmationem, & liberationem ex talibus diaboli, carnis, & mundi laqueis: prout & mihi utique ex intercessione fidelium pro me orantium Deus Omnipotens pro sua bonitate concessit, ut securus evaserim, illudque nunc dicere auserim. (a) *Laquens contritus est & nos liberati sumus.* Non alia ergò de causa scias me taliter Peregrinum vivere, nisi ut quantum possum, opere correspondeam obligationi meæ, qua Deo Creatori & Salvarori meo adstrictus sum, sicut & sanctæ Matri Ecclesiæ Romanæ, quæ me ad maternum gremium suum ex pueritia, quasi miraculosè assumpsit, atque in pientissimo sinu per plures annos educavit, multisque benedictionibus, ac gratijs singularissimis, quæ animi quæ corporis dotavit, & locupletavit absque meritis meis. Hoc multiplicis obligationis titulo eveniunt ea, quæ feci, facio, atq; faciam ad usque etiam sanguinis profusionem. Nec deero siquo casu Paternitati tuæ ad manus esse possim, pro Dei gloria, sanctæque Ecclesiæ suæ exaltatione, in partibus his peregrinis, si modò discretio bonitasque tua & indoles virtuosissima me dignata fuerit habere cooperatorem: quem & in finem unâ cum religiosis tuis, mei in sacris precibus & sacrificijs feceris recordationem. Similibus ergo præfata in Ecclesia colloquebamur & paratum animum in mutuos labores explicabamus, nullo non exorto solatio in corde memorati Patris, qui non modicam fortiretur indè satisfactionem spei suæ, quam optime de me conceperat; quæ ut pariter ultra non frustraretur, sedulè

(a) *Psalm. 123. v. 7.*

sedulè uterque ac zelosi, & indefessi manus posuimus ad aratrum.

Itaque elapsis paucis diebus, convocari fecimus omnes Seniores Religiosos Provinciæ, ut convenirent in oppido Arabaner. Quorum & in præsentia publicè in Ecclesia prælectæ sunt patientes Patris, quibus omnes unanimiter debitum præstitère assensum, veneratique sunt voluntatem supremam superiorum Religionis suæ. Cæterum diabolus, cùm sit boni communis inimicus, non distulit per imprudentes aliquos sæculares, imò & Religiosos seminare odium atque zizania illa in Provinciâ, post adventum Patris hujus peroptimi; maximèque invertere studuit animum supramemorati Reverendissimi Domini Archiepiscopi Matthæi. Hic enim ante adventum dicti Patris Piscopi, possidebat Dominium totale, & absolutum quasi, nedum super gregem suum & populum, quin & super omnes conventus & Religiosos Provinciæ, per singularem commissionem sibi datam à piæ memoriæ Ordinis sui Prædicatorij Generali Joanne Baptista de Marinis. Cùm verò præfatus Pater Piscopus accessisset, deferens commissionem longè solenniore à Reverendissimo P. Roccoberti sui temporis Generali, limitabatur authoritas Archiepiscopi. Quod, ut dixi, ad instigationem quorundam imprudentium nonnullas causaverat tergiversationes, memoratumque Reverendissimum Dominum Matthæum rei causam ægrè ferre contigit; ut proindè multa jam orirentur factiones in Provinciâ; quibus formidari poterat, totaliter perturbandum & invertendum esse finem sanctum, quem P. Piscopus per tam longinquum iter, & incommoditates zelosissimè prosequi studuerat, indeque & frustrandam omnem expectationem Superiorum, qui non nisi uberes fructus ex sudore memorati Patris securissimi præstolabantur. Erat enim Archiepiscopus aliundè sat potens in partibus illis, multique nominis, atque authoritatis tùm apud Catholicos, tùm apud schismaticos & infideles. Resciverat porro brevi tempore stratagemata diabolica prudentissimus P. Piscopus, quæ passim jam machinarentur; magnoque cum mœrore, atque tremore mihi desuper conquestus est. Ego verò eundem

dem consolatus, Dei favorem, & sanctæ Ecclesiæ benedictionem allegabam; nihil proinde periculi fore, curaturumque me sedare omnia iniquitatis consilia in animo Domini Archiepiscopi, quippè quod hic cœteroquin vir esset pacificus, modestus, mihiq; familiarissimus. Undè & post dies aliquot eundem Reverendissimum Dominum conveneram, conferens cum illo quæ justè & rationabiliter in illis rerum circumstantijs conferenda erant; animumque Archipræsulis per Dei gratiam ed disposui, ut totaliter omnino desereret consilia ea, quæ conceperat per fucatas & passionatas aliorum imprudenter insultantium rationes. Qui porrò & posteris temporibus incepterat nullis non modis sincerè diligere, atq; honorare Patrem Piscopum, ex quo magna nostrorum Catholicorum consolatio, & multa schismaticorum atque infidelium ædificatio exorta. Tali imò afficiebatur Archiepiscopus animo ad memoratum sapientissimum P. Piscopum, ut post aliquos menses, cùm ipse Archiepiscopus ob urgentia negotia in patrocinium gregis sui pertractanda ire cogeretur ad aulam Regis in Gazwin, non alium, quam memoratum P. Piscopum reliquerit Vicarum, & suæ Præsidem sedis Archiepiscopalis. Quam & memoratus Pater, faventibus superis, & me consilijs cooperante omni cum laude & satisfactione Catholicorum schismaticorum & infidelium administravit imò & erexit, non solum donec Archiepiscopus in Gazwin viveret, sed & dùm ibidem mortuus esset, posuissetque ut Pastor Evangelicus animam suam pro ovibus suis. Elapso porro anno, ex quo P. Piscopus venisset in Provinciam, redièrè pariter expectati illi duo Patres cum responsorijs ex Europa, quos jam enixè præstolabamur cum piæ memoriæ Archiepiscopo Matthæo tunc defuncto.

Hi pariter convenère me sciscitantes, quid faciendum esset cum litteris Christianorum Principum, cum caput & superiorem in vivis non haberent, mortuusque esset ille (Archiepiscopus nempe) qui eos cum Regis litteris sibi consignatis ad Europam dimisisset. Quibus ego respondi, dignas Deo dandas esse laudes, quod sancta Mater Ecclesia Romana, sicut in alijs difficilioribus casibus

casibus nos, populumque nostrum non deseruit Orphanos, per instinctum divini spiritus omnia prævidentis, & providè insuflantis, sic & hoc in casu providè pro interim destinârit, tanquam dignum caput & superiorem Catholicorum, Pastoremque Christi ovium, memoratum pientissimum Religiosum, P. Piscopum Neapolitanum. Huic ergò & illi, & Seniores Religionis Sanctæ, omnisque Catholicorum populus, concredendas sentiant litteras illas, atque per eum ad aulam Regis deferendas. Quod quidem ego commodiùs (ajebam) disposuero, si desideretis ad juvare populum vestrum afflictum. Consilium meum tamen si in se proficuum, prima tamen fronte videbatur durum Patribus dictis, ex multiplici quidem capite. Primò, quod nulla in litteris sibi commissis haberetur mentio de nomine hujus Patris. Secundò innotuit omnibus (inquirebant) penè Principibus & circumvicinis inimicis nostris, qualiter jam annus elapsus sit, ex quo Pater iste nostras devenerit in partes, cum alio quidem caractere & fine. Qui porrò ubi nobiscum cum litteris accesserit aulam, videbimur quasi illusores, & deceptores deridere eam, atque ita nos nostrumque populum periculo exponemus, & infallibili Regis indignationi. Hac ergo conditione cum memorato Patre ad aulam Regiam non; expedit ire, nisi saltem tecum; ut ad me inquirebant: allegantes, qualiter ego, dum piæ memoriæ Archiepiscopus eorum recenter defunctus venisset ex Roma cum litteris Clementis Noni ad istum Regem, ego pariter essem cum illo in itinere, atque intimus quidem illius; qualiter item, dùm expedirentur litteræ Regis ad responsionem illarum, quo modo, tempore vel occasione, id ipsum commodius fieri deberet, ego Archiepiscopo notum fecerim, imò & eas iisdem nomine Regis, cum præfato D. Archiepiscopo, consignârimus. Ergo non cum omninò alieno hoc patre, qui & nullus est de Regis aula notitiæ, negotium litterarum assumere concedet, sed per te utpotè conscium omnis negotij pertractandi. Ego verò his eorum dubitandi rationibus rursus objeci. Putatis ne esse me Amicum vestrum, & pro bono Christianitatis zelatorem? Cumque id promisissent. Facite igitur, inquebam,

bam, quod vobis consilio præstiti, neque est cogitandum de me hac in circumstantia & vice, qua in promptu est præclarissimus vir iste Europæus, & vicesgerens etiam vestri Archiepiscopi, qui & juxta innatam sibi prudentiam & virtutem procuraturus est, quod expeditionis est litterarum à vobis delatarum; me interim hic cooperante. Non enim est, dùm vobiscum ire recusato, quod fugiam laborem, aut honorem, sed quod respiciam hac in circumstantia majus bonum Christianitati emerfurum. Etenim ubi vos iveritis cum memorato Patre in aulam Regiam, ego hic in Provincia vigilare potero, ne Principes circumvicini, & singulariter ipse Princeps Naxivan seducat mentem simplicis populi nostri; proindè & supplicationem expediat ad aulam Regis in favorem illius, adversum verò vos: & me obtestetur, atque ita Provincia tota rursùm cadat sub manus Tyranni illius, nullâ illi quâ virtute, quâ prece eripienda. Sed & notum habeo gratum fore Persis, nec minùs vobis utile, atque conducens, quod cum diversis litteris accedat ad eorum aulam Europæus quidam, tantis bonæ mentis qualitatibus præditus, omnique prudentia & discretionem refertissimus, vir præsentia senioreque spectabilis. Superare me posse confido favente DEO, quas metuitis vobis occursuras in aula difficultates: Vos tantundem sincerè estote dispositi, fideliterque cum eo conversemini, agnoscentes eum ut legitimum pro nunc superiorem vestrum, non solùm in his, in quibus jam ex jure est, sed & in hac comprimis Legatione. Cœterùm cum res Provinciæ Vestræ, per hujus viri negotiationem aliquantulum melius se habuerint, quod nullus non spero; tunc equidem cœlo propitio tentabo unacum illo reverti in Europam, inibique conditionem vestram potissimum Romanorum summo Pontifici & Imperatori Augustissimo, cui semper devotissimè servire intendi, exponere.

Tandem verò resolvère se, patres memorati, promiseruntque præstituros juxta meum consilium: quos & disposui, ut die Dominica futura ante sacrum cantatum cum senioribus Religionis & populi venirent ad memoratum P. Piscopum, illiusque litteras deferrent, rogantes, ut hoc oneris genus pro Christiani-

stianitatis bono benevolus in se suscipiat, atque in aula Regis negotia pertractanda aggredi non gravetur. Cum & interim dictum Patrem disposueram, in his in quibus aliquali opus esset dispositione, quod pariter ipse quasdam suas allegaret difficultates, & scrupulos magis Religiosæ conscientiæ: quos ei saniori consilio excussi, atque ad negotium tantum pro Dei gloria & Ecclesiæ sanctæ honore, utilitateque afflictæ Christianitis obeundum persuasi. Undè & acceptavit benevolus litteras, & prono deferentium affectui reciproçâ sese obtulit charitate, operaturumque promisit, quantum pro posse atque virtute sua valverit. Facta sic acceptatione omnique negotij tanti confirmatione securiore, solenniter missa decantabatur in Ecclesia Abaraner: quâ peractâ eos qui congregati erant in eodem conventu, solenni prandio tractavi, honorem Dei, sanctæ Ecclesiæ Romanæ fidem, & fidelium omnium consolationem potissimum inculcans. Patrata sunt lætitiæ in seram noctem, præcipuè à quibusdam Regis ministris Amicis meis, quos de industria, ut convivio & conversationi nostrorum interessent, citatos feci; qui & aliqualliter mero calefacti sæpiusculè propinaverant Europæo modo Patri Piscopo detectis, etiam capitibus & signantes se Crucis signo, in salutem Pontificis Romani & Romanorum Imperatoris; imo & dicentes: faxit Deus, ut illi ex Occidente, & nos ex Oriente debellemus tandem communem Hostem nostrum, universamque abjectam Turcarum gentem, atque ita magis convicini facilius forsan & fide jungamur. Optimus autem P. Piscopus, cum non esset assuefactus hilari atque affabili discursui & Policiæ Persarum, summè admirabatur, & nonnullâ lætitiâ contentus assidebat.

Post duos ergò dies illico cum diversis litteris Cursorem expedivi pedestrem ad diversos amicos quâ Christianos quâ fideles, qui cum aula Regia erant in Gazwin, maximè ad primum ministrum Sciech Hali Chan, de quo alibi dixi: ut his notum præviè esset, qualiter jam duo Patres, quos dimiseramus cum Domino Archiepiscopo Matthæo, deportantes litteras Regis ad Europam, defactò sint apud me cum Responsorijs suis,

cumque non sit in vivis Kalifa scilicet Matthæus Archiepiscopus, sed ejus vices obeat Pater quidam Europæus ex Roma specialiter missus ad has partes propter negotia hujus Provinciæ, vir & sanguine & fama doctrinæ præclarissimus, omnique prudentia apud Romanos æstimatissimus; is utique ad Regis aulam eandem responforias deferre poterit, illique omne, quod Aula fors cum Romanis intendit communicari: prout & hunc in finem litteræ eidem ab illis Patribus me mediante jam sint consignatæ. Placeat proindè Regi & Sciach Hali Kan, ut memorati Patres saltim ad solennitatem Novruz Aulam accedere audent, & Regia limina venerari. Id quod pluribus rationibus valdè inculcavi amicis, quatenus procurarent ingressum hujus Patris ad aulam, utpotè valde necessarium in hac occasione & circumstantia, sicut & per Dei gratiam post quinquaginta dies sortitus sum nuntium desideratum, ut accederet ad Aulam Regis Piscopus tanquam Legatus Pontificis: hac tamen conditione, ne forsan sit mercator, aut alicujus alterius impertinentis ad hoc munus conditionis, quodque non fuerit temere, aut illegitimè substitutus illi Kalifa, nempe Marthæo Archiepiscopo defuncto. Cui quidem Persarum dubio sub pœna criminis lesæ Majestatis Regiæ securitatem præstitit Dominus Azarias Avac zelotissimus Catholicus noster in Perside de quo in præcedenti articulo mentionem fecimus, qui & tunc temporis aulæ intererat ob propria negotia districtus sui & dominij, quod habet prope civitatem Eravan, multosque super eo sustinet æmulatores.

Habito porro desideratissimo nuntio, & dispositis pro itinere disponendis, post quindecim dies cum illis duobus Religiosis, & alijs tribus honoratoque sæcularium comitatu discessit P. Piscopus ex Provincia Naxivan ad Gazwin, idque in die valdè notabili nempe, Purificationis Dominiæ nostræ festo, quo ipse in Ecclesia Abaraner solenne cantârat sacrum, & benedictas populo distribuerat candelas, paternèque & affectuosè exhortatus erat Catholicos, sperarent quantotius firmiter in divino auxilio sanctæque Matris Ecclesiæ Romanæ benedictione, & orarent seduli pro sanctissimo Pontifice, Romanorum Imperatore, alijsque
 Prin-

Principibus Christianis Europæis, quorum & solatio atque protectione, tametsi inter infideles etiam existant, minimè sint desituendi, uti ex ipsismet, quas nunc ad Regem delaturus esset, litteris contestatutum habeant. Sic ergo valedicens, seque suosque socios precibus devotissimis omnium recommendans Ecclesiâ exivit.

Qualis verò tunc consolatio, quantâque ex omni populo utriusque sexûs undique congregato, proindè & numerosissima exorta, sit vix calamus describet. Tripudiantes enim manus elevabant in Cœlum, paudebant, suspirabant, optabant, & precabantur altâ voce inclamantes ad Deum cœli, ut is divina bonitate sua benignissimè dignetur retribuere Pontifici Romano Patri summo ac Pastori suo, sicut & Augustissimo Romanorum Imperatori Cœterisque Principibus Christianis, qui dignarentur eos tanquam infima & infirma Ecclesiæ Dei membra in tantum fovere, atque protegere brachio suo potentissimo apud infideles, prout & modo dignati sint. Neque minori Jubilo felix iter apprecabantur discedenti Patri Piscopo, & comitatu suo, id mille votis exoptantes, ut quidpiam pro omnium Catholicorum solamine sanctæque fidei Catholicæ defensione præstent & exequantur.

Sumpto dein modico jejentaeulo cum suis iter suscepit, quem & ego multo Amicorum fidelium, imò etiam infidelium numero stipatus, cum omni splendore comitabar per septem milliaria Germanica usque ad Araxim fluvium, ubi tandem invicem valedixeramus: egoque id ipsi privatim adhuc singulariter inculcaram, ut omnia, quæ succederent, vel de suis, vel de aliorum negotijs in itinere pariter & Aula, ad amussim notaret, & per frequentes Cursores pedestres, qui in Perside inveniuntur plurimi, velocissimi & fidelissimi, certiora faceret: prout & hunc in finem hujuscemodi jam duos constitueram Cursores, qui alternatim irent redirentque, haberemusque semper ego de ipso, atque ipse de me aliquid novi & certi: sicut & per Dei gratiam observavimus. Porro ne ultrò me detineam singillatim narrando omnia, quæ acciderant hoc in itinere memorato prud-

dentissimo Patri Piscopo honoris & humanitatis officia, ad quæ Deus omnis boni Author cooperatus est, utque taceam maiores pariter multos atque sinistras opiniones, quarum utcumque Dæmon inventos atque faber, quibusque donec haberet audientiam, nonnunquam vexatus est, breviter omnia promam ex ipsomet Patris delegati calamo, prouti in primis litteris ex Gazwin ad me datis & singulariter inter cœteras à me observatis recensuit: sic enim se habent.

*Al Nobilissimo Armeno Persiano Padrone Offer-
vandissimo Signor Pietro Bedik*

Carissimo in Christo.

PEr la Dio gratia sono giunto con compagni in bona salute in Gasbin alli 9. del presente (qui erat Martij,) e alli 12. fussimo introdotti con ogni honore alla presenza del Rè restando al suo pranso, avanti del quale richiamato di novo in sua presenza con faccia allegra mi domandò come stava il Papa, & altro in presenza di tutta la Corte grande, e speramo di far qualche cosa di bene per questi nostri Catolici, se Dio ci concederà pace frà di noi, mentre che il Demonio fa l'officio suo essendo stato Profeta prima di partire, mentre, che hò cresciuto il serpe nella manica, come si suol dire per proverbio, sapienti pauca &c. Sin hoggidì non s'è potuto negoziare cosa alcuna stante nel lutto, che si ritrovano questi per gli loro antecessori, che finirà Domenica (de quo funere Persarum nos alibi diximus.) Speriamo per alcune congetture esser breve di ritorno à Dio piacendo. Favorisca, se saranno nostre lettere d'Italia, conservar le appresso di se, e non inviarle. interim augurandogli felicissime,
come

come anco à tutti i Catolici nostri, queste sante Feste di Pasqua, pregando il Signor Dio benedetto, che gli dia vera consolazione, esortando tutti à pregar Sua Divina Maestà per le mie infermità così spirituali, come corporali, come anco prego VS. insieme con Frà Raimondo. Da Gasbin 22. di Marzo 1675.

Di VS.

Devotissimo in Christo
Frà Francesco Piscopo.

Indè colliget Lector Amicus atque Prudens, qualiter Deus prosequens vota suorum, pijsque Catholicorum Provinciæ illius precibus annuens singulari prosperitate beaverit præfatum Patrem, ut adeò citò tam superbi Monarchæ fortiretur aspectus humanissimæque ab eo audientiâ susciperetur: quod equidem, quippè insolitum omninò Persis, magnam tum in Aula, tum apud cæteros causerat admirationem, insimul & magnam venerationem memorato Patri & suis. Dæmon autem boni omnis osor, quale & notabile præviderat causandum per Patrem præfatum, invidiâ tentârat, aut vituperabilis cujusdam actionis suspitione perturbare mentem cujusdam sociorum, suscitareque tantam displicentiâ & discordiam, inter eos; ut mihi multum condolenter dictus Pater Piscopus de ea conquereretur: eamque Romæ auditam esse non sine magnâ superiorum displicentiâ intellexi. Dum vero altiora erant Dei, quàm Diaboli consilia, curavimus uterque, quantum in nobis erat, quàm cito discordiam illam silentio sopiri, expeditivique illico Cursorem singularem cum requisitis ad hoc litteris, sed & duos principales Catholicos nostros cum quodam ejusdem Ordinis Prædicatorum Religioso, hortans eos sedulo, ut omninò scandalosæ dissensionis finis imponeretur, observeturque loci & hominum, apud quos degerent, circumstantia, prout & ponderari, quod durante tantæ rei negotio hujuscemodi machinamenta non nisi à Dæmone subministrantur,

tur, ejus intentio eſſet, ſalutarem bene cæpti operis machinam invertere. Factum ergò, quod non, Dæmon ſed Deus intenderat. Pacificè namque ſocij convenientes, tum inter ſe, tum cum P. Piſcopo, modèſtiâ erant intuentibus ædificationi, prout eis dùm in Provinciâ adhuc exiſterent, ſedulò inculcabam, & charitate mutuâ ſibi invicem in ſolamen, prout inter infideles ordo quâ prudentiæ quâ pietatis exigebat. Indè & ſucceſſum ſuum obtinuerè emolumenta multâ conſiderationis pro noſtris, quæ hic amico lectori breviter cenſui edicenda.

Diximus articulo ſuperiori, Catholicam hanc noſtram Provinciam Naxivan antè aliquot annos in gratiam Pontificis Romani factam Chas, id eſt ſpecialiter & immediatè ſubjectam Regi, immunem vero ab alterius cujuſcunque peculiaris Principis Jurisdictione, qualiter olim non erat. Undè ſubditi hujus Provinciæ hoc gaudent beneficio, ut ex ſuis habeant Principales in dominio directores, ipſique inter ſe tributa & jura Regis annua exigant atque congregent, deferantque ad Aulam, & conſignent primo Regis Theſaurario juxta terminum dieſque ſibi præſcriptos, poſt ſolennitatem Nouruz quod quidem ita infallibiliter præſtare tenentur, ut ni præſtent, incurrant pœnam Dinare du dinar: id eſt quod pro uno tributi quanto, hoc v. g. anno non perſoluto, ſequenti penes ordinarium dare teneantur aliud. Rigoroſa porrò conditione hac uti ſolent Politici Perſarum, ne ijs quos ſibi tamen ſubditos aliququaliter volunt, videantur omninò laxaſſe habenas, & plênariè eoſdem gratuitâ immunitate libertati tranſcripſiſſe, unde beneficiorum abuſus, derogatio Jurium Regionum, aliæque inconveniëntia non rarò contingere poſſunt. Sicut & contigit antecedentibus temporibus, quod Catholici noſtri hujus Provinciæ, vel per ignorantiam, vel per deſidiam, à ſex annis continuis Regi tributum partependere omiſerint; unde juſtè incurrerant præſatam pœnam, atque ex jure legis illius obnoxij erant perſolvere mille quingentos Tuman, qui numus juxta monetam Europæorum continet ſexdecim Imperiales. Quod & indicatum à Miniſtris ad colligenda tributa & jura regia deputatis primo Regis theſaur-

ſaurario Nomine Aga kafur, nigro cuidam Æthyopi Eunuchō
 de quo alibi mentionem fecimus: qui porrò juxta obligationem
 muneris ſui, magnumque obſequij ſui zelum, quo inceſſanter
 diu noctuque juribus boniſque Regijs invigilat, curavit omninò
 Commiſſarios expediri cum decreto Regio, ut conſiderabilem
 hanc pecuniarum quantitatem illicò à memorata Provincia exi-
 gerent. Cœterum ut prudentiſſimus Æthyops diſcretè & hu-
 maniter in hoc procederet cum Catholicis, & Romani gratiam
 Pontificis aliquomodo obſervare videretur, noluit tale decre-
 tum fieri, tenore cujus ſimul & ſemel omnis pecuniæ ſumma exi-
 geretur unde irreparabilis oritura fuiſſet perditio pauperculo-
 rum Catholicorum, ſed ut miſſis ſucceſſivè commiſſarijs per de-
 curſum unius anni perſolvere tenerentur. Poſtquam ergo pri-
 mus adveniſſet Commiſſarius notificans cauſam ſuam & Regis
 decretum, ac exigens quadraginta Tuman, idque in oppido
 Chirna ubi & me invenit, & legendum mihi Regis decretum
 exhibuit; blandè eum & humiliter adhortabar, haberet tan-
 tiſper patientiæ quiddam cum populo, ſaltem per menſem unum,
 qui dein exactiſſimè juſtiſſimum Regis mandatum exequi cona-
 turus ſit. Is autem tantum expectare ſe poſſe recuſabat, addens,
 quod poſt ſeptimanas aliquot venturus ſit Commiſſariorum
 alius, qui rurſum præſcriptam ſibi à Theſaurario Regis exactu-
 rus ſit quantitatem. Ego tamen per ſas aut neſas curavi pau-
 perculos hanc tributorum penſionem diſferre uſque quinqu-
 aginta dies, cujus decurſu temporis, adpromiſeram, reſponſurum
 me ſuper hac penſionis retardatione dicto Agakafur Theſaura-
 rio, qui tunc, utique DEI inſtinctu, ſpecialiter mihi per dictum
 primum Commiſſarium ſalutem indicârat, quamvis ipſum
 Commiſſarium non nôſſem, nempe unum ex Centurionibus
 Aulæ. Illâ ergo die ſubitò litteras expedivi, atque per duos no-
 ſtros Catholicos Reverendiſſimo Patri Piſcopo in Gazwin tranſ-
 miſi, exhortatus eundem, ut omni modo curaret habere audien-
 tiam coram Rege, ſaltemve libello interveniret ſupplici, quo is
 exoratus in gratiam Pontificis Romani, & Romanorum Impera-
 toris, cœterorumque Principum Chriſtianorum condonet Pro-
 vincię Catholicę id, quod Theſaurarius Æthyops (tameſi ju-
 ſtiſſimè

stissimè) per Commissarios exigi fecit. Scripsi & nonnullis in Aula amicis, ut hoc in passu adjuvarent Patrem quantum possibile foret, veritus, ne maxima contingat Catholicarum animarum perditio, sicut olim contigerat tempore perfidi illius primi Persarum Ministri de quo dictum articulo præcedenti.

Habito licet hoc urgentissimo & amarissimo nuntio, Pater optimus audientiam tam subito procurare sibi nequivit: unde scripserat libellum supplicem juxta formam quam ei in litteris indicaveram, italico quidem idiomate. Hunc porro primo Regis ministro commisit, qui volens contentum indagare, cum linguæ præfatæ nescius esset, subridens ajebat, nec se, nec Regem suum hanc nōsse linguam. Fortassis autem (inquiebat) Legatus volet indicare nobis singularis quidpiam considerationis per hanc linguam suam, quæ nobis secretior est. Unde illam ei cum uno ex suis intimis Ministris remisit, ut hic in conclavi interpretaretur libellum supplicem juxta Persicum idioma, sicque interpretatum sibi deferret, quem ocyùs Regi tradere vellet, prouti & fecit. Ubi porro supplicationem primus Minister legisset: multum (inquit) bonus hic Legatus desiderat, per quod justissimo Regis derogatur juri. Deserebat nihilominus eam ad manus Regis, narrans ei curiositatis gratiâ, quomodo antecederet misisset Legatus supplicem in lingua Europæa: quod Regi maxime placuisse referunt, eundemque magnum zelum illius de bono suorum plurimum laudasse. Jussit ergo immediatè Rex acciri sibi Thesaurarium Kasur, à quo & interrogârat; ecquidnam ipse de Provincia Catholica exigeret, qui porro responderat Jura se Regis exigere. Rex autem subjunxit. Tale econtra jus nostrum in gratiam Romani Pontificis & Romanorum Imperatoris, aliorumque Principum Christianorum, ad instantiam Legati Europæi non quærimus à populo Francho (sic & appellant Catholicum) Tu ergo Jus hoc nostrum ultra ne quæsieris ab eis, putans quod ex oceano nostræ liberalitatis & abundantix bonorum sola gutta exhausta sit.

Aliud insuper de Regia sua autoritate expediri decretum fecit super condonatione summæ prædictæ, adjectâ quidem illâ

verbo:

verborum forma, quâ ad Thesaurarium suum locutus erat: quod & subito expeditum est, atque originale illius traditum. Provinciæ memoratæ. Obtinuit autem & hujus decreti copiam authenticam Reverendissimus P. Piscopus, quam secum Romam detulerat cum cæteris notabilibus. Neque exiguam causârat existimationem Persis de memorato Patre, quod tam felix & gratosus fuerit in oculis Regis. Dic sodes Lector, num hujuscemodi generosa liberalitas non summâ laude sit celebranda de Principe quodam Christiano erga suos, taliter equidem in jura sua prævaricantes? & verò quantæ nunc laudis est in Monarcha superbissimo & infideli erga humiles sibi subditos Catholicos, tametsi etiam adversus legem prævaricantes.

Ne porrò Commissarius in spatio quinquaginta dierum perperam advenisse videretur, atque otiosè in Provincia commorari, curavi, ut indies aliquid ea contribueret, donec aliquam ex aula fortiremur resolutionem. Atque evolutis jam quidem diebus illis, en per Dei providentiam accedunt duo illi Catholici nostri cum aulico quodam ministro, favorable illud & Clementissimum Decretum asportantes, cujus tenore non solum Commissarius redire ad Regiam poterat, sed & omnia quæ à Provincia acceperat ad meam petitionem rependerat. Cœterum ne imposterum Provincia esset exposita periculo simili, atque subjecta pœnæ Dinaræ du dinar; curavi cum populo illius, ut darent quantocyus unanimem consensum mediante me, Reverendissimo Patri Piscopo adhuc in aula existenti, quò una flagitabamus, ut is ibi procuraret, Provinciæ memoratæ protectionem committi supramemorato Himirze Hibrahim, de cujus affectu & benevolentia, quantum nobis constiterat, tantum & præsumpseramus. Habito autem tali consensu populi in scriptis, misi cursores cum litteris meis & illius ad memoratum P. Piscopum; qui instantè & sedulò apud Regem egerat, ut Provincia esset sub cura memorati Vezirij, maneretque immunis ab illa pœna Dinaræ du dinar, sicuraque à frequenti insultu Principum circumvicinorum. Tanta porrò erat felicitas agendi memorati Patris, ut intentionis nostræ fortiretur finem, atque de regis gra-

tia benignissime concederetur, quod petebatur, statuto de hoc commodo omninò Christianis nostris decreto ad Vezirium memoratum, ipso adhuc P. Piscopo in aula existente. Authenticam hujus decrerì copiam ipse Himirze Vezirius ex Residencia sua Taurez mihi misit per Mareschallum suum aulicum quemquam Giorgianum renegatum quidem, nomine Beh-Zad Begh, cum quo eam indicarem Provinciæ, illique eo præsentè, Regis gratiam & Clementissimum animum declararem, quo in gratiam Romani Pontificis, Romanorum Imperatoris, & Principum Christianorum, ab omni adversitate eos protecturum se asseverabat. Huic porrò Vezirio in residentiâ suâ Taurez, dum eò usque obviam venissem, P. Piscopo ex Aula Persarum reduci, ego, & Pater memoratus non distulimus obsequia nostra deferre; unde & tunc unâ visitavimus eum, ad debitas ei reddendum gratias de benevolentissimi animi sponzione, exorantes pariter, ut meliori quo posset modo, recommendatam sibi habeat pauperculam provinciam populumque afflictum, ne hæc impofterum sub tempore absentia nostræ pateretur. Ipse verò totali humanitate & munificentia tractavit nos, plura adpromittens se Christianis nostris præstiturum, quàm nos speraremus. Quamvis jam rursus in absentia nostra quædam orta sit nova tribulatio Provinciæ, cujus tamen origo mihi ignota; licet veritas tribulationis hujus mihi relata sit à duobus Patribus Ord: Præd: Religiosis, qui de illa erant Provincia, & nuper ex Roma abeuntes, Viennæ me accefferant, notificantes id, quod audierant de malo statu Provinciæ dictæ. Qui & Clementissimam obtinuere elemosynam de liberalitate ac munificentia Augustissimæ Majestatis Cæsareæ, revertentes tunc, Mense nempe Majo, Apostolico modo ad lares suos proprios, ne afflictâ illa & desolata Christianitas pateretur fors penuriam sacerdotum. Ast ad scopum nostrum revertamur.

Cùm memoratus P. Piscopus omnia felicissimè in Gazbiâ cum suis per Dei gratiam peregisset, magni apud omnes Nominis inaudijt: ut & secunda vice ad Regis mensam invitaretur, cui quidem interesse debuerat Nepos magni illius Tamrazij olim poten-

potentissimi Principis Giorgianorum, & defensoris Christianæ fidei Zelosissimi: qui acerrima gessit bella cum Persis tempore Regis Habas primi, potentissimos sæpè hujus destruens exercitus, ut interfectorum etiam ossa propè Giorgiam cumulatim adhuc hodiè videantur, acsi colles essent montium, quamvis tandem per intestina bella, quæ quidem excitaverat versutia Habasi, coactus fuerit reconcilare sese cum Persis, agnoscereque illorum Regem ut suum Superiorem, salvâ tamen suâ, & suorum Christiana Fide. Hujus ergo ex Filio Nepos, de quo nobis hic sermo est, nomine Heraclius, mortuo parente Daut-Kan, unacum Matre confugit ad Moscovos, ubi per aliquot annos moratus erat. Mortuo verò avo vel quod displiceret aula Moscovitarum à quâ tamen honorificè habitus est, atque amatus à Patre hodierni Zari, vel quod dulcis erat amor patriæ, internuntio Persarum, qui tunc Regis Persarum nomine in Moscovia erat, Georgio Lusigh mihi aliundè noto, fideique Catholicæ Amatore, exposuit Persarum Regi mentem suam, qua redire in Persidem cogitaret, si primo illæsa sibi fides Christiana, secundò vita, tertio & status suus redderetur, hæreditarius in Georgia qui dicitur Cachet, ab Antiquis autem quâ græcis qua latinis Cholchides, regio amænissima ac fertilissima, cujus & habitatores Christiani, tametsi schismatici, sunt, viri tamen bellicosissimi. Huic ergò cum à Persarum Rege quo ad prima duo puncta affirmativa esset denunciata, servataque pro regio arbitrio resolutio tertij, festinavit illico Princeps juvenis, contradicente etiam Moscovitarum Zaro Michaële, & Genitrice sua, quæ omnino in Moscovia mansit, migrare in Persidem: (prudenter ne, an imprudenter parùm moror, quamvis de secundo magis censeam) & accedens ad aulam Persarum magno cum comitatu Giorgianorum humanissime susceptus est: sequentique die missum ei à Rege tentorium quoddam seu Castrum pretiosissimè elaboratum, quod vocant Saiphan, ingens & pretiosum, ad usque tria millia Tuman: ornatissimus item equus, pretiositate sua & ornamentorum, castris precio non impar, & rarissima quædam Vestium Regiarum mutatio, sicut & quinque millia Tuman in parata pecunia:

cunia: statutumque insuper, ut quolibet die darentur sex Tuman pro sumptu aulae suae; specialiter autem duodecim paropsides ingentes aureae pro ferculis, & illae quidem ex paramentis mensae regiae. Cum porro hic ad audientiam à Rege admitteretur, olfacere oportuit eum Regalem superbiam atque fastum, cum Rex eidem dextrum pedem ad osculandum obtulisset, quem & pronus osculatus erat Heraclius, exinde jam non tam hospes, quam quasi captivus. Isto igitur die motu proprio Rex praesentem habere voluit Reverendissimum P. Piscopum, quem ut Romani Pontificis Legatum habebat, volens forsitan sic ostendere specimen singularis beneficentiae, quam suus parens habuerat erga Christianos. Unde dictus Reverendissimus Pater exemplari modestia, honorifico tamen incessu, in solito Religionis suae habitu, praeterquam quod desuper chlamydem quandam gestasset sericeam violacei coloris cum Zobolis, ut vocant, ab intus, honestè atque pomposè comparuit, ne omninò ut abjectus haberetur à Persis, videreturque vilipendere Persarum Politiam, qui etiam Regios obtutus venerari solent selectiori incedendi modo. In capite verò gestarat birretum Magistrale seu Clericale nigrum, quod non exiguae erat curiositatis in oculis intuentium, quippe quòd hi talem modum caput tegendi non viderint. Mensa ceteroquin sicut Regia, ita & lautissima erat, qua biberat Rex cum Heraclio è cornibus buccinisque bubalinis more Giorgianorum ut alibi diximus; Pater verò Piscopus ex vitro more Europæorum, ut ipsemet p. m. mihi referebat. Sed & retulerat idem Reverendissimus Pater, qualiter memoratus Heraclius per quandam dilectum sibi P. Cappucinum Antonium Rufinum, per plures annos Zelosissimum Missionarium Giorgianorum, mihique in quibusdam commilitonem indicaverit, habere se animum proclivem ad fidem Catholicam, & perlibenter accedere velle dictum Reverendissimum Patrem, si mos Persarum non contradiceret. Tametsi enim Persae hospites suos & legatos non excipiant speciali militum custodia in domibus suis, id tamen cautissimè observant, ne unus hospes accedat alium: imò neque ipsi Persae Hospites accedere audent & Legatos, nisi de rationabili causa,

& cum speciali Regis gratia, comitante Meh- mandarbasci. Cœterum bonus ille Heraclius anceps moratur in Persarum Aula nesciens quid de se ultra futurum sit. Ejus verò mater, dum per Moscoviam iter facerem, mihi plurimum de eo collocuta est, cui & consignavi litteras quasdam, quæ erant in manu mea ab ipso unico filio suo; quæ quamvis esset Heroïna animo, nihilo-fecius tamen per integram fermè horam amarissimè flevit, diversissimè sciscitata de statu filij sui, & præcipuè de fide ejus. Cui porrò ego retuleram quæ mihi fideliter de eo relata erant. De quo brevitatis causâ Heraclio hæc aliqualis Curioso Lectori notitia tanquam de antiquo quodam reliquio Christianæ nobilitatis in Oriente existentis occasionaliter dicta non sint ingrata.

Denique elapsis quibusdam post hoc Regis Convivium septimanis primus Minister Sciech Hali Chan de speciali mandato Regio pariter invitarat Reverendissimum P. Piscopum, eundemque splendidissimo convivio exceperat, contuleratque cum illo, quæ conferenda erant. Quamvis solennitas sine vino esset, quippè cujus, nescio quo fato, insensissimus est inimicus dictus Dominus: præsentibus tamen alijs omnis generis diversis liquoribus pretiosis & confortantibus, adeo ut magis hi liquores ar-riserint memorato Reverendissimo, quam generosissima vina Per-sarum Regis, ut ipsemet summâ cum admiratione & satisfactione mihi dein narrarat. Ubi & illud observaverat, quod ciborum vasa non essent ex auro aut argento sed porcellanea, cu-juscemodi semper apponere solet hic Persarum Asceta Princeps. Sed & mensâ finitâ affabiliter in Musæo suo sub conclavi memorato Patri loqui dignatus est per interpretem, qui tunc erat unus ex illis duobus Patribus Socijs, Antonius Nazarius: dixeratque illi de secura confœderatione cum uno saltem ex Principibus Christianis mediante Papa contra communem hostem, Turcarum Tyrannum, & gentem ejus, quod hi plùs nimium longo tempore injusto dominio terram possideant alienam. Dolebat autem, quod etsi Principum Christianorum quidam, subinde promittant aliquam Persis confœderationem, subito tamen deficiant. Nam (inquirebat) recens exemplum est, de Kalifa

Matthus

Matthæus misso à Romanorum Pontifice, qui Clemens Nonus erat, & à Republica Venetorum tempore belli Cretenfis, cum literis ad excitandum nos contra Tyrannum Turcam: Quod utique & tunc Rex noster fecisset, nisi ego pressius negotium considerans dissuasisssem: Cum paulo post illi Legationis suæ immemores inière pacem cum Turca tribuentes ei quod desideraret: Undè atbitror nos equidem si arma assumpsisssemus, ab ijs forsan fuisse delusos. Atque indè nos de facili exteris non credimus, sicut & nunc non credimus literis, quas nobis Poloni mittunt. Equidem enim & hi, donec nos militiam præparemus, & conditiones pacis cum Turea frangamus, subito inire pacem possent (sicut & uno post anno contigerat) atque in hoc deludere mentem Aulæ nostræ. Papa igitur Vester cum caput sit supremum omnium, firmitus quid concludere deberet cum Principibus suis aut saltem uno alterovè illorum, ut ita firmam hanc confederationem nobiscum ineant: qua ratione absque difficultate annihilare possemus gentem illam his maximè temporibus, quibus ij omnes nationes sibi exteris, vestras nostramque omnino formidant. Et modò quidem transactum tempus est pacis inter nos illosque conscriptæ, anni nempe triginta; eum interim etiam usque ad quadragesimum effluxerint: Neutri verò de illa renovanda aut ex toto destruendâ curamus. Quamvis ipsi, dum bella adversum Christianos agere parant, subdole nos clandestinis litteris sub titulo fictæ familiaritatis cohortentur ad servandam pristinam correspondentiam amicabilem, quod & ipsi sint Prophetæ nostri Machometi fideles Sectatores. Sed & obtestantur, ne persuadeamur in alium sensum, verbis aut literis Christianorum, qui sunt inimici Machometi, & cujuscunque ejusdem Sectæ. Talibus nos rationibus persæpè fucatisque hortantur argumentis abstinere ab amicitia Christianorum; quibus tametsi fucatâ amicitia, & in servandam politicæ rationem utcunque respondeamus, rei tamen veritate de eorundem correspondentia parùm curamus, aut nihil, scientes & agnoscentes abundè perfidam Turcarum Gentem, nullius fidelitatis observatricem. Curamus autem jugem servare amicitiam cum Romano Pontifici,

Pontificē Vestro, Romanorum Imperatore, cœterisque Principibus Christianis, fovētes innatum, atque indicibile, continuumque odium adversum Turcas. His, & similibus, (qualia & non rarò mihi memoratus Princeps loquebatur) familiariter collocutus est præfato prudentissimo Patri Piscopo, tanquam Romani Pontificis Legato: indicans eidem ultrò, asserensque in fine discursus, se hæc omnia persæpe contulisse cum Abedick Petro. Etenim cognomen meum, sicut & aliorum ex hac familia Persæ, ut articulo sequenti dicam, sic exprimere solent.

Addebat, brevi fore, ut ipsemet Pater Piscopus honorificam sortiturus sit Regis sui licentiam, quâ proprios petat lares, cum credentialibus quidem Regijs ad Romanum Pontificem, nec non litteris recommendatitijs ad Moscovos pro transitu sibi suisque libero & honorifico. Subjunxerat verò Reverendissimus Pater Piscopus; Num etiam litteræ pro Romanorum Augustissimo essent Imperatore? Qui respondit: non esse pro tunc litteras ad nominatum Imperatorem, oportuniorem tamen se præstolari occasionem, ut super hoc plura tractare, consulere, aut procurare possit. Interim ex parte Regis sui salutem, deque Personâ suâ magnam venerationem eidem Augustissimo per dictum Patrem Piscopum, ubi hic ad ejus residentiam transierit, deponi jussit: sicut & p. m. idem Reverendissimus in Personâ præstitit, cum unâ simul in primâ essemus audientiâ, clementissimè nobis à Sacrà Cæsareâ Majestate concessâ.

Tandem post aliquot septimanas nominatus Meh-mandar Basci huic Reverendissimo Patri, deputatum singulariter à Rege miserat munus, vestem nempe preciosam, auro intextam, cum chlamyde pariter intexta argento, nec non materijs eodem modo ac pretio contextis pro splendidissimo Tulbanto, atque cingulo. Sed & miserat alias materias miro quâ precio, quâ arte laboratas ex auro, argento, & serico: quas tamen omnes pientissimus Religiosus ad sacros destinaverat usus, fierique inde curaverat ornamenta Ecclesiarum dictæ Provinciæ Catholicæ. Quadraginta pariter Tuman paratis pecunijs prædictus Minister per latorem de beneficentia, & munificentia Regis

gis miserat, indicans ultrò humaniter dicto Legato Reverendissimo, quatenus is se excusatum haberet, super hoc exiguo pecuniarum numero, atque insimul recordaretur, magnæ peculij summæ, quam nuper Rex ad instantiam ipsiusmet Christiano populo condonasset. Eodem & die Nobilis quidam Aulicus Regis ei in conductorem designabatur, cum speciali Regis decreto, quo omnes Principes, Duces, Vice-Reges, cæterique Regni Ministri dictum Reverendissimum Legatum cum suis, honoratè excipere, eisdemque omnibus de necessariis exactam tenerentur facere provisionem, donec confinibus Regni Persici excessissent.

Porro cùm dies discessus denique advenisset, indicabatur Reverendissimo Patri voluntas Regia, ut nempè manè sequenti Regiis indutus vestibus jam sibi oblatis Persarum more accederet conspectum Regis, gratias acturus, & vale ultimum precaturus, suscepturusque consignandas sibi Regis credentiales. Igitur ex Dominicano factum vidisses Persam, prouti eum juxta morem suum ipsi induerant; quod fermè omnibus Legatis honoratioribus præstare solent. Sic porro indutus, cùm ad Regis præsentiam deveniret, is juxta morem, naturamque suam hilaris, habensque apud se Heraclium Principem supradictum, cùm vidisset Patrem, in alia, quàm ante forma, Persicè nimirum, ut jusserrat, incedentem, effusè ridere ceperat, inquiring. En quàm non melius nunc, hospes sese habeat noster in incessu nostro? Injungimus ergo ei, ut nostras literas venerabili Papæ suo Romæ his vestibus nostris Regiis indutus deferat. Mandârat dein primo Ministro, ut consignaret quantociùs prudentiæ & fidelitati Viri hujus literas suas credentiales; cui & moto aliquàlter capite felix iter annuebat. Captâ proinde veniâ & Regis ultimâ gratiâ deducebatur Reverendissimus Pater cum optimo nobilium Aulicorum comitatu ad hospitium suum: unde & se dispositis disponendis, die posteriâ itineri in Provinciam nostram Catholicam accinxit: postquam per sex menses continuos in Gazbin stetit, sufferens non pauca pro Dei & Ecclesiæ Catholicæ servitio.

Menſe igitur Octobris anni 1675. pervenit in Provinciam
Catho-

Catholicam Naxivan cum suis, & conductore præfato, quibus cum nonnullis meis Amicis obviam veni per tres dies, nempe Taurez usque. Cum porrò me vidisset p. m. Reverendissimus Pater nescio quo non exultans gaudio, tenerrimas totus profunde- batur in lachrymas, asserens ea, quæ per se facta sint in Dei & Ecclesiæ Catholicæ, fideliumque ejus servitium extra omnem spem suam obtigisse, referreque se Deo comprimis, ut Benefactori, mihi verò ut consultori, atque cooperatori gratias; quas & ego eidem egeram, ob labores zelosissimè pro Christianorum nostrorum, Catholicorum utili exantlatos. Mutuâ ergo gratiarum actio- ne ac hilaritate lætabamur in Domino: quantumque illi con- dolebam Patri de tot infirmitatibus & miseriis, quas atate jam maturâ perpeffus esset, tantundem & gratulabar ei, de ho- noribus, gratiisque Regiis obtentis, & feliciter sibi oblato Regii Legati munere ad Sedem Pontificis sanctam. Meam autem pa- lam professus sum obligationem, quâ feror in Deum, & Eccle- siam ejus Catholicam, sponponderamque ei, me, post hæc, etiam quæ modica patravi donec juvenus aut status virium mea- rum permiserit, plura propitio cœlo, patrare conaturum.

Sed & post dies aliquot unâ eramus apud nostrum Imirze Hibraim, ut supra dictum; ad componendum cum eo de beni- gno regimine tutela, & protectione Provinciæ nostræ. Qui & Vezirius ad præstandum quoddam obsequium speciale Patri, eâ, quâ in Provinciâ discefferamus die, principalem quendam suum destinârat Ministrum, qui cum optimo comitatu ad Provinciâ usque nos sociaret; in quâ pariter usque ad flumen Araxem ma- xima turba Catholicorum, Scismaticorum, & Infidelium cum tympanis, & tubis juxta morem Patriæ obviam illi venit, præ- stans debitum obsequium atque venerationem Patri Piscopo Le- gato, & eorum benefactori.

Tali ergò cum honore, pompâ, ac jubilo omnis populus splendidissimè juxta consuetudinem Persarum vestibus stabat à flu- mine, usque ad Conventum oppidi Abaraner, magnâque cum so- lennitate redux ex Regis Aula Legatus suscipiebatur. Sed & post septimanas aliquas Principes circumvicini ex humanitate

politica misère nuntios ad Reverendissimum Patrem cum mun-
neribus quibusdam, congratulantesque ei de felici adventu &
munere legationis à Rege ei imposito. Manseramus itaque
cum bono Patre in Provincia dicta usque ad septimanam san-
ctam, disponendo negotia satis ardua, & componendolites, quæ
grassabantur inter Catholicos, Schismaticos, & infideles; singula-
riter enodando quædam litigia orta in tempore alibi memorati
Patris Tani, ob valdè incautum ejus procedendi modum. Omi-
serim alia his plura, quibus quotidie usque ad diem discessus
nostri inaniter fatigabamur; quippè quod hæc recensere opero-
sum esset; quamvis omnia singillatim scripta in libro itinerarij
sui dictus Pater Piscopus secum tulerit Romam, ubi horum su-
perioribus suis notitia major esse utique poterit. Singulariter
& inibi notata habuit, quæ succedere nobis, dum discederemus
ex Provincia usq; ad Civitatem Erevan, ubi Pasqua fecimus cum
Patriarcha Jacob in sede ejusdem Patriarchali; ubi & sanctam
suam emisit dictus Patriarcha fidei professionem, ut alibi dictum.
Omnia item quæ accidere, donec discesseramus ex dominio
Persarum ad primum Castellum Moscovitarum Haltarchan per
mare Caspium, olim celebrem residentiam Tartarorum No-
ghaënsium, ubi per sex menses perperam nos detinuere non si-
ne magno sanitatis, atque bonorum nostrorum jactura, donec
obtineremus resolutionem ab ipsorum Zaro per decretum quod-
dam singulare, tenore cujus liceret nobis iter in suis terris fa-
cere, alijsque, quibus cæteri Legati gratijs & privilegijs frui. Ar-
duum cæteroquin & vix tolerabile nobis iter erat, ad usque
Moscoviam, de quo vel hodiè conqueri fas est. Itineri enim
committebamur eo tempore, quo in hisce partibus vigere so-
lent atque intendi rigidissima frigora septentrionalia, ultimo
nempè mensis Decembris, sed & debuimus per mensem diu
noctumque sub cælo manere super flumen Volga dicto, jam
densissimè congelato, adeo ut cum homines aquam pro se, aut
jumentis suis haurire vellent, malleis, securibus, alijsque ferreis
instrumentis necesse esset perfringere glaciem, quod flumen in
quibusdam partibus duarum aliquando & trium ulnarum pro-
fun-

funditate congelatum esset. Hæc tamen aqua nobis potus erat; neque tamen victus potu nobilior, ac ejusdem demùm commoditatis trahæ erant tartaricæ quibus subindè vehebamur per Tartaros. Ponderet indè Lector quid Calamitatis per mensem integrum sufferre oportuerit eos, qui arduo hoc vivendi, atque itinerandi modo, tametsi multis alijs, non erant assuefacti: qualiter præcipuè non erat memoratus P. Piscopus, tenerrimus aliundè complexione Italus, & vir diversis infirmitatibus penè absumptus. Unde non viribus, aut robori nostro sed specialissimæ Dei protectioni attribuenda evasio nostra. Tanta enim erat Calamitas itinerandi, ut Tartari ipsimet cum equis suis quantumvis aliàs maximè laboribus dediti, & continuis quasi incommoditatibus illius Climatis nutriti; nihilominùs hinc indè ceciderint emortui, sicut & nonnulli ex Moscovitis. Donec tandem deveniremus ad ipsam Civitatem Moscoviæ; ubi per Dei gratiam sat velociter, post spacium scilicet unius hebdomadæ nos expedierunt, cum solita commoditate & honore versùs Poloniam. Hic porrò inter alios humanissime nos exceperat Illustrissimus Dominus Nuntius Apostolicus Franciscus Martellius, quæ omnia luculentius in scriptis præfati Patris habebuntur; sicut & ea, quæ nobis obtigère cum rursùm ex Polonia veniremus ad Civitatem Vratislaviensem, ubi comprimis benignissimè excepti fuimus ab Eminentissimo Domino Cardinale & Serenissimo Principe Hassiæ, qui diversis ac singularissimis favorum officijs juxta suam nos magnificentiam benevolentissimus affecit. Sed nec minori charitate, atque benevolentia nos prosequabatur illustrissimus Dominus Comes à Schaffgoz Cæsareæ Cameræ Præses vigilantissimus. Singularissimè pariter nos in transitu exceperat Serenissima Ducissa Brigenfis: quæ inter alia encomia, quibus celebrare volebat solidam pietatem & religiosissimam modestiam venerabilis P. Piscopi, id persæpè, etiam dum expositfacto Viennæ existeret, mèque sibi cum quibusdam Patribus de Conventu Prædicatorum Commensalem haberet, Germano sanè affectu, non minùs ac idiomate edicebat, contemplari se, & videre quasi in dicto viro sanctum Augustinum

altissimis mysterijs Trinitatis aliorumque composito ita spiritu adhaerentem; non obstante, quod esset (de quo utique dolendum, utpote, quod prudentissima sanctos sanctasque habeat de familia sua, qui in Catholica fide, sanctaque Romana Religione Orthodoxa Deo militarunt) Religionis alienæ. Sic enim pietas ab omnibus suspicitur atque ad ædificandum quemcunque perutilis est, juxta illud Pauli: *Pietas ad omnia utilis est.* Num verò quæ hac in Aula Cæsarea obtigere tantisper recenseamus, quæ omnia pariter enucleatim notata Reverendissimus Pater in urbem secum detulerat.

Viennam ergo uterque simul de clementissima gratia sortiti sumus bis audientiam ab Augustissima Majestate Cæsarea, in quarum prima quidem debito obsequio & veneratione clementissimæ Majestati provolvebamur, ingentibus omnino gaudijs superfusi, & omni consolatione repleti, cum videremus in tali tantaque Majestate, unicum Christianæ pietatis resplendere splendorem omnemque benignitatis gratiam in eandem veluti unum, in oceanum confluisse. Obtuleramus & tunc debita cum submissione litteras Patriarchæ Jacob, deponentes pariter ea omnia, quæ nobis ex Aula Persarum imposita erant, & comprimis exponentes negotia statumque omnium Christianorum partium illarum, qui semper ut asilum & cynosuram suis in ærumnijs venerantur serenissimam sacratissimamque Domum Austriacam. Dignabantur pariter & nos clementissimâ audientiâ Augustissimæ Imperatrices feliciter Regnans, & Vidua, non parum Viri religiosissimi modestiam atq; prudentiam suspicientes.

Interim vero donec secundò ad præsentiam ejusdem Augustissimæ Majestatis admitteremur, cogitavimus, quod cogitandum nobis erat de discessu Patris Piscopi in urbem, meaque hic Viennæ subsistentia, juxta id, quod jam in nobis habebamus præfixum, atque multis de consilijs conclusum. Hoc autem intentum nostrum antequam immediatè Augustissimæ Majestati supplices notum faceremus, prius tantum insinuare statuímus cum Excellentissimo Domino Montecuccoli, tanquam nobis in hac Cæsarea Aula præ alijs magis noto, per suam quidem

dem celeberrimam famam, quàm nedum vastissimas oras totius Occidentis, sed & remotissimos limites Orientis pariter nostri transcendit; ubi passim & comprimis in Regia Aula nullis non celebratur encomijs, par æstimatione antiquis quibuscunque Romanorum famosissimis Ducibus, quos suis in historijs celebratos habent: cujus & fidelitati atque prudentiæ committi sciveramus negotia quaque peregrina atque altiora. Undè ad hoc opus haud infructuosum feliciter deducendum memoratus Reverendissimus Pater Piscopus personaliter, me tamen non comitante, præfatum Excellentissimum Mœcenatem adiit, maturiori discursu exactam quandam de statu conditione, & mente mea faciens relationem: Ubi quidem negotium prointerim ita conclusum, quatenus ego juxta stylum Curiae hujus debita in forma supplicem super hoc libellum porigerem Majestati sacratissimæ, quem & in secunda audientia humillimus porrexì, meque, juxta quod Deus rectè sanctèque inspiraverat, in perpetua ejusdem obsequia, ut dicitur articulo sequenti obtuli, dicavi, consecravique.

Porrò ante dies aliquot, quàm ad secundam admitteremur audientiam, mittebatur nobis Cæsareum quoddam decretum, ad instantiam cujusdam Joannis Baptistæ Podesta; qui cum nonnullis Europæis Auditoribus suis specimina professionis suæ litterariæ triennalis in linguis Orientalibus, nunc occidentali quippè Imperio per maximè necessarijs, publicâ etiam luce atque exercitio litterario testata esse vellet. Cui quidem actui dicti Decreti tenore publicè habendo nos interesse oportebat; Patrem quidem, utpotè recenter ex Oriente venientem, me verò tanquam in Orientalibus litteris versatum, ubi & judicarem discerneremusque, quid operosi vel proficui ob trium annorum spatio in dicta litteraria eruditione auditores profecerint, quidque tum de Professoris scientia, tum de ulteriori discipulorum progressu sperandum, ediceremus. Quod quidem decretum venerabundi suscepimus gratulabarque singulariter mihi, quod vel modica in causa Augustissimæ Majestatis mandatum exequi possem, qui ad majora etiam altioraque quam hæc orientalibus nostris

nostris non nisi familiaria sint, paratus essem. Studui ergò zelo-
 sè discernere atque indagare de rudimentis, grammaticalibus
 quidem, ast omnino perarduis Arabum, Persarum atque Turca-
 rum, judiciumque mihi conceditum in præsentia splendidi-
 mi coëtus Auditorum omnium diligentia & æquanimitate, in
 Dei Ecclesiæ sanctæ atque Augustissimi Cæsaris obsequium for-
 mavi. Id quod forsitan enarrabit, qui litterato, ornatissimoque
 confessui illi in domo capitulari RR. PP. Prædicatorum Con-
 ventûs ad S. Mariam Rotundam Anno 1677. Mense Augusti die 10.
 horis vespertinis solenniter habito interfuerit : quem & singulari-
 ter actum gratiosissimâ præsentia cohonestarunt Celsissimus Prin-
 ceptus atque primas Apostolici Regni Georgius Szelepsehenij, & Re-
 verendissimus Archiepiscopus Strigonienſis, alijq; complures Sta-
 tûs Ecclesiastici, quâ, sæcularis Domini Dignissimi, quos inter tan-
 quam sidus autoritate Cæsarea fulgentissimus intererat Domi-
 nus præfatus Comes Raymundus Montecuccoli, hodie emerito
 Excellentissimus Princeps, ne porro curioso Lectori negligens
 videar in commemoratione exactiori hujusce recentis facti, qui
 aliàs me sedulum eidem præstiti in exarandis diversis antiquita-
 tum monumentis subjungo judicium meum, quod in conspe-
 ctu tantorum Virorum juxta eloquentiam orientalem eo in con-
 fessu solenniter publicavi. Est porro tale.

Notificatio Oratoria.

Frustuosè sanè observatur in sacrosancta Republica
 Christianorum, quod Gentium Doctor Paulus in-
 culcat : Æmulamini charismata meliora. Qui
 porro enumerans Divini charismata Numinis, atque gra-
 tias donum pariter linguarum recenset ; ut jure merito
 proinde, qui hoc ipsum æmulatus fuerit, bonum opus se ope-
 ratum esse confidere auit.

At ornatissimi Auditores latè omninò, & nedom vobis quin Orbi & Uni-verso terrarum meridiana clariùs est luce, Cæsaream hanc Augustissimi Inviçissimique Romanorum Imperatoris LEOPOLDI Curiam fragrantissimo florere cœtu virorum ingeniosorum, atque Republicâ virtuosorum perquàm meritissimâ. Ut & in ipsa omnes meliora charismata, æmulantes consisi sperare ausing, me bercule, de aditu honoris virtute promerito, neque de exantlatorum stipendio laborum uspiam dubitare. Hac equidem ratione, ut laudetur Creator omnium, insuper & Sancta Religio Romano-Catholica, quam juxta dictamen Divini Oraculi dominari fas est omnibus mundi orvilibus, atque idiomatibus; quatenus habitâ, & observatâ congruâ unitate terreni Pastoris, dignissimè, unicissimèque colatur Auctor cœlestis. Unde ipsâ nos nunc in viâ primitivo veluti Veris amœni germine pascimur ex æmulatione charismatum meliorum, inde habituri in patria, possessurique, quod optimum erit, ac maximum, visionem nempe cœlestis illius Jerusalem, cujus civibus unanimis tantum opinio, mens concors, communis voluntas, atque unica tantum est, eritque lingua, quâ per encomia sempiterna multiplicantur, & multiplicabuntur Divinissimi laudes Agni.

Suppositâ igitur DEI amantissimâ, atque Sanctæ Catholicæ fidei Romanæ zelantissimâ propensione potentissimi Heredis Romanorum, Augustissimique Christianorum Herois, insuper & præsupposito Venerando, adorandoque Decreto ejusdem Imperiali (quod nedum imbecillam meam imbecillitatem, sed jure merito omnium limites Imperiorum transcendit) suffultus ego Divina gratia, dictæque Cæsareæ clementiæ innixus audeo, atque etiamnum ausus sum in venustissima præsentia vestra sublimissimi Domini, discernere,

re, dicere, atque decernere, quod fas, haudque nefas dictu sit, super capacitate hujus de novo pullulantis Orientalium linguarum hortuli, juxta quod & protuberatione sua palam pollicentur virgulta tenerrimè procreſcentia. Quæ sanè temporis decursu (quod maturat omnia) nec non adhibita praxi cum theoria, (quod medium sine quo non est capeſcendæ linguarum notitiæ, & experientiæ) juxta nulla uon ſpei optimæ argumenta, ſuccreſcent in arbores ſublimiores, unde fructus uberrimi ſecura maturitate ſint colligendi. Namque, & Theologis ſapientiſſimis tritum eſt illud: Facienti, quod in ſe eſt, DEUS non denegabit gratiam ſuam. Quod vel clarè patere videtur in his linguarum Orientalium Auditoribus Adoleſcentibus, qui cum omninò, quatenus natiui, ab idiomatum hujuscemodi aſperitate terminorumque pronunciatione ſint alieni, utpote nati, educatique in delicijs dulcioribus, atque amœniori teneritudine Europæ, multam, audent, aſſiduaque virtute perdificillimis his inſudare linguis, tametiſi rationabiliter excuſandi, quod tenerius guttur eorum, prona adeo, atque exacta facilitate accommodare ſe nequeat duritiei, atque ut ita dicam, tortuoſitati quarundam literarum, cujuſcemodi ſunt ع غ خ ح quæ quidem veluti baſes ſunt, atque neceſſaria fundamenta linguarum Orientalium: tametiſi Europæis auribus ſonare videantur magis quidpiam ferini, quàm humani, & plus ridiculoſi, quàm artiſcioſi. Conantur tamen præſentes Auditores Adoleſcentes ingenui, contingere aſſiduo aſcenſu, atque frequenti labore altius perfectionis, intelligentiæ, & idiomatici præctici culmen: quod utique, dum fecerint, quod in ſe eſt, Diuina iſſdem gratia non abnegabit. Etenim poſtquam ulteriori labore atque conatu præfixum ſibi ſategerint in finem, nullus hercule

dudito,

dubito, quin DEUS bonorum largitor omnium uberiori eodem donaturus sit intelligentiâ, atque ad sublimiorem perfectionis apicem confortare per gratiam. Prout & non denegaturum reor DEI amantissimum, omnisque virtutis amicissimum, Regum Regem Optimum, LEOPOLDUM, Romanorum piissimum Cæsarem semper AUGUSTUM, Orbis Christiani solatium atque fulcrum, cujus Sacratissimæ, Clementissimæ, sublimissimæque Majestati, obsequia mea & vota facie ad imum humi prostrata depono, consecro, commendo.

His ita peractis secundò adittebamur ad audientiam, ubi Patri Piscopo Viennâ Romam, mihi verò in nominata Augustissimi residentia manere concessum est, de Clementissima Sacratissimæ Majestatis, atque Augustissimi Imperatoris gratiâ. Cæterùm dum dictus Reverendissimus Pater Piscopus Viennæ in Conventu FF. Prædicatorum commoraretur, permultis honoribus exceptus est à principalioribus quibusdam Augustissimæ Aulæ Ministris & Optimatibus, singulatiter verò ab Illustrissimo & Reverendissimo Domino D. Nuntio Apostolico Francisco Bonvisio, qui non solùm maximâ suâ benignitate dignatus est personaliter dictum invisere Patrem, sed & de liberalissima munificentia sua, nos domi suæ commensales habere dignatus est sæpe, quâ & gratiâ ego hodie Viennæ existens nonnunquam gaudebam.

Cæterùm idem Illustrissimus Reverendissimusque Dominus Nuntius eâ ferebatur in memoratum Patrem inclinatione, ut quotidie eidem cibum, potumque ad Conventum PP. Prædicatorum usque in tempus discessionis ejus benignissimè & liberalissimè mittere dignatus sit. Nec minori benevolentia venerati sunt meritissimum Patrem, Excellentissimus Princeps à Dietrichstein, atque Illustrissimus Dominus Comes de Wallenstein, qui personaliter eundem in Conventu invisere dignati sunt, nec non Illustrissimus Comes Magalot, prout & Reverendissimus Pater Christophorus Stetinger S. J. Augustissimi Imperatoris Confes-

farius dignissimus, aliique magnæ considerationis Viri, eundem invisere non omittebant. Tametsi autem idem Dominus Illustrissimus prudentissimè dicto Patri consuluisset, ut iter arduum Romam ingentes inter calores illius temporis, atq; aliundè tot laboribus, atque infirmitatibus penè compressus intermitteret: noluit tamen zelosissimus Pater asserens: magis se passurum, quàm ut Dei, atque Ecclesiæ servitia moram paterentur. Denique verò crudelis mors magnum eripuit Christianitati Orientis solatium & fidelissimum Ecclesiæ Orthodoxæ Missionarium, nullam non incutiens mæstitiam desolatis Catholicis, in extremis mundi partibus, quòd hi per eundem plura multa sperassent, displicentiamque Sanctæ Sedi Apostolicæ, quæ altiora de Viro tanto jam jam cogitabat, & forsan modò pro meritis suis debitâ coronâ condecorasset, nisi meliorem ipse in cœlis ab Ecclesia triumphante sibi paratam feliciter utique obtinuisset. Doleo & ego non nihil super amissione tanti Patris, qui omnino speraveram infallibilem fructum, & certiolem maturationem eorum omnium, quæ per quatuor annos unâ contuleramus negotiorum, conjuncti indissolubili Christianæ charitatis vinculo, quo is mihi in spiritualibus Pater, atque ego eidem filius obligabamur solantes invicem in Domino per ardua quæque itinera, pericula, & alia nonnullius momenti negotia. Optaveram innatâ quâdam nescio sympatiâ, præstare ei plura obsequia affectûs filialis mei, quæ quidem ipse pro religiosa modestia sua omnino recusavit. Unde cùm ad audientiam vocaremur Sacræ Majestatis, ipseque podagrâ aliisque infirmitatibus esset attenuatus, & proinde sine subsidio aliorum & fulcimento ambulare non posset, tandem in ante Camera Cæsarea existens, rogavit ex me non sine magna mea confusione, modestissimus Religiosus, adjuvarem se quantocyùs aliquid, donec ingrederetur audientiæ conclave, cùm focii & servi eò ingredi non auderent. Illum ergo tenens brachio dextro omni cum mea devotione duxi ad locum, ubi audientiam præstolabamur.

Denique, ut majorem opinionem, honestissimamque tanti Viri famam Lectori faciam, subjungo, literas Venerabilis Patris sæpe

sæpe memorati Raphaëlis Capucini, quas inter alia considerationis momenta in parvulo meo archivio conservo, rescriptas mihi ex Isfahan, & responsorias ad illas, quas ei miseram per quendam Dominum Dominicum Grassi Neapolitanum, qui hinc Viennâ in nostras partes mercimoniarum causâ discesserat, cui & alias nostris in partibus, utpote illi peregrinis & periculosis, ego, dictusque Reverendissimus Pater Piscopus plura officia hospitalitatis & charitatis fecimus; quem & cum recommendatitiis, ad dictum Patrem, cæterosque Amicos optimâ societate stipatum, in Isfahan miseram: qui porrò & nunc actualiter Viennæ existit, atque beneficiorum memor, haud rarò me frequentat, multum inde consolatus, quòd viderit me tandem in Aula Cæsaris Augustissimi, cui me quondam relictis omnibus servitutum, adhuc ei in Perside existenti firmiter asseverabam. His porrò literis celebratissimi Missionarii præfati dignoscet Amicus Lætor, quanti fuerit emolumenti, memoratus p. m. P. Piscopus Persidis nostræ Catholicis, priusquam etiam accessisset ultimò Regis Aulam, patrâsetque ea, quæ supra recensuimus. Ita ergo habent.

Colendissime & Ornatissime D.D.

Humillimam Salutem.

Gratissimas Dominationis Vestræ literas è Abaranel scriptas per manus Domini Dominici Grassi, in Isfahan accepi, valdè lætatus ob sanitatem, & bonam Dominationis Vestræ valetudinem, eodem tempore è Gasbin tristitia, & mœrore supra modum affecti ob obitum RR. Domini Matthæi Dominicani Archiepiscopi Naxivan. vir ille fuit omni genere virtutum præditus, & præcipuè incredibili patientia, & prudentia, longanimitate in hisce Barbarorum locis; absolutè Ecclesia Abaranel ex ipsius mor-

te utique maximam incurrisset jacturam, nisi hisce temporibus, per divinam providentiam RR. Pater Vicarius (scilicet Pater Piscopus) illi in Patrem subvenisset & consolatorem, persuasum enim habeo, quod RR. illius Paternitas, & charitas propitior abdicatus in hujusce negotijs auxilium, & levamen se se Romam sit collatura, ut quam primum necessitati hujus viduæ Ecclesiæ succurratur; attentis omnibus Patris Vicarij naturæ, & gratiæ dotibus, uti hic fama luculentissime eloquitur, alium, ad hunc non dico honorem, & divitias, sed laborem, & pro Christi o-vibus ærumnas perferendas difficile potest adinvenire, & eligere eò aptiorem curia Romana, in hunc Archiepiscopatum. Quippe cum Reverendissimus Pater Vicarius sit è sanctissima Dominicanorum Fratrum, nostrorum charissimorum familia, clarus sanguine, Europæorum scientijs totaliter, & ad lauream præditus, & quod magis est sufficientissime propria experientia illustratus, quali modo in columbæ, & serpentis proprietatibus in hisce locis degendum; ea propter Dominatio vestra in societatem tam ornati Religiosi proprios lares, id est Romam (notet prudens Lector specificationem hujus zelosi Religiosi, quoad proprios meos lares; non esse eos, de quibus in Articulo sequenti, in quibus periculum imminere mihi sciebat, sed Romam) poterit repetere, illuc duo unita verba tanti viri, in vestram commendationem pluribus nostris literis prævalebunt, insuper & credo, quod omnes Missionarij Europæi degentes in locis in quibus commorata est Dominatio vestra huic officio non defuerint. Satis enim superque nota illis, & nobis fuit vera pietas christiana, ardens Religionis Catholicæ zelus, in tolerandis Hæreticorum, & Infidelium molestijs constans patientia, in illis Dominatio Vestra se semper legitimum Colegij Romani Alumnus exhibuit. Precor igitur divinam providentiam,

ut Dominationem Vestram reducat illuc incolumem; illuc enim dabitur, quiete, & tranquillitate felicitatis vitæ perfrui; nobis interim hic solito more ad misericordiam, & protectionem divinam attendentibus, & oculos ad montes, unde veniat auxilium nobis, sublevantibus, in tali ærumnoso exercitio. Jam hic in Isfahan 28. annos explevimus, sexagenarij & ultra facti, incerti quot adhuc dies relegationis nostræ supersint: quotquot autem fuerint, hosce adhuc lubens in missionis exercitio (licet de se satis ingrato:) vivo-veo, & dico; nec non DD. vestræ charissimæ perpetuam & gratiosissimam amicitiam exopto; insuper & oro DD. vestram, ubi ad limina Sanctorum Apostolorum appulerit, in suis orationibus meminerit pusilitatis nostræ; sicut & speratur è charitate DD. vestræ Colendissimæ.

*Ex Isfahan Persidis Regiæ
Die 2. Septembris 1674.*

*Obsequentissimus Servus
Fr. Raphaël du Mans RR. PP.
Capucinatorum Gallorum Missio-
narium Super. licet immeritus.*

Hæc pientissimus Religiosus, de Patre nostro Piscopo, nec non de exigua & indigna mea Persona, taliter hisce suis literis testata relinquere voluit; quæ hic non abs re, & ego tibi Amice recensere volui; ut inde plura, sicut ex *ungue Leonem*, ominari posses, de isto verè omni laude, & memoriâ dignissimo Religioso, quæ omnia ne videar plus ultra in hoc Articulo solitam meam excedere brevitatis methodum, tuæ singularissimæ remitto prudentiæ.

Ut

Ut tandem articulo coronidem imponam, non omittendum censeo, quin inculcem Lectori, qualiter Principes Machometani, an potius Tyranni Orientis nostri, mutuum policiæ Officium omnino observent per reciprocas legationes: dum unum ex illis mori contigerit, illicò post unum aut plures annos, cæteri mittere solent legationem sumptuosissimam, ad offerendum pro anima defuncti Regis, aut Principis Hasci-su, id est: cibum & potum, tunc igitur solennissimum convivium instituunt Legati hujuscemodi; non solum Magnatibus defuncti Regis, aut Principis, sed etiam Religiosis, seu Pseudomistis suis, atque pauperibus suffragia pro defuncto perficientibus. Post Hasci-su porro & similes conviviorum cæremonias, pro anima defuncti adimpletas tandem congratulantur successori de Sceptri, aut imperij adeptione. Hunc autem modum spectata politica consultatione, non vituperabilem observant inter se, speciatiim Magnus Turcarum Tyrannus, sicut Scytharum, qui Ozbech vocantur, Magnus Chan, Persarum Schah, Magnus Indorum Mogol, ex mera ut inquebam politia, magis quàm charitate, aut humanitate. Cæterum his moris non est, habere permanenter Legatos aliorum in Aulis suis, uti Europæis Principibus in usu est, sed tantum ad invicem Legatos mittunt pro occurrentibus negotijs, & expeditionibus; quas juxta morem suum per paucas septimanas aut menses perficere solent, seque facilius expedire. Nos ergo & hos facile expeditos, hoc articulo habeamus, supremum apicem operis nostri tandem arripientes.

ARTICULUS TRIGESIMUS TERTIUS.

ET ULTIMUS.

De Operis Authore, Ortu, & origine illius.

Postquam Lectori Amico fusiùs tantisper de rebus Persicis, & Orientis narratum, ut exactior ei quoad omnia contingat notitia, placuit & Auctori conditionem, statum, originemque declarare suam: quatenus ita, qui tot tantaque de aliorum statibus atque conditionibus palam fecit,

id

id non occultatum Lectori permittat, de quo hic curiositatem forsân habere posset. Multa utique multis opinio incerta dixerit de Authore, de quibus, si bona, gavisus sit; si sinistra, imposterum correctâ velit.

Linquamus Armeno Persarum historicos, qui disertius narrant de antiquitate, ac nobilitate familiæ ejus, quam etiam ex illa sublimissimâ nobilissimâque Armenorum Regum descendere asserunt, dictâ Armenicè Arsciaguniaz, scilicet Arfacidarum, de quâ & familia, ut Orienti antiquissimâ, famosissimâque in nonnullis locis Ecclesiasticæ suæ historiæ mentionem facit Nicephorus Calistus, hoc in opusculo sæpè ab Authore citatus. Sed melius Surius in Vitâ Sancti Gregorij illuminatoris Armenorum. Hæc tamen familia hinc inde dispersa, imò pene deleta erat, dum tota quasi Armenia devastaretur, subvertereturque Civitas illa celeberrima Ani, cujus supra nemimus, à Scytharum populo barbaro; ut refert Petrus Bellonius Cenomanus. Linquamus inquam Authores Europæis omnino ignotos, quique non nisi de longissimis differunt antiquitatibus. Recentiorum quendam, atque sui Nominis clarissimum referamus scriptorem, rerum Orientis relatorem disertissimum, optimâque fide clarissimum Petrum à Valle. Audierat enim hic, noveratque sincerius enormem stragem, ac desolationem Armenis nupero Turcarum bello in Pers Armenos moto illatam: unde Marte cruentissimo plurimæ Armenorum Persidis familiæ, vel interneccione extinctæ, vel in fugam propulsæ, vel denique sunt in captivitatem à Turcis Barbaris abductæ. Ast sub id temporis magnus sagacissimusque Habas Persarum Rex, ulteriorem prævidens hostis in Armeniam progressum, præcavensque, ne totaliter ditio, quam in Armeniâ haberet, expoliaretur, principales PersArmenorum familias, atque colonias hujus Gentis transire curavit, partim ad Regiam suam Isfahan, partim ad interiores Persidis oras; quas Turca subintrare non auderet, nec quidquam inibi proficuum præstare sibi, ob victûs, potûsque defectum; quibus nempe omnino fere privare sciunt hostem. Persæ, horum locorum versutissimi incolæ, omnem gnari prohibere

bere commeatum aut annonam. Hinc oritur, quod omnis ut-
cunque belli furor, ac malitia in Armeniam diffundatur, hæc-
que nobilissima Orientis Regio alternativis subjaceat desolatio-
nibus, quas modo à Persis, modo à Turcis, magis verò ab istis
perpeti solet. Quâ etiam ratione Armeni magis pro Persis stant,
quam pro Turcis.

Coeterum in bello novissimo factò ab Amurathe Quarto ad-
versum Persas, maximum omninò causabatur, quâ exterminium,
quâ captivitas Christianorum in partibus Armeniæ, ut memo-
ratus à Valle indicat. Interim & Auctoris Avus, Jacob Aga di-
ctus, cognomento Bedik, captivitati mancipatus sub Babylone,
una cum Filio Persarum generalissimi, prout alibi dictum est, ubi
per certamen accerrimum Victoria Turcis cesserat. Frater por-
rò Bedik præfati natu major, atque ab Armenis Bedik Af-vaza-
bou nominatus, jussu Regis Habas conductus jam erat ad Re-
giam, cum principalioribus quibusdam coeteris, ut supradictum.
Hic tamen Bedik communiter à Rege Habas, pariterque coeteris
Persis apellabatur A Bedik, relicto nomine illius proprio Armenico,
scilicet Af-vazabou (quod in phrasi latina idem est, ac in DEO
sperans) eò quod valde durum ipsis esset, totum semper pro-
nunciare. Unde solum pronunciabatur cognomen ejus, præ-
adjunctâ tamen primâ & inchoativâ nominis proprii vocali li-
terâ A. adeoque trito nomine A Bedik dictus, prout & vel ho-
die hoc nomen à Persis pronunciatur. Addebatur & ei ab hu-
manioris politicæ Studiosis Persis quidam honoris titulus, Cho-
gia, quod divitem significat & abundantem, non solum in pe-
cunijs & Thesauris, sed etiam meritis, virtutibus, atque bonis
qualitatibus mentis. Quâ passim ratione Persæ, omnes literatos
suos, virtuteque eximios hoc titulo Chogia condecorare solent.
Hoc porrò præfatum Bedik compellendi modo Persis usitato usus
erat ipsemet suprafatus Petrus à Valle, dum ejusdem in primâ
parte Persidis mentionem facit: nempè tanquam is, qui Persa-
rum calleret linguam atque phrasim, non ita Armenorum prout
ipsemet fatetur. Placuit quæ loco citato fol. 679. in editione
Venetenſi de memorato A Bedik, Deo hominibusque viro di-
lectissi-

lectissimo, laudatus à Valle, occasione solemnitatis nuptiarum
Sorroris uxoris suæ cum quodam nepote præfati ejusdem A Be-
dik recenset. Hæc ergo sunt; quæ nobilissimus vir occasiona-
liter refert de isto Pientissimo Bedik.

*Già che siamo ne gli Armeni, non voglio mancar di
dar nuova à V. S. come dopo ha-ver trattato più mesi, e
con di-versi, che me ne ricerca-vano, finalmente gli ultimi
giorni del Carneval passato, conchiusi il matrimonio di una
forella Sign. Maani, terza genita delle femine; la quale,
da molto tempo prima la Sign. Maani ha-ve-va tenuta seco
in Persia, per sua conversatione, e compagnia. Si chiama,
questa mia cognata, la Sign. Laali: e'l suo nome proprio ac-
commodato in fine con terminatioue femminile, come possa con-
venire a donna, significa propriamente Balascio, pietà pre-
tiosa. L'habbiamo data per moglie ad un di questi Signori
Christiani Armeni di Ciolsa chiamato in lingua loro, Cho-
gia Astuaz-atür (se pur bene sò dirlo che non intendo strac-
cia di quella lingua) che significa DEUS dedit: ma per più
bre-uita, dicono di ordinario, solamente, Chogia Zatur, che
suona quasi, il Signor Dedit. Elesti questo gio-vine, di ven-
tiquattro anni in circa, trà molti altri che la domanda-
no, e ne face-vano molta istanza: perche è del più nobili,
benche non de' più ricchi: & è di buonissimi costumi: e so-
pra tutto, perche è cugino, & alie-vo (alle-vato in sua casa
da piccolo; non ha-vedo il gio-vine Padre, nè Madre) di
un tal Choghia Abedik, molto principale, e ri-verito frà di
loro: il quale, non solo è il più fondato nell'esser buon Catto-
lico, & amicissimo, come è stato semper, della natione de'
Franchi: ma è tanto religioso, e tanto pio, che si può dir'
essere specchio della Religione, e Christianità Orientale. E*

che sia vero; dirò solo questo, che, quantunque habbia figliuoli nondimeno spende tutto'l suo, più che nella sua casa in fabricar Chiese, & in ornarle di parati, di croci di argento di calici e di altre cose necessarie: & in questa nuova Ciolfa di Sphabàn, dove furon fatti trasmigrare: havendo il Rè distrutta la Ciolfa antica di Armenia, che stava in confini di Turchia, sopra il fiume Arasse; delle dieci Chiese, che ci sono assai buone, una ne hà fatta tutta, e ve mantiene a sue spese Chogia Abedik: & in un'altra, egli fece, la maggior parte della spesa, benchè ad altri ne habbia dato il nome. E nelle Ville attorno, ha ajutato, & ajuta ogni giorno la fabrica, e'l sostentamento d'infinitè altre. Ma un'altra opera nobile della sua bontà non voglio tacere; & è che nelle guerre passate di Armenia, e di Giorgia, quando tante migliaia di Christiani andaron sottosopra, e furon fatti schiavi: egli, per amor di Dio, ricomprò a sue spese, e diede libertà, a più di quattro mila persone; facendo trovar con diligenza, benchè in luoghi loutani, figliuoli a' Padri, le mogli a i mariti, & i parenti a i parenti, accioche non andassero dispersi: e per far questo, non havendo all'hora denari pronti, nè potendo vendere in un tratto le sete che haveva; egli prese in presto dal Chan di Schervàn, che è pur figliuolo di un Armeno Christiano; e gli diede in pegno la seta, e ciò che si trovava alle mani. Carità per certo, che non sò, se si possa far maggiore.

Tantum autem præfatus A Bedik ab ipsomet etiam Habas Rege adamabatur, quantum non alius quispiam ex Armenis: tum quod is primus esset & Principalis in gente suâ, tum quod insignia complurima fidelitatis & generositatis facinora ejus de familia Bedik adversum Turcas Marte quovis diverso experta esset

set corona Regis: tum denique quod pientissimus, cœterisque virtute & indole universâ vir rarior esset: pro cuius subinde, suæque familiæ commoditate in Regiâ suâ sumptuosissimum Rex Habas construi curârat palatium, in ejusdemque ostij summitate sese familiariter cum laudato A Bedik conversantem depingi fecit. Quod quidem celeberrimum & memorabile pictum unâ cum palacio hodierno etiam die in Isfahan est videre.

Ast neque frater mox memorati Bedik, jam in Turcarum captivitate existens, Christianâ pietate atque generositate minor erat. Unde tametsi summopere Amurathi dilectus, ita quidem, ut hic eundem Persis reddere recusaret, quippè quem optimum militem audisset, velletque imò, ut suo in equitatu is sibi semper assisteret propinquior inter principaliores Vezirios suos, non sine magnâ super hac unius Christiani exaltatione Aulæ reliquæ displicentiâ; nullatenus tamen hac ratione constanti unquam cecidit animo, ut hisce blanditijs honoribusque ab Amurathe delatis assentiretur, Machometicæque adscribi sese perfidiæ pateretur. Sed & Christi Athleta generosissimus imperterritus animo non raro asserebat Barbaro Tyranno. Si potentissimus Chunkar fidelissima â me obsequia desiderarit, utque Persarum omninò obliviscar maluerit, complaceat tantisper ei, quò ultrò Religioni meæ Christianæ, in quâ Inclyta mea Bedik familia longis temporibus deservierat Persis, semper ab eisdem, quantumvis pariter Machometanis, multo honore habita, fides adhæream. Neque hóc majorem honorem gratiamve se uspiam ab Amurathe expetiturum sponderat. Amurathe jam præpotenti in eum amoris Sympathiâ capto, nihilque ultrò adversum Bedik moliente, sed liberè omninò permittente, ut Sanctæ is Christi fidei constanter adhæreret. Neque etiam interim patiente, ut per dilectus sibi Vir ille in Aulâ suâ commoraretur absque munere & caractere honestiori, quod quidem perfida eorum lex Christiano conferri non prohibebat. Constituit igitur hunc Amurathes Supremum tributorum exactorem in omnes Christianos totius Mesopotamiæ, Armeniæ minoris, & Syriæ, quo fideliter mediante thesauri augerentur Regij. Voluit & Rex pariter, ut

dictus Bedik primus esset superintendens omnium teloniorum, in memoratis partibus, resideretque in nobilissimâ illa totius Orientis civitate Aleppo: ubi & ei ducere uxorem licebat, more suo Christiano, & ex quacunque familia Christiana.

Muneribus ergò his, officiisque initis Bedik uxorem duxerat de principali & celeberrimâ Armenorum familiâ Sciamamenz dictæ Civitatis Chilis in Armeniâ Minori propè Syriam, ab Aleppo circiter germanis milliaribus decem distantis. Quæ aliundè Civitas minoris Armeniæ Syriæque Elysia est, tum climatis benignitate, tum generoso jucundoque incolarum genio, cæterorumque animantium, comprimis equorum: inde non immeritò *Chilis pari lis; id est: Civitas Chilis bona lux est*: adagium ortum Armenis; quod laude sua præ cæteris civitas isthæc polleat, splendeatque. Unde & Turcarum Aula Sultanam, seu Magni Turcæ Matrem, quam *Valida* vocare solent, hoc voluere honorare Dominio; quælibet enim cujuslibet Turcarum Tyranni Mater Chilis dominio gaudebit: pluribusque hæc Civitas, præ alijs Turcarum Civitatibus Chunkaro immediatè subjectis, fruitur privilegijs. Quâ & nobilissimâ Antiquissimâque Civitate Armeni Syriique referunt, fuisse Oriundum Sanctissimum illum Veritatis Doctorem Chrisostomum.

Hac ergo in Civitate Bedik solemnes celebrârat nuptias sub auspicijs Amurathis Neodomini sui, in domo quidem paterna sponsæ suæ; donec curasset construi superbum sibi palacium in Civitate Aleppo: quod quidem & hodie (proh dolor in manibus infidelium) exstat, & non sine magnâ admiratione Orientalium & Europæorum de ineffabili structurâ & vastitate visitur. Cætera inter visû notatûque digna, dignum & permagnificum illo in palatio est conclave quoddam splendidissimum, constans parietibus ex marmore tenerrimo constructis, & marmoribus quidem ad modum laterum confectis, non equidem calce, sed plumbo conglutinis, plumbique extremitatibus marmora intermediantibus pulcherrimè deauratis. Extruxerat porrò conclave hoc pro nuptiali solennitate primogeniti sui, qui Pater Auctoris erat, dictus ex baptismo Amurathes, quod ei nomen
Bedik

Bedik Genitor esse voluit, quasi in honorem Domini sui Amurathis, cujus sub Dominio filius natus esset.

Pariter Amurathes filius suo cum tempore uxorem duxit in præfatâ Chilis, sicut Genitor suus, ubi ut plurimum & antea habitare solitus erat, & post internecionem patris sui, in bonis maternis, quæ intacta reliquerant ei barbari, utpote materna, cum paternis omninò eundem privassent, & sub fiscum traxissent omnia Genitoris sui eundemque injustissimâ plorandaque cæde interfecerint. De quo quidem casu crudeli annuat amicus Lector, ut quædam breviter recenscam.

Parenti mortuo Amurathe Magno Turcarum Chunkar, Tyrannide successit filius, Hibrabim, utinam non noscendus. Hic etenim hebes cœteroquin ingenio, animoque effaminatus, persuasione capiebatnr à perfidis quibusdam suæ Aulæ Magnatibus adversum Bedik, quod is, ut susurriones invidi referebant, infidelis esset, occultas adhuc intelligentias ducens cum Persis suis, perque mare cum Christianis Europæ, nec non tales hodie sibi congregasse thesauros, quibus jura Cunkar debilitentur, ipsum verò præpotenti etiam Regi opibus minimè cedere: Unde fors occasionem nancisci potuerit, machinandi adversum aulam inducendique rebellionem complurium sibi adhærentium, cum damno dominij gravissimo illarum partium, quibus is officio præffet. Non esse proinde justum (asserebant) quod hoc prægrande tantique momenti officij genus cum tanto metu advenæ concedatur & infideli, nempe Christiano; neque omninò tolerandus sit tanto in apice dignitatis, ut hucusque, ob nimiam præpotentis Sympathiæ Amurathis in eundem, non absque evidenti rerum periculo contigerat. Similia calumniarum machinamenta, argumentaque maledicarum detractio, uti alias solet, solebat & hic æmula, pessimaque Zelotypiæ Sectatrix invidia excogitare, ut Barbarum Tyrannum adversum Bedik fidelissimum atque innocentissimum commoverent. Persuaserant imo maligni, ut mitteretur vir ex Aula prudentior (nempe verus) qui rigorosissimè exacta ab eodem subito tempore urgeret plurium annorum villicationis ratiocinia: dein verò his sibi præsti-

præstitis injungeret illi, ut ad voluntatem Cunkar de Religionis mutatione non hæsitaret, sed quantociùs Machometi fidem susciperet, aut morti subjaceret. Scimus enim (perversi inquietabant Ministri Ibrahimo) fore ut is mori elegerit, quam iniquitatem perfidiæ Christianæ deseriverit. Pertinacissimum etenim eundem scimus: aiebant. Nempe inde ansam capiebant lupi agnùm e medio tollendi.

Erat ad hoc nefas officium peragendum destinatus quidam Bascia nomine Chelil. Is cum devenisset in Aleppo, dixerat, feceratque cum Bedik, quæ sibi rigorosissimè essent commissæ. Sed constantem invenit in fide virum. Quem proinde juxta Tyranni jussu carcere reclusit in arce Aleppi munitissimâ. Detentum ita non rarò adhortabatur ad fidei mutationem, ne se suaque bona perperam perditioni daret. Is verò ridens verba Barbari inquiebat: voluisse se Turcis servire, & ad tempus ferviisse, ex pacto & fide verbi Regij, ut Religionis maneret suæ: neque deficiente Regis fide & verbo, deficere se velle à Christi fide, pro cujus obsequio non solum omnia bona, sed & vitam suam, mille imò, si haberet, expositurum. Faciat proinde, quod Chunkaro placuerit, quodque jam optime præviderit; vel morte sua mundo omni testatum relicturum de detestabili Turcarum benevolentia, & sædifraga fide.

Igitur elapso mense Chelil Bascia decapitari jussit Bedik innocentem super mœnijs arcis memoratæ, non absque maximo Civitatis universæ dolore, totiusque Christianitatis Orientis, cujus unicus zelosissimus Tutor atque defensor erat: Sed & mors Commissarium Chelil multo dolore affecerat. Cùm enim ei caput abscissum delatum esset, amaris ille lachrymis diffuebat, inquires, uti traditur: Hoccine caput illud est, in quo residebat singularissima prudentia, omnisque specimen generositatis? Hoccine caput illud, quod corpus formosissimum elegantissimumque ingenuâ qualitate regebat? Amaro autem cors de executurus Tyranni sui mandatum, deportari quantocyù fecit per cursores Constantinopolim: Ipse verò interim sese detinuit in confiscatione bonorum emortui, quâ cùm insumpisset

menses

menes quatuor, cum thesauris permaximis abcessit ad Domini sui Portam. Sic igitur Martyrij coronâ condecoratus Iest Christi generosus miles Bedik, postquam in Christiana pietate annis sexaginta vixisset.

Plura Christicolæ hujus Viri laudis argumenta desumenda sunt ex plurimis pijssimisque operibus ejus, quæ & hodie in minori Armenia, Mesopotamia, Syriaque celebrantur, compri- mis in Civitate Aleppo: Ubi per singularem gratiam sub Amu- rathe obtentam quatuor sumptuosas construi fecit Ecclesias, in uno eodemque ambitu & atrio: duas pro Armenis suis, unam pro Græcis, quartamque pro Maronitis, qui orthodoxam se- quuntur Romanam fidem. Ulteriora verò Viri tanti enarrare facinora onerosum esset calamo ad finem operis vergenti.

Porro majorem barbariem & persecutionem Hibrahimi Tyranni timens filius præfati Bedik Amurathes, relicta uxore & matre in Civitate Chilis, confugit ad Persas, quorum Rex, qui tunc erat Sciah Sephi, Avus moderni, benevolè exceperat eundem; ubi penes Aulam Regis in domo Patruij sui Abedik supradicti, jam etiam defuncti, commoratus est, donec sua com- poluisset negotia cum infidelissima Turcarum gente, rursusque concessum sibi esset vivere, fruique liberè & securè bonis mater- nis, suæque in fide persistere, quod tandem obtinuit à Magno Tyranno ad intercessionem genitricis suæ defuncti Amurathis uxoris. Quâ quidem spe ex Perside reversus est in Chilis, ubi cum suis bona rursùm materna possedit, aliàs jam per patrem locupletata, inibique Christianâ pietate transegit dies suos, for- titus duodecim proles, è quibus ultimus erat Author Operis hujus, velut Benjamin: qui & mortuo bonæ ætatis Parente, cæ- terisque prolibus omnibus, solus ac individuus in Familia Bedik superstes remansit sub tutela Matris: de quo proinde, relictis pluribus, quæ de insigni Bedik Familia dicenda forent, singu- laris Lectori in sequentibus fiet notitia.

Certum equidem est, delicta parentum subindè puniri in- filijs, & e converso intuitu meritorum Parentum non rarò hos gratijs à Deo donari. Id ipsum Author in se evenisse arbitra-
tur,

tur, quippè quem Deus Omnipotens non solum mirabiliter in sua pueritia Turcarum Tyrannidi eripuit, sed etiam ad felicius gremium benignissimæ Matris Sanctæ Ecclesiæ Catholicæ deduxit.

Igitur cum tredecim esset annorum juvenculus in pientissima Genitricis suæ tutela educatus, perfidorum non cessante invidiâ, expeditum est barbaricum quoddam decretum à porta præsentis Turcarum Tyranni, quo ad instantiam malignantium quorundam renegatorum, qui etiam sanguine cum Authoris Matre juncti erant, quorumque hodie adhuc extant in servitio Tyranni diversis locis Imperijs sui, præcipiebatur Præsidi Civitatis Chilis, ut quantocius mitteret Nepotem Bedik rebellis & infidelis (coram Deo fidelissimi & innocentissimi) occisi ad portam Othomanicam pro magni servitio Tyranni. Erat enim hoc inventum pessimorum, quo invidi Barbari moliebantur Christianam ex Bedik familia omnino eradicare fidem & prolem. Interim expeditionem hujuscemodi nefandi decreti futuram felix præsciverat Mater ex Christianorum quorundam Constantino- poli degentium relatione. Hinc mulier prudentissima natum dilectum quantotius fugere curavit Hierosolymam cum comitatu Virorum quorundam fide dignorum, ut ita veniente decreto Tyranni filius dilectus domi non inveniretur. Cumque post dies aliquot decretum Præses Civitatis indicasset Matri, multo zelo atque favore congaudens ei, eidemque felicissimum depingens nuntium, quod ad portam Domini sui, illiusque servitium dilectus filius avocaretur, quod utique & ipsi filio, & Matri, totique hætenus desolatæ familiæ Bedik in consolationem & gloriam cessurum sit: sagax & prudentissima Mater respondit; Dignaretur quantotius cum patientia & gratia expectare Præses, ut filius suus, quem Aula tanta servitorem exigeret, Hierosolymâ rediret, cui quidem humanæ, discretæque excusationi non poterat non condescendere decreti tyrannici executor.

Interim pientissima prudentissimaque Mater nullo non cogitatu deliberaverat, quâ ratione filium è manibus inimicorum, & infidorum faucibus jam jam præparatis ad escam vindi-

vindicaret: quâ etiam ratione multa clam cum amicis fidelibus suis, & consanguineis consilia iniit; nesciens competentem, & securum liberationis modum. Donec tandem misere Deo, Sacerdos quidam Græcus, (qui certè Catholici fidelissimique Christiani hoc in eventu munus obiit,) consulisset matri non esse hoc arcto in tempore cogitandum de mittendo in Persidem juvenem, quod hæc multum distet: neque de alio medio consultandum, præterquam quod (si verè salutem animæ filij sui desideraret) eundem tradat, commendetque curæ Patrum Franchorum, scilicet Europæorum, qui sunt in Civitate Aleppo, nec non illorum Consuli: quorum maturâ operâ, & fideliori consilio, is facillè mitti possit per mare in ipsorum Patriam, ubi omnes sunt Christiani; unde & eundem, transactâ persecutione, aliunde adinterim temporis ætate maturandum, possit revocare. Persuaserat Sacerdos optimus Matrem de filij salute zelosissimam: quamvis hoc non sine magna animi amaritudine, qua ut plurimum tenerimi matrum affectus torquentur in filiorum dimissione, commiserit dilectum natum, unicunque familiæ superstitem manibus aliorum, & quidem in partes remotissimas remittendum. Clâm ergo per Mercatores quosdam Civitatis Chilis, degentes tunc in Aleppo occasionem cœperat salvationis filij sui, cum quodam Gallorum Consule, dicto Domino Francisco Piquet, qui tunc temporis in præfata Civitate omni cum laude Nationis suæ, universorumque Catholicorum curam gerebat in temporalibus, & spiritualibus: cujus equidem præclaras actiones, Christianasque virtutes, non solum Oriens celebrat, sed & maxime Sancta Sedes Apostolica agnoscit; utpotè cujus adhuc in sæculo degentis operâ solertiâque permultum utebatur, sicut & modo intendit illo uti, circa altiora pro animarum salute in Statu Ecclesiastico, in quo de præsentī religiosissimè vitam agit Episcopi Babylonensis de Sanctæ Sedis gratia titulum sortitus. Atque per hunc quidem virum optimum patratum est opus tantum, promotæque salus animæ Auctoris operis hujus, quæ aliundè non inaniter periclitabatur. Postquam enim Consul pientissimus mensis unius

decurſu ſervaffet juvenem in domo ſua, cum charitate, benevolentia, & cautela permaxima, voluit dimittere eundem in Galliam. Melius autem eundem perſuaſerat Epiſcopus quidam Jeropolitanus Ordinis Carmelitarum Diſcalceatorum, natione Italus, tunc in Aleppo degens, & ex hinc verſus Indos tendens; quod non ad Galliam mittendus eſſet juvenis, ſed felicius Romam, ubi in quodam Collegio ſtudere valeat, Catholicæque veritatis & doctrinæ fundamenta capeſſere.

Agebatur feliciter, quod diſpoſitum erat. Cùm interim inceſſabilis diligentia, & exploratio fieret à Præſide Chilis, & Baſcia Aleppi de juvene, ubinam eſſet, moleſtando non raro Matrem, atque Amicos. Aſt Genitrix tantùm prudens, quantum generoſa, illud Præſidi replicabat, non intantum pertinere ad ipſum, neque urgere eundem, ut filium à ſe quæreretur, quantum urgeret ſe ipſam ejusdem inventio, cui tam ardua eſſet, & perdifficilis dilecti perditio: quin potius quærere ſe magis poſſe ab ipſo inquirente, quonam devenerit. Cùm enim tenellus eſſet juvenis, inaudierit forſan ſuper aulae decreto, timidusque ſervitium perarduum, & gratiam domini tui inſecuram quacunque obviâ fugâ præterierit, præcipitans ſe, aut cuicumque alteri periculo deſperabundè committens. Similibus argumentis occaſioni peraptis, prudentiſſima, generoſiſſimæque Mater detorſit audaciam, & perſequentis compreſſit furorem Tyranni. Donec tandem Baſcia Aleppi expiſcatus eſſet Franchos, ſeu Europæos juvenem ad Patriam ſuam ſuffuratos eſſe: unde Barbari anſam cœperant, haud exiguas inferendi perſecutiones quibuſdam Religioſis Miſſionarijs: quas tamen ſedare, & totaliter extingui, nonnihil curaverat præſatus Dominus Conſul, inſumendo haud exiguam pecuniarum quantitatem, quibus perfacile obcæcatur avidus, vilisque Turcarum animus, in cauſis etiam aliunde juſtiſſimis.

Dante igitur Deo juvenis Bedik ſalvus anima & incolumis animo ſanusque corpore devenerat Romam, & ex Manugh, quod priſtinum ejus erat nomen ſignificans innocentem, vocatus eſt nomine Principis Apoſtolorum Petrus, ibidemque juxta
relatio-

relationem præfati Consulis benignè susceptus erat à Sacra Congregatione de propaganda-fide atque ad Collegium Urbani VIII. Pontificis Maximi depositus. Ubi imprimis habuit sibi Magistrum spiritualem, & in lingua directorem R. P. quendam Carmelitam discalceatum nomine Cœlestinum, qui per plures Annos zelosissimè in diversis partibus Orientis precipuè in Aleppo nonnullo munere perfunctus missionis est. Pro Instructore autem in Latina & Italica litteraturis Magistrum habuit sibi quendam nomine Joannem Baptistam Sacheti Presbyterum, qui juxta recommendationem superiorum multa solertia, & charitate per tres annos in præfatis duobus idiomatibus eundem erudit taliter quidem, ut publico tandem examine juvenis declaratus fuerit ab Eminentissimo D. Cardinali Francisco Barberino, aptus ad Philosophiæ scientiam. Quam pariter audivit, sub cura eximij ejusdam Presbyteri Joannis Brennani natione Hyberni, Viri sanguine, doctrina, fama que perspicui, hodie Archiepiscopi dignissimi in Patria sua, cum vero philosophiæ per triennium absolvisset Cursum, non sine singulari satisfactione, & laude Congregationis Sanctæ Theses defendit publico prælo atque opugnationi expositas: gerente tunc Romæ Secretarium ejusdem Sacræ Congregationis de propaganda illustrissimo Domino Mario Albitio hodie Eminentissimo. Rectoratum vero Collegij administrante Perillustri, Admodum Reverendo Domino Andrea Bonuicini Pistoriensi, & Protonotario Apostolico, qui & hodie feliciter eodem Romæ fungitur officio, spe ulterioris Sanctæ Sedis gratiæ, quæ sibi præclara merita multo cum sænore pollicentur. Theses porro dicârat Eminentissimis sex Cardinalibus Congregationis Sacræ; nimirum Cardinali Eminentissimo D. Flavio Chigio, qui tunc Cardinalis Padronus erat. Cardinali Julio Rospiliosio, qui fuit postea Clemens IX. Cardinali Cæsari Fachinetti, Cardinali Francisco Albitio. Cardinali Federico Zforza. Nicolao Cardinali Lodovisio.

Nullas non tunc obtinuit gratulatorias artis Athleta, quibus ei Eminentissimi præfati Domini plurimum favebant; adeo, ut Dominus Eminentissimus Julius Cardinalis Rospiliosus pro tem-

porum successu suam ei purpuram ex optârît. Quem aliunde Eminentissimus idem Dominus benignissimè humanissimeque semper prosequabatur. Neque minori tutelâ & patrocinio huic Eminentissimus Dominus Cardinalis Franciscus Barberimus afficiebatur, suis præcipuè in infirmitatibus, ob nimium studium contractis, multoque zelo & charitate satagebat, ut is protinus ab illis curaretur, & nonnullâ distractione à studiorum onere subinde alleviaretur. Quam sanè paternam propensionem justissimâ ratione omni mundo contestaturus Author Bedik, uti filius ab insignibus Patris gloriaturus, in corde ac meditullio insignium suorum, quorum effigiem Lectori in Idæa palacij à Principio hujus opusculi sui positâ appressit, fecit effigiari apem mellis suam, unde glorientur florentissima insignia Illustrissimæ Domûs Barbarinæ, cui se omni titulo adstrictissimum novit, nedum ut tenerimè educatus In Collegio Urbani VIII. Pontificis Maximi, sed & quod ab ejusdem Eminentissimo pientissimoque Nepote plurimis munificentia, ac beneficentia modis sit omninò devinctus.

Elapso porrò Artium Philosophicarum cursû Sacræ Theologiæ incubuit, sub curâ ejusdem præfati Domini Brennani: Dogmaticam verò, seu Controversialem eruditus à Reverendo quodam Domino Oliviero pariter Hiberno, hodieque Episcopo. Demumque moralem Theologiam, excepit sub curâ eximij cujusdam Patris S. Ordinis Minimorum D. Francisci de Paulâ, nunc item Episcopo.

Dæmon verò omnis boni impatiens, prævidensque futurum fors notabile bonum in hoc Sanctæ Sedis Alumno multicoloribus tentationum versutijs teneram invertere conatus est pusilli mentem, quod sat superque jam studuisset, appropinquasseque tandem tempus, quo felicius Orientem accederet, ubi & optima plura, quam Romæ existens, patrare valeret. Præscribebat autem hæc bona ipsi, tanquam (ut Italia benedicunt *Castelli in Aria*) patratû facillima & felicissima. Non autem cogitationis hæ, licet de fine peroptimo, idoneæ adhuc erant ætati teneræ & inexpertæ juventuti hominis, quidem illius, cui potentissimæ aliunde in Oriente per-

persecutiones manerent, maxime in Turcarum Imperio, quas nuper vix mirè per DEI misericordiam ineffabilem evalisset. Sed verò usque adeo cogitationes hujusmodi cor ejus occuparant, ut is per fas nefasque licentiam urgeret à Sacrà Congregatione, quantociùs Româ in Orientem abeundi. Quæ tandem licentia non sine singulari ejusdem S. Congregationis displicentiâ, modo tamen permissivo ei concessa est. Qui porrò relictis honoribus, & commoditatibus Romæ habitis, unâ cum illo Archiepiscopo Matthæo, qui litteras Clementis Noni ad Regem Persarum deferabat, de quo & alibi facta mentio, iter suscepit in Persidem, non sine maximis continuisque Turcarum sibi insidentium periculis casu quo eundem dignoscerent. Quapropter qualem p. m. Archiepiscopus curam cautelamque de eo per omne iter habuerit, donec in Persidem devenirent, penset Lector, cum cæteroquin hic recensere onerosum foret.

Ast, prout verissimum dixit Sanctus ille Ecclesiæ Doctor Augustinus, suo exemplo Magister, quod *Deus ex malis noverit bona facere*: sic & in casu hujus Bedik manifestatum esse videtur. Quem admodum enim misericordissimus DEVS mirificè eum primitiùs è diversis instantibus periculis liberarat, vocans eundem ad gremium Ecclesiæ suæ Sacrosanctæ, forsân intuitu bonorum operum antecessorum suorum; sic pariter dein idem omnipotens & misericors, intuitû utique benedictionum Sanctæ Ecclesiæ suæ, præmaturam insufficientis hominis intencionem, præcoremque juvenutis zelum feliciter direxit, liberans eum non solum à diversissimis Turcarum periculis, sed & alijs Persarum Armenorumque odijs, uti constare potuit prudenti Lectori ex nonnullis occasionaliter, hic brevissimè dictis in alijs Articulis. Sed nedum is favente gratiâ DEI, atque intercedente Sacra Christi Ecclesiâ Orthodoxâ plurimas hostium superavit insidias in columnis semper ab inimicis in Domino Triumphator: verum etiam plurima magni momenti negotia in ejusdem DEI liberalis, & misericordis gloriam, Ecclesiæ Sanctæ honorem, & Christianitatis in Oriente emolumentum feliciter deduxit: ut de eo illud dici possit, quod olim æterna Sapientia, immortalisque optimus Medicus Christus Redemptor

demptor omnium, suo quondam persecutori, tunc verò defensori, licet in infirmo dixerat. *Virtus in infirmitate perficitur: sufficit enim gratia mea* Tibi (a) Unde Divinæ hujus veritatis stimulum expertus in se, idem Christi Apostolus, gratificaturus Deo suo edixerat. *Non volentis, neq; currentis, sed solius, Dei est miserentis.* (b)

Jam oerò & curiosioribus lectoris benevoli quæsitis est respondendum. Inquiret is forsan. Supposito hoc statu suo, & conditione peroptimâ Bedik iste, cur non mansisset in Aulâ Romanâ, cui ab educatione & teneris disciplinis notus esset, aut cur esse noluerit in Aulâ Persarum, ubi pariter cum progenie sua notæ melioris erat, superatisque difficultatibus & persecutionibus, in bonis transigere dies potuisset suos, sortiturus insuper honores singularissimos sub auspicijs potentissimi Persarum Monarchæ Solimani, qui cæteroquin cum aulâ suâ propensissimus eidem esset. & voluerit in hac Cæsarea permanere Aula, quæ aliunde ipsi ignota, & ipse illi esset? Is verò amice, amico Lectori, quantum est ex parte suâ, dicet, quod in veritate sensit. Hanc nempe voluntariam resolutionem suam non ortam, esse ex motivo quodam specialis obligationis, vel majoris curiositatis, & delectationis, utilitatisque forsan aut commodi temporalis, uti forsan quærendi persuadet ignota Authoris in hac Aulâ permissio. Hæc enim motiva esse non poterant ad tanta tamque gravia itinera, & pericula subeunda, cum aliunde in remotissimo quodam vastissimi Orbis angulo is condecenter & quiete periodum perbreve dierum mortalitatis suæ persolvere potuisset. Sed ex Sancta, pia, sympathicâque id factum esse devotione, noveris amicus Lector, quâ sic inspirante. Divino omnipotentissimoque Numine Author in Oriente adhuc existens jugiter anhelarat Augustissimis sese Romanorum Imperatori etiam liminibus quandoque consecrare, deferens vires, & vota sua. Tum quod id ipsum non præjudicaret suæ in sanctam Sedem Romanam obligationi, quin imo hæc ipsæ sit promovenda: quippe quod à præfata sanctissima pientissimaque Austriadum domo laudatissima tot facinora & admiranda in Ecclesiam

Dei

Dei obsequia; totiusque Orthodoxi Orbis defensionem patrata (ut ita dixerim) miracula tantam Authoris menti concilia rint devotionem, ut is pro ingenuitate talis devotionis suæ exoptarit suis obsequijs devinctum esse Augustissimæ huic Aulæ, quæ nonnisi amænissimus locus Echonis est, unde omnis Romanorum Pontificum voluntas ex intimis penetralibus Cordis Austriaci ad litteram etiam, ac jota unum sinceriori semper modo, prouti orbis etiam universus hætenus audiit, resonare nec cessavit, nec cessat, aut cessabit. Ut proinde Author intendens servire Deo & Ecclesiæ ejus sanctæ, sub animi sui conclavi optimo utique secum consilio concluderit, non servire infideli Persarum Aulæ, aut alijs quam in libertate positus frequentârat, tametsi ad Christianorum afflictorum servicia, sed Augustissimo Romanorum Imperatori: cui etenim inserviens ritè, Deo utique, ejusque inservire arbitrabatur Ecclesiæ; ut subindè tale ejus servire, regnare potius dicatur, juxta illud, *servire Deo regnare est.*

Si autem desiderârit ultra Lector, quo motivo opusculum hoc Author compilârit de rebus Orientis & præcipuè Persidis, quæ aliundè jam sat, superque descripta esse videntur, is responderit: noluisse se perperam somno, & otio tempusterere, sed ea quæ ab alijs tacta sunt, enucleatiùs dillucidare, aut si quæ forsân in tacta ponere: qui proinde & suam à Lectore fidem præstolatur, quod rerum Orientalium, utpotè illius Orbis domesticus, exactiorem habere potuerit notitiam, & efficaciùs assumpserit testimonium scribentis, oculatam & personalem sui ipsius experientiam. Cœterùm considerârat Author, duobus modis hominem posse suos extendere honores, fortunâ Comite, per litteras nempè vel per arma. Armis autem hic & nunc, inquit, honorabile dignumque obsequium devotionis suæ non potuisse se exhibere Clementissimo Domino suo Augustissimo Imperatori ex eo forsân quod curui Persarum Acinaces nihil honoris præbere possint in Schola Martis cum exteato Europæorum gladio, quo jam olim usque nunc plurimi recti corde, & generosissimi Germaniæ Scipiones, uti dignum & justum est pro defensione Majestatis suæ, inclytique totius Imperij ejusdem, sub potenti

tenti manu illius, qui continet *omnium Jura regnorum* floridissimum ejus Armorum condecorant campum. Ut proinde Author sua saltem obsequia modica hac litteratura Augustissimis liminibus prosternat, ratus scientiæ & doctrinæ unionem in amissibilem esse thesaurum, qui dum omnibus etiam quibuscunque ex obsequiis communicatur, integer ultro possideuti manet, quod non præstat Armorum Virtus, quæ longiori utcunque decertatione debilitatur. De qua proinde Virtutis litterariæ, artis aut doctrinæ perseverantia illud poeta cecinit.


*Sola comes (ars seu Virtus) nos fræ præstitit illa fugæ,
Sola nec insidias inter, nec militis ense,
Nec mare, nec ventos, barbariemque timet.*

Hoc ergo litterariæ suæ virtutis specimen Orbi relinquere voluit Author, atque uno hoc opere triginta trium Articulorum omnem ætatem suam, & vitæ diem hætenus transactum. Augustissimæ subscribere Majestati, undè tantum hæc præsumere possit de Authore quo ad futura, quantum de præsentī obtinuit quo ad præterita. Prout & Author idem suam in sacratissimum Augustissimum Clementissimumque Dominum obsequiosam humilitatem fusiùs expressit in data ad eandem Gloriosissimam Majestatem præfatione, Latina, Persica, Arabica, Turcicaque, sicut in præfatione ad Lectorem benevolum. Undè cuique non constiterit esse laborem perperam ab Auctore transactum, tametsi de iisdem rebus plura sint aliorum Authorum commenta.

Suscipiat ergo quisquis legerit tenue hoc opusculum, néque æstimet Domitiani de muscis laborem, aut Hartabi Hircanij de Talpis, aut Eropi Macedonij de Laternis, aut Biæ Lidij de Ranis. Magis enim seria moliebatur Author, dum tempus suum terere vellet. Quo & laboris sui decursu, non viderit eum utcunque Lector, Ptolomæi more Artificum tabernas obambulare, aut cum Valentiniano inutilibus tantum picturis, aut cælaturis incumbere. Inde & tempus mansionis suæ ad limina Aulæ hujus
sacra-

sacratissimæ in Monasterio Patrum Prædicatorum fructuosè traducere voluit,opusculumque hoc modesto labore conficere atque ita confectum omni mundo in Lucem dare : juxta illud. *Sic luceat Lux vestra coram hominibus ut videant opera vestra bona, & glorificent Patrem Vestrum, qui in celis est.*

Exantlatum denique laborem suum Author Lectori adjecto schemate pro coronide operis proponit.



Hoc & Chronologicum elogium de operis Authore exhibitum vellint Lectori, ij, qui, ejusdem in eodem, serium animum, perutiles labores, meritaquè singularia, singulariter perpendere opere.

qVæ aMate LeCtor eXqVisIta VIDes,
 PETRVs BEDIk sangVine CLarVs, faMâqVe notVs ponIt.
 Insigne Is opVs CVM DEO eXpLeVerat,
 CVM Die VIGIL sVrreXerat
 IntenDerat Is orbi Christlano pLVrIma obseqVla eX-
 hIlbere

qVa De ratIone, qVos CaVtè IaM sVstInVerat Labores,
 eCCLesIæ Christo saCratæ LVbens, aC pronVs anIMo
 eXantLaVerat

LaboraVItqVe honoreM eXtenDere faCtIs sVIs.

MarI, terraqVe perICVLa passVs, haVD terrItVs
 pLVra In DeVM obseqVla eXCogItat,
 fIDes, atqVe VItVs reMos feLICES agVnt, agentqVe;
 DeVs aVXILIo eVM ConfortabIt.
 fatVVs Ipse DoMItIaInI InseCVtor fIerI noLVIt.
 MVsCas potIVs Vt abIgeret, LaboraVerat InDefefsVs.

operaM Vnâ oLeo perDere, totIs VirlbVs reCVsaVerat;
 seD genVInIs aplbVs assIMILari CVpIVIt.

ConabatVr Verôs fLores stVDIorVM InqVirere
 aC MeL erVDItIonIs Veræ eXsVgere.

QVærIs: VnDe De DVLCIbVs gLorIetVr?

fLores, qVa orIentaLes, qVa oCCIdentaLes præCLa-
 ro Labore seLIgere LVbens stVDVerat.

DoneC eX hIs sVgeret MeL sVaVItatIs.

Vt LVCeret opVs eIVs bonVM DIIs,

hOMInIbVsqVè eX LVGe arrIDeret,

horIs aLIàs qVletI eXponI soLIItIs, Ipse Vtens LaM-
 paDe,

noCtes Ita VertIt InDIes, eXIMIIs LaborIbVs.

hIs trIGInta trIbVs artICVLIs oMnIa eXpeDIens,

ætatisqVe svæ speCIMen LegentIbVs, DatVrVs,

Ista VIVæ statVIt eXperIentIæ InsignIa.

De eXantLatIs LaborIbVs optIMIs InsignIter gLorIatVr.

DVM papaLI CæsareaqVè gratIâ perfrVItVs fVerat,

DVpLICI Coronæ eXCeLsæ soLers, Constanter De-
 vInCtVs,

Magnâ hInC DIgEntIa, atqVe VItVte fInIIt opVs:

Deo sVo gLorIaM, tIbI Verò, VaLe, Lætanter eXoptans.

F I N I S.



INDEX GENERALIS

Articulorum, & eorum quæ in his continentur.

ARTICULUS I.

Cehil Sutun, seu explicatio magni Palatij à Cyro olim Persarum Rege ex quadraginta Columnis erecti. fol. 1.

ARTICULUS II.

Cehil Sutun, seu explicatio magni Palatij, atque Theatri ad prioris Idæam erecti à quodam modernorum Persarum Rege Sciah Habas Primo. fol. 12.

ARTICULUS III.

De superbissimo antiquorum Persarum statu, & felici tempore, quo fides Christi inter eos floruit, nec non miserrimâ eorum conditione de præsentî. fol. 21.

ARTICULUS IV.

De Fide, Lingua, & nonnullis antiquorum Persarum ridiculosis superstitionibus. fol. 37.

ARTICULUS V.

De Modernorum Origine & progressu Persarum; nec non de primo eorundem Rege. fol. 49.

ARTICULUS VI.

De fide, Præceptis, modoque orandi, & Jejunandi Persarum modernorum. fol. 59.

ARTICULUS VII.

De Gentis Persicæ, in his, quæ fidei sunt, subdivisione in diversas sectas, & de quibusdam circa has notatu singulariter dignis, fol. 72.

ARTICULUS VIII.

De modernorum Persarum festivitatis, peregrinationibus, ritibusque ac ceremonijs circa mortuorum Hali filiorum sepulturam. fol. 84.

ARTICULUS IX.

De Mæchatore Machometo, ejusdemque Pseudo-Propphetiæ, ortu, & propagatione. fol. 104.

ARTICULUS X.

De fabuloso & mendacissimo libro Curan, cæterisque compluribus delirijs Machometi, & suorum sequatium. fol. 122.

ARTICULUS XI.

De Indicibili odio, atque antipathia Persarum cum Turcis, & è converso horum cum illis, nec non de quibusdam circa Machometicas superstitiones controversijs, inter eos agitari solitis. fol. 198.

ARTICULUS XII.

De opinione quam Persæ alijque Machometani habent de Christo salvatore nostro, deque sanctissima ejus Genitrice Maria: ubi & argumentis eorum malè sana doctrina desumpsit rationabiliter adversum eos de Christi Domini divinitate arguitur. fol. 158.

ARTICULUS XIII.

Ex eorum pariter assertis probatur adversum eos Sanctissimæ Triadis mysterium, & nostra sanâ doctrina illustratur. fol. 162.

ARTICULUS XIV.

De Regibus modernorum Persarum, deque eorum dominio, specialiter de Regibus Habas Primo, & successore ejus sephi. fol. 18.

ARTI-

ARTICULUS XV.

De Rege Habas secundo, & Successore filio suo Solimano Rege moderno. fol. 199.

ARTICULUS XVI.

De Aulâ internâ, quæ est mulierum Regis Persarum, nec non de eorum Generali Zelotypia circa mulieres à virorum consortio abdicandas. fol. 225.

ARTICULUS XVII.

De Regum Persarum Thesauro, eorumque divitijs, luxu, pompa & Majestate. fol. 240.

ARTICULUS XVIII.

De Satrapis Principibus, atque Inclytis Persarum, Parthorum, & Medorum, nec non de eorum officijs, modoque exercendi illa. fol. 248.

ARTICULUS XIX.

De raritate & pretiositate equorum, qui solent esse in Regis Stabulis, cæteraque Perside universim. fol. 258.

ARTICULUS XX.

De Militia, & exercitibus Regis totiusque Regni Persarum, illorumque qualitate ac quantitate, nec non de modo, quo in armis exerceri solent. fol. 263.

ARTICULUS XXI.

De recreationibus, & delitijs, quibus Reges Persarum fruuntur cum Proceribus suis. fol. 271.

ARTICULUS XXII.

De alijs Persarum ludis & recreationibus. fol. 280.

ARTICULUS XXIII.

De Convivijs Persarum. fol. 285.

AR-

ARTICULUS XXIV.

De Cibis Persarum, modoque condiendi eos, sicut & de Solennitatibus convivalibus in Cibis & mensa Regia. fol. 297.

ARTICULUS XXV.

De Famosis Persidis Civitatibus, præcipuè de Isfahan, nec non superbissimis ejus ædificijs, hortisque delitiosis. fol. 304.

ARTICULUS XXVI.

De Terræ & Persidis Regionum modernarum natura, nec non de itinerandi modo quo quis ex Europa facilius in Persidem devenire possit. fol. 317.

ARTICULUS XXVII.

De Regnis, & Populis Persidem circumjacentibus, & quibusdam circa hos Scitu dignis. fol. 328.

ARTICULUS XXVIII.

De Armenia & Incolarum ejus ritu, ac Patriarchis Præsidentibus. fol. 345.

ARTICULUS XXIX.

De Provinciâ Catholicâ Naxivan, quæ est in Armenia majori, sub cura Spirituali Reverendorum Patrum Ordinis S. Dominici, nec non de domibus & Conventibus aliarum Sacrarum Religionum sub ditione Persarum. fol. 363.

ARTICULUS XXX.

De Opinione, quam Persæ habent de alijs nationibus, & ipsi de se; nec non de summo Pontifice Romano, illiusque Ecclesiastico Regimine. fol. 387.

ARTICULUS XXXI.

De Opinione & conceptu, quem habent Persæ de Romano-
mano-

manorum Imperatore, magnæque & antiquissima Ale-
mannorum gente. fol. 394.

ARTICULUS XXXII.

Quomodo & qualiter Persæ exterarum Nationum ex-
cipiant Legatos, nec non de Reverendissimo Patre Ma-
gistro Francisco Piscopo Ordinis Prædicatorum Neapo-
litano, Persarum Regis Solimani ad Sanctam Sedem Le-
gato. fol. 410.

ARTICULUS XXXIII. ET ULTIMUS.

De Operis Authore, Ortu, & Origine illius. fol. 456.

Ad Lectorem admonitio.

P Arcendum sibi à Lectore, Author desiderat, quod non-
nulli errores irreperint typo, confidit enim, de discre-
tione scientis, qui errorem vel calamo, vel oculo minùs
considerato adscribere poterit. Sunt tamen potiores, &
qui majoris esse momenti possent, in hac tabellâ expositi, de
quibus, si Lector in eos inciderit, indubius hic informationem
inveniet, juxta folij & lineæ citationem. Minores verò men-
das, vel non advertendas, vel cœteroquin sperat, benevolè ex-
cusandas: cum aliunde ingenium Authoris Orientale, magis
demiratum sit Typographi artem, quam arte errores quosque
obvios advetere, corrigerevè potuerit. Item si aliquo in loco ex
incuria contigerit Hali alitèr, quam Machometi nepotem ex
Fratre, & Generum respectu dicti Machometi Filiæ, ipsius Hali
uxoris, poterit discretus Lector (sic ab Authore nominatus) id
conjicere, quod typi & censuræ inadvertentiâ irrupit.

Folio 13. Linea 3. objecta lege abjecta. fol. 28. lin. 7. corde leg. cor-
da. fol. 33. lin. ult. sequitura lienam sequitur alienam. fol. 35. lin. pen.
fructus l. sanctus. fol. 44. lin. 18. resplendem l. resplendentem. Ibid. lin.
14. quærimini l. querimini. fol. 52. lin. 10. fibriæ l. fibræ. fol. 59. lin. 8.
Generi l. Genero. Ibid. ead. lin. pronepoti l. Nepoti. fol. 62. lin. 15. per-
deude l. perpende. fol. 66. lin. 9. proderunt l. proderit. fol. 77. lin. 7. bsii
l. sibi.

1. fibi. fol. 82. lin. 29. omniſſa l. omiſſa. fol. 86. lin. 2. contigere l. con-
 tigere. fol. 97. lin. 20. patrualem l. nepotem. fol. 108. lin. 17. craſſatur l.
 graſſatur. fol. 113. lin. 5. cunſulere l. conſulere. fol. 114. lin. 8. mortam l.
 mortem. fol. 115. lin. 4. Evangelix l. Evangelicæ. fol. 121. lin. 26. dono l.
 doni. fol. 123. lin. 19. ſignificat l. ſignificant. fol. 123. lin. . ſicus l. ficus.
 fol. 135. lin. ult. Dæmonum l. Dæmonijs. fol. 137. lin. 6. laboretur l. habe-
 retur. Ibid. lin. 11. inutilibus l. inutilibus. fol. 143. lin. 4. extranea l. ex-
 traneo. fol. 153. lin. 29. poſui l. potui. fol. 162. lin. 21. reſpiciſis l. reſpui-
 ſis. fol. 171. lin. 7. quia l. quia. Ibid. lin. 26. quem l. qui. fol. 173. con-
 ſentientis l. conſentientes. fol. 181. lin. 15. omniō l. omnino. fol. 190. lin.
 15. præſumſit l. præſumpſit. fol. 192. lin. 9. ſuperbiſſimum l. ſuperbiſſi-
 mus. fol. 202. lin. 17. Conſtantinopolis l. Conſtantinopoli. fol. 207. lin.
 24. nobis l. vobis. fol. 216. lin. 6. aptatiſſimoq; l. optatiſſimoq; fol. 219.
 lin. 5. omittere l. amittere. fol. 224. lin. 15. invincibilea l. invincibilem. fol.
 226. lin. 18. hibi l. fibi. fol. 227. lin. 3. liberte l. libertate. Ibid. lin. 9. ugo
 l. jugo. fol. 228. lin. 3. infaminæ l. infamiæ. fol. 233. lin. 16. habuare l.
 habuere. fol. 255. lin. 25. monte, matq; l. montem, atq; fol. 270. lin. 6.
 omniē l. omnes. fol. 274. lin. 19. pernicibus l. perdicibus. fol. 275. lin. 14.
 ſequuntur l. ſequitur. Ibid. lin. 17. ſolens l. ſolet. fol. 277. lin. 13. brevis
 l. breviter. fol. 279. lin. 16. laucarum l. leucarum. fol. 284. lin. 19. Equis
 l. Ecquis. fol. 295. lin. 9. ſapitia l. ſapientia. fol. 297. lin. 13. quantitem
 l. quantitatem. Ibid. lin. penul. Mamona recte eſt. fol. 298. lin. 3. il-
 lis l. illius. Ibid. lin. 20. pernicibus l. perdicibus. Ibi. lin. 32. ſuccu l. ſuc-
 co. Ibid. lin. 30. eum l. cum. Ibid. lin. 33. jam l. quam. fol. 304. ſagici-
 tatis l. ſagacitatis. fol. 312. lin. 19. teſtatum, l. teſtata. Ibid. lin. 21. refe-
 rens l. refert. fol. 318. lin. 33. hic l. his. fol. 322. lin. 20. temporati l. tem-
 perati. fol. 323. lin. 7. æquivalentiæ l. æquivalet. Ibid. lin. 10. cum dimi-
 dio adde groſſos. fol. 324. lin. 14. ſerpantur l. ſervantur. Ibid. lin. 33. no-
 bile l. nobilem. fol. 339. lin. 12. Turca l. Turcas. fol. 342. lin. 9. prodiag-
 liter l. prodigaliter. fol. 346. lin. 4. gratiæ l. gratia. fol. 348. lin. 17. ex-
 petitiorem l. expeditiorem. fol. 351. lin. 30. ſonent l. ſonant. fol. 352. lin.
 11. robure l. robore. Ibid. lin. 27. morte l. mottem. fol. 353. lin. 16. lui l.
 fui. fol. 358. lin. 20. majori l. majoris. fol. 360. lin. 1. graſſa l. craſſa. fol.
 365. lin. 32. exigere l. exigi. fol. 377. lin. 9. Æraxis l. Araxis. Ibid. lin.
 14. littus l. litus. fol. 378. lin. 5. ſoror l. ſorore. fol. 381. lin. 11. bombaci
 l. bombici. fol. 382. lin. 25. diſtantibus l. diſtantia. fol. 383. lin. 12. diſ-
 ſtans l. diſtans. Ibid. lin. 26. milliaria l. milliarium. fol. 385. lin. 6. hære-
 dici l. hæretici. Ibid. lin. 12. Monachis l. Monachi. & lin. ult. anioma l.
 axioma. fol. 389. lin. 30. obſervare l. obſervatione. fol. 393. lin. 12. ver-
 ſaſſus l. verſatus. Ibid. lin. 13. quercum l. quercus. & lin. pen. reliquid l.
 reliquit. fol. 400. lin. 7. poſthuria lege poſthumi. Ibid. lin. 18. æquanima-
 te l. æquanimitate. fol. 408. avitam cognitionum l. avitâ cognatione. Ibid.
 lin. 10. auxo l. auro. & lin. 11. Maraello l. Marcello. fol. 305. lin. 2. Bo-
 lonia leg. Colonia. Ibidem Paures leg. Taures.



152



